




Suff

CANCERI, F.

vol 2




}

DE SECRETARIIS  
VETERIS  
BASILICAE VATICANAЕ  
LIBER I.

ACCEDUNT DISQVISITIONES

I. *De Cellis Gregorianis.* II. *De Bibliotheca  
Basilicae Vaticanae.*

III. *De Circo Caii; et Neronis.* III. *De Templo Rotundo  
S. Petronillae-*



ROMAE ANNO CCCCCCLXXXVI

EX OFFICINA SALVIONIANA AD LYCEVM SAPIENTIAE



# DE SECRETARIIS VETERIS BASILICAE VATICANAЕ

*L/IBER I.*

---



---

## C A P V T I.

*Instituti operis ratio .*



Tque eō tandem devenimus , quō tota huc usque ducta disputatio spectabat; nimirum , ut de *Basilicae Vaticanae* antiquorum , ac recentiorum temporum *Secretariis* , quae iisdem usibus obnoxia , iiisque privilegiis , quae hactenus descriptsimus , ornata fuisse , comperiemus , dissererem , eorumque illustrationem susciperem . Itaque prius de iis dicam , quae a *Constantini* aetate usque ad *Paullum IV*, aut *Pium V*. ibidem steterunt . Quae *Secretaria* , quum positu quidem , atque usu longe diversa , variaque pro temporum vicissitudine fuerint , quumque frequens eorum apud antiquos Scriptores mentio fiat , iccirco de singulis sermonem instituam , unumque ab altero accurate distinguam , quo omnis ambiguitas , et erroris occasio submoveatur , quae eorumdem Scriptorum intelligentiam remorari possit .

Haec autem persequi latius placet , quod eorum cognitio quum erudito , et liberali homine non indigna esse videatur , nostratibus vero hominibus , nisi hospites domi esse , ac peregrinari in Patria velint , etiam necessaria , tum facem nobis quodammodo praeferent ad ea , quae sequenti libro de *Secretariis novae Basilicae Vaticanae* disputabimus .

Atque , ut rerum dicendarum ordini , quem habere antiquissimum debemus , quantum quidem fieri potest , per nos consulatur , praeceteris statuendum arbitror , quot numero fuerint , hoc temporis decursu<sup>x</sup> , *veteris Basilicae Secretaria* , ut singillatim ea percensere , deque vicibus , quae eorum quasi vitam , atque interitum complectuntur , disserere diligenter possimus .

## C A P V T    II.

*De numero Secretariorum Basil. Vat. a Constantino , usque ad Paullum IV , aut Pium V.*

Parum profecto lucis ab aliis Scriptoribus , qui de *Secretariis Basilicae Vaticanae* meminerunt , mutuari mihi licuit ; quippe omnes , quantum equidem sciam , obiter tantum , ac perfunctorie de iisdem pertractarunt , praeter Conradum Janningum , qui <sup>1</sup> eruditissimam dissertationem lucubravit de *situ Secretarii antiqui , et Sacelli Gregoriani , S. Gregorio a Gregorio IV. constructi* . Verum , etsi multum me debere commodi profitear doctissimo Viro , qui primus rectam instare viam aggressus est , tamen pluribus in locis , ejus sententiae repugnare coactus sum .

<sup>x</sup> in T. vI. Mensis Iunii Bolland. p. 91.

Jam re , quam diligentissime fieri potuit , perpensa , tribus tantum in locis , *veteris Basilicae Secretaria* certo exstisset , ac sibi quodammodo successisse visa sunt , de quibus disserere aggredior .

Sed initio , quo facilius locorum positus dignoscatur , ac legentium intelligentiae prospiciam , veteris Templi Ichnographiam accurate delineandam , ac proponendam curavi . Ac statim Costagutus <sup>1</sup> , Severanus <sup>2</sup> , Paullus de Angelis <sup>3</sup> , Fontana <sup>4</sup> , Ciampinius <sup>5</sup> , Bonannius <sup>6</sup> , Ciacconius <sup>7</sup> , Bollandiani <sup>8</sup> , aliquie certatim suas quodammodo mihi obtulerunt . Verumtamen ceteris eam longe anteponendam esse vidi , quam Tiberius Alpharanus Hieracensis , incredibili diligentia adornatam suoque sumptu aeri incisam , anno M D LXXXIX. evulgavit , quamque rursus ad calcem operis de *Altaribus , et Reliquiis Bas. Vat.* <sup>9</sup> , Raphael Sindonius publica luce do-

<sup>1</sup> Architettura della Basilica di S. Pietro in Vaticano , opera di Bramante Lazeri , Michel Angelo Buonaroti , Carlo Maderno , ed altri famosi Architetti , espressa , e intagliata in più tavole da Martino Ferrabosco , per commissione di Mons. Gio. Battista Costaguti . Roma 1620. fol. La medesima di nuovo data alla luce da Mons. Gio. Battista Costaguti junior . Roma 1684. fol. e nel 1750. 4.

<sup>2</sup> Memorie Sacre delle sette Chiese di Roma , e di molti altri luoghi , che si trovano per le strade di esse . Roma 1630. e 1638. T. II. 8.

<sup>3</sup> Basilicae veteris Vaticanae descriptio , auctore Romano ejus Basilicae Canonico , cum notis Abatis P. de Angelis . Accessit brevis novi Templi Vaticani descriptio , nec non utriusque Ichnographia . Romae 1646. fol.

<sup>4</sup> Il Tempio Vaticano , e sua origine

con gli edificii più conspicui antichi , e moderni , fatti dentro , e fuori di esso . Opera divisa in sette libri . Roma 1692. fol. ital. lat.

<sup>5</sup> de Sacris Aedificiis a Constantino M. constructis . Synopsis histor . Romae 1693. fol. , et in ejus operum collectione . ibid. 1748.

<sup>6</sup> Numismata Sunimorum Pontificum Templi Vaticani fabricam indicantia , chronologica ejusdem fabricae narratio- ne , ac multiplice eruditione explicata , atque uberiori numismatum omnium Pon- tificiorum lucubrationi , veluti prodromus praemissa . Romiae 1696. et 1700. fol.

<sup>7</sup> in T. I. Vit. Pontificum p. 66.

<sup>8</sup> Commentarius de Basilica S. Petri Apostolorum Principis antiqua , a Constantino M. fundata Romae in Vaticano , ac praecipue de Aliaribus ejusdem . in T. VI. Junii . <sup>9</sup> Romae 1744. 8.

navit. Huic enim tabulae , quam gemina descriptione , altera latino sermone<sup>1</sup> , altera vernaculo exarata , egregie illustravit , accepta fere omnia jure merito referuntur , quae in veteri Basilica exstabant , partim ex antiquis monumentis , partim *ex magisterio Iacobi Herculani Canonici , et Altararii ejusdem Basilicae* , qui ejusdem rerum peritissimus erat , ex oblivionis tenebris vindicata . Hanc itaque tabula I. designatam , atque huic volumini attextam offendes .

Sed quum me in multiplici Altarium , et monumentorum explicatione persequenda , pluries ab eo dissentire , accurata rerum investigatio vel invitum induxit , alteram quoque adornandam curavi , ubi ea veteris Basilicae loca , de quibus peculiariter mihi disserendum est , alio ordine indicantur , adjecta exaedificatiōnum Paulli V. et Alexandri VII. delineatione . Sic enim ad oculum perspicere licebit , quibus in locis ab Alpharano recedendum esse duxi . Eam igitur tabula II. delineatam , ac tertio volumini praefixam habebis , ut facilius unam cum altera conferre possis .

<sup>1</sup> Almae Vrbis D. Petriveteris , novique Templi Descriptio . in Cod. Chart. Arch. Bas. Vat. , atque hoc titulo in aliis exemplaribus . Sacros. Vat. Basilicae B. Petri Principis Apostolorum Vrbis , tam Veteris , quam Novae Structurae descriptio . Atque in altero operis apographo . de aliquibus Antiquitatibus Basilicae S. Petri ex Scripturis antiquarum traditionum , et aliis monumentis depromptis . V. opus eruditissimum inscriptum , Memorie degli Scrittori del Regno di Napoli 1782. p. 231. Art. cxviI. Eustachii d'Afflitto , Regiae Bibl. Praefecti , ingenii acumine , stili nitore , atque exquisita optimarum

literarum scientia cum paucis comparandi .  
<sup>2</sup> MSS. titulus est hujusmodi. In questo presente libro sono raccolti insieme , et ligati diversi fogli , e quinterni scritti da me Tiberio Alfarano , ricavati da propj originali , da libri , pietre , marmi , et altri ricordi de voce viva della Chiesa di S. Pietro , havuti dal Rmo Giacomo Herculano , et da altri , come si vede . Idem opus alterum hunc titulum deinde praesefert . Basilicae B. Petri Apostolorum principis in Vaticano sitae , structurae scilicet veteris novaeque descriptio . Opera , et studio Tiberii Alfarani Clerici Basilicani . litt. G. n. 5.

## C A P V T I I I.

*De Secretario antiquissimo Basilicae Vaticanae :*

Quum principes Vrbis Basilicas *Constantinus* M. pro sua in Deum O. M. pietate , et Imperii moderatore digna munificentia , exstruendas curavit , *Secretaria* in singulis earum , ex veteri more aedificata fuisse , minime dubitandum est . Itaque de eo disseramus , quod *Basilicae* , quam honori Principis Apostolorum excitavit , famulari quodammodo debuit . Quod ut a ceteris , ut par est , distinguamus , *antiquissimum* appellabimus ; quo nomine , et a vetustis Scriptoribus vocatum fuisse reperiemus .

Huc Romani Antistites ex Aedibus Lateranensibus commigrabant , ut sacris vestibus , ibidem servatis induerentur , quoties in Bas. Vat. sacris operaturi essent , aut alia id genus officia obituri . Inde enim sollemni pompa , cunctis Ordinibus comitantibus , procedebant , rem divinam facturi , ut pluribus supra demonstravimus .

Atque hic locus in veteribus Ichnographiis apud indicatos auctores , in extrema Porticu , seu in inferiori , ac meridionali parte Cellae Basilicae veteris , ad laevam in Templum ingredientium , observatur , uti videre est , vel in ea , quam nos exhibemus , literis dd. Porro ita eum describit Jacobus Grimaldus <sup>1</sup> , qui post Alpharanum accuratissimam , ac locupletissimam veteris , ac novae Basilicae descriptionem pertexuit <sup>2</sup> . *Conjunctum fuisse* appetet

<sup>1</sup> in lib. ms. Instrumentorum de translationibus SS. Corporum , et Reliquiarum e veteri in novum Templum S. Petri sub Paulo V. cum multis memoris , Epitaphiis , et Inscriptionibus Bas.

<sup>2</sup> Consule ejus vitam apud Iohannem Elephantium , non minus genere , quam eruditione clarum , ac nobilem . in T. IV. delle Memorie degli Scrittori Bolognesi . Bologna 1784. p. 306.

vetus Secretarium muro dictae ultimae navis , e regione Coemeterii Campi Sancti , ut clarissima planta in fine hujus libri delineata ostendit , et ab eo erat accessus in Basilicam .

## §. I.

## De ejusdem forma , et ornatu .

Quid tamen ibidem fuerit , cuiusmodi structurae , quo ornatu , quum res sit ab aetate nostra remotissima , densissimisque antiquitatis tenebris involuta , nil habeo certi , quod statuam . Ibi certe donaria a Constantino , et Pontificibus liberalissime oblata , vasa aurea , et argentea , sacraque omne genus supellex , relligiose adservata fuere . Quamobrem nil mirum , Arrianum Militem , in Vrbis direptione , quam ex improviso adortus Alaricus cum Athaulpho Vxsoris Fratre , coepit anno cdx dum vasa sacra Bas. a quadam Virgine , cuius custodiae commissa fuerant , per vim extorquere aggressus erat , *expositis opibus* , ut ait Orosius<sup>1</sup> , *attonitum fuisse barbarum magnitudine , ignota etiam vasorum qualitate* . Proprium vero hujusmodi vasorum nomen accipimus ex responso , quod Orosius furenti , atque inhianti Militi Virginem dedisse narrat . *Haec Petri Apostoli ministeria sunt* . Quae quum ad Regem detulisset , continuo reportari ad Apostoli Basiliacam universa imperavit , ceterosque Milites a Templi compilatione cohibuit .

Quum vero antiquiorem *Sancta* , id est *Eucharistiam* servandi modum fuisse demonstavimus<sup>2</sup> , ut in *Secretario* custodiatur , nonnemo fortasse quaerat , num super Altare ibidem collocatam fuisse putem ? Evidem varios recordandae Eucharistiae usus jam declaravi , qui Altare mi-

<sup>1</sup> lib. viii. c. 39. l. xvi. c. 20. l. vi. c. 29.

<sup>2</sup> pag. 197.

nime necessarium fuisse produnt. Praeterea, quum ibi nunquam Pontifices sacrum celebrarent, sed hinc, Eucharistia praelata, Liturgiae operam daturi ad Altare procederent, quod primitus unum dumtaxat, vel in ipsa Basilica, ex veteri Christianorum more, quem inferius illustrabimus, fuisse constat, nullam iccirco aram in *Secretario* ab initio exstitisse, facile credam.

## §. II.

*De Benedicti I. sepultura, intra ambitum Secretarii.*

Hactenus obscura, et incerta prosequuti sumus, de quibus nullum exstat monumentum apud Scriptores. Quod tamen certum omnino est, intra hujuscē *Secretarii* ambitum, *Benedictus I.* Bonifacii Filius, Romanus, quem Graeci *Bonosum* appellant, sepultus fuit. Tradit id luculenter Petrus Mallius, ubi ait<sup>1</sup>. *Benedictus Papa I. Hic sepultus est* in *Secretario ad Sanctum Petrum*. Hoc idem Maph. Viegus diserte confirmat, qui ita scribit<sup>2</sup>. *Post ipsum Oratorium, est Secretarium B. Petri, quod ita appellatum fuit,* ante quod reconditus est *Iohannes III*, intra vero *Benedictus*. Iisdem adhaesit Panvinius, qui ait<sup>3</sup>. *In Secretario, quod nunc dicitur S. Maria de Febre, ante Basilicam S. Petri Apostoli, quiescit Benedictus Papa*. Simile est illud Alpharani<sup>4</sup>. Intra *Secretarium*, quod est post angulum hujus porticus, a dextera parte extra parietes ad meridiem, fuit sepultus *Benedictus I.* Super ejus tumulum hujusmodi Distichon insculptum fuisse tradunt<sup>5</sup>.

MAGNA . TVIS MONVMNTA . PATER . BENEDICTE . RELINQVIS ,  
VIRTVTVM . TITVLVS . O . DECVS . ATQVE . DOLOR .

<sup>1</sup> T. vi. Iun. Bolland. num. 50. p. 42.

<sup>4</sup> Litt. dd. p. 51.

<sup>2</sup> ibid. lib. iv. n. 142. p. 84.

<sup>5</sup> Mandosius in Bibl. Rom. Centur. L.

<sup>3</sup> de vii. Ecclesiis p. 53.

pag. 17.

Verum de re tam antiqua quid hujusmodi testes profero? Primus omnium appellandus fuerat Anastasius, cuius haec verba sunt<sup>1</sup>. *In istis laboribus, et afflictionibus positus SS. Benedictus Papa mortuus est, qui et sepultus est in Basilica B. Petri Apostoli in Secretario, pridie Kalendas Augusti.*

Decesserat vero *Benedictus* ad ejusdem Anastasii chro-notaxim, quam Vignolius accurate expressit, pridie Kal. Aug. anno DLXXVIIII; licet eumdem Papebrochius anno insequente, Fleurius contra, anno DLXXVII. e vivis migrasse velit.

Insuetus hujusmodi sepulturae honor, quem nonnisi sanctis Pontificibus, tunc temporis concessum fuisse demonstrabimus, inducere fortasse potuit Wionem, Dorganium, Cavallerium, aliosque, ut eum Sanctorum albo adscriberent, quemadmodum et *Pelagium* pari titulo donarunt. Verum Bollandiani pari modo, quo inter praetermissos, die vii. Februarii, *Pelagium* recensuerunt, die xxxi. Julii<sup>2</sup> inter eos *Benedictum* quoque adnumerarunt. Nam a Ferrario, qui, etsi eum in *catalogo Sanctorum Italiae* minime nominat, tamen in *generali*, Monachos supradictos sequutus est, pro *Benedicto II*, qui ut *Sanctus* vere colitur die vii. Maii, acceptum fuisse demonstrat; aequae ac fecerant Auctaria Vsuardina die xxiv. Aprilis, eadem de caussa ab iisdem Bollandianis refutata. Quod prae ceteris non solum evincit Baronii silentium, qui de Romanorum Pontificum gloria mire sollicitus fuit, sed etiam Dacherii, et Mabillonii, qui *Benedictum*, neque *Monachum*, neque *Sanctum* nuncuparunt.

<sup>1</sup> T. I. edit. Vignol. §. 11. pag. 230.

<sup>2</sup> T. vii. Julii pag. 169, et in Conatu Chronistor. in *Propilaeo Maii*.

<sup>3</sup> Vita S. Ben. 1J. ex Anastasio Bibl. cum commentario praevio, et annotationis God. Henschenii. in T. 1L Maii p 196.

## §. III.

*De Leone Magno, omnium primo, intra Secretarii ambitum sepulto, ac primis ejus translationibus.*

Neque tamen Benedictus primus omnium Romanorum Pontificum fuit, qui in Vaticano Secretario tumularetur. Id honoris fuerat antea Leoni Magno tributum, Papae, ut ait Libellus Synodicus<sup>1</sup>, Apostolis aequando, in quo vere licet, Ambrosii constantiam, facundiam Chrysostomi, Augustini doctrinam, Petri ipsius fidem, mirifice conjunctas<sup>2</sup> admirari; ut Trithemii laudes omittam, quibus eum appellavit, dictionis Ecclesiasticae Tullium, sacrae Theologiae Homerum, rationum Fidei Aristotelem, auctoritatis Apostolicae Petrum, et in Christiano pulpito Paullum. Id fere omnes, qui de Leone I. aliquid literis mandarunt, testati sunt. Vnum, aut alterum e recentioribus recitabo, ut ad antiquiores postea me conferam. Genebrardus igitur ait<sup>3</sup>. Leo Papa I. doctissime scripsit, et primus omnium Pontificum Romanorum sepultus est in Bas. S. Petri in Vaticano. Hoc idem, ut Bosium<sup>4</sup>, Ciacconium<sup>5</sup>, Oldoinium<sup>6</sup>, et Quesnellium<sup>7</sup> praeteream, qui tamen aequo, ac Genebrardus, verum ejus sepulturae locum non indicarunt, Panvinius etiam adnotatione dignum putavit. Omnes fere, inquit<sup>8</sup>, qui ante S. Leonem M. Papam fuere Romani Pontifices, per varia Vrbis circumvicina Coemeteria, et Basilicas sepulti sunt. Primus Leo magnus Papa, ob egregia in Sedem Apostolicam, et Romanum nomen merita, in Porticu Basilicae S. Petri sepeliri meruit. Quod quidem, erroris Ceillierum quoque coarguit, qui<sup>9</sup> Leonem in Vaticani

<sup>1</sup> c. xciv. <sup>2</sup> T. II. p. 599. edit. Quesnel.

<sup>7</sup> in T. II. Op. S. Leonis edit. Baller. p. 599.

<sup>3</sup> P. II. <sup>4</sup> T. I. Rom. subt. p. 248.

<sup>8</sup> T. II. mss. de reb. memorab. Bas.

<sup>5</sup> T. I. p. 307. <sup>6</sup> ibid. p. 311.

<sup>9</sup> Vat. c. xxii. p. 113. <sup>10</sup> T. XIV. p. 333.

Templi vestibulo inhumatum esse scripsit , quod jam tum  
ii Pontifices ibidem tumularentur , qui Martyrii palmam  
fuissent consequuti .

Plura vero habentur hujusce inventionis , ac transla-  
tionis testimonia ; sed ceteris anteponendum certe est ,  
quod Anastasius exhibet , ubi ait <sup>1</sup>. *Sergius Corpus B. Leo-*  
*nis probatissimi Patris , atque Pontificis , quod in abditis in-*  
*terioribus Secretarii Basilicae positum fuerat , facta diligen-*  
*tius tumba in denominata Basilica , in publico loco , ut sibi*  
*fuerat revelatum , reposuit , ac locum ipsum ornavit . Quod*  
*totidem fere verbis , ut Quesnellius <sup>2</sup> testatur , duplex*  
*confirmat de rebus gestis S. Leonis PP. I. narratio , quae*  
*habetur in celeberrimo MSS. Cod. Orielensis in*  
*Academia Oxoniensi , ex quo Canonum Codex , a non-*  
*nullis Romanus perperam creditus , in lucem prodiit . Hoc*  
*item praecipue docent tres Epitaphii versus , quod a Ser-*  
*gio I , seu potius II , uti contendit Papebrochius <sup>3</sup> , exar-*  
*ratum , novoque Leonis tumulo impositum , quodque a*  
*Grutero <sup>4</sup> , et Baronio <sup>5</sup> editum , auctiusque a Mabillonio <sup>6</sup>*  
*prolatum ex Codice antiquissimo Coenobii Virdunensis*  
*S. Vitoni , historiam Eusebii continente , inter quaedam*  
*Epitaphia , quae inventa sunt in Ecclesia S. Petri , ac rur-*  
*sus , ut Sergardum <sup>7</sup> , Sindonium <sup>8</sup> , Dionysium , aliosque <sup>9</sup>*  
*praetermittam , a Quesnello <sup>10</sup> ex vetustissimo MSS. Oxo-*  
*niensi accuratius evulgatum fuit . Totum vero Epitaphium*  
*sic habet .*

<sup>1</sup> T. I. §. xii. p. 311.

<sup>5</sup> num. ii. an. 461.

<sup>2</sup> T. ii. edit. Baller. p. 598.

<sup>6</sup> T. iii. Vet. Analect. p. 430.

<sup>3</sup> in Propyl. ad Acta SS. Mens. Maii ,  
et die xi. April.

<sup>7</sup> Raggagli della Trasl. di S. Leone p. 4.

<sup>4</sup> T. ii. p. MCLXX.

<sup>8</sup> pag. 47. <sup>9</sup> p. 45.

<sup>10</sup> T. ii. p. 351, et apud Baller. p. 599.

HIVVS APOSTOLICI PRIMVM <sup>1</sup> EST HIC CORPVS HVMATVM  
 QVOD FORET ET TVMVLO DIGNVS IN ARCE PETRI  
 HINC <sup>2</sup> VATVM PROCRVMQVE COHORS QVOS CERNIS ADESSE  
 MEMBRA SVB EGREGIA SVNT ADOPERTA DOMO .  
 SED DVDVM VT PASTOR MAGNVS LEO SEPTA GREGEMQVE  
 CHRISTICOLAM SERVANS IANITOR ARCIS ERAT  
 COMMONET ET TVMVLO QVOD GESSERAT IPSE SVPERSTES  
 NE LVPVS INSIDIANS VASTET OVILE DEI .  
 TESTANTVR MISSI PRO RECTO DOGMATE LIBRI ,  
 QVOS PIA CORDA COLVNT QVOS MALA <sup>3</sup> TVRBA TIMET  
 RVGIIT ET PAVIDA STVPVERVNT CORDA FERARVM  
 PASTORISQVE SVI IVSSA SEQVVNTVR OVES .  
 HIC TAMEN EXTREMO IACVIT SVB MARMORE TEMPLI ,  
 QVEM IAM PONTIFICVM PLVRA <sup>4</sup> SEPVLCHRA TEGVN <sup>5</sup>  
 SERGIVS ANTISTES DIVINO IMPVLSVS AMORE  
 NVNC IN FRONTE SACRAE TRANSTVLIT INDE DOMVS  
 EXORNANS RVTILAM PRETIOSO MARMORE TVMBAM <sup>6</sup>  
 IN QVO POSCENTES MIRA SVPERNA VIDENT .  
 ET QVIA PRAEMICVIT MIRIS VIRTVTIBVS OLIM ,  
 VLTIMA PONTIFICIS GLORIA MAIOR ERIT .

Nimirum *Sergius* hac de re monitus divinitus fuit, ideoque quum aegre ferret, tanti Pontificis exuvias obscuro in loco, et sine honore delitescere, eas in superiorem, atque editorem transtulit, eique magnificum Oratorium exstruxit, de quo in epist. Hadriani I. anno <sup>7</sup> DCCLXXXI., et in S. Leonis IV. privilegio anno <sup>8</sup> DCCLXIV. fit mentio. Quo vero loco idem erexerit, quum adhuc non sat constet apud Scriptores, qui de prima *Leonis* translatione, obiter tantum, pertractarunt, etsi plurima de po-

<sup>1</sup> ms. Oxon. *Magni*.

<sup>6</sup> Vulg. *rutilum . . . tumbum*.

<sup>2</sup> Vulg. *Hunc*.

<sup>7</sup> T. vii. *Miscell. Balut.* p. 120, et T. iii. I.

<sup>3</sup> Vulg. *prava*.

*Bull. Vat.* in *App.* p. 2.

<sup>4</sup> Oxon. *Pulebra*.

<sup>5</sup> Vulg. *celant.*

<sup>8</sup> T. I. *Bull. V.* p. 16.

sterioribus memoriae consignaverint, non abs re erit, heic paullo diligentius inquirere.

Ac primum Maphaeum Vegium audiamus. Sed quod ad Coemeterium Christianorum pertinet, reperti sunt, inquit<sup>1</sup>, in eo plurimi nobiles marmorei tumuli, inter quos unus dicitus Leoni Papae, quod ubi comperit Magister, qui operi illi diruendo praeverat, statim id renunciavit Pontifici, Pontifexque tunc illō me ire jussit, cupiens, quid id esset, certius ex me intelligere: Porro ibi reperi tumulum, alio marmoreo lapide coopertum, inscriptum quoque tumulo unicum versum bujusmodi.

SALVO PAPA LEONE AGNELLVS PRESBYTER ORNAT  
Putarim autem, hunc Agnellum fuisse aliquem cariorem ejus et secretiorem contubernalem, ac bonum virum, qui ultimum, quem debuit, talis, ac tanti heri ossibus, honorem exhibuit, reconditumque ab illo prius ibi corpus ipsius, diu jacuisse crediderim propter epigramma, quod dixi, tumulo ejus inscriptum. Nam certo constat, a Sergio Papa, divina ita visione quadam monito, postea ipsum translatum fuisse. Plura ad hunc Vegii locum Oldoinius<sup>2</sup> adnotavit, ac rectius tumulum ab eo descriptum, alterius cuiusdam Viri sanctitate conspicui conditorum fuisse conjectit, quod deinde Agnellus Presbyter, Leone adhuc florente, exornaverit. Id enim sibi suadere visa est ipsa formula, *salvo Papa Leone*, qua veteres in Inscriptionibus plerumque utebantur, ut alterius Inscriptionis exemplo ad S. Petri ad Vincula in Exequiis aperte demonstrat de Johanne II. etiamtum superstite, quae iisdem verbis concepta, habet

SALBO PAPA IOHANNE<sup>3</sup>.

<sup>1</sup> I. iv. n. 111. p. 79. T. viI. Jun. Bolland.

Holstenum in notis ad Conc. Rom. 111.

<sup>2</sup> T. I. Ciacconii col. 311.

sub Bonif. 11. p. 867. T. v. Conc. Norisium

<sup>3</sup> V. Florentinum Exercit. XI. pag. 713.

I. II. Hist. Pelag. c. xxiiI. Papebrochium

Verum si ad ipsius sepulcri positum a Vegio descripti, Oldoinius animum advertisset, rem ita se habere, profecto clarus etiam probasset, quidquid contra Aringhio<sup>1</sup>, et Petro Pollidorio<sup>2</sup> placuit statuere. Qui enim, post veteris Bas. apsidem, Leonis M. sepulcrum exstare potuisse, quod in infima Bas. parte, ex Anastasio, et ex ipso epitaphio, quod ejus sepulcro Sergius affixit, exstitisse, jam supra vidimus?

Neque vero quisquam Oldoinio unquam concedat, eumdem tumulum e loco dimotum, ubi primum constiterat, illuc translatum fuisse a Sergio I, qui venerabile ejusdem S. Leonis Corpus in Oratorio ad dexteram majoris apsidis, prope S. Petri aram collocaverat. Id enim, praeterquam quod ejusdem Vegii sententiae aperte refragatur, qui ex eo loco a Sergio postea translatum fuisse scripsit, curnam potius pro Sergii epitaphio, quod Leonis M. tumulo insculptum erat, Agnelli inscriptio sese Vegio objecisset, quae, salvo Leone, posita fuit? Praeterea, ubinam Oratorii a Sergio constructi vestigia in Coemeterio, quod Vegius describit, quodque usque ad Paulli V. aetatem superfuisse constat, occurunt? Verum alter Vegii locus Oldoinium fugit, ex quo colligitur, quonam Leonis Corpus a Sergio translatum fuerit. Hic est hujusmodi<sup>3</sup>. Secundum vero Oratorium S. Leonis, est proprius ipsi loco, ubi erat Monasterium S. Martini, juxta Altare majus S. Petri, in quo recondidit Paschalis II. corpora Beatorum Leo-

in Cenatu Cron. Histor. pag. 78. Pagium in Critica ad an. 531. n. 5. Relandum in Fast. Consul. ad an. 533 p. 708. Fontaninum de Disc. argen. c. xvii. p. 51, et Mich. Angel. Monsacratii in eruditissima dissertat. de Catenis S. Petri.

<sup>1</sup> T. I. lib. II. c. viii. n. 4.

<sup>2</sup> T. xxxiv. Syll. Caloger. de Conjectura in postremum versum Epitaphii T. Flavii Clementis.

<sup>3</sup> n. 121. p. 81.

num II, III, et IV. Nam primum a Sergio translatum fuisse, supra diximus.

Haec Vegii opinio, antiquiori P. Mallii testimonio mirifice illustratur, qui Leonis Oratorium ita designat<sup>1</sup>. Ante Altare S. Mauritii, juxta aditum, qui vadit ad S. Martinum, post S. Petrum, est Oratorium S. Leonis IV. Papae, in quo, sicut saepe accepimus a Majoribus nostris, videlicet Presbytero Cencio Priore, et Domino Petro Christiano, san. record. Paschalis II. Papa Corpus B. Leonis Papae I, et II, et III, et IV. recondidit. Idem alibi etiam confirmat<sup>2</sup>. Hujus SS. Papae (Leo IV.) Corpus requiescit in Altari suo, quod est, sicut supra diximus, juxta aditum, qui exit foras ad S. Martinum post S. Petrum, in quo etiam Altari, ut a nostris majoribus saepe accepimus, quiescit Leo I, II, et III, Ac denique alio loco<sup>3</sup>. Leo Papa I, qui misit epistolam Flaviano Episcopo de incarnatione Domini, et fecit sermones contra Haereticos. Hic jacet in Altari S. Leonis IV. Papae, sicut supradictum est. Huc accedit praeclarus sane locus Ordinis Romani XIV, qui haec habet<sup>4</sup>. Coronata vero Regina, reducatur ad thalamum, et post Evangelium ducatur ad oblationem summo Pontifici exhibendam, stetque in gradibus, juxta absidem, versus Altare S. Leonis, donec de manu Summi Pontificis post Imperatorem sacram coronam accipiat.

Quod vero, contra Vegii sententiam, Mallius tradat, Leonis Corpus sub hoc Altari a Paschali II. cum tribus aliis primum reconditum fuisse, haud facile mihi persuadeam, ita esse sentiendum, etsi Panvinius, et Alpharanus in ejusdem Altaris descriptione, Mallium se-

<sup>1</sup> n. 17. p. 39.

<sup>3</sup> n. xxxvii. p. 41.

<sup>2</sup> n. xix. p. 40.

<sup>4</sup> T. II. Mus. Ital. p. 406.

quantur. Primus enim, quod incaute Oldoinius<sup>1</sup> etiam probavit, secundum, inquit<sup>2</sup>, *Sacellum, et Altare prope superius locatum, fuit S. Leonis III. Papae, sub quo Paschalis II. recondidit corpora S. Pontificum Leonum I, II, III, et IX.* Alter vero eumdem locum fusiori calamo ita describit<sup>3</sup>. *Iuxta praedictam Portam, in parietibus Basilicae ad occidentem sequebatur Oratorium, sive Altare S. Leonis P. antiquissimum, in quo erat imago B. M. V. filium amplexantis, olim magnae devotionis, sub quo Paschalis II. Papa SS. Summ. Pont. corpora Leonum I, II, III, IV. magno cum honore condiderat; illo denique in Basilicae dissectione diruto, SS. Summ. Pontificum corpora, sub pavimento Altaris existentia, minime ablata fuerunt, sed ibi usque hodie intacta permanent. Hoc Altare fuit unum etiam ex VII. privilegiatis. Anno vero Dom. 1580. die 1. Augusti, quum novae Bas. pavimentum in hoc loco aequaretur, sub basi Altaris hujus Oratorii SS Leonum I, II, III, et IV. corpora intra marmoream arcam, marmorea tabula optime opertam, ut a Paschali II. condita fuerant, reperta fuerunt. Quae quidem Gregorii XIII. P. O. M. jussu, novo, ac pulchriori Altari desuper exstructo ibidem relicta, ac mirifice artificis, novoque fornice instar parvuli Templi exstructa, sub eodem novo pavimento exornata fuere, adeo ut commode, et a Sacerdotibus super Altare Sacrificium offerri, et a circumstantibus audiri possit, quoad usque in*

<sup>1</sup> T. I. Ciacconii p. 311.

<sup>2</sup> de VII. Eccl. p. 41.

<sup>3</sup> mss. num. 14. pag. 20. *Atque in vernacula Bas. descriptione ab eodem exarata, cuius verba, ad clariorem locorum illustrationem, toto operis cursu, recitatimus.* Nel medesimo muro nuovo alla nave per diretto, di incontro dell' intrar la porta Guidonea, fu traslatato l'Altare de S. Leone PP. IV. con

la medesima effigie della B. gloriosa Vergine Maria, molto antichissima, et consacrato ad onore delli SS. Leoni PP. et nota, che li Corpi delli dd. PP. Leoni erano sepolti sotto detto Altare nel pavimento della Chiesa, et non furono levati, quantunque sia stato levato l' Altare, et la figura della V. M. con tutto il muro, ma sono ancora in quel medesimo luogo sotto il pavimento della Chiesa.

aliquid pulcerrimum novae Basilicae Sacellum auro, musivo-  
que exornatum, ut tantos Pontifices decet, transferri possint.  
Certum porro est ex ipsius Sergii testimonio <sup>1</sup>, Leonis  
Corpus in fronte sacrae domus ab se fuisse collocatum,  
atque Oratorium, ubi Paschalis <sup>II</sup>. aliorum Leonum exu-  
vias collocavit, ex Mallio, Vegio, Panvinio, et Alpharano,  
ibidem situm esse discimus. Nonne igitur verisimilius  
putabitur, Paschalem eum in locum transferre voluisse SS. Leonum <sup>II</sup>, <sup>III</sup>, et <sup>IV</sup>. Corpora, quô jam  
pridem Leo M., illuc e Secretario a Sergio translatus co-  
lebatur, ut parem in eadem cella cultum haberent, qui  
rerum praeclare gestarum magnitudine, vitae sanctimo-  
nia, potestatis amplitudine, dignitatis praestantia, atque  
ipsa nominis similitudine <sup>2</sup> pares quodammodo fuisse vi-  
debantur? Quapropter recte quidem Bosius <sup>3</sup>, cui plane  
subscripsit Quesnellius <sup>4</sup>, ad dexteram majoris apsidis, pro-  
pe Sancti Petri aram, Leonis Corpus exstisset tradidit, et  
Vignolius etiam, allatum Anastasii locum de Sergii vita  
illustrans, ex epitaphii versibus ejus sepulcro appositis <sup>5</sup>  
*in ipso veteris Basilicae capite locatum fuisse declaravit.*

Verum, priusquam aliò progrediamur, hunc ipsum  
Anastasii locum in vita Leonis IV <sup>6</sup> expendamus, oportet.  
*Ipse quidem, inquit, a Deo protectus, et venerabilis Praesul  
intra Basilicam B. Petri Apostoli Oraculum mirae pulcritudinis,  
summique decoris construxit, quod pulcris marmoribus circum-  
dans splendide compsit, absidamque ejus ex musivo, aureo su-*

<sup>1</sup> vers. xvI.

Leone III. Tubing. 1748. 4. Vita Leonis <sup>IV</sup>.

<sup>2</sup> Vita Leonis <sup>II</sup>. ex Anastasio cum Pa-  
pebrochii Synopsi Chronologica prævia.  
T. v. Iunii p. 375. Papebrochii de S. Leone  
P. <sup>III</sup>. Comment. histor. T. II. Junii p. 57x.  
Ioh. Gottlieb Fabri Dissert. historica de

ex Anastasio cum commentario prævio,  
et annotatis Jo. Bapt. Sollerii. T. iv. Iul.  
pag. 302. <sup>3</sup> lib. VI. Rom. subr.

4 p. 599, et 605. <sup>5</sup> T. I. T. XII. p. 311.

<sup>6</sup> T. III. §. XXXI. p. 86. . .

perinducto colore , glorfice decoravit , in quo etiam venerabile Corpus Beati Leonis Confessoris , atque Pontificis recondens , sacram desuper construxit Altare , et ciborium cum cruce exaurata ad laudem , et gloriam Christi nominis , hoc fretus amore perfecit , ut sibi dignum in aethere conquerireret locum . Haec igitur , ne de altera Leonis translatione e loco , quô eum Sergius invexerat , cogitemus , ita esse accipienda censeo ; nimirum idem Altare , quô Leonem e Secretario Sergius intulerat , a Leone IV. magnificentius instauratum , et ornatum fuisse , in eoque demum Paschalem II. ipsius Leonis IV. exuvias cum aliis II , et II. collocasse . Quare nunquam , quod item recte Janningus <sup>1</sup> fecit , Severano <sup>2</sup> assentiam , qui ab eodem Leone M. Altare ibidem primitus exstructum fuisse censuit . Verum multo minus Baldinio acquiescam , qui haec ad praedictum Anastasii locum pronunciavit <sup>3</sup>. Oraculum pro Oratorio saepe occurrit . Vid. in I. Part. in Martino num. II. et in Agathone num. IV. In illo collocavit Leo Corpus S. Leonis Confessoris , et Pontificis , in quo colitur etiam hodie cum aliis ejusdem nominis Pontificum corporibus . Haec enim Paulli V. jussu primum inde amota , XIII. Kal. Aprilis anno MDCLII. sub ara Deiparae de Columna condita fuerunt , ut docent binae Inscriptiones marmoreae a Dionysio <sup>4</sup> illustratae , quae in cella S. M. Praegnantium in Cryptis Vaticanis adhuc servantur , et ex Grimaldo habemus , qui totius translationis historiani <sup>5</sup> pertexuit . Ac demum Leonis M. Corpus ab aliis dissociatum , in proximam Cellam , quam Innocentius X. phidiaco Alexandri Algardi toreumate mirifice exornatam , quod Attilam Ducem Vnnorum Vrbi inhantem , Leonis occursu , et

<sup>1</sup> n. 107. p. 104.

<sup>4</sup> in Crypt. Vatic. p. 40. seq.

<sup>2</sup> de vii. Vrlis Eccl. p. 90.

<sup>3</sup> loc. cit.

<sup>5</sup> p. 107. et 110.

adloquio deterritum repreäsentat , ejus honori jampri-  
dem dicaverat , III. Idus Aprilis MDCCXV. honorificantissi-  
me translatum fuit , ut pluribus docent Franc. Blanchinius <sup>1</sup> , Henschenius <sup>2</sup> , Marangonius <sup>3</sup> , Sindonius <sup>4</sup> , et  
Dionysius <sup>5</sup> .

Quarum quidem inventionum , et translationum hi-  
storia satis aperte refellit opiniones Andreea Saussaii ,  
et M. Antonii Guarini , quorum primus <sup>6</sup> Leonis Cor-  
pus in Aquitaniam translatum , ac in majori Petracori-  
corum Aede honorifice collocatum ; alter vero <sup>7</sup> a Ste-  
phano II , anno DCCLXXV. Anselmo Aistulphi Langobar-  
dorum Regis Cognato dono datum , ac primum Vicoven-  
tiae collocatum , deinde vero an. MLXXXI. Ferrariam trans-  
latum , et in Aede S. Stephani depositum fuisse contem-  
dunt . Id enim de *Leonis* alterius reliquiis accipendum  
esse demonstrant Oldoinius <sup>8</sup> , et Turrigius <sup>9</sup> , ut item  
sentiendum est de Philippo Ferrario <sup>10</sup> , qui *Leonis P.* I.  
*Corpus Neapoli in Eccl. S. Laurentii adservari pronuntia-*  
vit , aliisque Vrbibus , ac Populis a Marangonio memo-  
ratis , qui ejusdem Pontificis exuvias gloriantur .

Ceterum quis non miretur , Bosium , Quesnellium , et  
CC. Ballerinos , de prima hac translatione disserentes ,  
pauca de Sergio tantum innuisse , ac ne minimam qui-  
dem de Leone IV , et Paschali II. fecisse mentionem , ut  
nonnullam huic quaestioni lucem afferrent , etsi de cun-  
ctis ejusdem Leonis translationibus fusius se acturos re-  
cepissent ?

<sup>1</sup> in T. III. Anastasii .

<sup>4</sup> p. 50. 56. <sup>5</sup> p. 46. loc. cit.

<sup>2</sup> Historia elevati , et translati Corporis  
S. Leonis ex ms. Eccl. S. Petri . in T. II.  
April. p. 22.

<sup>6</sup> in Martyr. Gallic. III. Idus Apr.

<sup>3</sup> in Append. ad Chron. Rom. Pont. p. 171.

<sup>7</sup> in I. III. Compend. hist. Eccl. Ferrariae.

<sup>8</sup> in addit. ad Ciacconium .

<sup>9</sup> Grotte Vat. p. 543. <sup>10</sup> in Catal. SS. Ital.

Frustra vero meliora exspectes a Lud. Sergardo hist. supremae translationis SS. IV. Leonum scriptore , de qua copiose etiam egit Benedictus XIV<sup>1</sup>. Hic enim <sup>2</sup> apud aram D. Mauritii Martyris juxta aditum , qui ad S. Martinum ducebatur , a Sergio translatum fuisse affirmavit eodem loco , quo jam venerabantur reliquiae aliorum SS. Leonum II , III , et IV. a Paschali II. una simul collectae . At , rogo , quid hujusmodi narratione absurdius fingi , aut excogitari queat ? Nonne enim in allata Mallii descriptione , Oratorium Leonis IV , ab Altari S. Mauritii aperte distinguitur , ante quod locatum fuisse declarat ? Atqui idem Alpharanus etiam affirmit , qui <sup>3</sup> Sacellum cum Altari S. Mauritii Martyris e regione Altaris S. Leonis P. in tabula ichnographica repraesentat . Nil tamen profuit Sindonio , Mallii , Vegii , et Alpharani loca , Sergardo fortasse ignota , perspecta habere , et in suum opus derivasse . Graviori enim culpa <sup>4</sup> Leonis Corpus , ad aram D. Mauritii Martyris in nobiliori tumulo ibi de industria parato , a Sergio collocatum fuisse et ipse affirmavit . Sed ad Sergardum revertamur , qui suum errorem ex eo etiam prodit , quod aliorum etiam Leonum Corpora a Paschali II. pone aram S. Mauritii recondita fuisse scripserit . Sed quasi haud satis esset , Altaria , et Sanctos promiscue accipere , ipsam etiam temporum seriem sursum deorsum vertere non dubitavit . Nam Paschalem , qui quattuor ferme seculis , post Sergium floruit , ipsi Sergio anteposuit , atque ab eo , trium Leonum posteriorum collectas exuvias eodem loco scripsit , priusquam ibi Sergius Leonis I. Corpus collocasset .

<sup>1</sup> lib. iv. de Beat. et Canon. P. II. c. 23.

<sup>2</sup> num. 7. ad 14.

<sup>2</sup> Ragguglio della solenne Traslazione del Corpo di S. Leone M. seguita gli II.

Aprile 1715. nella Bas. Vat. p. 3. Roma 4.  
et in nupera ejus Opp. edit. Senensi .

<sup>3</sup> ms. p. 22.

<sup>4</sup> cap. xii. p. 46.

Sed piget in castiganda historia , tam pingui minerva descripta , diutius oleum , atque operam perdere .

Jam vero , quum locum , quò *Leonis* Corpus e *Secretrio* intra Basilicam a *Sergio* translatum fuit , assequuti simus , tempus etiam , quo id ab eo peractum fuerit , inquiramus . Id autem manifeste prodit chronica notatio , quae in nuper indicato Codice Mabilloniano occurrit ad calcem epitaphii , quo *Sergium Leonis* tumulum ornasse diximus . En illam <sup>1</sup> . Sedit in Episcopatu annos xxI. mensem i dies xII. Depositus est III. Idus . . . . et iterum translatus huc a beato Papa *Sergio* IV. Kal. Iul. Indict. i. Verum quod heic iterum translatus *Leo* traditur , doctissimi fratres Ballerinii in prima , quam Quesnellianaे dissertationi de vita , et rebus gestis *Leonis M.* subtexuerunt , adnotatione <sup>2</sup> , aliam *Sergio* antiquiore translationem , vel elevationem contigisse conjectarunt . Quumque e tribus diebus , qui in *Leonis* honorem praecipue sacri , in Libris ecclesiasticis occurrunt , dies xxIX. Septembris ejus ordinatione , ac x. Novembris ejus obitu celebris habitus sit , iccirco altera die xI. Aprilis , cui neque ordinacionis , neque obitus memoria adsignari potest , vetustiorem aliquam translationem adscribendam esse suspicati sunt , unde in allata inscriptione sub *Sergio iterum* , nimirum secundo , *Leonem* translatum fuisse , traditum fuerit .

Nolim ego de xxvII. Junii die , quae in Epitaphio indicatur , ob *Sergii* translationem *Leonis* memoriae consecrata , quidquam ex tam tenui , infirmaque conjectura statuere . Nobis satis sit , ea die *Leonis M.* Corpus a *Sergio* fuisse translatum . Quod liquet etiam ex vetustissimo Martyrologio , seu Lectionario Johannis Frontonis ,

<sup>1</sup> T. III. Ver. Analect. p. 430.

<sup>2</sup> T. II. p. 587.

antiquissimo Kalendario ad usum Ecclesiae Rom., quod Leo Allatius inseruit dissertationi *de Dominicis, et hebdomadibus Graecorum*, ad calcem operis *de perpetua Ecclesiae Orientalis consensione*<sup>1</sup>, Kalendario, seu Capitulari edito a Dom. Georgio<sup>2</sup> ad diem **xxiiI.** mensis Junii, Martyrologio Bedae<sup>3</sup>, Missali Lateranensi<sup>4</sup>, ac demum Capitulari Evangeliorum, quod edidit Thomasius<sup>5</sup>, qui ad hanc diem, translationem a Sergio factam memorari affirmavit.

Si quis vero non modo diem, sed etiam annum, quo *Leonis* translatio a *Sergio* peracta fuerit, scire cupiat, adire poterit Mabillonum<sup>6</sup>, Pagiūm<sup>7</sup>, Papebrochium<sup>8</sup>, Ballerinios<sup>9</sup>, et Dionysium<sup>10</sup>, qui contra Quesnellii opinionem, ex capitulari Evangeliorum Rom. Eccl. quod primus Joh. Fronto sub Kalendarii nomine ediderat, et ex eadem Epitaphii inscriptione, hanc translationem a Sergio, anno **DCLXXXVIII.** factam fuisse contendunt.

Sed praecipue, mea quidem sententia, consulendus est eruditissimus Johannes Perierius, qui<sup>11</sup> luculentissimum *de Sergii vita, ac rebus gestis commentarium* emisit. Hic enim, etsi incertum esse<sup>12</sup> fatetur, quo vere anno *Sergius S. Leonis Corpus* transtulerit, tamen id paullo infra<sup>13</sup>, plus minus anno **DCXCVI.** vel **DCXCVII.** accidisse conjicit, ex eo quod in ejusdem *Secretarii penetralibus*, anno **DCXCVI.** sanctissimae *Crucis* particulam *Sergius* invenerit. Propterea verisimile videtur, quum circa idem tempus sacrum hunc locum diligentissime perscrutatus es-

<sup>1</sup> p. 1490.

<sup>8</sup> in Con. Cronhist. n. xI. p. 65.

<sup>2</sup> ex Cod. Vat. 7016. T. **iiI.** Lit. Rom. Pont.

<sup>9</sup> T. **iiI.** edit. S. Leon. p. 587.

<sup>3</sup> die **xxviI.** Iunii.

<sup>10</sup> pag. 44. de Crypt. Vat.

<sup>4</sup> T. v. edit. Vezzos. p. 476. <sup>5</sup> ibid.

<sup>11</sup> T. **iiI.** Sept. p. 433.

<sup>6</sup> T. **iiI.** vet. Analect.

<sup>12</sup> num. 41. p. 433.

<sup>7</sup> ad an. **461.** n. **7**, et ad ann. **688.**

<sup>13</sup> ibid. p. 442.

set, ab eodem Pontifice inventum S. Leonis Corpus, in nobiliorem, ac splendidiorem locum inde translatum.

## §. IIII.

*De SS. Crucis particula in abditis inferioribus Secretarii  
a Sergio reperta.*

Age vero, alterius hujusce pretiosissimi cimelii, quod in eodem Secretario Sergius invenit, historiam ex Anastasio audiamus. *Hic*, inquit<sup>1</sup>, BB. vir in Sacrario B. Petri Apostoli, capsam argenteam in angulo obscurissimo jacentem invenit, et ex nigredine transactae annositatis, nec, si esset argentea, apparuit, sed, Deo ei revelante, argenteam esse reperit. Oratione itaque facta, sigillum expressum abstulit, loculum aperuit, in quo interius plumacium ex holoserico superpositum, quod stauracis dicitur, invenit. Eoque ablato, inferius Crucem diversis, ac pretiosis lapidibus adornatam inspexit: de qua tractis quatuor petalis, in quibus gemmae clausae erant mirae magnitudinis, ineffabilem portionem salutaris ligni Dominicae Crucis interius repositam invenit, quae etiam ex die illo pro salute humani generis ab omni populo Christiano, die exaltationis sanctae Crucis, in Basilica Salvatoris, quae appellatur Constantiniana, osculatur, et adoratur. Quae totidem fere verbis referunt Ven. Beda in lib. de VI. aetatibus, Abbo, Ado Viennensis in Chronico, Hermannus Contractus, Panvinius<sup>2</sup>, aliique; ejusdemque inventionis meminit die XIV. Septembris vetus Martyrologium, a Rosweido evulgatum.

Nil autem officit Vat. Bas. celebritati, atque praestantiae, quod Sergius Crucem in ejus Secretario reper-

<sup>1</sup> T. I. §. x. pag. 310, et in T. III. rer. Ital. Murat. P. II. p. 45.

<sup>2</sup> T. III. ms. de reb. memorab. Basil. Vat. c. xxxii. p. 41.

tam, ad Basilicam Salvatoris, seu verius, ad proximum S. Laurentii Oratorium transtulerit, de quo forsan dubitasse videtur Vignolius, qui Crucem a Sergio reper tam<sup>1</sup>, ex Secretario, infimo tunc Templi loco, in Templum ipsum translatam, ibique positam fuisse, perperam adnotavit. Nam, ut Nic. Alamanni verba usurpem<sup>2</sup>, in Bas. S. Laurentii, velut in domestico Sacrario, reliquias sacras Pontifices recondidere, ut in publicis supplicationibus essent ad manus, atque paratae. Quum enim in Patriarchio tunc temporis degerent Romani Antistites, illuc etiam, ut recte notat V. Cl. Stephanus Borgia<sup>3</sup>, insigniores reliquiae deferebantur ad commodiorem, ac frequentiorem confluentis populi venerationem.

Porro in Exaltatione S. Crucis, Statio Laterani habebatur, quô e continenti S. Laurentii Oratorio, SS. Crucis lignum sollemni pompa deferebant, ut videre est apud Benedictum Canonicum, qui ait<sup>4</sup>. *Cardinales portant Sanctuaria in processione, scilicet de Ligno Crucis Domini, et Sandalia Iesu Christi, et circumcisionem ejus ad Bas. Salvatoris, ubi est statio.* Benedicti testimonio, alterum accedit Cencii Camerarii, qui ubi tradit<sup>5</sup>, quid Dominus Papa facere debeat in exaltatione S. Crucis, haec literis consignavit. In Exaltatione S. Crucis mense Septembris, SS. D. Papa cum Cardinalibus intrat Basilicam S. Laurentii in mane; ubi trahens reliquias Apostolorum Petri, et Paulli, et Lignum S. Crucis, et osculans porrigit eas Cardinali deferendas ad Ecclesiam S. Silvestri. Quae quidem aperte constant ex Altarium descriptione Oratorii S. Laurentii in Palatio, quam habemus apud Joh. Diaconum in appendice Ordinis Romani, quae-

<sup>1</sup> T. I. §. p. 310. <sup>2</sup> de Lat. Parietin. c.v.

<sup>3</sup> de Cruce Vatic. p. 64. Roma 1779. 4.

<sup>4</sup> Tom. II. Mus. Ital. in Ord. XI. p. 172.

<sup>5</sup> ibid. in Ord. XI. c. XLVI. p. 209.

que est hujusmodi<sup>1</sup>. In sacro namque Palatio est quoddam S. Laurentii Oratorium, in quo tria sanctissima computantur Altaria. Primum in arca cypressina, quam Leo Papa III. condidit, tres capsae sunt. In una est Crux de auro purissimo adornata gemmis, et lapidibus pretiosis, idest hyacinthis, et smaragdis, et prasinis. In media Cruce est umbilicus Domini nostri Iesu Christi: et desuper est inuncta balsamo, et singulis annis eadem unctio renovatur, quando Dominus Papa cum Cardinalibus facit processionem in Exaltatione Sanctae Crucis ab ipsa Ecclesia Sancti Laurentii in Basilicam Salvatoris, quae appellatur Constantiniana. Et in alia capsa argentea, et deaurata cum historiis est Crux de smalto depicta, et infra capsam illam, est Crux D. N. J. C.; et in tertia capsa, quae est argentea, sunt sandalia, idest calciamenta D. N. J. C. Lignum vero sanctae Crucis, quod ibidem tanta religione, eadem die colebatur, Severanus<sup>2</sup>, Pancirolus<sup>3</sup>, Marangonius<sup>4</sup>, et Mabillonius<sup>5</sup>, illud idem esse existimarent, quod in Basilicae Vaticanae Secretario Sergius invenit. Hoc idem diserte traditur a Megisto Monacho, Abate Coenobii S. Gregorii ad Clivum Scauri, postea Ostiensi Episcopo, et Apostolicae Sedis Bibliothecario, cuius relationem de Scala Pilati, quae exstat apud Basilicam Salvatoris, anno DCCCXLIV. exaratam, transcripsit Nicolaus Processi anno MCCCLXII; ac deinde edidit Ioh. Maria Soresinus in appendice Opusculi de Scala Sancta<sup>6</sup>, quam memorant Benedictus XIV.<sup>7</sup>, et Gaspar Bambi<sup>8</sup>. Ibidem enim fertur, quod Sergius I. per hanc scalam nudis pedibus adscendens cum Ligno Crucis Domini, quem invenerat

<sup>1</sup> ibid. §. xiv. p. 572.<sup>2</sup> Mem. delle sette Chiese P. I. p. 575.<sup>3</sup> Tesori nascosti p. 148.<sup>4</sup> Storia di S. Sanct. c. xxxix. p. 250.<sup>5</sup> ibid. p. 209.<sup>6</sup> pag. XI.  
7 T. iv. de Beat. et Can. Sanctorum P. I.

c. xxvi. n. xiv. p. 220.

<sup>8</sup> Mem. della Scala Santa. Roma 1775. 12.

in Sacrario Divi Petri , eam collocavit in dicta Basilica S. Laurentii . Porro Ordericus Vitalis <sup>1</sup> , et Chronicum Turonense Crucis adorationem , quae festo die Exaltationis , non secus ac feria VI. Parasceves , antiquitus praestabatur , a Sergio institutam putarunt . Ceterum Martenius <sup>2</sup> ex Anastasii verbis dumtaxat colligi posse arbitratur , Crucis adorationem in ejus Exaltatione jam antea institutam , et usitatam , Cruci a Sergio in Sacrario Bas. Vat. repertae exhibitam fuisse .

Haec autem , ni fallor , manifesto indicio sunt , Oratorium S. Crucis , quod in parte occidentali , a latere Baptisterii Lateranensis Hilarus Papa extruxerat , atque ubi , Anastasio teste <sup>3</sup> , posuit lignum dominicum , in cruce aurea cum gemmis pondo librarum quinquaginta , vel ab ipsa Sergii aetate , e veteri splendore , cultuque dilapsum fuisse . Illuc enim docet Vir , non minus purpura , quam pietate , et doctrina eminentissimus Nicolaus Antonellus <sup>4</sup> , primitus Monachos , qui Lateranensi Basilicae in rebus divinis inserviebant , ad vesperas Feria II. post Pascha , postquam sacrum fontem adiverant , ibique sacras preces recitaverant , convenire consuevisse ad adorandam dominicam Crucem . Itaque si Crucis particulam , in Bas. Vat. Sacrario inventam , Sergius ad S. Laurentii transtulit , ibique , et in Basil. Later. Benedictus , et Cencius Sec. XI , nulla injecta Oratori ab Hilario constructi mentione , ritus omnes in Exaltatione S. Crucis consuetos , peractos esse scribant , jam tum idem Oratorium vetustate obsoletum fuisse , censendum est . Quis enim putet , si Hilari Oratorium SS. Crucis dicatum , Populi cultu frequentatum fuis-

<sup>1</sup> in lib. I , et II. Historiae.

<sup>3</sup> T. I. §. II. p. 155.

<sup>2</sup> T. II. de ant. Eel. rit. p. 593.

<sup>4</sup> in Missali Lateran. p. 117.

set, illuc sese Pontifices conferre noluisse, in *Exaltatione S. Crucis*; eo magis, quod Oratorii structura caeremoniis quibuscumque peragendis esset aptissima, quum Crucis formam referret adeo eleganti artificio, ut non desint auctores gravissimi a Rasponio<sup>1</sup> indicati, qui Vat. Bas. delineationem, a Michaele Angelo Bonarota ex veteri ejusdem Oratorii ichnographia desumptam arbitrentur? Plura vero de eodem, si lubet, vide apud Johannem Diaconum<sup>2</sup>, Panvinium<sup>3</sup>, et Joh. Stiltingum<sup>4</sup>, necnon in historia MSS. Basilicae Lateranensis, quam, suppresso Panvinii nomine, paucisque tantum additis, et immutatis, Caesarem Rasponium exscripsisse, auctor est Nicolaus Antonellus<sup>5</sup>, qui unam cum altera conferre potuit.

Sed, ut ad *Crucem a Sergio* repertam revertamur, eruditissimo Praesuli, Stephano Borgiae adsentire non possum, qui *Crucem a Iustino Iuniore, et Sophia ejus conjugi* Vat. Bas. dono datam, et ab se nuper egregie illustratam<sup>6</sup>, adlato Anastasii loco designari contendit. Quis enim sibi persuadeat, unius ferme seculi spatio, quale ab *Iustino ad Sergium* intercessit, capsam argenteam, in qua *Crux inclusa* fuerat, adeo nigrescere potuisse, ut vix, aut ne vix quidem amplius, an esset argentea, dignosci liceret? Rursus, quis credat, pretiosissimum tanti Imperatoris donum, usque ab initio, ita negligi potuisse, ut in *Sacrarii angulo obscurissimo* reconderetur, ejusque memoria, ac cultus jam tum penitus obsolesceret?

Neque vero, ut secus sentiam, movet me Maph. Vegii auctoritas, qui allatum Anastasii locum transcripsit, ac paullo fusius in suum opus derivavit *de rebus antiquis*

<sup>1</sup> c. ix. p. 232.

<sup>4</sup> die x. Sept. T. II. p. 573. in Comm.

<sup>2</sup> in append. Ord. Rom. p. 571.

<sup>5</sup> in Miss. Later. p. 117.

<sup>3</sup> de vii. Eccl. p. 164.

<sup>6</sup> de Cruce Vaticana p. 64.

memorabilibus Basilicae S. Petri Romae. Illud quoque, inquit<sup>1</sup>, memoratu dignum videtur, quod Sergius Papa, sicut divina ejus visione revelatum fuerat, invenit in Sacraario Basilicae S. Petri, ac in loco quidem longe recondito, et obscurō, forulum argenteum, prae nimia vetustate deformatum, ita ut nec ex argenti materia factum videretur, quodam etiam sigillo designatum, cum veste sacra holoserica desuper, atque intra clausam Crucem Domini nostri, auro, lapidibusque eximie ornatum, cum parte veri ligni S. Crucis ibidem reposita, sicuti additae ibi literae significabant, quod postmodum in die festo exaltationis S. Crucis publice adorandum populo quotannis ex antiquo more ostendebatur. Vnde plane gloriosior videtur nunc Vaticanus, pretioso hujus Crucis tam salutaris, nunquamque periturae arboris ligno, quam illius, de qua dictum est, antiquissimae ilicis, quae nihil proderat, tandemque interiit. Hinc enim, etsi nunquam Vegius Justinum nominaverit, tamen quum in ejus descriptione adjecta sint ea verba, sicuti additae ibi literae significabant, quae epigraphem in Iustini Cruce caelatam indicare videntur, Vegium de Iustini Cruce Anastasii locum accepisse, non invitus concessero. Sed tamen ita rem sese habere, ut Vegius opinatus est, aegre mihi persuadeam. Quum enim Vegius de Oratorio S. Laurentii, quō Crux a Sergio translata fuit, ne verbum quidem faciat, contra vero Anastasius literas a Vegio indicatas minime nominaverit, Iustini Crucem, quam Vegius ob oculos habuit, longe diversam fuisse putarim ab altera, quam tradidit Anastasius a Sergio inventam, et ad Lateranum translatam.

Quid vero dicam de larvato gallici libelli, *le Tombeau de Jesus Christ* inscripti auctore, qui tantum detulit huic

Crucis particulae in *Sacrario Vaticano* a *Sergio* repertae, ut illam ipsam esse contenderit, quam *Helena Augusta e Calvario* evectam in *Sessoriana Basilica* collocaverat, quamque temporis decursu in *Sacrarii* angulo, ubi tutissimo esset, abditam fuisse propugnavit? Verum ejus argumentis egregie satisfecit Cl. Besozzius <sup>1</sup>, qui Crucis Dominae trunculi ibidem adservati nonullas identidem partes a Pontificibus desumptas fuisse concedit, ut eas viris Principibus dono mitterent, vel sibi reservarent, quarum una fortasse esse potuit illa a *Sergio* reperta; nunquam tamen eamdem Basilicam majori, insigniorique tanti thesauri parte spoliatam fuisse demonstrat. Nam vel postquam *Sergius* inventam *Crucis* particulam ad S. Laurentii Oratorium deportavit, nulla unquam intercisa temporum derivatione, viguit fidelium cultus erga vivifcae Crucis partem in *Sessoriana Basilica* permanentem, ex qua Leo x. <sup>2</sup>, ut *Gregorii* <sup>3</sup> exemplum renovaret, qui ejusdem *Sancti Ligni* frustum Recaredo Regi dono dedit, partem argenteae thecae cruciformi inclusam Francisco Galliarum Regi ab se donandam, desumi jussit; quemadmodum Urbanum viii. aliam ob caussam praestitisse, mox demonstrabimus.

Qualis tamen fuerit *Crux a Sergio* inventa, difficile est indagare. Nam alterum venerandae Crucis pignus, quod Symmachus in Oratorio ad Fontem Bas. Vat. <sup>4</sup> collocavit, ibidem usque ad ejusdem Oratorii demolitionem exstitisse auctor est Vegius, ubi ait <sup>5</sup>. *Quum Symmachus P. exstruxisset in ipsa Basilica Oratorium S. Crucis eximie, miraque ornatum, sed noviter quidem dirutum, ad augendam etiam majorem ejus devotionem recondidit in absida ipsius de-*

<sup>1</sup> c. xvI. p. 140.

<sup>4</sup> lib. iv. p. 363. *Anastas. in vita Mallius*

<sup>2</sup> ibid. p. 142.

p. 48. n. 114.

<sup>3</sup> lib. viI. ep. cxxviI, et lib. xiI. ep. viI.

<sup>5</sup> in T. vi. Junii Boll. p. 66. n. 35.

cem libras veri ligni S. Crucis <sup>1</sup>: quod quum apud idoneum quemdam auctorem forte legisset, notum id feci iis, ad quos Basilicae cura pertinebat, ut, quum dirueretur, Custodes ad id adhiberentur, ne incuria deperiret; quibus recte curantibus, ita, ut legeram, compertum est, exstatque nunc ipsum sacratissimum lignum, servaturque a Canonicis summa veneratione. Verum, si conjecturis dandus est locus, in re tam vetusta, atque obscura, dicam timide, ac diffidenter; dicam tamen, Crucem ab Anastasio memoratam, fortassis fuisse illam, quam Iuvenalis Hierosolymarius Antistes, Leoni M. dono miserat. Quum enim Sergius in abditis inferioribus ejusdem Sacrarii, Leonis Corpus delitescens invenerit, probabilius quidem videtur, Crucem ibi repartam, usque a Leonis tempore, ibi aequa in proximo colloccatam, ac propterea, transacta annositate, ita nigrescere potuisse, ut argentea nec ne esset, nemo statuere facile posset. Nihilominus, quum epistolae Leonianaे particula, qua Iuvenalis donum hoc recensetur, CC. Fratribus Balleriniis in praestantissima Leonis operum editione, haud satis exploratae fidei visa fuerit, atque ad marginem rejecta, siccirco nihil habeo certi, quod statuam, remque eruditioribus stabiliendam relinquo.

Vtrum vero Crux, quae in Apostolico Sacrario Cellae Xystinae, etiamnum adservatur, eadem sit, ut sentit Angelus Rocca in *Commentario* de hac Crucis particula <sup>2</sup>, quae Leoni M. a Juvenale dono data, et a Sergio reperta fuit, nequeo statuere. Porro illud unum pro certo habeo, eam non esse, quam Justinus, et Sophia

<sup>1</sup> V. Comment. Janningi de Bas. S. Petri in Vat. ibid. p. 104. n. 109.

<sup>2</sup> De particula ex pretioso, et vivifico Ligno. Sacratiss. Crucis Salvat. J. C. de-

sumpta sacris imaginibus, et elogiis eodem ligno incisis insignita, et in Apostolico Sacrario asservata Comment. Rom. 1609. 8, et in T. I. Opp. p. 253.

## 656 DE SS. CRVCIS PARTIC. A SERGIO REPERTA

uxsor donarunt, ut pluribus idem doctissimus Borgia egregie demonstravit.

Ceterum, etsi Roccha de *Crucis* a Sergio inventae translatione ad Lateranum, reddituque ad Vaticanum, Panvinii afferat testimonium, in extrema sui parte castigandum, tamen in ejus sententiam ire vix dubito, quam sequutus est etiam Perierius in *Commentario Chronico-Historico de Sergio I. Pontifice, et Confessore die ix. Septembris*<sup>1</sup>. Haec autem sunt Panvinii verba, qui ubi agit de Oratorio S. Laurentii<sup>2</sup>, quod priscis temporibus, ut ait Rasponius, *Cappella Romanorum Pontificum* vocabatur, ita scribit<sup>3</sup>. In hoc vero Oratorio reliquiae quamplures pretiosissimae, et certissimae fuerunt, quarum multae adhuc ibidem exstant, multae suo loco ablatae. Inter ceteras aliquando fuit ibi pars ligni sanctissimae Crucis, cuius ita meminit Bedas in libro de temporum ratione. Papa Sergius in Sacrario B. Petri Apostoli capsam argenteam, quae in angulo obscurissimo diutissime jacuerat, et in ea Crucem diversis, ac pretiosis lapidibus adornatam, Domino revelante, reperit: de qua tractis quatuor petalis, quibus gemmae inclusae erant, mirae magnitudinis, portionem ligni salutiferi Dominicae Crucis interius repositam inspexit; quae ex tempore illo annis omnibus in Basilica Sal-

1 T. II. Sept. §. vii. p. 459.

2 V. Benedetto Millino. Discorso dell' Oratorio di S. Lorenzo nel Laterano, oggi detto Sancta Sanctorum. Roma 1666. 8. Joh. M. Soresinum de Imag. SS. Salvatoris in Bas. ad Sancta Sanctorum custodita. Romae 1676. 8. de qua vide Diar. Rom. litet. hominum 1676. pag. 22. Nic. Maniacutii de Sacra imagine SS. Salvatoris in Palatio Lateranensi Tractatum ex mss. Tabularii Sacros. Bas. Liberiana. Romae 1709. 8. Franc. Grisendum lettera

circa l' imagine del Salvatore, che si onora nella Cappella, detta in Roma comunemente, *Sancta Sanctorum*. fra le lettere memorabili del Giustiniani P. II. pag. 175. Joh. Maragonium Istoria dell' antichissimo Oratorio, o Cappella di S. Lorenzo nel Patriarchio Lateranense etc. Roma 1747. 4. Gasp. Bambi Memorie Sacre della Cappella di Sancta Sanctorum, e della Scala del Palazzo di Pilato, detta volgarmente la Scala Santa. Roma 1775. 12. 3 de vii. Eccl. p. 188.

vatoris, quae appellatur Constantiniana, die exaltationis ejus ab omni osculatur, atque adoratur populo. Et in Sergii Pape vita, etiam ejusdem mentionem facit Anastasius Bibliothecarius. Hanc ligni sacratissimi portionem, excidio Vrbis sub Clemente VII. a militibus aliquot, theca argentea direpta, ablata, Pontifex prodigiose, et non sine ope divina recuperavit, et aurea, chrystillinaque cruce inclusam, in Palatio Vaticano, ubi est Sacristia Pontificia, servari jussit.

Atqui Crucem a Sergio repertam, et ad Lateranum translatam, nunquam ex Vrbe ablatam, ac Vatic. sedi, veluti postliminio, restitutam puto, postquam ibi Pontifices domicilium statuerant. Iccirco deserendus est Rasponius<sup>1</sup>, qui Panvinio adhaesit; ac praeterea insignem Crucis reliquiam, quam Urbanus VIII. Bas. Principis Apostolorum dono dedit, hujus ipsius partem fuisse existimavit. Nam ejus sententiae aperte refragatur, praeter Inscriptionem sub Vaticano conditorio insculptam, ipsius Urbani diploma<sup>2</sup>, quo S. Crucis ligni parvam Crucem, quae in S. Anastasia servabatur, ac de ea, quae in S. Crucis in Hierusalem Ecclesiis de Vrbe asservatur, particulam, cruce argentea lapidibus pretiosis ornata, Basilicae Vatic. largitus fuit, et post sacram Cuspidem, et ante sacratissimam imaginem Salvatoris, statis anni diebus, populo ostendendam injunxit; quamvis nullam hac de re mentionem faciant Cappellus<sup>3</sup>, et Crescimbenius<sup>4</sup>.

Itaque extrema Panvinii verba dumtaxat de Cruce a Justino dono data sunt accipienda, quae carbunculis, smaragdis, topatiis, margaritis praefulgens, ut refert Grimaldus apud Turrigium<sup>5</sup>, ablata fuit in Vrbis direptione.

<sup>1</sup> I. IV. p. 564.

di S. Anastasia. Roma 1722. 8.

<sup>2</sup> T. III. Bull. Vat. p. 240. ad ann. 1629.

4 Storia della Basilica di S. Anastasia.

<sup>3</sup> Stato antico, e moderno della Chiesa

Roma 1722. 8. 5 pag. 254.


658 DE SS. CRVCIS PARTIC. A SERGIO REPERTA

Quumque eam Maph. Vegius sua aetate , inter Bas. Vat. cimelia recenseat , ac nulla exstet memoria , fuisse ad Lateralum translatam , proinde nunquam loco suo motam , in Bas. Vat. usque ad Borbonianam depopulationem existisse puto , quô deinde rediit , ut idem Grimaldus testatur , una cum calice argenteo , gutture S. Blasii M. in argenteo tabernaculo cum duobus Angelis ornato , et diversis argenti frustis , centum ducatis redempta<sup>1</sup> .

<sup>1</sup> Bolland. in Comm. praevio num. xxI. Alfonso Nicolai Memorie Storiche di S. Biagio Vesc. e M. Roma 1752. p. 74. et in Cat. reliq. Bas. Grimaldo auctore , ubi legitur . La Gola di S. Biagio V. e M. Questa reliquia venne alla nova Basilica , dopo che Eugenio PP. IV. uni la Chiesa di S. Biagio in Canto secuto , alias della Pagnotta , alla d. nostra Basilica . Vi è l'arma del Card. Errico Minutolo Arcivescovo di Napoli , che è un Leone scacciato in campo rosso , e questa Iscrizione in caratteri gotici . ( V. num. I. ) L'anno 1527. nel Sacco di Borbone fu rubbata questa reliquia , unitamente al Calice grande donato da Madonna Vrsina , figlia di Giacomo Vrsini , ( V. num. II. ) e alla Croce donata da Giustino Imperatore . Li Canonieci trovandosi spogliati di queste S. Reliquie , e deplorandone la perdita ,

unirono la somma di cento ducati d'oro , e le riscossero dalle mani de' Soldati , come apparisce nel Censuale della Sagrestia dell'istesso anno al fogl. 2. con queste parole . In primis de commissione R. D. Card. de Valle , solvi ducatos centum auri Militibus Germanis , qui restituerunt supradicta fragmenta argenti , simul cum Tabernaculo argenteo , cum Guttura S. Blasii , et Calice magno argenteo , et Cruce Iustini ; de qua in eodem Catal. haec habentur . Croce donata da Giustino Imperatore a questa Sacros. Basilica , dentro la quale è del Legno della SS. Croce di N. S. Gesù Cristo . L'anno 1527. nel Sacco di Roma fu rubbata , e ricomprata dalle mani de' Soldati per ducati cento , come si è detto nella reliquia della Gola di S. Biagio . In detta Croce d' argento è scritto

+ LIGNO quo CHRISTUS HUMANUM  
SUBDIDIT HOSTEM DAT ROMAE  
IUSTINUS OPEM ET SOCIA DECOREM  
ni.  
HOD OPUS TRAXIT RIARI.  
haARDINALIS NAPOLITANI.



Sed de his satis. Nam de hoc ipso *Secretario* alibi opportune redibit sermo, ac tum ceteras ejus vices accurate, et copiose evolvemus. Nunc e *Secretario antiquissimo*, ubi hactenus immorati sumus, ad ejus *Vestibulum* egrediamur.

## C A P V T I I I I .

*De Vestibulo Secretarii antiquissimi, et Porticu Bas. Vat.*

*Vestibulum Secretarii antiquissimi*, erat celeberrima quadrigeminae Templi Vaticani Porticus pars anterior, et Basilicae propinquior. Hic locus in Ichnographia distinguitur, literis ee, et II.

Ibidem Fontana opinatus est, Romanos Pontifices sacris indumentis, quibus in sacrificio utebantur, amiciri consuevisse, quem Bonannius<sup>1</sup>, Costaguti auctoritate innixus, jure erroris insimulat. Indecorum enim fuisse animadvertisit, ut in loco omnibus obvio, et aperto, Pontifex sacris vestibus indueretur, quum id multo decenter, ac commodius etiam, fieri in *Secretario* posset. Quamvis enim supra legimus<sup>2</sup>, Antistites quandoque in *Vestibulo* sacris vestibus indutos fuisse, tamen hujusmodi vocem pro *Vestiaro* indicando usurpatam fuisse novimus.

Heic igitur erat *Secretarii Vestibulum*, saepissime memoratum, quod Janningus<sup>3</sup> minus proprio *Oratorii Gregoriani Vestibulum* generatim appellat. Nam, praeterquam quod, multo ante *Gregorii* aevum exstabat, nec, quounque aetatem tulit, *Gregorianum* nuncupatum usquam fuit, ne tum quidem, postquam ibidem SS. Doctor humatus est, id nominis habuit. Siquidem *Oratorium Gregorianum*

<sup>1</sup> pag. 29.

<sup>2</sup> p. 360.

<sup>3</sup> T. vi. Jun. p. 151.

supra ejusdem *Secretarii* ruinas, multo post aedificatum fuisse, infra demonstrabimus.

Haec autem una erat e quattuor partibus, quae splendidissimam veteris Basilicae Vat. *Quadriporticum* a Constantino aedificatam, a Simplicio, et a Symmacho exornatam, a Stephano II<sup>1</sup> renovatam, quamque Panvinius<sup>2</sup>, et Ciampinius<sup>3</sup> graphice describunt, constituebant. Earum media, *Paradisi* nomine vulgo veniebat, quemadmodum cetera Ecclesiarum Atria eodem titulo majores nostri plerumque, *Romana consuetudine*, ut cum Leone Ostiensi<sup>4</sup> loquar, indigitabant. Ait enim Anastasius in vita Doni<sup>5</sup>. *Atrium B. Petri Apostoli superius*, quod *Paradisus dicitur, estque ante Ecclesiam in Quadriporticu, candidis, et magnificis marmoribus mirifice stravit*. Cui concinit Paullus Diaconus, qui haec habet<sup>6</sup>. *Domnio Pontifex Rom. Eccl. locum, qui Paradisus dicitur, ante Basilicam B. Petri candidis lapidibus marmoreis mirifice stravit*. Quibus adjungi possent Paullini Nolani testimonium, qui *Atrium Bas. Vat. describens*<sup>7</sup>, eodem titulo designavit, aliaeque veterum sententiae a Rosweido in eundem Paullini locum summa eruditione congestae<sup>8</sup>.

### §. I.

*De Pontificum sepultura in Vestibulo Secret., et in Porticu Bas.*

**Q**uum heic Romanorum Pontificum Corpora tumulari consuetum esset, *Secretarii* hujusce antiquissimi *Vestibulum* quandoque etiam *Porticus*, seu *Navis Pontificum* appellabatur. Quod manifeste patet ex P. Mallio, ubi ait<sup>9</sup>.

<sup>1</sup> Anastasius in ejus vita apud Lambecium lib. II. p. 927.

<sup>2</sup> T. II. mss. c. VI. fol. 15.

<sup>3</sup> De Sacr. Aedif. p. 35. et 84.

<sup>4</sup> I. II. c. xxvi. <sup>5</sup> T. I. p. 273. <sup>6</sup> l. v. c. 31.

<sup>7</sup> ep. XII. novae edit. antiqu. XXXVII.

<sup>8</sup> p. 812. vet. edit. Antuer. 1612.

<sup>9</sup> T. II. Junii n. 24. p. 40.

In hac parte Bas. B. Petri, scilicet in Vaticano, et deinde per Porticum Pontificum, quae vadit ad S. Gregorium Papam egregium Doctorem, et usque ad Portam Argenteam, sunt sepulturae SS. Pontificum. Nonnullorum nomina discere licet ex eodem Mallio, qui in Porticu Basilicae, tamquam in proprio domicilio, sepulcrum habuisse narrat, Bonifacium I<sup>1</sup>, II<sup>2</sup>, IV<sup>3</sup>, Severinum<sup>4</sup>, Johannem IV<sup>5</sup>, Theodorum<sup>6</sup>, Zachariam<sup>6</sup>, Stephanum II.<sup>7</sup>; ac demum<sup>8</sup> ante Secretarium B. Petri sepultum fuisse tradit<sup>9</sup> Pelagium I, cui<sup>10</sup> proximum fuisse docet Gregorii V. sepulcrum.

Sepulcrales utriusque Inscriptiones idem Mallius diligenter servavit. Eas igitur heic reddere non gravabor. Pelagii epitaphium est istud.

TERRENV M CORPVS CLAVDANT HAEC FORTE SEPVLCR<sup>A</sup>  
 NIL SANCTI MERITIS DEROGATVRA VIRI  
 VIVIT IN ARCE POLI CAELESTI LVCE BEATVS  
 VIVIT ET HIC CVNCTIS PER PIA FACTA LOCIS  
 SVRGERE IVDICIO CERTVS DEXTRAMQVE TENENTEM  
 ANGELICA<sup>11</sup> PARTEM SE RAPIENTE MANV.  
 VIRTVTVM NVMERET TITVLOS ECCLESIA DEI  
 QVOS VENTVRA VT<sup>12</sup> SAECVLA FERRE QVEANT.  
 RECTOR<sup>13</sup> APOSTOLICAE FIDEI VENERANDA RETEXIT  
 DOGMATA QVAE CLARI CONSTITVERE PATRES.  
 ELOQVIO CVRANS ERRORVM SCHISMATE LAPSO<sup>S</sup>  
 VT VERAM TENEANT CORDA PLACATA FIDEM.  
 SACRAVIT MVLTO<sup>S</sup> DIVINA LEGE MINISTROS  
 NIL PRETIO FACIENS IMMACVLATA MANVS.  
 CAPTIVOS REDIMENS MISERIS SVCCVRRERE PROMPTVS  
 PAVPERIBVS NVMQVAM PARTA NEGARE SIBI.

<sup>1</sup> T. vI. Junii n. 45. p. 41.

<sup>2</sup> n. 61. p. 44. <sup>3</sup> n. 51. p. 42.

<sup>4</sup> n. 66. p. 44. <sup>5</sup> n. 67. p. 44.

<sup>6</sup> n. 68. p. 44. <sup>7</sup> n. 87. p. 45.

<sup>8</sup> n. 87. p. 45. <sup>9</sup> n. 88. p. 87.

<sup>10</sup> n. 48. p. 42. <sup>11</sup> id. Cod. Angelicam.

<sup>12</sup> Ita Cod. mss. impressus legit *velut*

Forsitan pro *ut* debet *utinam* legi.

<sup>13</sup> pro Rector invenitur in Cod. impr.

*Doctor*.

TRISTIA PARTICIPANS LAETI MODERATOR OPIMVS

ALTERIVS GEMITVS CREDIDIT ESSE SVOS .

HIC REQVIESCIT PELAGIVS PAPA . QVI SEDIT ANNOS IV.

MENSES X. DIES XVIII. DEPOSITVS IV. NONAS MARTII .

Haec autem profert <sup>1</sup> de Gregorio Papa V. *Hic requiescit in Ecclesia B. Petri ante Secretarium, juxta Pelagium Papam, cuius epitaphium est hoc.*

HIC QVEM CLAVDIT HVMVS OCVLIS VVLTVQVE DECORVS

PAPA FVIT QVINTVS NOMINE GREGORIVS .

ANTE TAMEN BRVNO FRANCORVM REGIA PROLES

FILIVS OTHONIS DE GENITRICE IVDITH .

LINGVA THEVTONICVS WANGIA DOCTVS IN VREE

SED IVVENIS CATHEDRAM SEDIT APOSTOLICAM

AD BINOS ANNOS ET MENSES CIRCITER OCTO

TER SENOS FEBRVO COMMEMORANTE DIES .

PAUPERIBVS DIVES PER SINGVLA SABBATA VESTES

DIVISIT NVMERO CAVTVS APOSTOLICO .

VSVS FRANCISCA VVLGARI ET VOCE LATINA

INSTITVIT POPVLOS ELOQVIO TRIPLCI .

TERTIVS OTTO SIBI PETRI COMMISIT OVILE

COGNATIS MANIBVS VNCTVS IN IMPERIVM .

EXVIT ET POSTQVAM TERRENAE VINCVLIA CARNIS

AEQVIVOCI DEXTRO SVESTITVIT LATERI .

Hujusmodi Inscriptio[n]em , post Turrigium <sup>2</sup> , vulgavit etiam Dionysius <sup>3</sup> , qui eam erudite illustravit , et Gregorii translationes ex Aringhio <sup>4</sup> , et Grimaldo <sup>5</sup> indicavit.

Alios etiam Pontifices ibidem sepultos fuisse scimus ex Maphe Vegio , quem Panvinius <sup>6</sup> sequutus est . Ait enim <sup>7</sup> , *juxta quod ( Oratorium nempe Gregorii I. ) sepultus est Pelagius Papa , et Bonifacius III. et Gregorius etiam quintus cum epitaphio simul , quod adhuc appetet marmori*

<sup>1</sup> num. 109. p. 47.

<sup>4</sup> T. I. p. 292.

<sup>5</sup> p. 122.

<sup>2</sup> p. 349. <sup>3</sup> tab. XLVI, p. 115.

<sup>6</sup> T. II. miss. p. 114.

<sup>7</sup> ib. n. 41. p. 84.

insculptum, versibusque, licet (non) multum dignis compositum. Post ipsum Oratorium est Secretarium B. Petri, quod ita appellatum fuit, ante quod reconditus est Iohannes II; intra vero Benedictus. Sed extra in Vestibulo; Bonifacius, Theodorus, Zacharias, Iohannes II. Gregorius II. Stephanus II, et alius Stephanus V, ac VI. etiam, nec non Benedictus IV.

Verum longe plures recensuit Alpharanus, quos item Ciampinius<sup>1</sup> exscripsit. Nomenclatoris enim vices impletivit, ubi ait<sup>2</sup>. Inter Portam Iudicii<sup>3</sup>, et Porticus angulum multa Pontificum sepulcra exstabant, inter quae in primis juxta Portam praefatam Iudicii erat Iohannis octavi sepulcrum pulcherrimum<sup>4</sup>. Deinde Iohannis XII. sequebatur Mausoleum<sup>5</sup>, postea Iohannis II, et III. etiam marmorea sepulcra<sup>6</sup> praedictorum sepulcrorum non longe dissimilia. Ab angulo<sup>7</sup> autem hujus porticus juxta parietes ad meridiem, et in Vestibulo extra Secretarium usque ad portam Iudicii sub pavimento sepulti fuere Bonifacius I, et II, et Simplicius I. Gelasius I, et Symmachus, et per totam hanc porticum sub pavimento etiam diversis in locis sepulti fuere Anastasius II. et III, Hormisda, Felix IIII, Agapitus I, Pelagius, Sabinianus I, Christophorus I, Theodorus I, Zacharias I, Gregorius II, et Stephanus II, et III, SS. Pontifices.

Verum erit fortasse, qui me coarguet, quod Leonem M. in Secretario antiquissimo, potius quam in ejus Vestibulo, contra Joh. Diaconi sententiam, cui jam supra<sup>8</sup> subscripsisse vidimus Genebrardum<sup>9</sup>, Panvinium<sup>10</sup>, Bosium<sup>11</sup>,

<sup>1</sup> de Sacr. Aedif. p. 68. et 82.

<sup>6</sup> num. 140.

<sup>2</sup> p. 51. ms.

<sup>7</sup> num. 141. <sup>8</sup> Par. II.

<sup>3</sup> in tab. ichn. Alph. n. 137.

<sup>9</sup> T. II. ms. c. xxII. p. 113.

<sup>4</sup> n. 138.

<sup>10</sup> T. I. Rom. subt. p. 248.

<sup>5</sup> n. 139.

<sup>11</sup> T. I. p. 307.

Ciacconium <sup>1</sup>, Oldoinium <sup>2</sup>, Quesnellium <sup>3</sup>, Papebrochium <sup>4</sup>, Ceillierium <sup>5</sup>, atque Sindonium <sup>6</sup>, humatum fuisse affirmaverim. Ego vero Leonis tumulum superiori capite describendum esse, una cum Ciampinio <sup>7</sup> existimavi, quod Anastasius eum in abditis inferioribus Secretarii, minime vero in Vestibulo Secretarii, a Sergio repertum fuisse scripsit, contra quam fecit de Gregorio M., quem, uti mox videbimus, ante Basilicae Secretarium, humatum fuisse tradidit. Itaque ejus auctoritatem multo gravissimam sequutus sum; ejusque verba pro ipso Secretario commode interpretari posse duxi. Ceterum, quum Vestibulum, Secretarii quaedam veluti pars esset, unum pro altero allati Scriptores accipere facile poterant; eo magis quod indiscriminatim, ut recte Panvinius <sup>8</sup> pronuntiavit, ab antiquis usque temporibus Porticus, Secretarium, et Basilica S. Petri Apostoli in Vaticano, locus praescriptus summorum Pontificum sepulturae fuerit, quod conveniens esse videbatur, Successores, et Vicarios, eo loci jacere debere, uti et predecessor Magister, et hujus sanctae Ecclesiae Fundator Apostolorum Princeps Petrus dormiebat.

Quapropter, quum non solum in Porticu Basilicae, et in Vestibulo Secretarii, sed etiam in ipso Secretario Pontifices sepultos fuisse constet, hinc sane liquet, usum intra Templorum ambitum Cadavera humandi, Gregorii M. aetatem excedere, qua solum Kepperus <sup>9</sup> primum invaluisse criminatur <sup>10</sup>.

<sup>1</sup> ibid. p. 311.

<sup>9</sup> in Polit. Eccl. lib. 1. c. xv.

<sup>2</sup> T. 1I. Opp. S. Leon. edit. Baller. p. 599.

<sup>10</sup> V. Hieronymum in Epitaphio Paullae.

<sup>3</sup> in Propyl. Maii p. 63.

Baron. ad ann. ccxxvi. n. vii, et ad ann.

<sup>4</sup> T. xiv. p. 333. <sup>5</sup> p. 46.

CCCLXXXIII. de Marcellina Anibrosii

<sup>6</sup> de Sacr. Aedif. p. 54.

Sorore. Matth. Jacutium de Bonusa, et

<sup>7</sup> de Cryptis Vatic. p. 34.

Menna int. specim. Christ. Ant. Rom. 1758.

<sup>8</sup> de vii. Eccl. p. 145.

p. 17. Lud. Thomassinum in Vet. et Nov.

## §. II.

*De Regum, atque Imperatorum sepultura in Porticu Bas. Vat.*

Verum in *Porticu Vaticanae Basilicae*, praeter summos Ecclesiae Hierarchas, ipsos etiam Christianae Reipublicae Principes, quandoque humatos, et pari sepulcri honore donatos esse, compertum est. Nam primis Christianorum temporibus, vel ipsi Principes summo honori ducebant, in sacrarum Aedium porticibus sepulturae locum obtinere<sup>1</sup>, ut Joh. Chrysostomus testatur, inquiens<sup>2</sup>. Non prope Apostolos, sed foris ad ipsa limina optaverunt<sup>ii</sup>, qui diademate redimiuntur, corpora sua sepeliri, atque ita Imperatores, Piscatorum Ostiarii facti sunt. Cujus quidem erga SS. Apostolos reverentiae, idem Chrysostomus insigne profert exemplum. Narrat enim, Constantium non in Apostolorum Templo, quod Constantinus Pater Constantinopoli magnificentissime aedificaverat, sed tantum in ejus Atrio, Patrem sepeliri voluisse. Siquidem, ut aureis ejusdem verbis utar<sup>3</sup>, *ingenii honore se affecturum existimavit, si eum in Piscatoris Vestibulo conderet: quod enim Imperatoribus sunt in aulis janitores, hoc in sepulcro Piscato-*

Eccl. discipl. lib. III. cap. LVI. num. VI.  
Spondanum de Coemet. Eliam Amatum  
del costume di seppellire i morti appo  
gli antichi, e se prima del secolo V. i  
Fedeli goduto avessero dentro le Chiese  
i sepolcri? fra le sue lettere. Gen. 1714. 4.  
pag. 329. Joh. de Vita in T. I. Ant. Benev.  
Diss. xl. c. II. Muratorium in T. I. Anecd.  
Bibl. Ambros. p. 186. Catalanum in Comm.  
Pont. Rom. T. II. de Bened. Coemet. Ios.  
Allegranza de Sep. Christ. in Aed. Sacr.  
Mediol. 1773. 4. adversus Gundlingium de  
origine Sepulcorum in Templis. int. Obs.

sel. Lips. et Francof. 1787. T. I. pag. 137.  
Doughtejum in Analect. Sacr. T. I. p. 137.  
Crenum in Animadv. Philol. T. II. p. 155.  
Lindebrogium ad leges antiquas p. 1440.  
aliasque.

1 Binghamus l. xxii. c. I. §. VI. Sepultura  
Regibus, et Imperatoribus in Atrio, sive  
Porticu, et exterioribus Aedificiis Eccl.  
concessa. T. X. p. 16. Gottlieb Slevogtus  
de Sepulturis Imperatorum. Jenae 1722.

2 T. I. Opp. edit. Paris. 1718. p. 580. in  
Hom. LXVI. ad Pop. Antioch.

3 in Hom. xxvi. ad epist. II. ad Corinth.

ris, sunt Imperatores; atque illi quidem, velut Domini, interioris loci partes obtinent, hi autem velut accolae, ac vicini, praeclare secum agi putarunt, si Vestibuli januae ipsis assignentur. Ita quoque, teste Nicephoro<sup>1</sup>, Theodosius in paterno monumento romani lapidis repositus est, in dextra sublimi SS. Apostolorum Templi Porticu, in qua Porticu, eodem demque lapide, Pater quoque Arcadius, et Mater Eudoxia, nec non Avus Theodosius siti sunt.

Et sane ad laevam ingredientium veteris Basil. Quadriforpticum, Panvinius<sup>2</sup>, et Alpharanus<sup>3</sup>, sepulcra fuisse narrant Placidiae, et Valentiniani Augg., quibus Paulinus Diaconus<sup>4</sup> Sicelgaitam Roberti Guiscardi uxsorem, Severanus<sup>5</sup>, atque Aringhius<sup>6</sup>, Cedualdum, et Offam Angliae Reges adjungunt.

Sed praecipue Othonis<sup>7</sup> Imperatoris, qui in Vrbe decessit anno CMLXXIIII, sepulcrum memorandum est. Nam, uti Ditmarus<sup>8</sup>, et Ostiensis<sup>9</sup> cum Othone Frisingensi<sup>10</sup> tradiderunt, in eadem Porticu tumulatus fuit in sepulcro, viridis coloris marmoribus exornato, et in superiori parte, ut tradit Severanus<sup>11</sup>, amplissimo porphyretico lapide contecto, qui nunc in conchae formam redactus, ad sacri fontis usum in Bas. Vat. adhibetur. Si quis vero cetera de solio hoc porphyretico scire cupiat, adeat Turrigium<sup>12</sup>, et Severanum<sup>13</sup>, qui primum ad Imperatoris Adriani molem, porphyreticum hunc lapidem, quem Franc. Schottus, quotquot per Italiam habentur, superare contendit, spectasse scribunt, ac praeser-

<sup>1</sup> lib. XIV. c. LVIII.

<sup>6</sup> l. II. c. IX. p. 269.

<sup>2</sup> T. II. mss. p. 40.

<sup>7</sup> lib. II. cap. v.

<sup>3</sup> num. 120. p. 47. ms.

<sup>8</sup> in Chron. l. III. in fin.

<sup>4</sup> lib. IV. Chron. c. VII.

<sup>9</sup> in Chron. l. VI. c. 25.

<sup>5</sup> p. 59.

<sup>10</sup> p. 59. <sup>11</sup> p. 365. <sup>12</sup> p. 59.

tim Bonannium<sup>1</sup>, Karol. Fontanam<sup>2</sup>, et Dionysium<sup>3</sup>, qui plura de ejusdem translationibus, vicibusque commemorant.

## C A P V T V.

*De Gregorii Magni sepultura ante Vestibulum Secretarii.*

Jam vero, postquam Secretarii antiquissimi Vestibulum existisse demonstravimus in Porticu, ubi plures Pontifices quiescebant, quid ejus celebritatem praecipue auxerit, ac propagaverit, videamus. Hoc autem Gregorio M. potissimum tribuendum esse, nemo diffitebitur, cuius exuvias in ipso ejusdem Secretarii Vestibulo collocatas fuisse, diserte testatum reliquit Anastasius. Ait enim<sup>4</sup>. *Hic instituit domum suam Monasterium, et mortuus est, et sepultus in Basilica B. Petri Apostoli, ante Secretarium, die XII. M. Martii. Quodque ab Anastasio proditum est de loco, quo Gregorii M. Corpus humatum fuit, id etiam a Johanne Diacono confirmatur, cuius auctoritas, quod ad ea spectat, quae Gregorium adtingunt, aequem magni facienda certe est; quippe qui historiam suam, Joh. VIII. jussu, literis mandavit. Haec enim profert in vita ejusdem Doctoris<sup>5</sup>. Postquam Gregorius Sedem Catholicam, et Apostolicam S. R. E. annis XIII. M. VI. D. X. doctrinis pariter, ac operibus felicissimis illustraverat, anno Imp. Phocae II. Indict. VII. IV. Iduum Martiarum, a carnis corruptione S. Pontifex substractus est, incorruptionis perpetuae gloria sublimandus..... Hujus praeterea venerabile Corpus in extrema por-*

<sup>1</sup> p. 123.

<sup>2</sup> Descrizione della nobilissima Cappella del Fonte Baptismale nella Bas. Vat. con la gran tazza antica di porfido coperta di

metalli dorati, delineata, ed intagliata in rame con gran diligenza. Roma 1697 fol.

<sup>3</sup> p. 22. 52. 114.

<sup>4</sup> T. I. f. v. p. 294.

<sup>5</sup> T. IV. Opp. S. Greg. edit. Maur. n. 68. p. 168.

*ticu Basilicae B. Petri Apostoli ante Secretarium, quo vide-  
licet Leo, Simplicius, Gelasius, atque Symmachus, Apostolicæ  
Sedis Episcopi, cum nonnullis aliis tumulati, suis hactenus epi-  
taphiis praedicantur, sepultum tali titulo decoratur.*

## §. I.

*De Epitaphio Gregorii tumulo insculpto, deque ejus  
aetate, atque auctore, nunc primum detecto.*

**E**pitaphium *Gregorii tumulo insculptum*, apud Bedam<sup>1</sup>, Mallium<sup>2</sup>, Baronium<sup>3</sup>, Panvinium<sup>4</sup>, Aringhium<sup>5</sup>, Grimaldum<sup>6</sup>, Janningum<sup>7</sup>, Papebrochium<sup>8</sup>, et in MSS. Parisiensibus a Montfauconio inspectis, et evulgatis o-  
crit; sed mira ubique verborum varietate, multisque lo-  
cis foedatum. Praeterea frustra apud omnes inquiras,  
quisnam ejus auctor, quaque aetate, tam vetustum, ac  
disertum epitaphium exaratum fuerit? Quod tamen non  
solum a Maurinis omissum fuit, qui luculentissimam Gre-  
gorii operum editionem adornarunt, sed etiam a J. Bapt.  
Gallicolio, qui novam eorum editionem Venetiis recens  
emisit, perpetuis notis illustratam, ac Tomis XVII. di-  
gestam.

Quis autem ex tot, tantorumque Scriptorum silen-  
tio, jure non arguisset, epitaphium a Iohanne Dia-  
cono relatum, eodem tempore *Gregorii tumulo inscul-  
ptum* fuisse, quo ipse e vivis decesserat? Verum longe  
secus esse, licuit mihi primum deprehendere ex auto-  
grapho Turrigii opusculo italice conscripto, cui titulus.  
*Trattato delle grandezze della sacrosanta Basilica Vaticana di  
S. Pietro di Roma, raccolto da gravi, et approvati auctori*

<sup>1</sup> I. II. Hist. c. I.<sup>2</sup> c. IV. p. 42.<sup>5</sup> p. 251.<sup>6</sup> fol. 28.<sup>3</sup> T. VIII. p. 177.<sup>4</sup> T. II. ms. p. 115.<sup>7</sup> T. II. Martii p. 202.<sup>8</sup> ibid.

per il R. D. Francesco Maria Torrigio Romano , quod adhuc ineditum adservatur in Bibliotheca Albana , cui praeest , Stephanus Ant. Morcellius , vir non minus singulari humanitate , quam doctrina , et eruditione praestantissimus . Ibi enim memoriae tradit , Gregorii M. epitaphium , latinis modis illigatum , a Petri Oldradii , Archiepiscopi Mediolanensis manu profectum , Adriano I. ad Ecclesiae clavum sedente ; cujus rei testem producit Johannem de Deis in Catalogo Archiep. Mediolanen.

Sed tamen , quum satis ego utriusque auctoritati nondum acquiescerem , remque nunquam antea declaratam , paullo firmius constabiliendam exoptarem , accidit sane percommode , ut in manus veniret ineditus Alpharani liber de Sacrosanctae Basilicae B. Petri Principis Apostolorum in Vaticano Vrbis sitae antiquissima , et nova structura , qui exstat in eadem instructissima Bibliotheca , ejusdem auctoris manu exaratus in codice chartaceo formae quadrantariae , paginas habens LXVI , medius inter P. Mallii , et M. Vegii libros a Bollandianis evulgatos , una cum quibus compactus , et consutus est . Quumque eum mihi avide pervolutandum suscepisse , non longe abiit , quum in hunc locum incurri <sup>1</sup> . Fuit etiam in hoc loco , ( nimirum , ubi Gregorius M. sepultus fuerat ) epitaphium elegantissimum marmori insculptum ad laudem ejusdem Gregorii a Petro Oldradio Cive , et Archiep. Mediolanensi .... Hujus siquidem almi Pontificis egregia facta , atque scripta adeo magna coram Deo , et hominibus fuerunt , ut propterea Magni cognomen invenerit . Magnus etiam et ipse Oldradius dici potest , quod magna de magno scripsit , et egit , et magnis Principibus carus fuit . Etenim praeter praefatum epita-

<sup>1</sup> pag. 50.

*phium, et ejusdem Gregorii scripta in ejus mortem a Pop. Rom. dispersa, Adriani I, cuius Secretarius erat, jussu collegit, collectaque emendavit, et in libros redegit. Si quis de hoc Archiepiscopo Oldradio plura scire desiderat, videat Gallesinum in tabulis Archiepiscoporum Eccles. Mediolanensis.*

Incredibile dictu est, quantam ex hujusmodi lectio-  
ne, animo perceperim voluptatem. Inde enim mihi, non  
solum de hactenus ignoto Gregoriani Epitaphii auctore  
dubitandi locum amplius non esse vidi, sed etiam, qui  
primus fuerit praestantissimorum tanti Pontificis operum  
collector, atque emendator, cunctis editoribus incom-  
pertus, nil tale cogitans agnovi. Sed eumdem Alpha-  
ranum hac de re vehementer sibi placuisse conjicio;  
nam praeterquamquod in margine illevit, *notandum hoc  
esse pro Bibliotheca*, in altera ejusdem mss. pagina, quae  
omnium prima est, notatum itidem tantummodo fuisse  
comperi, *Petrum Oldradium Episcopum Mediolanensem, et  
Civem, a secretis fuisse Adriani I. Papae pro Bibliotheca-  
riis*, de quibus fortasse disserere cogitabat.

Post haec, ne quid amplius mihi hac in re deside-  
randum superesset, Petrus de Tois, rerum omnium ad  
Bas. Vat. spectantium peritissimus, idem Epitaphium ex  
Codice Palatino Bibl. Vat.<sup>1</sup> accurate descriptum, mihi  
humanissime communicavit. Ibi etiam non solum Petrus  
Oldadius, qui *Gregorii sepulcro Epitaphium posuit, Ci-  
vis, et Archiepiscopus Mediolanen.*, sed etiam Adriani I.  
ab epistulis fuisse dicitur (quod a Papebrochio omissum  
in Exgesi de Episcopis Mediolanensibus<sup>2</sup>, a Cl. Saxio<sup>3</sup>  
ex Vghellio proditum fuit). Ac propterea Oldradii no-  
men *claris Pontificiarum Epistolarum scriptoribus addendum*

<sup>1</sup> sig. n. 833. p. 73. terz. <sup>2</sup> T. vii. Maii p. LXIX. <sup>3</sup> in Archiep. Med. serie T. II. p. 264.

esse novi, quorum gesta elegantissimo stilo, ac secundis curis <sup>1</sup> illustravit Philippus Bonamicius.

Itaque idem Epitaphium multo accuratius, quam ceteri, ad fidem Palatini Codicis, unde mutilum prodierat apud Gruterum <sup>2</sup>, heic rursus exhibemus.

SVSCIBE TERRA TVO CORPVS DE CORPORE SVMPTVM  
REDDERE QVOD VALEAS VIVIFICANTE DEO.  
SPIRITVS ASTRA PETIT LETHI NIL IVRA NOCEBVNT  
CVI VITAE ALTERIVS MORS MAGIS IPSA VIA EST.  
PONTIFICIS SVMMI HOC CLAVDVNTVR MEMBRA SEPVLCR<sup>O</sup>  
QVI INNVMERIS SEMPER VIVIT VBIQVE BONIS.  
ESVRIEM DAPIBV<sup>S</sup> SVPERAVIT FRIGORA VESTE  
ATQVE ANIMAS MONITIS TEXIT AB HOSTE SACRIS.  
IMPLEBATQVE ACTV QVIDQVID SERMONE DOCEBAT  
ESSET VT EXEMPLVM MYSTICA VERBA LOQVENS.  
AD CHRISTVM ANGLOS CONVERTIT PIETATE MAGISTRA  
ADQVIRENS FIDEI AGMINA GENTE NOVA.  
HIC LABOR HOC STVDIVM HAEC TIBI CVRA HOC PASTOR AGEVAS  
VT DOMINO OFFERRES PLVRIMA LVCRA GREGIS.  
HISQVE DEI CONSVL FACTVS LAETARE TRIVMPHIS  
NAM MERCEDEM OPERVM IAM SINE FINE TENES.  
HIC REQVIESCIT GREGORIVS I. PP. QVI SEDIT ANNOS XIII.  
MENSES SEX DIES X. DEPOSITVS III. IDVS MARTII.

Postrema hujusmodi verba, quae singillatim *Gregorii* Pontificatum, obitumque designant, relata sunt etiam a P. Mallio <sup>3</sup>, Grimaldo <sup>4</sup>, Panvinio <sup>5</sup>, Aringhio <sup>6</sup>, Oldoinio <sup>7</sup>, et Bollandianis <sup>8</sup>; praetermissa vero a Maurinis, tum in notis ad vitam a Joh. Diacono conscriptam, tum in altera ab iisdem elucubrata.

Sed ut, unde digressi sumus, revertamur, quis, rogo, non videt, quanti pretii sint allata Joh. Diaconi ver-

<sup>1</sup> Romae an. 1770. 8. <sup>2</sup> p. 1165. <sup>5</sup> T. II. ms. fol. 115. <sup>6</sup> p. 251.

<sup>3</sup> T. VI. Iun. p. 43.

<sup>7</sup> T. I. Ciaccon. col. 416.

<sup>4</sup> p. 28. ms.

<sup>8</sup> T. II. Martii p. 202.

ba, dum is nobis, optimus scilicet, et locupletissimus testis, narrat, *Secretarium Basilicae S. Petri in extrema Porticu situm esse*, idemque *jam tunc*, quum Gregorius fuit ante ipsum sepultus, anno DCIV, seu potius DCV, antiquissimum fuisse, ac in ejus *Vestibulo*, nimirum ante *Secretarium*, de veteri more S. Doctoris ossa quievisse?

Haec autem mirifice confirmantur a Petro Mallio, qui disserens de ejusdem sepulcro, inquit<sup>1</sup>. *Hic almificus Praesul fuit sepultus ante Secretarium, inter Columnas Porticalium.* Sed, ut locum ipsismet oculis intueamur, Grimaldi etiam audiamus, qui nobis eum accurate descripsit, etsi Baronii testimonium, quod infra referam, de sepulturae Gregorii M. situ longe dissonum producat. In supradicta igitur, inquit<sup>2</sup>, *Basilica, in extrema porticu, sive navi, quae lateralis est, et meridiem respicit, in ea parte, quae sinistrorum Templum ingredientibus se statim offert, ut praefati auctores optime testantur, hic BB. Pontifex, et Doctor egregius humatus est.* Et paullo infra. In *Basilica B. Petri Altare, sub quo sacrum, et venerabile Corpus ejus primitus positum fuerat.... ante dictum Secretarium, inter tertiam, et quartam Columnam extremae navis laeva ingrediendo Basilicam, ut conjici potest, situm erat.*

### §. II.

*De Altari vetustissimo, quod in ipso Secretarii Vestibulo, Gregorio sacrum fuit.*

Postremus Grimaldi locus satis manifesto indicio est, et in ipso *Secretarii Vestibulo*, ubi primitus *Gregorii Corpus humatum fuerat*, a vetustissimis usque temporibus, *Altare in ejus honorem fuisse excitatum*. Quod etsi ne-

<sup>1</sup> T. VI. Ius. c. IV. p. 42.

<sup>2</sup> in lib. Instrum. fol. 29.

que Joh. Diaconus , neque Maurini , Bollandistae , ac nuperus *Gregorii* operum editor Galliciolius , in ejus vita adnotaverint , id tamen nonnulla , eaque gravissima monumenta perspicue testantur . Occurrit enim primo *Altare S. Gregorii* apud Anastasium in vita Leonis III , qui anno DCCXCV. ad Petri Cathedram evectus est , ubi ait <sup>1.</sup>. Et supra Corpus B. *Gregorii Confessoris* , atque *Pontificis* fecit vestem albam holosericam cum tabulis de Crysocavo , et Cruce . Atque infra <sup>2.</sup> . Necnon investivit Altare B. *Gregorii Confessoris* , atque *Pontificis* ex argento deaurato , undique pensans libras CXXIII. Ac tertio demum <sup>3.</sup> . Item investivit Altare B. *Gregorii Confessoris* , atque *Pontificis* ex argento munidissimo deaurato , pensantem undique libras CXXVII.

Quae quidem aperte demonstrant , priusquam *Gregorius IV.* e *Vestibulo Secretarii antiquissimi* , ante novellum *Secretarium* , *Gregorii M.* exuvias transferret , super eas , saltem circa Leonis III. aetatem , Altare excitatum .

### §. III.

#### *De primo Altari in Vrbe erecto in honorem Gregorii ad Paulli Apostoli Via Ostiensi .*

Ex his , quae supra vidimus , recte Grimaldus , ante *Secretarium* , Altare in honorem *Gregorii* erectum exstitisse pronunciavit . Nec minus vere tradidit alio loco , quod paucis labentibus annis a felicissimo Servi Dei *Gregorii* transitu , miraculorum gloria in vita , et in obitu insignis , universus fidelium coetus illum summa veneratione colere , et in praecipuis Vrbis Basilicis in ejus honorem Altaria erigere coepit.

Cujus quidem rei testem habemus tabulam marmoream *Gregorii III* , quae in *Basil. B. Paulli extra Pomoerium*

<sup>1.</sup> T. II. p. 280. <sup>2.</sup> ib. §. LXVIII. p. 283. <sup>3.</sup> T. II. §. LXXXIV. p. 298.

hodieque servatur, inter Altare S. Dionysii, primamque columnam ad laevam, ex qua aperte constat, vel multo ante Leonem III, alterum Gregorio M. sacrum Altare, in *Basilica B. Paulli* exstisset. Lubet autem tam insigne monumentum, etsi a Card. Baronio<sup>1</sup>, et inter *Inscriptiones antiquae Basilicae S. Paulli ad viam Ostiensem* a Margarinio collectas<sup>2</sup> in lucem editum, ac deinde recusum a Card. Thomasio<sup>3</sup>, Fr. Blanchinio<sup>4</sup>, Muratorio<sup>5</sup>, Franc. Berlendo<sup>6</sup>, Maurinis<sup>7</sup>, et Sarnellio<sup>8</sup>, rursus heic ad marmoris fidem in medium proferre.

\* INN. DNI DI . SALVATORIS . N.  
 IHY . XPI . BREVE . FACTA . A . ME .  
 GREGORIO . TERTIO . PAPAE  
 DE . OBLATIO NES . QVE . OFFER  
 RE . DEBENTVR . PER . SINGVLOS  
 DIES . IN . ECCLESIA . BEATI .  
 PAVLI . APOSTOLI . STATVI .  
 ENIM . OFFERRI . IDEST . IN .  
 PRIMA . MISSA . AD . COR  
 PVS . OBLATAM . VNAM . IN . SEC  
 VNDA . MISSA . AD . SCM . TIMOTHEVM ;  
 OBLATAM . VNAM . IN . TFRTIA . MI  
 SSA . AD . IMAGINEM . SALVATORIS .  
 QVI . ET . APOSTOLORVM . OBLATA  
 VNAM . IN . QVARTA . MISSA . AD .

<sup>1</sup> Tom. x.

<sup>2</sup> anno MDCLIV. in fol. p. iv. n. xxx.

<sup>3</sup> in T. vii. edit. Vezzosianae p. 20.

<sup>4</sup> in T. I. Anastas. p. 38.

<sup>5</sup> in T. iv. novi Thes. vet. Inscriptionum p. MDCCCLXXXI.

<sup>6</sup> de Oblationibus ad Altare communibus, et peculiaribus. Ven. 1753. p. 253.

<sup>7</sup> Nouveau Traité de Diplomatique T.v. pag. 157.

<sup>8</sup> In che differiscono le Oblazioni dall' oblate? in T. vii. Liter. Eccl. p. 37.

SCM . GREGORIVM . AD . IANVAS .  
 OBLATAM . VNAM . DE . INDE . IN .  
 MISSA . QVINTA . AD . ALTARE  
 MAIORE . OBLATAS . DVAS . QVOD .  
 SIMVL . FIVNT . COTIDIANIS . DI  
 EBVS . OBLATAS . SEX . QVAE .  
 AD . ECCLESIA . OFFERANTVR . IN .  
 BASILICA . TVA . DOMINE . MEVS .  
 BEATE . PAVLE . APOSTOLE . QVE  
 BREVIS . TITVLVM . AVCTORITA  
 TE . APOSTOLICA . OMNI . TEMPO  
 RE . CONFIRMAMVS . SVB  
 ANATHEMATIS . INTERDI  
 CTV . VT . NVLLI LICEAT . SVC  
 CESSORVM . NOSTRORVM  
 MINVERI . PRAEDICTAS . OBLA  
 TIONES . SED . SI . VOLVERIT . AD .  
 LAVDEM . ET . AD . HONOREM . EIVS  
 DEM . BEATI . PAVLI . APOSTOLI .  
 AVGERI . AVGEAT . NOS . VERO .  
 IDEO . DEDIMVS . HOC . MAIORE . AL  
 TARE . MONACHI . VT . HEC . OMĀ . FIANT  
 OMNI . TEMPORE .

Hujusmodi Inscriptionem egregiis adnotationibus illustravit Ven. Thomasius. Docuit enim ex ea liquere, in Basilica S. Paulli, sex *Missas*, singulasque in singulis Altaribus, diverso tempore, quotidie celebrari consuevisse, quae, ex veteri more ab Edmundo Martenio <sup>1</sup> descri-

<sup>1</sup> l. i. de ant. Eccl. rit. p. 283, et p. 292.

pto , privatim a Monachis legebantur, ante *Missam* majorem ab uno ex vii. Presbyteris Cardinalibus Titularum Vrbis , ejusdem Basilicae Hebdomadariis , iisdem adstantibus , in ara principe celebratam . *Alibi* enim , inquit Augustinus<sup>1</sup> , variam Ecclesiarum disciplinam de Sacrorum celebratione paucis amplectens , *nullus dies omittitur* , *quo non offeratur* ; *alibi Sabbatho tantum* , et *Dominico* , *alibi tantum Dominico* ; de quibus vide , si lubet , Card. Bonam<sup>2</sup> , Grancolasium<sup>3</sup> , et Leslaeum<sup>4</sup> . De eodem Sacrorum numero paria Muratorius animadvertisit . Nonnulla Mabillonius<sup>5</sup> etiam ad hujusce Inscriptionis partem illustrandam de oblationibus quotidianis , ac de Sacrorum numero in diversis Altaribus , ( quem pro virili tuetur Nic. Sanderus<sup>6</sup> ) , pererudite adnotavit . Nil vero mirum , si nihil ibidem de *Gregorii* Altari speciatim observavit . Quod tamen apposite ad rem , a Thomasio praestandum fuerat , qui totam Inscriptionem illustrare aggressus erat . Verum de hoc Altari ne verbum quidem effatur , quod quum certe , primum sit in honorem Sancti Pontificis in Vrbe positum , peculiari memoria dignum videbatur .

Ceterum aliorum etiam Scriptorum eruditionem , ac diligentiam , non minus allata Anastasii verba de Leone iiI , quam hoc praeclarissimum Gregorii iiiI. testimonium fugisse vidi ; ne quid modo dicam de duobus Oratoriis , quae pone Bas. Lateranens. *Gregorio* sacra olim fuisse , alibi opportunius declarabitur . Verum , etsi de Altari in *Gregorii* honorem erecto ante *Gregorium* IV. ,

<sup>1</sup> in epist. ad Januar.

<sup>2</sup> l.l. Rer. Lit. c. xvii. 3 T. I. p. 360.

<sup>4</sup> in T. II. Miss. Mozar. p. 505.

<sup>5</sup> in Mus. Ital. T. I. p. XLVI. in Comm.

<sup>6</sup> Tres Orationes de transubstantiatione,

de linguis Officiorum Ecclesiasticorum ,

et de pluribus Missis in eodem Templo

celebrandis. Antuerpiæ 1566. 8.

nihil profecto in medium afferat, tamen ejus cultum jam statim a morte frequentatum agnovit doctissimus Papebrochius<sup>1</sup>, qui praeterea<sup>2</sup> diem Natalis, seu *Depositionis* veterum Pontificum, in Martyrologio Hieronymiano adnotatam, sedulo distinguendam esse adnotavit a die *elevationis*, seu *cultus*, seu *translationis* in secundo Catalogo. et apud Anastasium sub *sepulturae* nomine designatam. Aequo vero fatendum est, cc. Bullarii Vaticani editoribus, aliud Gregorio IV. antiquius Altare innotuisse<sup>3</sup>, quod Leo III, teste ejus *biographo*, argento purissimo deaurato investivit; etsi, ubinam illud esset, minime declaraverint.

## C A P V T VI.

*De translatione S. Gregorii e Vestibulo Secretarii antiquissimi  
ante novellum Secretarium.*

Quum satis jam de primi *Gregorii M.* sepulcri positu disputatum sit, restat nunc inquirendum, quamdiu ejusdem exuviae ibidem quieverint, quas post annos plurimos in alium locum translatas fuisse, memoriae traditum est, ut relligiosius colerentur, eamque etiam fortasse ob caussam, quod *Secretarium*, ejusque *Vestibulum*, ubi humatus pridem fuerat, temporis diuturnitate consumptum jam, ac corruptum esset. Quocirca, quum statuemus, quamdiu in primo sepulturae suae loco quieverit, eodem tempore statuemus, quo usque plus minus aetatem tulerit *Secretarium antiquissimum*. Quumque idem Johannes Diaconus nos doceat, ante novellum *Secretarium*, SS. Viri Corpus fuisse translatum, rursus una ope-

<sup>1</sup> in Propylaeo ad Acta Maii p. 88. <sup>2</sup> ibid. diss. iv. p. 24. <sup>3</sup> T. I. p. 47.

ra detegemus, ubinam fuerit *novum hoc Sacrarium*, quoque loco surrexerit *Oratorium Gregorianum*, ubi SS. Doctoris exuviae locatae fuerunt. Ita ex unius rei inquisitione, rerum plurimarum, quae hactenus tenebris vetustatis circumfusae latuerunt, cognitio efflorescat. Porro enim supersedendum reor ab afferendis Panvinii<sup>1</sup>, Ciampinii<sup>2</sup>, Ciacconii<sup>3</sup>, aliorumque Scriptorum auctoritatibus, qui *Gregorium ante Secretarium humatum fuisse testantur*, quum omnes a Ioh. Diacono rem didicerint, suisque scriptis consignaverint.

Age igitur; rem adgrediamur. Ea aestimatione ad posteros, ut Baronii verba usurpem<sup>4</sup>, de sanctitate, et doctrina Gregorii, fama propagata est, ut maxima quaeque *Gregorium diligentibus, visa sint ipso minora Gregorio*; quem S. Ildephonsus *sanctitate Antonium, eloquentia Cyprianum, sapientia Augustinum viciisse, praeclarissimo elogio praedicavit*. Itaque tanta fuit relligio, qua omnis aetas, omnesque fere gentes illum prosequutae sunt, ut cuivis alteri ampliores honores unquam sancitos, difficile sit invenire.

### §. I.

*De translatione SS. Sebastiani, et Gregorii, quam Suessionenses ad Monasterium S. Medardi factam fuisse contendunt.*

Nemo est, qui nesciat, Francos, Lusitanos, Hispanos, ne dicam Italos, Graecosque, qui *Gregorii in Menologio suo ad diem XI. Martii meminerunt cum amplissimo elogio a Bollandianis relato, S. Pontificem maxi-*

<sup>1</sup> T. II. mss. p. 113, et 115.

<sup>2</sup> de Sacr. Aedif. p. 70.

<sup>3</sup> in Vita Gregorii M. T. I. col. 599.

<sup>4</sup> T. VIII. p. 177. V. Gregerii Polidori

*Gregorianum, sive de XIV. Greg. Summis Pontificibus, de XIII. Gregorii Episcopis, de uno Gregorio Presbytero, eorumve virtutibus, moribus, et rebus gestis. Florentiae 1598.*

mo in honore, a primis usque temporibus habuisse. Anglos enim praeteream, qui usque ab anno DCCXLVII. in Concilio Cloveshoviae<sup>1</sup> sacrum ei cultum Can. xvii. decreverunt, quum notum abunde sit, quod legitur in Martyrologio, ubi colitur ejus memoria hujusmodi verbis. Romae S. Gregorii Papae, et Ecclesiae Doctoris eximii, qui ob res praeclare gestas, atque Anglos ad Christi fidem conversos, Magnus est dictus, et Anglorum Apostolus appellatus. Ac propterea, ut tradit Anastasius in vita Nicolai<sup>2</sup>, non, quod inconsulto excidit Macro<sup>3</sup>, et Bullarii. Vaticani editoribus<sup>4</sup>, Benedicti II, quidam de Anglorum gente Romanam advenerunt, qui in Oratorio B. Gregorii Papae, et Confessoris Christi in Principis Apostolorum Aede Frascatae (ita enim tum locus ille appellabatur) constructa, unam tabulam argenteam posuerunt habentem lib. ....

Quid igitur mirum, si de ejus Corpore, tamquam de ingenti thesauro acquirendo, multae Nationes cogitaverint; tum nonnullae repertae sint, reperianturque etiamnum, quae de ejus adeptione, et possessione glorientur? Id quod, prae ceteris Suessionenses faciunt, quorum operaे pretium heic arbitrор rationum momenta, quibus inducti hujuscemodi opinionem valde nobis incommodam imbiberunt, in medium proferre.

Itaque anno DCCCXXVI, una cum Corpore S. Sebastiani Martyris ad Monasterium Suessionense, ubi S. Medardi Episcopi Noviomensis Corpus a Clotario Rege colloatum adservatur, translatas S. Doctoris exuvias fuisse ajunt; cujus translationis adstipulatorem afferunt aequa-

<sup>1</sup> Tom. I. pag. 95. Wilkins §. vii.  
de festivitate colenda S. Gregorii, et  
S. Augustini.

<sup>2</sup> T. II. §. iv. p. 203.  
<sup>3</sup> in Hierolexico in dict. Frascatae.  
<sup>4</sup> T. II. p. 278.

Item ejusdem Coenobii Monachum, qui totam historiam persequitur, a Bollandianis editam ad diem xx. Januarii. Ibi fuse explicatur legatio Rodoini Monasterio Praepositi, mandato Ludovici Pii Imperatoris, anno DCCCXXVI. instituta, ut e suo Monasterio Romam profectus, Corpus S. Sebastiani impetraret. *Hic Rodinus*, uti habetur num. xxxI, quem *vis amoris*, et *desiderium impatiens pro adipiscendis Sanctorum pignoribus affectu piae devotionis animarat*, obaeratis affatim *Aedituis*, quorum tunc erat officii S. Petri servare Basilicam, sub nocte eadem S. S. Gregorii Papae tumulum, quod ante Secretarium erat, audacter aggressus, Corpus ejus cum summa reverentia sublatum, ac decenter compositum, super Altare B. Petri perlatum, juxta jam dicti Martyris (Sebastiani) venerabile Corpus depositum est. Dehinc fidei pactum Rodinus cum suis rogatus gratanter tulit, superque eosdem Martyris Sebastiani, atque Pontificis Gregorii sacratissimos artus jurisjurandi sacramentum libenter exsolvit, ut nulli unquam mortalium, quod gestum erat, prudenter, aut publicarent, sed perenni silentio sepultum haberent. Hinc nostrates pia fraude laudabiles, duplicato gaudio, tacito sub pectore magnanimes, sanctis inde sublatis Corporibus, nullo praepediti obstaculo ad Monasterium Ingoaldi transtulerunt. Ac deinceps iter ex Vrbe Roma ad Monasterium Suessionense S. Medardi, plura in itinere divinitus patrata miracula, ac sacrorum Corporum depositio in eodem Monasterio, facta die ix. Decembbris, eodem anno DCCCXXVI. commemorantur.

Haec omnia confirmat Martyrologium Gallicanum Saussaii, ubi die xii. Martii celebrari prohibetur Sues-  
sione, festivitas S. Gregorii Papae, cognomento Magni, Do-  
ctoris Ecclesiae egregii, cuius sacrum Corpus ibidem in Mo-

nasterio S. Medardi magno honore repositum est. Idem praeterea tradiderunt Nithardus Ludovici Pii Nepos<sup>1</sup>, Chronica S. Medardi a Dacherio edita<sup>2</sup>, Odilonis Monachi epistola ad Ingrannum<sup>3</sup>, Claudius Dormajus in Historia Suessionensi<sup>4</sup>, Annales Monasterii S. Medardi Suessionensis, Codex ms. Reginae Christinae<sup>5</sup>, Duchesnius<sup>6</sup>, le Cointe in *Historia Ecclesiae Francorum*, et aliorum etiam Scriptorum testimonium, ut animadvertere licet in Sec. iv. Benedictinorum apud Mabillonum, ac praecipue apud Janningum, et Papebrochium, qui<sup>7</sup> in *praevio Commentario* longe eruditissimo ad vitam S. Doctoris, fundatum opinionis exponunt, quae de hujusmodi ad Monasterium S. Medardi translatione, apud Suessionenses invaluit.

Ibidem etiam plura leges de *Gregorii Capite*, quod ex dono Johannis Papae, favente Karolo Francorum Rege, et Imperatore, ac postulante Ansegiso, Senonensium Archiepiscopo, circa annum DCCCLXXVI.<sup>8</sup>, Monasterio S. Petri vivi Senonensis cessisse fertur, deque aliis praeterea ejusdem reliquiis in Germania, et in Lusitania adversatis.

Haec pro se Suessionenses: quorum opinioni haud parum favere videntur, quae doctissimi Maurini, Martenius, et Durandus in *itinere literario* tradiderunt<sup>9</sup>, nimirum Calvini asseclas, capsas argenteas surripuisse, in qui-

<sup>1</sup> lib. II. Hist. apud Andr. Chesnaeum T. II. Script. Hist. Francor. p. 372.

<sup>2</sup> T. II. Spicil. p. 785.

<sup>3</sup> apud Mabill. ad acta SS. Ord. S. Ben. p. I. sec. IV. p. 411.

<sup>4</sup> lib. IV. c. IX.

<sup>5</sup> num. 1466.

<sup>6</sup> Hist. Francorum Script. Lutetiae 1641.

<sup>7</sup> P.I. p. 383. sec. IX. in T. II. Mart. p. 126.

<sup>8</sup> V. Vitam S. Gebhardi Ep. Constantiensis apud Surium d. XXVII. Aug. Collect. ant. Lect. Canisii T. XVI. cap. XI. Baron. ad ann. CMLXXXIX. Marangonium in append. ad Chron. Rom. Pontific. p. 176.  
<sup>9</sup> Voyage Litteraire de deux Relig. Benedict. a Paris 1724. T. II. p. 17.

bus xxx. Sanctorum Corpora custodiebantur, tresque aureas, ubi reliquiae SS. Medardi, S. Sebastiani, et S. Gregorii M. servabantur. Praeterea, quum Claudio Dormajus<sup>1</sup>, inter munera a Ludovico Imperatore S. Medardi Monasterio oblata, recenseat *librum aureis litteris exaratum*, et *laminis etiam aureis obductum*, quem dehin aureo operculo sublato, Abbas Ingrannus laminis argenteis, iisque inauratis obduci curavit, unum hoc vetustissimum Evangeliarium e reliquis monumentis S. Medardi, tamquam e naufragio tabulam, superesse testantur, ubi hujusmodi legitur inscriptio, quam ex iis, et a Bollandianis<sup>2</sup> accurate descriptam, heic profero. *Haec tabula facta est a Domno Ingranno Abate hujus loci, anno Incarnationis Verbi MCLXIX, Papatus Alexandri III. decimo, Regni Ludovici Iunioris XXXIII.* Librum autem istum obtulit Ludovicus Pius Imperator Beato Sebastiano in exceptione ejusdem Martyris inclyti, et Papae Gregorii Vrbis Romae.

Quae tamen, (quod Suessionensium pace dictum sit), tanti apud me non sunt, ut nostratum opinioni, imo veritati ipsi, si ita loqui fas est, adversari putem. Nam primo, si super sacratissimos artus Sebastiani, et Gregorii juris jurandi sacramentum exsolverant, ut nulli unquam mortalium, quod gestum erat, proderent, aut publicarent, sed perenni silentio sepultum haberent, quisnam sibi persuadeat, eosdem Monachos, dum adhuc in itinere essent, totius rei historiam patefecisse? Nil enim refert, quod innumera omne genus prodigia, quae peregre sequuta sunt, S. Sebastiano tantum tribuerent, quum jurisjurandi sacramento obstricti essent, ne quidquam de utroque thesauro ablatto, unquam proderent. II. S. Sebastiani Corpus, quod una

<sup>1</sup> I. iv. Hist. Suess. c. x.

<sup>2</sup> T. II. Martii p. 126.

cum *Gregorio* furatum fuisse scribunt , a *Gregorio* IV , qui nonnullam ejus partem in *Oratorium Gregorianum* ad-sportavit , in *Callixti Coemeterio* , quô jam multo ante translatum fuisse demonstrabimus , repertum est . Verum *Anonymi* historia *ex Monasterio* , ubi Monachi degebant *apud S. Petrum* , subreptum fuisse declarat . II. Si *Sebastiani* , et *Gregorii Corpora* sub *Eugenii* II. Pontificatu , anno DCCCXXVI. secum abstulissent , quonam pacto *Gregorius* IV , qui *Eugenio* successit , eorum exuvias in *Oratorium Gregorianum* deferre potuisset ? iv. Quis vero totius fabellae absurditatem non deprehendat , ex duorum Corporum depositione , quae super Altare B. Petri facta fuisse perhibetur ? Atqui nonne potius , nulla interjecta mora , aliò ea transferre debuissent , ne quis Rodoinum , sociosque furto comprehenderet ? Ac demum , si *Ludovicus Pius* ea erga *Sebastianum* , et *Gregorium* pietate flagasset , ut eorum reliquias , ac , si mavis , etiam Corpora habere voluisset , quum primis Novembris diebus anni DCCCXXVI. *Stephanus IV.* Romam rediit , muneribus , et beneficiis ab se collatis cumulatus , ab eo potius *Sebastiani* , et *Gregorii* exuvias impetrasset , quin Rodoinum ad eas clam auferendas , Romam ablegaret .

Absit tamen , ut nihil Suessionensium piae opinatio-ni mihi concedendum putem ; quin imo iis libenter derim , tunc *apud eos cineres partis alicujus Corporis S. Gregorii a Romanis in cineres redacti* , delatos esse , ut *Alexander Salnoveus* ad haec concilianda dissidia conjecit , qui totam hujusce translationis historiam in commentarium redegit , a *Nicolao Bezansonio* deinde latine reditum , et a *Bollandianis* editum <sup>1</sup> ex MSS. *Nicolai Bel-*

<sup>1</sup> T. II. p. 295 , et seq.

fortii ad diem xx. Januar. Idem enim tum de *Gregorii*, tum de *Sebastiani* exuviis eumdem in locum avectis sentiendum est, ut recte docet Baronius<sup>1</sup>, qui fidelium pietatem, et si nonnullam Sanctorum partem tantummodo accepissent, sese tamen integra eorum Corpora possidere, saepissime profiteri, et gloriari consuevisse, animadvertisit. Id autem mirifice facit adversus Calvinum<sup>2</sup>, ejusque asseclarum accusations, qui hac de caussa in sacras reliquias falsitatis no tam audacter impingunt. *Communibus*, inquit Theodoreetus<sup>3</sup>, *nominibus etiam partem appellamus*. Etenim si *SS. Apostolorum*, aut *Prophetarum*, aut *Martyrum Templum ingredientes*, *interrogamus*, *quis positus sit in urna*; qui autem concii sunt veritatis, respondent, aut *Thomam Apostolum*, aut *Iohannem Baptistam*, aut *Stephanum Martyrum Protagmatorem*, aut *alium quemdam ex Sanctis nominantes*, etiamsi *admodum exiguae reliquiae ibi sint repositae*.

## §. II.

*Num Gregorii Tumulus, Templumque ejus nomini dicatum in Vrbe Alcali del Rio, Gregorio M. sint tribuenda?*

Quamquam non uni Suessionenses hanc opinionem de translato ad suos B. *Gregorii* Corpore sequuti sunt. Hispani etiam id ipsum sibi persuaserunt, eo quod in Vrbe Italica ad Boetim flumen in Andaluzia, inter Hispanum, et Castrum Album in loco, qui vulgo dicitur *Alcalà del Rio*, Templum occurrat S. *Gregorio* dicatum, ubi legitur hujusmodi inscriptio.

<sup>1</sup> T. ix. p. 775.

<sup>2</sup> Admonitio de reliquiis. T. viiiI. Opp. Amst. 1667.

<sup>3</sup> in Dial. 11<sup>l</sup>. edit. Sirmondi. Paris. 1642. de quo V. Garnerii dissertationes de libris

Theodoreti Paris. 1684. Adi sis etiam Pomp. Sarnelli Lett. viiiI. come s'intenda, essere il Corpo d'un Santo in più luoghi, e similmente delle loro Sante Reliquie? fra le sue lett. Eccl. T. iiI. p. 19.



IN HOC TVMVLO  
IACET FAMVLVS DEI GREGORIVS.  
QVI VIXIT ANNOS PLVS MINVS  
LXX. RECESSIT IN PACE  
DIE NONA SEPTEMBRIS  
HAERA DXLII.

Quare, etsi a nemine de translatis in Hispaniam *Gregorii* exuviiis mentio facta est, tamen eas hisce moti rationibus Hispani nonnulli Scriptores, apud se adservari arbitrantur, nominis similitudine, pari modo fortasse decepti, quo Vrbis Constantinopolitanae incolae, ut narrat Sozomenus<sup>1</sup>, Corpus *Paulli Apostoli* sese habere contendebant, etsi tantum *Paulli Episcopi* exuviae a Theodosio ex Ancyra illuc avectae apud eos quiescerent.

Quod quam longe a veritate distet, Oldoinius, qui totam hujus rei historiam refert<sup>2</sup>, etsi inscriptionem tumulo impositam mendose expresserit, probat ex ipsis picturis, quibus Templi parietes adornantur. Nam eaedem ex veteri more, quem plures Scriptores<sup>3</sup> copiose, atque erudite illustrant, in sacris aedibus repraesentandi eorum gesta, quorum reliquiae ibidem positae erant, *Gregorii* hujus Hispani vitam, et miracula referebant, nihilque commune habebant cum iis, quae legimus de

<sup>1</sup> Hist. Eccl. l. vii. c. 12. V. ejus vitam ex Sim. Metaphraste apud Surium d. vii. Iun. p. 129, et Franc. Baertii Commentar. histor. de S. Paullo Episc. CP. in Tom. II. Iunii p. 13.

<sup>2</sup> T. I. Ciacc. col. 416.

<sup>3</sup> Greg. II. ep. II. in Concil. Nicaen. II. Anast. in Leo. III. Prudentius in Peristeph. Basilius contra Julianum. Gregorius Turonensis. in lib. I. de gloria Martyrum

e. LXV, et in l. vii. Hist. c. xxxvi. Beda. in lib. I. de Hist. Monast. n. vi. Sulpicius Severus. in Vita B. Martini. Paullinus. in Natali IX. de S. Felice. Grancolasius. T. I. p. 67. Mabillonius. in lib. I. de Lit. Gall. c. viii. de Ecclesiar., seu Basilicarum forma, et dispositione apud Francos, et in Tom. II. disc. Pop. Dei pag. 227. Trombellius. de Cultu Sanctorum diss. IX. cap. LXVIII.

*Gregorio* M. in ejus vita. Nihil autem adjecit, quod faciendum in primis ipsi erat, de characteribus chronologicis ipsius epigraphes, ex quibus non minus luculenter, quam ex picturis appareat, ipsam ad alterius *Gregorii* Corpus pertinere. Sanctus enim Doctor, uti Joh. Diaconus testatur, vitam hanc aerumnosam, anno DCIV, v. Idus Martias, cum immortali, ac beata commutavit; ni fidem potius praestare velimus Ven. Bedae, et Paullo Diacono<sup>1</sup>, qui eum anno DCV. Beatorum Conciliis receptum fuisse narrant. At Marietta in *historia de SS. Hispaniae*<sup>2</sup>, aeram Hispani hujus *Gregorii*, anno DIV. convenire demonstrat, cuius sententiae subscrispsit Johannes Ferreras in *Historia Hispaniae* ad annum DIV. Quod, etsi Ambrosius Morales in *Chronico Generali Hispaniae*<sup>3</sup> haud certo constare scribat, quod epitaphii literae adeo vetustate detritae, ac consumptae essent, ut potius aeram anni DLIV. referre viderentur, tamen legendum esse monuit, ut supra adnotavimus.

Nihil autem, fortasse mirabitur aliquis, de Hispani hujus *Gregorii* cum *Gregorio* Pont. mutatione, doctissimum Papebrochium in §. VI.<sup>4</sup>, ubi multa, et paeclarata de *veneratione S. Gregorii M. apud Hispanos* recensuit, memorasse; multoque magis Joh. Stiltingum, qui de *Gregorio* hoc Ibero peculiariter disseruit die IX. Septemb.<sup>5</sup>, in qua Ferrario subscribens in *Catalogo generali*, cultum assignat, *Alcalae in Hispania apud Hispalim S. Gregorii Confessoris*, nihil de discrimine inter utrumque *Gregorium* indicasse.

At, vel iis tacentibus, Mariettae verba a Stiltingo latine redditia, domo Hispanum, *Gregorium* hunc fuisse de-

<sup>1</sup> in lib. IV. Hist. Langobard.

<sup>4</sup> T. II. Martii.

<sup>2</sup> l. VI. c. 43.

<sup>5</sup> de S. Gregorio Confessore brevis notit.

<sup>3</sup> lib. XI. cap. 41.

T. III. Septembr. p. 368.

monstrant, planeque a Gregorio Pontifice diversum. Incirco praestat heic ea in medium proferre. Anno DIV. mortuus est Sanctus hic Hispanus Gregorius, qui colitur in Alcalà del Rio. Locus est duobus milliaribus supra Hispalim, Ducatus titulo insignitus. Habet ibidem Ecclesiam, quam exstruendam curarunt Catholici Reges Ferdinandus, et Isabella, multorum miraculorum, quae Sanctus ille patraverat, fama permoti, magna que totius illius regionis erga ipsum devotione. In ea deponi jusserunt hi Reges ossa istius Sancti, inclusa arcae inauratae cum clatrīs ferreis. Verumtamen ibidem ostenditur sepulcrum, in quo Sanctus ille a multis annis fuit inventus cum saxo superiore, quod etiamnum est ibi in Ecclesia, et continet hoc epitaphium latinum.

Quae, quum aperte demonstrant, Gregorii hujus cultum adhuc vigere die IX. Septembris, perperam Oldoinius affirmavit, incolas ejus loci, confluentibus etiam ex universa vicinia populis, Gregorii memoriae, qui in descripto sepulcro conditus putatur, quotannis venerari solitos esse eodem ipso die, qui Romae SS. Pontificis honori dicatus est, hoc est IV. Idus Martias. Verum, etsi ita se res haberet, quemadmodum sibi Oldoinius persuaserat, censendum esset, intermortua sensim, ut fit, Hispani Gregorii memoria, cautum esse, quoniam ibidem die XII. Martii Gregorius M. colebatur, ut illic Gregorii memoria servaretur illaesa, et incerti Martyris cultus, ad hunc fama celebriorem transferretur. Ita enim interdum fieri consuevit; atque idem Gregorius M. sapientissime jussit, quum a sanctissimo discipulo, Anglorum egregio praedicatore, Monacho Augustino accepisset<sup>2</sup>,

<sup>1</sup> T. I. Ciacconii col. 416.

T. VI. Maii Boll. p. 373. et Henr. Whartonii

<sup>2</sup> V. Acta SS. Ord. Bened. Sec. I. p. 498.

Angliam Sacr. P. I. p. 51. Lond. 1691. fol.

quemdam *Xystum* ignotum Martyrem in Anglia coli; si quidem ei certas eadem de caussa *Xysti* alterius Martyris reliquias publico cultui proponendas transmisit.

## §. III.

*Suessionensium, et Hispanorum opinio de Gregorii M.  
possessione, Anastasii, et Ioh. Diaconi  
testimonio refutatur.*

Quod potissimum me movet, ut nec apud Suessionenses, nec apud Hispanos, S. Doctoris Corpus umquam exstitisse opiner, profecto illud est, quod Anastasius, et Joh. Diaconus ejus translationem a *Gregorio* IV. deinde peractam, diserte commemorent. Quorum auctoritas, nemo non videt, quanto gravior sit testimonio Monachi Medardiani, qui historiam scripsisse videtur, ut Monachis suis, patriaeque blandiretur, quique, quum *Anonymus* sit, ne hoc quidem prodit, an ipse revera translationis Corporis S. *Sebastiani*, quam una cum Corpore S. *Gregorii* factam fuisse narrat, *συρχόνος* fuerit.

Quae quidem suspicio cadere nequaquam poterit in Joh. Diaconum, et Anastasium. Ambo enim Sec. IX. floruerunt, nimirum circa *Gregorii* IV. aetatem, qui *Gregorii* M. Corpus e *Vestibulo Secretarii antiquissimi*, ante novellum *Secretarium* collocavit. Itaque utriusque verba in medium adferenda esse duco, non solum, ut omnis haec penitus controversia finiatur, vindiceturque per me, uti decet, principi sedi sua possessio, sed ut inde praeterea planum fiat, ubinam locorum esset novellum *Secretarium*, ante quod S. *Gregorii* Corpus, a *Gregorio* IV. translatum fuisse comperiemus.

Johannes igitur Diaconus, postquam de prima SS. Viri

sepultura ante Secretarium antiquissimum , uti supra vidi-  
dimus , egit , de ejus translatione haec adjecit<sup>1</sup> . Grego-  
rii venerabile Corpus a Gregorio IV. Sedis Apostolicae Prae-  
sule , post annos circiter quinquaginta translatum ante novel-  
lum Secretarium consuetis apsidibus , sicuti modo cernitur ,  
sub Altari sui nominis collocatur , quo ejus anniversaria solle-  
mnitas , cunctis certatim pernoctantibus , veneratione gratissima  
celebratur , in quam Pallium ejus , et Philacteria , sed et Bal-  
theus ejus consuetudinaliter osculatur .

Plura nos ad hunc locum illustrandum , infra oppor-  
tunius afferemus . Nunc satis erit animadvertere , esse ,  
qui loco illorum verborum post annos circiter quinquagin-  
ta , legendum velint post annos circiter ducentos viginti tres ,  
quot nimirum a die primae Gregorii depositionis fluxe-  
runt , qui anno DCIV. rebus humanis interesse desiit , usque  
ad Pontificatum Gregorii IV , qui anno DCCCXXVII. P. M.  
fuit renunciatus , quemadmodum in eruditissima disserta-  
tione ad Librum Diurnum Romanorum Pontificum<sup>2</sup> egregie  
demonstrat doctissimus , centumque , ut ille ait , artium  
peritissimus , Franc. Antonius Zaccaria . Nec deest , qui  
potius , loco , post annos circiter quinquaginta , legendum pu-  
tet indistincte post annos multos , uti in registro , seu ante  
annos fere quinquaginta , uti in notula animadvertisit Mont-  
fauconius , qui tamen perperam ducentos vigintiquinque  
annos inter diem depositionis , et translationis ibidem<sup>3</sup>  
numerat , etiamsi demus , hanc anno I. Pontificatus Gre-  
gorii IV. esse tribuendam . Quapropter veritati aequre repu-  
gnavit Baronius , qui legens Ioh. Diaconi locum post annos  
circiter ducentos quinquaginta , notavit in margine<sup>4</sup> ducentos

<sup>1</sup> p. 174. num. 80.

<sup>2</sup> in T. II. Bibl. Liturgicae p. ccxxix.

<sup>3</sup> T. I. p. 174.

<sup>4</sup> ad ann. DCCCXXVII. n. 33.

viginti. Nam, ut recte animadvertisit Constantinus Suiskenus, in vita S. Gorgonii<sup>1</sup>, primus horum calculus deducit ad an. DCCCLIV, quo Gregorius IV. jam fere a sexennio de hac statione terrena decesserat; alter vero ad an. DCCCXXIV, quo nondum fuisse illum ad Petri Cathedram evectum, communis hactenus sententia tulit. Ego tamen litem hac de re omnem de medio tollere mallem, nihilque in Iohannis verbis immutare; idem enim medio aevo post fuit non-nullis Scriptoribus, quod probae Latinitatis auctoribus abhinc.

Sed Anastasium jam in Gregorii IV. vita, de eadem translatione loquentem audiamus. *Divino, inquit<sup>1</sup> ignis amore succensus, Corpus B. Gregorii hujus universalis Ecclesiae Praesulis, per quem S. Spiritus gratia toto orbe terrarum inextinguibile sapientiae munus induxit, ex loco, sepultum quo prius fuerat, tulit, et non longe ab eo, in alium noviter constructum, infra Ecclesiam B. Petri summo honore, perduxit, ejusque sacrum altare argenteis tabulis undique perornavit, et Oratorium suo sancto nomine titulavit, absidamque ejusdem super aurato musivo depinxit; in quo scilicet Oratorio SS. Corpora Beatorum Martyrum Sebastiani, Gorgonii, et Tiburtii, ex Coemeteriis, in quibus ante jacebant, perduxit, et unumquodque eorum separatis Altaribus collocavit.*

Iam cui non, ex ipsa hujusc narrationis lectione, perspicuum fit, vel post annum DCCCXXVI, quo ad Coenobium S. Medardi Gregorii Corpus translatum fuisse Suessionenses ajunt, Romae ante Vestibulum Secretarii antiquissimi fuisse adservatum, ac primum, paullo post a Gregorio IV., non longe ab eo loco in alium summo honore perductum?

<sup>1</sup> T. III. Septemb. p. 331.

<sup>2</sup> T. III. §. vi. p. 11.

Mei autem muneris erit, inferius demonstrare, quô in posterum delatum fuit, ut extra omnem dubitatio-  
nis aleam sit, sacras SS. Pontificis exuvias, non inter-  
rupta seculorum serie, semper apud nos permansisse,  
quas hactenus relligiosissime custodire, ac auro contra  
caras habere gloriamur. Brachium enim dumtaxat amis-  
sum fuisse constat, ex quodam mss. Bas. Vat. apud Tur-  
rigium<sup>1</sup>, ubi inter enumerationes Borbonianae direptionis;  
perhibetur, quod *periit brachium unum S. Gregorii Papae*  
*primi itidem, quod ablatum fuit, quodque nobilissimo argenteo*  
*vase, optimo chrystallo, et ejus Pontificis imagine decorato*  
*honorifice conditum erat.*

Quocirca de singulis *Cellis Gregorianis* veteris Basili-  
cae, sermonem instituam, earumque numerum, ac si-  
tum diligenter inquiram, ut eas, quae SS. Doctoris exu-  
viis aliquamdiu decoratae fuerunt, ab iis, quae ejus no-  
men tantummodo adeptae sunt, accurate distinguam.  
Ex quibus illud etiam constabit non levis momenti,  
quid scilicet caussae fuerit, cur apud Viros, rerum li-  
turgicarum alioqui peritissimos, falsa invaluerit opinio,  
Romanos Pontifices, jam inde a primis Ecclesiae tempo-  
ribus, quoties in Basilica Principis Apostolorum sacris  
operaturi erant, in *Cella S. Gregorii* sacra indumenta su-  
mere solitos fuisse, ac etiamnum ex veteri consuetudi-  
ne interdum in eadem Cella, tamquam in *Secretario*, sa-  
cris vestibus exornari.

<sup>1</sup> p. 185.



## C A P V T VII.

*De Cella Gregoriana, quae num. 85. designatur.*

**Q**uamquam de tribus omnino *Cellis Gregorianis* in veteri Bas. Vat. antiqui Scriptores meminerint, quae tame n apud eos saepius occurrit, ac celebritate ceteris longe antecessisse videtur, n. 85. designatur. Nihilominus, quicumque hactenus de ea scripserunt, de Cellae hujusce nomine, multiplies, sibique invicem repugnantes opiniones tradiderunt.

Nonnulli enim *S. Gregorii Altare*, absolute appellarent, sive a *Gregorio M.*, cuius eō Corpus translatum fuisse opinati sunt, sive a *Gregorio IV*, quem ejusdem *Cellae conditorem* fuisse contendunt. Porro, ut *Vengium*<sup>1</sup>, *Alpharanum*<sup>2</sup>, *Severanum*<sup>3</sup>, *Fontanam*<sup>4</sup>, *Bonannium*<sup>5</sup>, aliosque praetermittam, in eamdem omnino sententiam collineantes, *Ciampinius* hoc Altare, *Oratorium Gregorianum* appellat. Praestat autem ejusdem verba audire. *Oratorium*, inquit<sup>6</sup>, *S. Gregorii M. erat*, quod *ei Gregorius IV. eximius cultor SS. Praedecessoris dicavit*, et sub eodem praedicti *S. Pontificis Corpus*, urna aegyptiaci marmoris, mirae amplitudinis, inclusum, nec non trabibus ferratis munita, venerabundus reposuit, multis per sacellum altaribus excitatis ad Sanctorum reliquias decore servandas, quas e diversis Coemeteriis, cryptisque hic attulerat. De ejusdem *SS. Pontificis Corporis e porticu in hanc Basilicam translatione*, sic *Bibliothecarius in praefati Gregorii IV. Vita scribit*. Ac postquam Anastasii verba, superius a nobis allata, descriptsit, ita pergit. *Verum, quum jam Orato-*

<sup>1</sup> T. viI. Iunii p. 84.

<sup>4</sup> Tempio Vat. p. 87.

<sup>2</sup> ms. p. 35.

<sup>5</sup> Numism. Temp. Vat. p. 34.

<sup>3</sup> Mem. delle viI. Chiese T. I. p. 67. 99.

<sup>6</sup> de S. Aedif. c. iv. n. 85.

rium hoc , nimia laberetur vetustate , - Pius II. reparavit , pretiosisque marmoribus pristino decori , super exstructa Camera restituit , quam auro , gemmisque praefulgidam , quatuor e lectissimo marmore columnae sustentabant , ibique B. Andreae Apostoli Caput , summis honoribus publice exhibitis , collocavit .

Sed multo antiquius exstat hujusmodi denominationis testimonium in *Diario Romano* apud Muratorium<sup>1</sup>. Haec enim ibidem scripsit Iacobus Volaterranus anno MCDLXXXI. *Ad ultimum diem Novembris* , quo celebratur sollemnitas B. Andreae Apostoli , ( evenit autem die Veneris ) , itum est mane a Patribus ad rem divinam , Pontifexque descendit in Basilicam Petri , ubi ea acta est in Cellula B. Gregorii , in qua supra Altare Pius II. ipsius Apostoli Caput auro conditum , et gemmis ornatum , dum viveret , servari jusserset , atque Anconae moriens Corpus suum ad eundem locum deferri mandavit , ubi marmoreum sepulcrum egregio opere , cura , et impensa Francisci Card. S. Eustachii Nepotis sui factum cernimus . Quo quidem titulo , vel in *Diariis Caeremonialibus* a Gattico evulgatis , idem Altare quandoque appellatum occurrit , ut infra uberius demonstrabimus , ne pluries eadem scriptorum loca , lectorum fastidio afferamus .

Ceterum ibidem videre erit , frequentius ab iis Cellam hanc , S. Andreae titulo fuisse designatam . Quod fecit etiam Ciacconius , qui eidem Altari , sub quo a Gregorio IV. Gregorii exuvias reconditas fuisse narrat<sup>2</sup> , solius Andreae Apostoli nomen tribuit . Idem praestitit etiam Ferrarius , qui in notis ad ellogium *Gregorii* , in Catalogo SS. Italiae relatum , sub ara S. Andreae reconditum ,

<sup>1</sup> T. xxiiI. rerum Ital. p. 157.    <sup>2</sup> T. I. p. 599. in vita Greg. IV, et in vita Pii II.

ac hujusce translationis memoriam ad posteritatem transmissam fuisse scribit. Item multo ante Baronius , quamquam <sup>1</sup> in extrema parte porticus Vaticanae sepulcrum S. Gregorii fuisse narret, tamen sibi repugnans subjungit , ibi adhuc exstare subter Altare S. Andreae , cuius ipse fuerat studiosissimus , licet non eadem forma , qua olim , modo exstructum appareat , quia tunc legebatur epitaphium , a nobis supra prolatum . Ita etiam scripsit Card. Papiensis , ut infra videbimus , ubi locum , in quo Pius II. humatus fuit<sup>2</sup>, in Bas. Vat. descriptsit . Eadem Panvinius tradidit , inquiens <sup>2</sup> . Hodie dicitur Altare S. Andreae , quod exstat inter murum Basilicae , et Portam Iudicii , et die Coronationis Pontifici pro Secretario deservit . Haud secus loquitur Ant. Petri in Diario apud Muratorium <sup>3</sup>. Die Sabbati 18. d. mensis Octobris , quae fuit festum S. Lucae Evangelistae similiter non fuit cantatum officium de mane , nec pulsatae campanae . Item de sero fuerunt pulsatae campanae , et dictum officium in Capella S. Andreae Apostoli , ut moris est . Item Caput S. Lucae non fuit ostensum propter causam , ut supra . Ac demum , ne nimius sim , praeter Attilium Serranum <sup>4</sup> , Pompejus Vgonius <sup>5</sup> , eodem loco Altare S. Andreae dicatum fuisse memoriae mandavit , quod consecratum fuit a Gregorio IV , qui sub eo recondidit concha marmorea Corpus S. Gregorii M. , uti et SS. MM. Gorgonii , ac Tiburtii filii Chromatii . Pius Papa II. ipsum restauravit ; imposito tabernaculo marmoreo , in quo collocavit Caput S. Andreae Apostoli , allatum ex Peloponneso .

Contra vero Gregorius XIII. in diplomate <sup>6</sup> , quo hoc Altare , cum altero Mortuorum nuncupato , privilegio per-

<sup>1</sup> T. VII. p. 156.

<sup>4</sup> de vii. Ecel. p. 25.

<sup>2</sup> T. II. mss. p. 115.

<sup>5</sup> Stazioni di Roma p. 99.

<sup>3</sup> T. XXIV. p. 1021.

<sup>6</sup> T. III. p. 101.

petuo pro piis manibus donavit, sub titulo *S. Gregorii, situm in Cappella S. Andreae Apostoli* designavit. Quae diplomatici verba illustrantes Bullarii Vat. editores, haec adnotarunt. In *Sacellum S. Gregorio I. dicatum Pius II.*, nova marmororum accessione facta, ac eleganti ciborio desuper exstructo, *S. Andreae Caput intulit*. Hinc ab *Apostoli nomine*, novum *Sacello cognomen accessit*, servato tamen veteri titulo Altaris *S. Gregorii*, quum in eo *S. Pontificis ossa clauderentur*. Quibus satis manifeste declarant, sese opinatos esse, istiusmodi Altare, longe ante *Pium II*, *Gregorio sacrum fuisse*.

Neque vero alii desunt Scriptores, qui hoc idem Altare, conjunctim *SS. Andreae, et Gregorii* nomine appellarunt. Nam haec habet Burcardus in Diario ad annum MCDXC. *Sabbato xxiii. Mensis Ianuarii (Innocentius VIII.)* in mane *Cardinalibus omnibus in Palatio Apostolico convocatis significavit Concordiam per Regem Hispaniae habitam cum Rege Granatae*. Propterea *ibidem in Congregatione decretum, quod feria secunda mediate sequenti, Festum Conversionis S. Paulli Apostoli, una Missa sollemnis in Basilica S. Paulli extra muros Vrbis de Spiritu S. per aliquem Praelatum, Papa, et Cardinalibus praesentibus, celebraretur*. Sed propter maximam pluviam ab Aurora usque ad meridiem, et ventum vehementem, celebrata fuit in Bas. Vat. ad Altare *SS. Andreae, et Gregorii*. Hoc idem, ut alios Caeremoniarum Praefectos praeteaream, quorum loca inferius afferemus, ita accipimus ex Onuphrio Panvinio, qui ait<sup>1</sup>. *In ultima versus parietem navi, exstat Altare D. Andreae Apostoli, et Gregorii Pontificis, sub quo ejusdem Doctoris Corpus a Gregorio IV. sepultum est*. Quae quidem omnino iis consonant, quae

<sup>1</sup> T. II. ms. p. 139.

tradidit alio loco <sup>1</sup>, de eodem Altari *in Ecclesiae fine*, *inter murum*, et *Portam Iudicii* ab se descripto <sup>2</sup>. In Ecclesiae fine, ubi sedent Poenitentiarii, est Oratorium, et Altare SS. Andreae, et Gregorii, a Gregorio IV. factum, sub quo jacet Corpus ejusdem S. Doctoris. In Ciborio vero, quod est supra Altare, exstat Caput S. Andreae Apostoli a Pio II. locatum. Verum jure arguitur a Paullo de Angelis, qui fortasse omnium primus recte contendit <sup>3</sup>, antiquius S. Gregorii Oratorium non idem esse, quod alterum S. Andreae; ac recentius ejus Altare, non sub nomine SS. Pontificis tantum, sed etiam S. Andreae possum dicit; etsi tamen, quis crederet? in declaracione Ichnographiae Bas. Vat. <sup>4</sup>, in eamdem Panvinii sententiam descenderit, atque hoc loco fuisse scripserit Altare S. Gregorii Papae a Gregorio IV. factum, supra quod est Caput S. Andreae Apostoli a Pio II. locatum.

Denique nonnulli etiam fuerunt, qui de hac translatione disserentes, ne unum quidem verbum de Altaris nomine fecerunt, etsi a S. Gregorio antiquitus cognominatum fuisse, tacite quodammodo sibi sumpserint. Audi Platinam, qui in vita Gregorii IV. haec habet. Transtulit idem SS. Pontifex B. Gregorii Corpus, atque eo loci collocavit, ubi nunc jacet, magnis adhibitis ornamentis, quo in loco multi temporibus illis, religionis, aut voti caussa excubare consueverant. Ferunt et ab eodem Corpora Sebastiani, et Tiburtii a Coemeteriis, in quibus ante jacebant, ad Basil. Petri translata fuisse. Quibus etiam concinit Aringhius, qui ait <sup>5</sup>. Gregorii Corpus in Ecclesia, prope dictum Secretarium, translatum sub Altari reconditum est, quod nostra adhuc aetate,

<sup>1</sup> T. 111. ms. p. 13.

<sup>2</sup> de vii. Eccl. c. iv. p. 44.

<sup>3</sup> p. 83.

<sup>4</sup> num. 85.

juxta Portam Iudicii nuncupatam visebatur; hisque satis manifeste prodidit, sese cum Platina, Cellam hanc a Gregorio IV. constructam putasse.

Verum, unde unde Cellae nomen factum sit, illud hinc pro certo constat, allatos auctores existimasse, ibidem a Gregorio IV, Gregorii cineres repositos fuisse. Quam sententiam universi ferme, quos vidi, de Vaticana Basilica recentiores etiam Scriptores sequuti sunt. Nam, ut praeteream, quae Raphael Sindonius, et Antonius Martinettus, in opere *de Bas. Vat. praerogativis*<sup>1</sup>, ac Philippus Laurentius Dionysius in *monumentis Cryptarum Bas. Vat.*<sup>2</sup>, de hujusmodi opinione tradiderunt, rursus postremi hi duo Scriptores, quibus sociandus est Cajetanus Cennius, in *editione Bullarii Vaticani*<sup>3</sup>, eamdem sententiam aperte confirmarunt. Siquidem Oratorium a Gregorio IV. in honorem SS. sui Praedecessoris constructum, ad australem veteris Basilicae partem collocatum fuisse contendunt; atque iccirco ad tabulam ichnographicam Alpharani Lectores rejiciunt, qui<sup>4</sup> illud eodem loco fuisse describit. Ac ne Typographi vitio vertendum esset, quasi hic numerus pro altero irrepserit, alibi<sup>5</sup> ex ms. ejusdem Alpharani, quae in hanc rem ab eodem memoriae sunt prodita, exscripserunt. Ea vero ex Alpharani autographo diligenter exarata, sunt hujusmodi<sup>6</sup>. *Ante sepulcrum (Pii II.)*, in medio hujus navis minoris, et Oratorii praedicti, superest adhuc nobilissimum Altare S. Gregorii P. hujus nominis primi, et Ecclesiae Doctoris a Gregorio IV. summa cum veneratione exstratum, atque exornatum, sub quo ejusdem Pontificis venerabi-

<sup>1</sup> I. II. p. 189.

<sup>2</sup> p. 188.

<sup>5</sup> T. II. p. 283.

<sup>3</sup> T. I. p. 47.

<sup>4</sup> sub n. 85. p. 35.

<sup>6</sup> ex ms. p. 35.

le Corpus in concha aegyptiaca cancellis ferreis circumsepta posuit, totumque Oratorium exornavit, multaque intra dictum Oratorium Altaria cum Sanctorum reliquiis munivit, inter quae Corpora SS. Sebastiani, Gregorii (Gorgonii), et Tiburtii Filii Chromatii Mar. ex diversis Coemeteriis honorifice translata, suo quodque Altari recondidit, ut ex Petro Mallio, Maphaeo Vegio, Benedicto Basilicae Canonicis liquet, quorum Altarium nunc nulla vestigia exstant. Tandem hoc Oratorium, et Altare Pius II. marmoribus elegantissimis exornavit, et desuper Altare marmoreum, ac deauratam cameram super quatuor columnas exstruxit, in qua venerabile B. Andreae Apostoli Caput auro, argento, gemmisque ornatum, sollemni processione, totaque Curia, Romanoque Clero comitante, Dominica tertia Iunii anno 1462. summo cum honore collocavit. Haec eadem vernaculo sermone ita deprompsit. Appresso a questo sepolcro seguita la Cappella, ovvero Oratorio de S. Gregorio Primo fatto da Gregorio IV, qual poi fu restaurato da Pio II, fattovi una bella volta circondata tutta la Cappella de' marmi nobilissimi, et sopra l'Altare fatto una camera, dove pose il Capo de S. Andrea, che gli fu mandato dal Pelopponeso da Bajazet. Nell'anno 1574. per essere troppo occupata la Chiesa da questa gran Cappella, forno disjetti li marmi, et renduta piccola appresso l'Altare. Atque alibi. Sotto quest'Altare (di S. Andrea) reposa il Corpo del BB. Gregorio Magno PP. I. in conca de marmore, et circundata de' cancelli de ferro, posto da Gregorio IV, et restaurato dal prefato Pontefice Pio II.

Quae quidem in mentem revocant pulcerimam memorabilis hujusce translationis descriptionem, nobis ab eodem Pio relictam<sup>1</sup>, quam quoties lego, (legi autem

<sup>1</sup> in Commentar. lib. viii.

adhuc saepe, magna cum animi mei voluptate ), toties imperare mihi non possum, quin lacrymis obortis, sacram beatae illius diei triumphum animo recolam, quo nullum unquam certe legimus augustiorem<sup>1</sup>. Si quis autem ipsum Ciborium, aut Cameram, uti Alpharanus vocat, S. Andreae a Pio dicatam velit recognoscere, ejus descriptionem videre poterit apud Ciampinium<sup>2</sup>, uti apud Dionysium<sup>3</sup> exacte delineatas observabit duas marmoreas imagines affabre insculptas Capitis B. Andreae, quae in eodem Ciborio, seu Camera exstabant, atque etiamnum in ambitu Confessionis D. Petri ad occidentem visuntur.

Verum, ut ad Bullarii Vaticani editores me referam, rursus alio loco, ubi de *Cella Clementina*, quô a Paullo V. postremo translatum fuit B. Gregorii Corpus, verba faciunt, ab eadem opinione non aberrant. Ajunt enim<sup>4</sup>. *Gregorius IV. ante annos fere DCCC. sub ara illius nomine celebri, in minori navis australis postremo, ut ait Alpharanus locum designans num. 85, sacrum pignus deposuerat, ubi et S. Andreae Caput Pius II. collocavit. Quibus denuo concinere videtur Dionysius, praeter allatum sui operis locum, ubi ait<sup>5</sup>. Gregorius IV. sacras exuvias Gregorii I. ex loco, ubi antea SS. hic Ecclesiae Doctor sepultus fuerat, nempe ex Basilicae Secretario, ( hoc erat aedes ad partem Templi meridionalem porticui adnexa, ut apud laudatum Alpharanum videre est ), in eamdem Ecclesiam S. Petri Apostoli perduxit, et Altare argenteis tabulis exornato, Oratorium in ipsius B. Gregorii honorem dedicavit. Dum haec enim*

<sup>1</sup> V. Pet. Halloix in *Triumpho sacro Sanctorum*, sive de caeremoniis in Reliquiarum Sanctorum translationibus usurpatis. Antwerpiae 1617. 8. et Comimentarium Aloisii Bandini de vita, et rebus gestis

Bessarionis Card. Nicaeni. Romae 1777. 4. pag. 52.

<sup>2</sup> de Sac. Aed. p. 65. 3 tab. I. et II.

<sup>4</sup> T. III. p. 207, et 244.

<sup>5</sup> de Crypt. Vat. p. 34.

scriberet, eum ad Altare Pii II. mentem, atque animum convertisse, pro certo habeo, ex eo quod, dum illud alibi describeret, allata Alpharani verba et ipse recitavit.

Hactenus immorati sumus in eorum exponenda sententia, qui unanimi poene consensu asserunt, Cellam n. 85. in navi meridionali Bas., *Gregorium* IV. exaedificasse, eoque *Gregorii M.* Corpus intulisse, cui socium deinde datum fuit a *Pio II. S. Andreae Caput*. Quis autem tot, tantorumque Virorum auctoritate permotus, huic sententiae non acquiescat; maxime quum, et ab antiquioribus, velut nobis per manus traditam, et a recentioribus tam secure, tamque fidenti animo inculcatam animadvertat? Quae tamen res, quod omnium pace dictum sit, longe se aliter habet; quod statim demonstrandum aggredimur.

Ac primo animadvertisendum est, si *Gregorius IV.* Altare, in quod deinde *Pius II. S. Andreae Caput* intulit, aedificasset, sub eodemque *Gregorii M.* exuvias collocasset, quum hoc in Cella Basilicae meridionali situm fuerit, consequens esse, ut idem Pontifex e *Secretarii Vestibulo*, intra Ecclesiam B. Petri, cognominis Pontificis Corpus transtulisse, dicendus esset. Hoc autem Anastasio, quidquid contra sentiant *Turrigius*<sup>1</sup>, *Ciampinius*<sup>2</sup>, et *Dionysius*<sup>3</sup>, aperte refragatur, qui quidem Anastasius, uti supra vidimus, diserte scribit, *ex loco*, quo prius fuerat sepultum, tulisse, et non longe ab eo in aliud noviter constructum, infra Ecclesiam B. Petri, summo honore perduxisse. Neque heic reponi potest, voculam *infra* ab Anastasio, aliquando pro *intra* usurpari. Hoc enim loco, in propria significatione sumi posse, ac porro debere ipsi-

<sup>1</sup> p. 187.

<sup>2</sup> de S. Aedif. p. 70.

<sup>3</sup> pag. 34.

usmet Anastasii, et Joh. Diaconi verba satis evincunt, quum uterque testetur, in *Cella Gregoriana* absidam a *Gregorio IV.* erectam fuisse. Quaeso autem, qui fieri potuit, ut antiquitus in *Cella d.* *intra Basilicam* apsidi locus esset, quum ibidem Pius II, qui tamen Altare, quam potuit magnificentissime, exornandum curavit, solum Ciborium elevare potuit quattuor columnis innixum? Praeterea iidem, referunt, *multa* in *Cella Gregoriana* fuisse *Altaria*; siquidem in illam a *Gregorio IV.*, BB. MM. *Sebastiani*, *Gorgonii*, ac *Tiburtii* Corpora fuerunt illata, ac *singula* in *separatis* altaribus reposita. Quo autem pacto in *Cella d.*, *intra Basilicam* poni potuissent, ubi prae loci angustia, *unum* dumtaxat Altare, inter *IV.* columnas fuit, ac nonnisi unum esse potuit? Neque illud refert, quod Alpharanus ad suam opinionem confirmandam praetexuit<sup>1</sup>, quam fortasse ex Panvinio desumxit, qui<sup>2</sup> in eodem hoc Oratorio Corpora horum trium Martyrum recondita fuisse scripsit, *horum* nempe *Altarium vestigia nulla*, sua aetate amplius extare. Quid enim mirum, si nulla Altarium extarent vestigia, ubi nusquam antea, eadem Altaria exstitissent?

Itaque ex his facili negotio colligere licet, allatis Scriptoribus, ceteroqui doctis, et eruditis, ipsum Sancti *Gregorii* nomen fraudi fuisse, quod Altari, ubi *Pius II.* S. *Andreae* Caput reposuit, sacrasque S. Doctoris exuvias adjunxit, eorum tempore haerebat, indeque factum fuisse, ut illud idem fuisse a *Gregorio IV.* excitatum, in quod praeter *Gregorii M. Corpus*, alia tria SS. MM. separatis Altaribus collocavit, sibi persuaderent, ac primam *Gregorii IV.* translationem, cum hac altera *Pii II.*, de qua redibit sermo, confunderent.

<sup>1</sup> ms. p. 35.

<sup>2</sup> T. II. ms. p. 115.

Atque hanc ego observationem sane veram , satisque solido fundamento nixam , eruditissimo Janningo debere me profiteor , qui eam retulit in suam *de situ Sacelli Gregoriani dissertationem*<sup>1</sup>. Cui tamen nolle , interim illud excidisset , quod ait<sup>2</sup> , *neminem ex iis , qui opinantur , Gregorii M. Corpus a Gregorio IV. translatum fuisse ad Sacellum Gregorianum d , intra Basilicam , agnoscisse , eodem fuisse tumulata Corpora SS. Sebastiani , Gorgonii , aut Tiburtii , vel ibi nunquam exstisset .* Panvinium enim , et Alpharanum , itemque Ciampinum , qui ejusdem Alpharani verba attulit , id agnoscisse mox demonstrabimus , quos tamen , quamquam ab Anastasio didicerint , multa *Gregorium per sacellum Altaria excitasse ad reliquias decore servandas , quas e diversis coemeteriis , et cryptis attulerat , nihilo plus ceteris vidisse , atque in eumdem lapidem impegnisse , mirandum est.*

## §. I.

*Pio II. hujusce Altaris erectio , a ceteris Gregorio IV. adsignata , adseritur .*

Quamvis a Ianningo allata rationum momenta gravia certe sint , magnique facienda , illud tamen magis magisque inculcari ab eo voluisse , quod unum praeceteris longe gravissimum mihi videtur , remque extra omnem dubitationis aleam posuisse . Enim vero si probari posset , Altare , quô Pius II. transtulit *S. Andreae Caput* , ab eo erectum fuisse , nonne sententia omnino caderent , quicumque illud a *Gregorio IV. primum excitatum fuisse contendunt?* Id quidem ipsum ab eo innuitur , ubi ait<sup>3</sup> , *Sacellum d. SS. Andreae , et Gregorii IV. tempestate nondum*

<sup>1</sup> T. VI. Junii p. 153.

<sup>2</sup> num. 374.

<sup>3</sup> T. VI. Jun. p. 154.

existitisse , et seculis sex integris post , non existitum , utpote a Pio II. aedificatum ; nullo tamen documento ad id usus est . Quod vir Cl. omisit , exsequar ego .

Hoc igitur perspicue patet ex iis , quae refert Turrigius haberi in *MSS. Archivi Vaticani* , ubi legitur <sup>1</sup> . *Cappella S. Andreae Apostoli a Pio II. erecta , Francisco ejus Nepote , S. Eustachii Diac. Cardinali dotata* . Id etiam manifeste eruitur ex libello , qui inscribitur *Censuale anni MCCCCLXIV* <sup>2</sup> , et ex antiquo libro *Benemeritorum de Bas. Vat.* cuius verba , paucis contracta , retulit Raphael Sindonius <sup>3</sup> . Sed quum ea videre licuerit continenter descripta apud Grimaldum <sup>4</sup> , ibique plura a Pio II. peracta , immortalitate dignissima memorentur , praestat ea , tamquam Pii vitae breviarium , cum Lectoribus communicare . Ait itaque Grimaldus . *Multis dein labentibus annis , Pius II. P. M. Corpus admirabilis hujus Doctoris Gregorii in Altari noviter ab se constructo , supra quod Ciborium ad continentum S. Andreae Apostoli Caput , jussu , et impensa ejusdem magnifice factum , ex incultiore loco translatum reposuit , ut legitur in Censuali anni 1464 , et in libro antiquo Benefactorum dictae Basilicae in Archivo Capituli asservatis fol. 113. his verbis . Quartadecima die Augusti MCCCCLXIIII. obiit Pius Papa II , patria Senensis , familia Piccolominea , qui singulari devotione huic sacrosanctae Basilicae affectus , corpus Templi totum expolivit . Sepulcra veterum Pontificum media in aede perturbate posita , in ordinem redacta , parieti coaptavit . Cappellam in angulo Templi Divo Andreae Apostolo Germano Petri aedificavit . Ciborium marmoreum auro distinctum altari superne construxit ; ibi*

<sup>1</sup> pag. 370.

<sup>2</sup> apud Martinellum in Roma ex Ethnico

Sacra p. 189. 3 pag. 97.

<sup>4</sup> fol. ms. 37.

Caput Apostoli ipsius ex Graecia in Italia a Despoto Peloponnesi translatum, auro, gemmisque ornatum collocavit; populo bis quotannis, ut ostenderetur, instituit, Dominica tertia Iunii, et pridie Kal Decembris; singulo quoque illius festo iis, qui locum, more Ecclesiae, frequentarent, decennii veniam indulxit. In Altari, cui Ciborium imminet, cineres SS. Doctoris Gregorii, ex alio incultiore loco translatos reposuit, reponendis ipse interfuit. Podium Donadei, Oppidum Sabinorum, huic Basilicae dono dedit. Scalas pro foribus Templi vetustate collapsas, majore ambitu, ornatuque instauravit. Apostolorum Statuas, Petro a dextera, Paullo a sinistra erexit. Suggestum Pontificum, unde Populo benediceatur, inter fores Templi, et superiores scalas, marmore cruxulatum, et columnis transmarinis longe maximis inchoavit. Mors, ne operi pulcherrimo summam apponeret manum, impeditivit. Mortuo Franciscus Nepos Cardinalis Senensis, eadem in Cappella, Sepulcrum pari cum magnificentia construxit. Oremus Deum pro anima ipsius dignissimi Summi Pontificis Pii II. Post haec ita pergit Grimaldus. Ex Censuale anni 1464. in dicto Archivio existent. appareat, quod exstructo jam Ciborio, Pius Secundus P. M. Dominica tertia Iunii ejusdem anni, qui fuit dies XV, in eo sollemniter reposuit S. Apostoli Caput. Atque in Altari, cui Ciborium imminebat, Corpus eximii Doctoris Gregorii PP. I. recondidit. Hanc sacri verticis repositionem Dominica III. Iunii cujuslibet anni Vaticana Basilica celebrat sub ritu duplici. Verba dicti censualis haec sunt fol. 63. Expensae pro festo Capitis S. Andreae. Iunii die XV. solvi de mandato D. Vicarii, et Camerariorum pro festo fiendo pro Capite S. Andreae, et S. Gregorii, quando fuerunt positi in Cappella... Ex quibus ipsum etiam hujusce translationis diem licet agnoscere, quem

sacro cultu quotannis celebratum diu fuisse , discimus ex Anonymo per Valerium Doricum evulgato , qui ait. *Caput S. Andreae Ap. quod ostenditur in ejus festo , et in illa , die , quando Romam portatum fuit , et adductum .*

Quid autem certius hoc testimonio afferri potest ad probandam , non tam translationis cinerum SS. Doctoris a Pio II. peractae veritatem , quam ipsius Altaris , ubi eas cum Capite S. Andreae collocavit , constructionem ? Atque hujus quidem testimonii auctoritas , quae certe multo gravissima est , mirifice Alexandri VI. diplomate confirmatur . Sic enim in eo scribitur <sup>1</sup>. *Pius Papa II. praedecessor noster in Basilica Principis Apostolorum de Vrbe unum Altare sub invocatione SS. Andreae Apostoli , et Gregorii PP. in honorem eorum construxit , et aedificavit , seu construi , et aedicari , ac in illius urna cineres D. Andreae Apostoli ( corrigi D. Gregorii ) recondi fecit , illudque ornavit , ac Caput ipsius Andreae ex Peloponneso in Vrbem delatum , in theca argentea lapidibus pretiosis ornata , ciborio marmoreo inibi constructo , honorifice collocavit . Quid autem tam luculento Pontificis testimonio , qui , infra xxviii. annorum spatium , Pio successit , opponi possit , plane non video .*

Quis itaque jure non miretur , eruditos Bull. Vat. editores ad diplomatis hujusce illustrationem , Alpharani locum supra a nobis allatum subjunxisse , ubi ait ex adverso , idem Altare a Gregorio IV. constructum , et a Pio II. postea ornatum , ac restauratum ? Quod aequem fecisse animadverti Sindonium <sup>2</sup> , qui postquam Libri Benemeritorum verba protulit , illico eadem Alpharani verba exscribit , illis omnino contraria .

<sup>1</sup> T. II. Bull. Vat. p. 283.

<sup>2</sup> pag. 97.

Ceterum nostram sententiam diserte tuetur Joh. Severanus, qui aperte declarat, *Gregorii Corpus* alio in loco quievisse, antequam *Pius II.* sub Altari, cui tunc temporis *Gregorii* etiam nonen adhaesit, *SS. Doctoris exuvias* reconderet. Sic enim scribit<sup>1</sup>. *Ingredienti Basilicam veterem per Portam Iudicii, a sinistra in fine ultimae navis, visebatur Sacellum S. Gregorii, translatum una cum Corpore ejusdem a Pio II. ex loco, ubi pridem jacebat in porticu (innuit heic Oratorium, seu Cellam Porticui adnexam) ad Altare ab ipso Pio erectum cum Ciborio, in quo reponeretur Caput S. Andreae Apostoli e Graecia allatum.* Quod a *Pio II.* non absque mysterio praestitum esse, una cum Turrigio, qui idem<sup>2</sup> affirmit, subjungit. *Sapienter enim a Pio factum est, quemadmodum recte animadvertiscitur Grimaldus, ut illius SS. Praesulis sacrum Corpus in Altari reconderetur, cui superne Caput gloriosissimi Apostoli Andreae intra Ciborium imminaret, qui dum vixit, tanto studio, ac devotione ipsum Apostolum coluit, ut paternas aedes in Clivo Scauri, Ecclesiam ejus nomini, honoriique construxerit, atque dicaverit.*

Huc etiam spectant, quae idem Severanus alio loco memoriae prodidit. Ait enim<sup>3</sup>, die *viii. Januarii* anno *MDCVI*. *Gregorii Corpus denuo fuisse translatum, uti ipse testis oculatus videre potuit, a Paullo V. in Cellam Clementinam, quae e regione Gregorianae nunc est, a Gregorio XIII. in nova Basilica magnifice constructae, et exstractum ex Altari S. Andreae, ad quod in secunda translatione fuerat portatum a Pio II. anno MCCCCCLXIV.* Quapropter quis non videt, Severanum, quum *Pii* translationem *secundam* nominet, ab ea longe diversam putasse, quam a

<sup>1</sup> p. 98.

<sup>2</sup> p. 25.

<sup>3</sup> p. 135.

Gregorio IV. factam , ex Anastasii , et Joh. Diaconi testimonio ignorare minime poterat ?

Sed quid plura ? Grimaldum denique rursus audiamus , qui clarius etiam nos alibi rem docet , ipsamque novi Altaris a Pio II. erecti distantiam a veteri Cella , quam Gregorius IV. construxerat , accuratissime describit hoc modo <sup>1</sup> . *A quo dehin loco idem Pius Papa transtulit Corpus Sancti Doctoris Gregorii , et in Altare ab se magnificenter exstructo , a dicto loco palmis circiter xv. distante , intra nobilem Concham marmoream posuit , ac firma crate undique munivit .*

Verum , ut tandem aliquando hunc locum absolvam , tota res eô reddit , ut hoc Altare , recte quidem *Cella Gregoriana* appellari possit , eo quod non tam S. Andreeae , cuius in honorem Pius II. illam erexerat , quam Divo Gregorio sacra fuerit , cuius exuvias , e loco , ubi pridem a Gregorio IV. positae fuerant , in eam transtulerit . Falsum tamen omnino est , quod supra allati Scriptores sibi persuaserant , hanc Cellam illam ipsam fuisse , quam ad *Gregorii M. cineres recondendos , ante novellum Secretarium Gregorius IV.* excitavit .

§. II.

*Sollemnium Caeremoniarum , quae in eadem Cella peragebantur , indicatio .*

Reliquum nunc esset , ut sollemnes quasdam Caeremonias , pro quibus hujusmodi Cella , in *Pontificum consecratione* , et in *Imperatorum coronatione* maxime inserviebat , explicarem . Sed , quum de iis fuse disserendum sit , postquam aliae Cellae Gregorianae veteris Basilicae fue-

<sup>1</sup> fol. mis. 38.

rint illustratae , iccirco ea opportunius infra rejicimus ; ex quibus illud etiam constabit , Vgonium , aliosque etiam Scriptores vehementer errasse , qui in eadem Cella , *Basilicae Vaticanae Secretarium* agnoverunt .

Heic tamen obiter adnotandum esse duco , quod copiosius alibi declarabimus , postquam *D. Andreae Templum* a Symmacho erectum , *D. N. Mariae Febrifugiae* titulo venire coepit , statutum esse ad memoriam veteris ritus , in *S. Andreae Templo* olim peracti , retinendam , ut in hoc eodem Altari a *Pio II.* constructo , Episcoporum consecrationes , et Sacerdotum ordinationes , a Pontifice sollemni more peragerentur . Ac propterea ibidem , eadem de caussa , vix Oratorium a *Gregorio IV.* , in *Gregorii honorem* excitatum , ubi nonnullae in Pontificum consecratione , et Imperatorum coronatione caeremoniae servabantur , *D. N. Mariae Febrifugiae* consecratum fuit , sancitum est , ut , quô *Gregorii* cineres translati fuerant , nimirum in hac Cella , quam *Pius II.* erexit , ex veteri more celebrarentur . Siquidem Romani Pontifices omnes caeremonias , quibus pridem in sejunctis Altaribus *Andreae* , et *Gregorii* fungebantur , in eodem loco , ubi divinitus a *Pio* conjuncti fuerant , deinde obire voluerunt . Praeterea par modo , quo eadem *Imago B. M. Febrifugiae* , quae prium in *Andreae* Templi a *Symmacho* exstructi pariete depicta fuit , ut alibi planum fiet , eidem Templo pristinum *Andreae* nomen auferre coepit ; quod demum plane obliteratum fuit , postquam *Pius II.* *Andreae* Caput in Cella , de qua nunc agimus , collocavit , sic ad *Oratorium Gregorianum* deinde translata , quum *Symmachi* Templum pro *Sacrario* inservire coepit , celebritate sua , et hujus *Oratorii* nomen delevit . Ac profecto *Gregoriani* nominis

mutatio , etiam ex hoc eodem Altari , quō *Pius II. Gregorii* Corpus antea invexerat , initio repetenda . Sed haec omnia , quae nunc fortasse obscuriora videri possunt , loco quaeque suo , quantum quidem fieri poterit , perspicue explicata , suo in lumine collocabimus .

§. III.

*Altaris , et sepulcralium Monumentorum , quae ibidem exstabant , descriptio .*

**N**unc potius nonnulla ad hanc Cellam spectantia juvat heic adjicere , fortasse lectoribus non injucunda .

Ibidem Franciscus Bandinus Piccolomineus , Senarum Archiepiscopus , et Pii III. Pronepos , magnam marmoream *Andreae Apostoli Statuam* , multo pretio redemptam , dcentibus Alpharano <sup>1</sup> , et Vgonio <sup>2</sup> , erigendam curavit , sub cuius basi tumulum sibi constituit , hujusmodi inscriptione , quam ex aerea tabella marmori affixa , Phil. Dionysius ab Vghellii mendis <sup>3</sup> expurgatam protulit <sup>4</sup> .

D. O. M.

FR. BAN. PICOL.

ARCHIEP. SENEN.

VT IN BASE . D. ANDREAE  
OSSA  
HIC RESVRRECTIONEM  
EXSPECTANT

Id etiam altera prodit Inscriptio marmori insculpta , quae primitus in ejusdem *Andreae* simulacri Basi collocata

<sup>1</sup> ms. p. 35. In questo medesimo Altare nelli tempi nostri fu posta una Statua de S. Andrea Apostolo excellentissima , fatta fare dal R. Francesco Bandino de Piccolomini Arcivescovo di Siena , Pronepote

delli Pontefici Pii II.III. de Casa Piccolominea con questo Epitaffio .

<sup>2</sup> Stazioni di Roma . p. 99.

<sup>3</sup> T. II. Ital. sacr. col. 579.

<sup>4</sup> Tab. LXIII. num. 3. pag. 164.

fuuisse videtur , et modo in Vaticanae Confessionis Hypo-  
geo ad Occidentem adservatur . Hanc primum edidit Tur-  
rigius <sup>1</sup> , qui eam se in horto quodam offendisse narrat ;  
sed multo rectius Dionysius recudit , atque illustravit <sup>2</sup> ,  
ex cuius exemplo nos eam rursus heic exhibemus .

DIVO . ANDREAE

D. N. IESV . CHRISTI

APOSTOLO . S. PETRI

GERMANO . GENTIS

PICCOLOMINEAE

PATRONO

F. BAN. PICCOLOMINEVS

ARCHIEP. SENEN. PII III.

PRONEPOS . CVM . HIC . SIBI .

INFRA . STATVAM . DIVO

SVIS . SVMPTIBVS . POSITAM

LOCVM . AD . SEPVLTVRAM

ELEGISSET . EIVSQ. TVTE

LAE . ANIMAM . SVAM . COM

MENDATAM . ESSE . CVPERET

DD.

ANNO . SAL. MDLXX.

AETATIS . VERO . SVAE

AN. LXV.

Recte autem Dionysius notavit <sup>3</sup> , perperam *Pii* II ,  
quod item Alpharano <sup>4</sup> excidisse vidi , pro *Pii* III. no-  
mine , in Turrigii exemplo occurtere , qui praeterea eo-  
dem titulo Archiepiscopi Senensis , qui et Francisco Pic-  
colomineo S. Eustachii Diacono Cardinali , Senensi nun-  
cupato , communis fuit , fortasse deceptus , dotem , quam

<sup>1</sup> p. 231.

<sup>2</sup> Tab. LXXVI. p. 87.

<sup>3</sup> p. 187.

<sup>4</sup> ms. p. 35.

huic Cellae Franciscus Cardinalis adsignavit, a Francisco Bandino, nunquam purpura insignito, donatam fuisse scripsit.

Siquidem praeter Alexandri VI. diploma<sup>3</sup>, quod luctulentissime declarat, Cellam hanc a Card. Piccolomineo, novo censu ditatam fuisse, id etiam aperte confirmat Jacobus Grimaldus hujusmodi verbis. *Pius morte interceptus Sacellum non absolvit, nisi dumtaxat Ciborium. Absolvit Franciscus Nepos Card. sub Alexandro VI<sup>1</sup>, parastatis tiburtinis, novo fornice, atque sepulcro memorato, optimamque attribuit dotem ad sacra inibi futuris temporibus peragenda, ut ejusdem Alexandri diploma satis manifestat, de jure Patronatus Piccolomineorum. Ciborium ornatum erat laminis magnis serpentinis integris ovatis pulcherrimis, atque porphyretis, a lapicidis in ejus demolitione, non sine animi mei dolore, raptis, et aliunde distractis, nitebaturque supra quatuor columnis aegyptiacis rubris. In Altari, cui Ciborium imminebat in Concha lapidea orientalis granniti crate ferrea undique cincta quiescebat Corpus S. Gregorii M. I. Praeterea haec etiam, uti adnotarunt Bull. Vat. editores<sup>2</sup>, memoriae tradidit. Hoc Altare Antonius Latiosus, nobilis Foroliviensis, Canonicus Altarista, et Camerae Apostolicae Clericus, anno 1484. pro uno perpetuo Capellano inibi Missam celebraturo dotavit. Dehin Franc. Piccolomineus Card. Senensis Pii secundi Nepos, qui et ipse Pius Tertius dictus est, Sacellum novo fornice, parastatis, nobilique marmoreo sepulcro, Pio avunculo erecto, ornavit, et dote nova aucta donavit. Quae quidem iis recte consonant, quae supra legimus apud Jacobum Volaterranum.*

Nam anno MCCCCLXIV, uti refert Card. Papiensis<sup>3</sup>, septimo die, postquam Ancona discessum est, ubi Pius de-

<sup>1</sup> T. II. Bull. Vat. p. 283. <sup>2</sup> T. II. B. V. pag. 283. <sup>3</sup> lib. II. Commentar.

cessit, qui aegrotans eō se contulerat, ut foederatorum Principum classem adversus Turcas acrius incenderet<sup>1</sup>, reversi in Vrbem Patres sunt, et Cadaver Pii Templo S. Petri illatum, sepultumque in Andreae Apostoli Cella, quam ille vivens, pulcherrime adornatam, ossium suorum, et sacri Capitis tabernaculum esse voluit. Quod et a Panvinio memoratur, qui de Pio haec scriptis consignavit<sup>2</sup>, ab Alpharano<sup>3</sup>, et Ciacconio item relata<sup>4</sup>. *Pii II. Papae Senensis Corpus sepultum*, in marmoreo sepulcro, ut Stella<sup>5</sup>, et Oldoinius<sup>6</sup> adnotarunt, a Pasquino Politiano, celebri illius aevi artifice elaborato, retro Altare SS. Andreae, et Gregorii cum hoc elogio, quod adhuc exstat.

*Pius II. Pontifex Maximus natione Tuscus  
Patria Senensis, Gente Piccolominea .*

*Sedit annos sex. Brevis Pontificatus. Ingens fuit gloria. Conventum Christianorum Mantuae pro fide habuit; Oppugnatoribus Romanae Sedis, intra, atque extra Italiam restitit; Catharinam Senensem inter Sanctas Christi retulit; Pragmaticam in Gallia abrogavit; Ferdinandum Aragonensem in Regnum Sici-*

<sup>1</sup> V. Vitam Pii II. in Joh. Ant. Campani Opp. Venet. 1500. fol. p. 78. praemissam Aeneae Sylvii Opp. Basil. 1571. fol. et in T. II. rer. Ital. Murat. p. 967. Leodrisii Cribelli lib. II. de expeditione Pii II. Papae in Turcas. in Tom. XXII. Rer. Ital. Murator. pag. 21.

<sup>2</sup> T. II. ms. p. 126.

<sup>3</sup> In mezo la Cappella alla pariete della Chiesa, verso il Levante, vi è il Sepolcro excellentissimo de Pio II. de marmo indorato, con sepoltura del Capo de S. Andrea Apostolo, quando fu transferito in Roma nel tempo del suo Pontificato, et ornata tutta questa Cappella dal detto Pontefice con volta, et fatto sopra l'Alta-

re de S. Gregorio in tabernaculo, per servare detta venerabile testa del glorioso Apostolo Andrea, fatto de marmo excellentissimo, dentro al quale sino adesso se ne conserva d. Ven. Capo coperto d'argento. Sotto quest'Altare reposa il Corpo del BB. Gregorio Magno PP. I. in conca de marmore, et circundata de' Cancelli de ferro, posto da Gregorio PP. IV. et restaurato dal prefatto Pontefice Pio II. et in d. Cappella molti altri Sommi Pontefici, come racconta Pietro Mallio in fol. 19. e Vegio fol. 13.

<sup>4</sup> T. II. p. 1023.

<sup>5</sup> apud Papebr. in Con. Cron. hist. p. 132.

<sup>6</sup> T. II. Ciaccon. pag. 1028.

liae eis fretum restituit , rem Ecclesiae auxit ; fodinas inventi-  
tum primum aluminis apud Tolfam instituit ; cultor Iustitiae ,  
et Religionis , admirabilis eloquio , vadens in bellum , quod  
Turcis indixerat , Anconae decessit ; ibi et classem paratam , et  
Ducem Venetorum cum suo Senatu , Commilitones Christi ha-  
buit . Relatus in Vrbem est , Patrum decreto , et hic condi-  
tus , ubi Caput Andree Apostoli ad se ex Peloponneso ad-  
vectum , collocari jusserset . Vixit annos LVIII. menses IX.  
dies XXVII. Franciscus Cardinalis Senensis Avunculo sanctissimo  
fecit anno MCCCCLXIIII.

*Humi in tabula marmorea*

#### PIVS II. PONTIFEX MAXIMVS

Post haec Panvinius Pii sepulcrum ita describit .  
*Pii III. Senensis Corpus prope Avunculum Pium II. juxta Alta-  
re SS. Andree , et Gregorii , cum hoc elogio conditum est .*

#### PIVS III. PONTIFEX. MAXIMVS

*a Pio II. Avunculo , duos , et viginti annos natus , in Cardi-  
nalium Collegium adscitus , Vrbis , et Piceni Legatione integer-  
rime functus , a Paulo II. ad Federicum III. missus , ut Ger-  
manorum arma in Turcas concitaret , conventum frequentissi-  
mum , Pontificis morte dissolutum habuit ; sub Innocentio VIII.  
Vmbros dissidentes pacavit ; Gallorum Rege Italiam inruppen-  
te , ab Alexandro VI. sero admodum obviam missus , eo mortuo ,  
duodequadraginta Patrum suffragiis Pontifex creatus , dum de-  
restituenda in pristinam majestatem Christiana Republica , ac  
Vrbe agit , vI , et xx. die , e tanta exspectatione rerum , pu-  
blico omnium luctu decessit . Eloquio , prudentia , religione ,  
innocentia , et gravitate , domi forisque insignis , in dicendis  
in Senatu sententiis liber , et gravissimus . Vixit annos LXIII.  
menses V. dies x. Obiit anno salutis Christi MDIII. XV. Kal.*

*Novembris. Jacobus, et Andreas Fratri sanctissimo posuere:*

*Humi in tabula marmorea*

PIVS III. PONTIFEX MAXIMVS

Haec eadem refert Ciacconius<sup>1</sup>, qui haec ex Turrigio adjecit de hac eadem Cella, quin tamen ejus errorem<sup>2</sup> supra notatum sequutus sit. Cappella S. Andreae Apostoli a Pio II. erecta, a Francisco ejus Nepote S. Eustachii Diacono Cardinali dotata, ad commodam unius Cappellani substentationem, ut quolibet die dominico Missam, et secunda, quarta, et sexta feriis, et Sabbato secundae hebdomadae, et sic perpetuo alternatim singulis hebdomadis. Item singulis D. N. I. C., Beatae Virginis, ac SS. Apostolorum, et Evangelistarum, S. Gregorii Papae, S. Ioh. Baptiste, atque S. Laurentii festivitatibus, nec non die omnium Sanctorum, Missae Sacrificium peragere teneatur, relicto jure praesentandi familliae de Piccolominibus, in institutione vero Canonicis reservato.

Sed, quum Alpharanus, morem suum servans, haec omnia accuratius, diligentiusque descripscerit, adjecta ceterorum monumentorum, quae in hac Cella exstabant, indicatione, ne pigeat, eum etiam de eodem Altari disserentem audire. Sequitur, inquit<sup>3</sup>, Pii III. Sepulcrum<sup>4</sup> elegan-

<sup>1</sup> T. 11I. pag. 214. <sup>2</sup> p. 210.

<sup>3</sup> ms. p. 35.

<sup>4</sup> num. 8r. Appresso questo sepolcro, et porta, seguita una sepoltura elegantissima marmorea deaurata con bellissime figure de rilievo deaurate, de Pio PP. 11I. con questo epitaffio . . . El Corpo di questo Pontefice fu sepolto accanto al Corpo de Pio II. nel pavimento, addietro all'Altare de S. Gregorio, con questa semplice inscriptione in tabula marmorea . . . Appresso questo sepolcro de Pio III. nella medesima parete fu sepolto il SS. Papa Pio V. nelli nostri tempi l'anno del Si-

gnore 1572. il terzo dì de Maggio in sepolcro laterizio, et bianchissimo, tutto istucato con questa Iscrizione, o titulo.

PIVS V. PONT. MAX.

*Id item in Necrologio Bas. memoratur hujusmodi verbis. A dì 1. Maggio 1572. morse la felice memoria di Pio PP. V. e fu sepolto in S. Andrea. Sed cetera ab Alpharano audiamus. Un palmo discosto dal sepolcro de Pio V. nella medesima pariete della Chiesa dentro la medesima Cappella de S. Gregorio vi è il sepolcro de Julio 11I. fatto de mattoni, et depento con questa Iscrizione, advertendo, che*

tissimum e marmore pario deaurato exstructum, diversis eximiis sculpturis exornatum, cum epitaphio marmori insculpto, ante quod est sepultus Franciscus Bandinus Piccolomineus Archiep. Senensis, juxta quod sequitur etiam Pii V.<sup>1</sup> lateritius tumulus opere tectorio factus, cuius almi Pontificis Corpus, Sixto V. Sum. Pont. die 9. Mens. Januarii 1588. translatum fuit ad Ecclesiam S. Mariae Majoris ad Cappellam S. M. ad Prae- sepe. Huic etiam proxime sequuntur aliud sepulcrum <sup>2</sup> Iulii III. etiam lateritium, quo etiam in loco Hadriani VI. Corpus per aliquod tempus . . . jacuit, postea ad Ecclesiam S. Mariae de Anima in eximium sepulcrum translatum fuit; juxta quod sepulcrum in angulo hujus navis prope parietem ad Orientem sepulta fuit Constantia de Piccolominibus Pii III. consanguinea, Dom. Petri Latini quondam uxor. Deinde in eodem pariete sequitur eximium Pii II. sepulcrum <sup>3</sup> tumulo Pii III. simile, ante quod sub marmoreo lapide dictorum Piorum II, et III. Corpora humata fuere. Nostris vero temporibus ante dictum lapidem Pii II, Franc. Bandinus de Piccolominibus Pii II. Pronepos, et Senarum Archiepiscopus dignissimus, huic sub tabula marmorea sepulcrum vivens sibi elegit. Ac demum, inter Altare, et minorum navium columnas, Gregorio XIII. P. M., sepultam fuisse narrat D. Agnetem de Columna <sup>4</sup> S. Andreae Apostoli devotissimam, et Honorati Cajetani Sermonetae Ducis uxorem sub eximia marmorea tabula, elegantissimis aeneis figuris exornata <sup>5</sup>.

era nel medesimo luogo il sepolcro de PP. Adriano VI, qual poi fu trasferito a S. Maria dell'Anima.

#### JVLIO III. PONT. MAX.

Appresso a questo sepolcro de Julio III. al cantone della pariete verso Levante della Chiesa, et Cappella, fu sepolta la Sig.

Costanza Piccolominea moglie, che fu del Sig. Pietro Latino parente degli Pontefici Pii II, et III. de familia Piccolominea.

<sup>1</sup> num. 82. <sup>2</sup> num. 83.

<sup>3</sup> num. 84.

<sup>4</sup> num. 86.

<sup>5</sup> Per uscir fuore de questa cappella, ap-

y y y y

Vides igitur ex hac Alpharani descriptione , *Pelagium I* , quem heic una cum aliis Pontificibus humatum fuisse , haud recte post Vgonium <sup>1</sup> , scripsit Ciampinius <sup>2</sup> , minime esse nominandum , quum , uti supra docuimus , idem Pontifex sepultus fuerit ante *Vestibulum Secretarii antiquissimi* . Heic potius addas , licet , Grimaldo <sup>3</sup> auctore , *Marcellum de Nobilibus Sergianensem* , *doctum Philosophum* , *Clementi VIII. amicum* , et *familiarem* , qui die 29. Januarii 1594. accepit possessionem *Canonicatus vacantis per obitum D. Pauli Palelli* , et *fato functus die 22. Maii 1595* , ut in altero MSS. Archivi Bas. Vat. adnotatur , *in aede S. Andreae tumulatus fuit* .

Verum , ut novum Templi Vaticani aedificium per-

presso alla porta a piede la II. colonna de-

vi è un deposito in tavola marmorea con  
questa Nave della Chiesa nel pavimento questo titolo .

PETRO RAYMVND O COSTE HISPANIAE CITERIORI  
ORIVNDO HIEROSOLYM. HOSPITAL. MAGISTRO QVI GENERALI CAPIT.

PAVLO II. P. M. IVSSV ROMAE ABSOLVTO  
LXIV. AETATIS SVAE ANN. VITA FVNCTVS EST  
CONSILIO PIETATE ARMIS INCLYTO

HOC MON. RELIGIONIS DECRETO PATR. O. M. POSITVM .

Questa tavola fu trasferita l'anno 1574, ma  
non il Corpo del defonto dalla sopradetta  
II. colonna alla III. per accomodare il pa-  
vimento della Chiesa . Ma nell' anno 1578.  
a piè della I. colonna , dentro la detta  
Cappella di S. Gregorio , fu sepolto il

corpo della Illma Sig. Agnesina Colonna  
moglie del Sig. Honorato Gaetano Gover-  
natore di Borgo , nel tempo di Gregorio  
XIII. con questo titolo in tavola di mar-  
mo , ornata di metallo .

D. O. M.

AGNESINAE COLVMNAE CAETANAE  
SINGVLARI PVDICITIAE PRVDENTIAE RELIGIONIS EXEMPLIO  
FELICI FOECVNITATE INSIGNI  
HONORATVS CAETANVS CONIVGI RARISSIMAE ,  
CVM QVA IXXX. ANN. VNO ANIMO VIXIT

POS. VIXIT ANNOS LX.

OBIIT VI. KAL. MAII MDLXXVIII.

*Id etiam ita memoriae tradidit Necrolo-  
gium Bas. Aprile 1578 fu sepolta la Illma  
Sig. Agnesina Colonna Caetana , moglie*

dell' Illmo Sig. Honorato Caetano ai 29.d.  
in S. Pietro appresso l'Altare di S. Andrea.  
1. p. 99. 2 p. 10. 3 in l. Descend. Can.

ficeretur , anno MDCVI. Altare dejectum fuit , aliōque Pontificum cineres translati . Quae quum memoriae diligenter consignaverit Iacobus Grimaldus , lubet ex eo rem accipere , ut perspecto hujus Altaris initio , ejus etiam finem inspiciamus . Ait itaque <sup>1</sup>. *Aperitio sigilli Altaris S. Andreae , die Veneris decima quinta Septembbris MDCVI.* R. D. Germanicus Fidelis Canonicus , Major Sacrista , aperiri iussit sigillum in medio tabulae veteris Arae Sancti Andreae , et Sancti Gregorii , clusum lapide africano cum Cruce auricalchi habentem lunas , stemmata Pii secundi , intra quod erat vasculum rotundum stamneum cum reliquiis S. Praxedis Virginis , Sanctorum Alexandri , et Theodori Martyrum , et Sancti Martini , quas stola , et luminibus idem detulit in Sacrarium , et cum aliis recondidit , praesentibus R. D. Francisco Victricio Clerico Beneficiato , et Domino Iohanne Fucigna testibus ec.

Deinde post duorum annorum spatium , Pii II , et III. monumenta aliō translata fuisse docet idem Grimaldus , cuius verba ex Philippo Dionysio , qui eadem aere incisa repraesentavit , atque illustravit <sup>2</sup> , excerpta recitamus . *Die 13. Novembbris 1608. fuit aperta coram Ill. et R. Metello Bichio Senensi , Soanae Episcopo , et Ill. et R. D. Alberto Magno Subdiacono Apostolico , Tumba , in qua jacebat sanctae memoriae Pius Papa II, subjecta immediate ejus sepulcro marmoreo , retro Altare Sancti Gregorii Papae , in quadam capsula lignea . Corpus sacris vestibus erat indutum , sed in ossa redactum : tumba a capite ad pedes crucis habebat ; nitebatur capsula ferreis sbranchis per transversum positis . Supra Corpus in lamina plumbea ita scriptum erat .*

<sup>1</sup> fol. 185.<sup>2</sup> pag. 127. Tab. XLIX.

PIVS II. PONT. MAX. PATRIA. SENENSIS  
GENTE PICCOLOMINEA. SEDIT ANNOS VI.  
OBIIT ANNO SAL. MCCCCLXIIII.

*Illatum fuit sub hoc fornice novi pavimenti, et pilo marmoreo sacris imaginibus Christi, et B. Petri, aliorumque Sanctorum sculpto conditum, atque clusum, inter Bonifacium VIII. et Hadrianum IIII, ac Pium tertium. Tumba habebat literas*

PIVS II. PONT. MAX.

*Idem Dionysius<sup>1</sup> urnam marmoream ex loco, ubi nunc Subsellarium Basilicae exstat, egestam illustrans, in qua translatum Pii III. Corpus reconditum fuit, haec etiam ex ejusdem Grimaldi autographo<sup>2</sup> in lucem emisit. Die 12. Novembris MDCXIIIL fuit aperta tumba fel. record. Pii Papae III, Pii II. Nepotis, sita ad pedes Pii II. Pars superior marmoreae tabulae tegentis tumbam habebat literas incisas*

PIVS PAPA III.

*Pars vero inferior ejusdem tabulae habebat imaginem ipsius summi Pontificis Pii III. in diaconali habitu. Corpus erat induitum sacris vestibus Papalibus cum Planeta aurea cum auri-frigio operis Basilici acu picto, in ossa redactum, in capsula lignea. Fuit sepultum in arca marmorea integra, et magna juxta Pium II. cum tegmine supradicto marmoreo, habente imaginem ejus, cuius arcae mentio fit in fol. 185. in qua sculptum est signum Christi in fronte, et a lateribus.*

Verum, dum Bas. parietes exscinderentur, Card. Alexander Montaltus, Paullo V. annuente, Pii II, et Pii III. cineres ad Aedem S. Andreae, vico Valle, in domo Piccolomineorum magnifice ab se exstructam, transferendos curavit, ubi utriusque monumenta, alterum ex alterius regione, edito loco, super ostia lateralia hodieque visuntur.

<sup>1</sup> p. 123. Tab. XLVIII.

<sup>2</sup> p. 185.

## C A P V T VIII.

*De Aulis Sanctimonialium, vulgo le Murate, Cellae  
SS. Andreae, et Gregorii continentibus.*

Sed, ne e rerum ordine longius evagemus, rursus ad Vaticanam SS. Andreae, et Gregorii Cellam, unde nos paululum rerum nexus abstraxit, nos conferamus, ut alia loca eidem contigua cum Alpharano perlustremus. Is igitur docet<sup>1</sup>. Post hoc Altare extra Bas. latera, et juxta Secretarium erat Oratorium antiquum, quod adhuc superest, cui dicatum, ignotum, in quod translatae, clausaeque fuerunt Sanctimoniales, vulgo le Murate di S. Pietro, quae inter S. M. de Febribus, et S. Petronillae Templa, juxta S. Ioh. Chrysostomi Sacellum, quibusdam in Aulis antiquitus clausae Deo serviebant. Haec eadem alibi ita confirmat. Adietro alla pariete della Chiesa, et adietro a questo sepolcro per insino al Secretario, se vedono vestigie de doi Cappelle aggionti alla Chiesa, delle quali una ancora è in piede, l'altra è deforma ta. Et in questi luoghi, nel tempo della ruina della Chiesa, furono trasferite le Monache Murate, quale habitavano in certe stanze fra la Cappella, o Tempio de S. Petronilla, et il Tempio di S. Maria della Febre, (quale adesso è Sagrestia), nel transito, che se andava da l'un Tempio all'altro, appresso all' Altare di S. Gio. Crisostomo.

Plura de nonnullis earum, quas modo Oblatas, aut Hospitalarias, modo Reclusas, aut Carceratas dictas fuisse comperi, ibidem vita functis, in Bas. Necrologio adnotata obversantur, quae non alienum puto heic transcribere<sup>2</sup>.

xvi. Kal. Maii. Obiit Alegranza Oblata nostra, de cuius

<sup>1</sup> ms. p. 34.

<sup>2</sup> pag. 53.

*bonis habuimus ad valorem xx. Sol. pro cuius anniversario vii. Sol. expendantur; et paullo infra <sup>1.</sup> vi I Idus lunii. Obiit condam Soror Stephania Carcerata S. Andreae, quae donavit, et reliquit Basilice flor. auri septuaginta cum dimidio, conversos in emptione quarti de Saxitanis Expendantur pro anniversario suo Libr. iiii. Fortasse huc pertinent haec alia ex eodem libro desumpta <sup>2.</sup> Prid. Id Novemb. Obiit D. Bartholomea, condam Hospitalaria nostra, que reliquit nostre Bas. unam domum suam cum signo Ancudinis, positam in Parrochia S. Iacobi Scossacaballi, pro animabus Patris, et Matris suorum, ac omnium Benefactor. suor. pro quorum Anniversario expendatur pensio dicte domus. viii. Idus Martii. Obiit D. Francisca Petri Scorfini, Oblata nostra, de cuius bonis habuimus sexaginta sex floren. Expendantur pro anniversario suo xxii. sol. bone monete <sup>3.</sup> iv. Kal. Maii. Obiit Soror nostra Luciana relinquens, Basilicae domum suam positam in Monte Saccorum, in Parrochia S. Iustini, pro anniversario suo, et parentum suorum, et Laurentii Viri sui. Expendantur suo anniversario vii. Soll. <sup>4.</sup> xiv. Kal. April. Obiit D. Theodora Reclusa, filia olim Stephani Cozole, que reliquit nobis unam domum in Arenula. Pro anniversario suo expendatur pensio ejus, site in Parrochie S. Thomae de Yspanis <sup>5.</sup> Obiit D. Romana Oblata nostra, que reliquid nostre Basilice plures domos. Pro anniversario suo expendatur florenus unus. Non. Iulii. Obiit Principissa oblata nostra, relinquens Basilice xvi. libr. pro anniversario suo vii. Soll. prov. <sup>6</sup> iii. Non. Decembr. Obiit D. Isabella Oblata nostra, que reliquid nobis pro anniversario suo, et suor. domum suam positam prope Pontem S. Marie, sicut suis concluditur confinibus, signatam habuimus de domo xxxv. libr. expendat. pro d. anniversario pensio ipsius domus x. soll. bone monete <sup>7.</sup>*

<sup>1</sup> p. 79. <sup>2</sup> p. 160. <sup>3</sup> p. 33. <sup>4</sup> p. 59. <sup>5</sup> p. 59. <sup>6</sup> p. 94. <sup>7</sup> p. 118.

Praeterea habeat Lector ex Turrigio desumptas duas Inscriptiones ad easdem Moniales pertinentes. Altera eorum, quae in Aede Campi Sancti, pone aram B. Virginis exstabat, sic habet<sup>1</sup>.

IOHANNAE NOBILI LEODIENSI  
MATRONAE DVLCISSIMAE SORORI MARIAE  
QVAE RECLVSA IN VATICANO  
RELIGIOSISSIME DIVTISSIMEQVE VIXIT  
ET MORTVAE POSVIT  
DIE XXVIII. SEPTEMBRIS AN. DOM. MCDLXXIV.  
IOHANNA REVELAR DE RIFFONE AVRI LEODIENSIS.

Alteram vero in Aede S. Catherinae ab se descripta, humi positam fuisse docet<sup>2</sup>.

D. O. M.  
ELISABETHAE VXORI QVONDAM ALIDOSII  
DE FORZATE FERRARIENSI  
QVAE VT SALVTI SVAE FILIAEQVE VNICAE  
ADOLESCEN. INTEGRITATIS TORO MORVMQVE  
OBSERVANTIAE PIE CONSVLERET  
SPRETIS FALLACIBVS MVNDI DELICIIS  
SPONTE SE CVM EIVS FILIA IN  
BASILICA B. PETRI DE VRBE  
DIVINO SERVITIO MANCIPANDAM INCLVSERAT  
FRANCISCA FILIA MATRI PIENTISS.  
PONENDVM CVRAVIT.  
VIXIT ANNOS XXXII. MENS. IX. DIES XX.  
OBIIT XXIV. SEPTEMB. AN. DOM. MDXXII.

Denique ex elenco, quem texuit idem Turrigius, eorum, qui Bas. Vatic. Eucharistico Sodalitio nomen dedebant, pauca haec earumdem Monialium nomina<sup>3</sup> accipito. *Sor Dorotea*, *Sor Maria*, *Sor Franceschina*, *Sor France-*

<sup>1</sup> in Opusc. cit. p. 39.

<sup>2</sup> ibid. p. 40.

<sup>3</sup> ibid. p. 55.

sca , Sor Elisabetta Spagnola , Sor Caterina Spagnola , e Sor Maria Spagnola , quas promiscue le Racchiuse , le Murate , l’Incarcerate , vulgo dictas fuisse monet . Porro Sanctimonialium Monasterium , muris undique obseptum , Muratae nomine indicatur in vita S. Iustinae de Aretio , ubi haec occurunt<sup>1</sup> . Ad quamdam Muratam , quae tunc temporis juxta Ecclesiam S. Antonii facta erat , in qua Sorores aliquae Deo servientes , accessit . Quum vero Pachymeres<sup>2</sup> Κονζουκλεσιούς , quasi clausos cubiculo nuncupaverit , quos inclusos Latini vocant , propterea inclusae , sive reclusae dicebantur Sanctimoniales illae , quae in Cellas , vitae solitariae studio , sese includebant , ut ibi , toto vitae cursu , Deo , ac sibi vacarent . Non paucas , quae id instituti sectatae sunt , recensent Gregorius Turonensis<sup>3</sup> , S. Brigitta<sup>4</sup> , Willelmus Malmesburgensis<sup>5</sup> , atque acta SS.<sup>6</sup> .

Vaticanas Sanctimoniales etiam Burcardus<sup>7</sup> inclusas ap-

<sup>1</sup> num. II.

<sup>2</sup> lib. VI. c. II. p. 491. ex epist. I. 66. Nili libri II. xcvi. ex Anon. script. Vitae S. M. jun. in Vat. Cod. 800.

<sup>3</sup> lib. VI. cap. xxvii.

<sup>4</sup> in Revelat. I. iv. c. cxxvii , et cxxviii.

<sup>5</sup> lib. II. Hist. p. 112.

<sup>6</sup> B. Haseka Virgo Reclusa in Westphalia . Vita cum comm. praevio in Tom. II. Januar. Bolland. pag. 758. God. Hen-schenii de S. Helmtrude , vel Helen-trude Reclusa in Diaec. Paderbonensi Sylloge historica. in Tom. VII. Maij pag. 441. De B. Helvisa Reclusa in Monast. Co-lumbensi notitia. in Sec. VI. act. SS. Ord. S. Bened. Part. I. pag. 365. De B. Joanna Reclusa Ripatorii in Diaec. Trecen. T. I. Maij pag. 534. B. Irnigaudis Reclusa Magdeb. in Tom. II. Februar. B. Jvet-tae , sive Juttae Viduae Reclusae Huluia. Belg. Vita in T. I. Januar. pag. 863. S. Ju-

stinae Reclusae Aretii. in Vita T. II. Mart. pag. 242. S. Liutbirgis Virg. Reclusae in Diaec. Habberstad. vita . in Bernard. Pezii Thesaur. Anecd. Tom. II. Par. II. pag. 145. Joh. Pinii de B. Richilde Virg. Reclusa Summontorum prope Oenipont. Sylloge. in Tom. IV. Augusti pag. 649. S. Monegundis Viduae Reclusae Turon. in Gallia vita ex Greg. Turon. apud Su-rium d. 2. Jul. p. 28. Eadem collata cum aliis edition. Accedit Officium B. Mone-gundis cum Comm. praevio , et notis Joh. B. Sollerii . in Tom. I. Julii Bolland. pag. 309. Vita B. Salomes Reclusae Alt-aich in Bavar. cum comm. praevio , et not. Dan. Papebrochii. in T. V. Junii p. 492. Vita Ven. Wilbirgis Virg. Inclusae San-Florianens. ex edit. Bern. Pezii in Hieron. Pezii Scriptor. rerum Austriac. Tom. II. p. 212 , et 276.

<sup>7</sup> in Diario miss. ann. 1488.

pellat. Verum ne pigeat pudicissimas Virgines e cubiculis, ubi hactenus clusas, per transennam strictim adsperximus, egredientes ad nova Vrbis hospitia, quô deinde translatae fuerunt, quodammodo comitari. Earum emigrationem narrat Alpharanus in hunc modum. *Denique iis, Pii V. jussu, intra Vrbis Monasteria collocatis, hic novissimae commoditati Basilicae designatus est locus; sed quum ad dictum Oratorium non reperiretur accessus, novusque aditus adaptaretur, tunc in parietum spissitudine praedicta absidula, et Altaris vestigia reperta fuerunt.* Haec eadem alibi ita declarat. Adesso l'anno del Signore 1570. nel Mese de Maggio dette Monache furno trasferite al Monastero de S. Marta in Roma, et in questa Cappella è stato fatto repositorio d'alcune cose della Chiesa, et de sopradette Capelle furno fatte stanze per li Parrocchiani, o vero, che hanno cura delle anime della parrocchia de S. Pietro. Appresso al sopradetto sepolcro de Gregorio V. adesso, quando fu fatta una porta nuova per entrare in detta Cappella, fu retrovato un nicchio antichissimo nel muro a modo de loco d'un Altare, quale io ho giudicato, fusse un de quelli Altari de S. Sebastiano, o Tiburtio, quale scrive Pietro Mallio, che Gregorio IV. fece erigere in S. Pietro, dentro l'Oratorio de S. Gregorio PP. I. Questo nicchio era proprio, dove è fatta la porta nuova adesso.

Atque heic libenter adjiciam, quod de iis in quodam opere, lingua vernacula exarato, scriptum occurrit, quodque ex Basilicae Vaticanae Archivo, cui tum summa cum laude praeerat, protulit Iosephus Garampius, Cardinalis ingenti doctrinae, atque ingenii fama celeberrimus, in opere exquisita, ac recondita eruditione referto, quod inscripsit, *Memorie della B. Chiara di Rimini*<sup>1.</sup>

<sup>1</sup> Roma 1755. 4. p. 62. num. 164.

Ait itaque . Recordo , come a di 19. de Maggio 1571. di giorno de Sabbatho , innante l' Ascensione del Signore , le Monache Murate in S. Pietro , quale al presente era tre , doi Spagnole , et una Ceciliana , stavano nelle stanze , accanto la Cappella di S. Gregorio , et il Secretario . Furono trasportate per ordine delli Sig. Riformatori , et Vicario del Papa , in Santa Martha all' Arco di Camigliano in Roma , et poste in quel luoco , dove se sogliono recevere , et consolare le donne , così chiamate , Malmaritate , acciò dette Murate consolassero dette donne , et esse stessero meglio de stanze , maxime che in S. Pietro sempre erano inferme . Recordo , come fu incominciato a farse una Cappella , dove stavano dette Murate , per riponere cose pertinente alla Chiesa , a di 1. Agosto 1571.

Sed alia quoque huc proferre commodissimum videatur , quae in italicico quodam Turrigii commentariolo , de iisdem Monialibus adjiciuntur . Durorno , inquit<sup>i</sup> , tali Monache sino al tempo di Pio V , il quale nel 1571. vedendo , che una sola Monaca , chiamata Suor Francesca , vi era rimasta , la trasferì a di 19. di Maggio in Sabato al Monastero di S. Marta , vicino all' Arco detto Cammelliano , di rimpetto hora al Collegio Romano ; e così ebbero fine quelle antichissime Monache Vaticane , le quali aveano la parte di pane , e vino dal Palazzo Apostolico , come io ho letto nei libri della Computisteria del detto Palazzo . Ciascuna di esse Monache aveva quattro celle , massime nè' tempi , dopo il lacrimevole Sacco di Roma nel 1527. Avevano la lor rota , per la quale si intromettevano le robbe bisognevoli , et eravi una fenestrella , per dove si confessavano , e comunicavano . La clausura era perpetua , e l' ultime , che vi morirono , furono due Spagnole , e quella , che viva vi restò , detta di sopra .

<sup>i</sup> Racconto della Chiesa di S. Catarina V. e Mart. in Borgo p. 38.

era Siciliana . Nel 1. di Agosto del sopradetto anno fu quel luogo , che era vicino all'Altare de' SS. Andrea , e Gregorio , trasferitevi dal luogo sopra accennato , fu convertito in uso di conservare alcune robbe spettanti alla Basilica .

## C A P V T IX.

*De Sacra Aede S. Gregorii de Palatio nuncupata , sub literis cc.*

Ad partem Porticus , quae Septemtriones spectat , literis cc. notatam , occurrit Aedes S. Gregorii de Palatio nuncupata , quae ab Innocentio III. inter Ecclesias <sup>1</sup> Vaticano Capitulo subjectas recensetur . Eadem prope Vaticanum Templum posita erat , atque e Basilicae censualibus aperte colligi tradunt Bull. Vat. editores , eidem Vaticanae Basilicae , nedum in Scrutinio , Baptismate , sacrisque pompis , sed etiam in ceteris pleno jure obnoxiam fuisse .

Ejusdem mentio semel , atque iterum occurrit in Necrologio Bas. Vat. Ibi enim legimus <sup>2</sup> . xii. Kal. Novembr. Obiit Presbiter Iohannes , Rector Ecclesie S. Gregorii de Palatio , qui reliquid Basilice nostre florenos auri xxvii , et dimidium , de quibus fuit facta emptio a Monasterio S. Sabiae . Atque alibi <sup>3</sup> . Obiit D. Iacintus Bobonis , pro cuius Anniversario habuimus domum positam juxta Palatium , quod dicitur S. Gregorius , pro anniversario suo x. Soll. In hac aede , Gregorii Magni Corpus a Gregorio IIII. repositum fuisse , nonnulli tradiderunt . Cui autem non mirum accidet , horum agmen a Ciampinio duci , qui , ut supra vidi mus <sup>4</sup> , sacrum idem Corpus a Gregorio IV. translatum fuisse scripsit in Cellam , sive Altare , recens a nobis illustratum ? Nihilominus idem sui immemor ,

<sup>1</sup> T. I. Bull. Vat. p. 84.

<sup>2</sup> p. 149.

<sup>3</sup> p. 105.

<sup>4</sup> pag. 693.

haec pronunciavit <sup>1</sup>. Oratorium S. Gregorii de Palatio appellatum, exstabat littera E, in quo Corpus ejusdem Sancti a Gregorio IV. translatum fuit. Verum alias quoque lapsum fuisse, sibique ipsi repugnasse Virum ceteroqui eruditissimum, et in sacra antiquitate investiganda sagacissimum, in operis decursu planum faciemus.

Bonannius vero, etsi cum Ciampinio, aliisque hanc Cellam E vocat <sup>2</sup>, S. Gregorii de Palatio, et illuc translatum fuisse S. Gregorii Corpus adjicit, cautius tamen, a Gregorio IV. translatum fuisse praetermittit. Fortasse enim meminit, se scribere, aequa ac Ciampinium, Oratorium S. Doctoris a Gregorio IV. in navi meridionali, sub litera D. fuisse constructum. Quod tamen hominem culpa omnino non liberat, sed minus tantum ejus, quam Ciampinii erratum facit. De hoc eodem loco nihil extrices apud Severanum, qui tantum Alpharani ichnographiam <sup>3</sup> sequutus est, ibique Ecclesiam agnoscit, sive Sacellum S. Gregorii; praetermittit vero tituli adjectionem de Palatio, ac nihil de ejus origine memoriae prodit, uti certi scriptores, qui praeterea cum Paullo de Angelis, ne ullum quidem ei nomen adscribunt, remque, ut erat, tenebris circumfusam relinquunt.

Ceterum, quum profiteatur Anastasius, Gregorium iv. non longe a Secretarii Vestibulo, ubi prius quieverant, sacras Gregorii exuvias transtulisse, satis, ut mihi quidem videtur, superque declarat, ad Cellam, de qua nunc agimus, nunquam fuisse translatas, quippe quae plane e regione sit opposita alteri in ichnographia notatae n. 85. ubi eas a Gregorio iv. locatas fuisse existimarunt.

## C A P V T X.

*De Oratorio S. Gregorii de Area, seu de Cortina, et  
Canterum Schola ibidem a S. Pontifice instituta.*

Alterum Oratorium Gregorianum exstabat, *S. Gregorii de Cortina*<sup>1</sup>, seu *de Area* nuncupatum, quod Alpharanus<sup>2</sup> collocatum demonstrat in *Platea*, pro habitatione *Cantorum*. Nam *Platea*, ut docet Cajetanus<sup>3</sup>, *Cortina* vocatur. Quis autem credat, *Gregorii M.* exuvias a *Gregorio IV.* illuc avectas, quum positum esset in ipsa *Area Vaticana*, ante *Basilicae gradus*, juxta *Scholam*, seu *Collegium Cantorum* ab eodem Pontifice, ut tradidit Joh. Diaconus<sup>4</sup>, institutum?

Quod tamen pro comperto habemus, ibidem *Lectus S. Pontificis* servabatur, ut accepimus a Guill. Bibl. Stephani VI. biographo, qui sub finem ejus vitae narrat, aqua rite piata, agros ab eo lustratos, eoque piaculo locustarum pestem aversam. *Ad Domini*, inquit, *misericordiam confugiens* in Oratorium B. *Gregorii*, ubi ejus *Lectus* habetur, juxta Ecclesiam Principis Apostolorum veniens, sese cum lacrymis in orationem dedit, quumque diutius oraret, surrexit, et aquam propriis manibus benedicens, Mansioriis praecepit, dicens, tollite, et singulis distribuite, monentes, ut nomine Domini agros suos circumeant, et hanc aquam spargant per sata, et vineas, petentes divinum sibi suffragium, et subsidium. *Quo facto*, tanta omnipotentis Dei subsecuta est misericordia, ut, ubicumque ipsa aqua conspersa est, nulla penitus locusta remaneret.

At, inquies, *Lectus*, seu *Lectulus*, Altare, vel Sancti

<sup>1</sup> Turrigius p.188. <sup>2</sup> lit. num. ichnogr. <sup>3</sup> in Ord. XI. p. 398. <sup>4</sup> lib. II. c. vi.

tumulum indicare solet , si Mabillonio audimus , qui <sup>1</sup> in descriptione Ecclesiae Gemeticensis , *cujus apicem obtinebat alma Virgo Maria , altare ante faciem lectuli condente beatissimo Filiberto* , utramque significationem allatis exemplis illustrat . Nam in actis S. Anstrudis Abbatissae Laudunensis <sup>2</sup> , Adalsinda , quae ei successerat , caelitus fuit admonita , *ut lectum citius faceret aedificare* ; quod , quum ab alia Sanctimoniali , cui id revelatum fuerat , audisset , *intellexit Lectum illum significare Altare* . At in actis Sancti Trudonis <sup>3</sup> , quidam *ante Lectum piissimi Patris* , nempe ante ejus tumulum se prostrasse dicitur : quo sensu passim apud auctores mediae aetatis occurrit , ut praeter Gregorii locum de miraculis S. Martini <sup>4</sup> , ubi *Lectuli Sancti Martini pro tumulo meminit* , ab eodem Mabillonio allatum , adnotavit Ducangius <sup>5</sup> ex Adrevaldo de miraculis S. Benedicti <sup>6</sup> , vita S. Willibrodi <sup>7</sup> , libro de miraculis S. Lamberti Episcopi Trajectensis , Historia translationis S. Gorgonii <sup>8</sup> , Thietfrido Epternac. in Floribus <sup>9</sup> , et ex ipso Guill. Bibliothecarii loco in vita Stephani VI , quem pro Gregorii tumulo accipiendum esse censuit . Quare eadem notione Mabillonius , cui tamen minime subscriendum censeo , sub *Lecti nomine* , *Gregorii tumulum* indicasse adnotavit illa Johannis Diaconi verba , quae occurrunt in appendice Ordinis Romani <sup>10</sup> . *Est iterum huic Oratorio ( sanctae Crucis ) satis proximum aliud S. Papae Gregorii Oratorium , ubi usque hodie Lectulus , in quo ipse Sanctus solebat quiescere , videtur juxta aram per-*

<sup>1</sup> lib. I. de Litr. Gallica. c. viii. n. II. et in T. II. Disc. Pop. Dei p. 224.

<sup>2</sup> Sec. II. Benedict. p. 983. num. xxxii. I.

<sup>3</sup> ibid. n. xxv. pag. 1084, et apud Surium d. 23. Nov. p. 503.

<sup>4</sup> lib. I. cap. xxxii. I.

<sup>5</sup> T. IV. edit. Bas. p. 55.

<sup>6</sup> cap. xxi. I.

<sup>7</sup> cap. xxviii. I.

<sup>8</sup> cap. -xiv.

<sup>9</sup> lib. II. cap. vi. I.

<sup>10</sup> T. II. Mus. Ital. p. 572.

manere . Verum eodem modo , quo in Patriarchio Lateranensi , ut nonnullis placere ait Rasponus <sup>1</sup> , seu prope Oratorium S. Crucis <sup>2</sup> ad fontes Basilicae Lateranensis , a Johanne Diacono <sup>3</sup> descriptum , ubi dictante Angelo , BB. Papa Gregorius Antiphonarium , et multa alia scripsit , ejus Lectulus adservabatur , qui certe pro ejus tumulo neutriquam accipi potest , alterum ejusdem Lectulum in ejus Oratorio de Cortina adservatum , suspicari licet .

Sed , antequam hujusce conjecturae fundamenta magis etiam discutiamus , haud incuriose praetereundum est , duo ad Lateranum exstisse Oratoria S. Gregorio sacra , pone Ecclesiam S. Laurentii in Palatio . Alterum est , quod Joh. Diaconus descriptus , qui , ut ait Panvinius <sup>4</sup> , cuius verba recitat etiam Rasponus <sup>5</sup> , refert prope S. Crucis aediculam fuisse aliud Oratorium S. Gregorii nomine factum , in quo , usque ad sua tempora , ejusdem Sancti Patris Lectulus juxta aram permanebat , cuius vestigia aliquot cum picturis pone sacellum S. Crucis , in vinea Marii Fregepanis extare opinor . Alterum vero pone Oratorium S. Laurentii exstabat , quod Panvinius <sup>6</sup> , cui presse adhaeret Rasponus , qui praeterea <sup>7</sup> ab eodem Gregorio exstructum putavit , post vestibulum ante Oratorium Sancta Sanctorum , situm fuisse declarat .

Atque hinc mirifice illustratur Cencii locus <sup>8</sup> , ubi disserit , quid Dominus Papa facere debet in die Paschae , ex quo colligitur , vel ipsum Oratorium Gregorianum Lateranense , Secretarii loco , quandoque Pontificibus inseruisse . Ibi enim haec habentur . In die Paschae , mane post Primam , indutus albo pluviali Romanus Pontifex cum Dia-

<sup>1</sup> p. 299. <sup>2</sup> ibid. p. 233.

<sup>5</sup> p. 235. <sup>6</sup> de viI. Eccl. p. 181.

<sup>3</sup> loc. cit. pag. 571.

<sup>7</sup> p. 355. et in Tab. ichn. p. 386.

<sup>4</sup> de viI. Eccl. p. 166.

<sup>8</sup> in Ord. xiI. §. xv. p. 184.

conis Cardinalibus indutis , cum Subdiaconis , ceterisque minoribus Ordinibus , dalmaticis , et mitris , et tunicis indutis , et Cappellanis suis , vadit ad Basilicam Sancti Laurentii . Presbyteri Cardinales induunt se planetis , Episcopi pluvialibus in loco , qui dicitur Basilica S. Gregorii , ubi post orationem , induitur usque ad dalmaticam , et exurgens ingreditur ad adorandum Salvatorem . Recte igitur Alamaannus scripsit . Basilica S. Gregorii Vestiarium fuit , quam hodie Cameram vocant paramentorum . In ea Cardinales , et reliqui Antistites , qui inter religiones Pontificibus praesto erant , sacra sumebant indumenta . Sed e diverticulo in viam .

E quidem nostrae de Vatic. Gregorii Lecto conjecturae novam sane lucem affundit notitia Ecclesiarum Vrbis , Alcuini operibus attexta <sup>2</sup> , ubi Gregorii Lectum alio plane loco , quam ejus Corpus exstisset , demonstratur . Ibi enim legitur . Curre ad praesepe S. Mariae , eoque osculato , perge ad Porticum Petronellae , gaudensque ascende ad Gregorii Lectur Patris Sancti , in quo spiritum reddidit Deo datori dignum munus . Et paucis interjectis verbis , quibus alia loca indigitat , exinde ad Corpus S. Patris Gregorii eundum est , ut ex eo loco , ad S. Mariam , quae nova dicitur .

His accedit insignis Joh. Diaconi locus <sup>3</sup> a S. Antonino descriptus <sup>4</sup> , qui ita habet . Scholam Cantorum , qui hactenus eisdem institutionibus in S. R. E. modulantur , constituit , eique cum nonnullis praediis duo habitacula , scilicet alterum sub gradibus B. Petri Apostoli , alterum sub Lateranensis Patriarchii domibus fabricavit , ubi usque hodie Lectus , quo recumbens modulabatur , et flagellum illius , quo pueris minabatur , veneratione congrua cum authentico Antiphonario ser-

<sup>1</sup> de Parietinis Lateranensisibus p. 17.

<sup>2</sup> in Append. II. Par. II. T. II. p. 598.

<sup>3</sup> lib. II. num. VI.

<sup>4</sup> tit. XII. c. III. V. Macr. in Schola cant.

vatur. Quocirca , ni mea me fallit opinio , sentiendum est , alterum *Lectulum* ei plane consimilem , qui prope Lateranum in Schola Cantorum custodiebatur , in altera Cantorum Schola prope Bas. Vat. item a *Gregorio* erecta relligiose adservatum fuisse . Quis enim Macro <sup>1</sup> concedat , Cantorum Collegium ab Hilario institutum , aut Gallicolio amplius adsentiat , qui Romanam hanc Scholam Cantorum a Joh. Diacono *Gregorio* M. tributam , a *Gregorio* II. repetendam contendit , postquam ejus opinionem solidis argumentis rejectam vidimus a nunquam satis laudato Franc. Ant. Zaccaria <sup>2</sup> , in eruditissima dissertatione *de Antiphonarii , et Sacramentarii Gregoriani auctore* <sup>3</sup> ?

Nil vero mirum , si vel ipsum *Flagellum* , quo pueros in officio continebat , studiose ibidem servatum fuerit , quum hoc idem erga *Flagellum S. Ambrosii* praestitum fuisse tradat Ordo Ambrosianus , ubi narrat <sup>1</sup>. *Vegloni apparent in Ecclesia , et processionibus , cum eorum cottis , et sacerdotalibus birettis , et vestibus . Mulieres etiam viduali habitu ,*

<sup>1</sup> in Hierolexico .

<sup>2</sup> T. 11I. Bibl. Liturgicae .

<sup>3</sup> V. Menard. ad Greg. Sacrament. p. 61. 62. Beveregium . ad can. xv. Laodicen. Pietro Aron Compendiolo di molti dubbi , segreti , e sentenze intorno al canto fermo , e figurato . Libri 11I. de institutione Harmonica editi a P. Aaron , interprete Joh. Ant. Flaminio . Bononiae 1616. 8. Joh. Lebeuf remarques sur le Chant Ecclesiastique . Merc. de France. Sept. 1705. p. 1987. Elia d'Amato l'uso di cantar nel Coro scambievole , quanto antico nella Chiesa egli fosse ? fra le sue lettere erudite . Genua 1714. P. 1I. p. 107. Ios. Viccomitem. de rit. Missae l. 1. c. xxx. Sarnelliun , de Primicerio sive Praefecto cantorum epist. xxvII. Eccl. T. 1. pag. 110.

Qual debba esser la Musica nelle Chiese ? Tom. I. lett. ix. pag. 30. 110. Andream Adami . Osservazioni per ben regolare il coro dei Cantori della Cappella Pontificia . Roma 1711. 4. Martinum Gerbertum . de cantu , et musica sacra a I. Eccl. aetate 1774. T. 1I. 4. Joh. Ard. Schmidium . de cantoribus Ecclesiae vet. et nov. Testamenti . Helmst. 1708. Justum Herringum Boehmeruni . Tom. 1. Juris Eccl. p. 582. Mattiam Blochium . de Psaltarum , sive Cantorum origine in Ecclesia . Hanniae 1711. Godofr. Alb. Pauli . Tractat. de Choris Prophetarum Symphoniacis in Ecclesia Dei , sive de choris Eccl. musicis . Rostoch. 1719. 4.

<sup>4</sup> in T. iv. Ant. Ital. med. aevi Murator. col. 858 , et in Gloss. Carpent. T. 11I. p. 324.

*et velatae in solemnibus Missarum offerunt Sacerdoti celebranti panem, et vinum, ad instar Melchisedech. Sed mulieres nunquam intrant chorum; immo Sacerdos celebrans venit usque ad portam chori, ibique earum oblationes recipit. Et vulgariter appellatur Schola S. Ambrosii. Et quotiescumque fiunt aliquae processiones, eis interveniunt cum particulari vexillo suae Crucis. Prior vero horum defert pluviale temporibus debitum, et Flagellum S. Ambrosii. Atque hoc idem Flagellum paullo infra Scutica nuncupatur, hoc modo<sup>1</sup>. Qui portat Crucem auream, et Scuticam S. Ambrosii. Nam, etsi dem Bosio, Corio, Jovio, aliisque Mediolanensis Historiae Scriptoribus, numos Ambrosinos, imaginem praferentes Sancti Antistitis equo insidentis, et Flagellum dextra tenentis, fuisse cusos ad victoriae memoriam conservandam, quam Luchinus Vicecomes<sup>2</sup>, Mediolanensium copiarum Ductor ab Azone Patruele suo constitutus, reportavit anno MCCCXXXIX. de Laodrisio Vicecomite, Azonis patruo, ejusque exercitu deterrito, Ambrosii scutica hostes caedentis adspectu, tamen Flagellum, quod in pompis ferebatur, illud idem fuisse puto, quo S. Antistes Ecclesiae servitio addictos pueros compescebat, aut semetipsum, poenitentiae caussa, castigabat.*

Sed, ut in orbitam redeamus, Eccl. S. Greg. de Cortina, Xenodochium adjectum fuisse constat ex vita Stephani II<sup>3</sup>, ubi secus Basilicam B. Petri Apostoli, non modo Diaconia S. Dei Genitricis, sed etiam B. Silvestri nominatur, quam

<sup>1</sup> Murat. col. 878, et Carpent. T. II. p. 444.

<sup>2</sup> Girol. Raffaelli la vera Istoria della Vittoria, qual ebbe Azzio con Luchino Visconti Principi di Milano, dell' anno 1338. 39. nel dì 21. Febr. in Parabiago contra Lodrisio Visconti. Milano 1609. 8.

Claudio Cavalierio. Racconto Storico della cel. Vittoria di Luchino Visconti Principe di Milano per la miracolosa apparizione di S. Ambrogio seguita il dì 21. Feb. 1339. in Parabiago. Milano 1745. 4.; T. II. §. iv. p. 88.

juxta *Hospitale S. Gregorii* sitam fuisse narrat Anastasius in vita Adriani<sup>1</sup>, quin id Vignolius<sup>2</sup> animadverterit; qui S. Silvestri Ecclesiam, praeter locum vitae Stephani II. abs se illustratum, *Diaconiam* appellari, incomptum sibi esse declaravit. Id etiam ex alio loco Biographi Stephani VI. apertissime evincitur, ubi legimus<sup>3</sup>. Reverentiam B. Gregorii praecessoris sui p<sup>re</sup>a oculis cordis habens, tribuit idem *Summus Pontifex in Hospitali ipsius D. Gregorii* in Porticu B. Petri Apostoli sermonum sanctorum librum unum, et in Schola Cantorum, quae pridem *Aephonotrophium* vocabatur, *Heptateucum*, volumen scilicet primos VII. sacramum literarum libros complectens. Id etiam disertius confirmat P. Mallius<sup>4</sup>, ubi ait<sup>5</sup>. Fecit ad S. Stephanum *Aephonotrophium*, ubi Primicerius, et Cantores manerent, aliisque verbis confirmat, vel a Panvinio<sup>6</sup> allatis. Fecit Xenochium S. Gregorii juxta gradus S. Petri, et statuit ibidem Cantores cum Primicerio, qui jugiter officiaret Missam ad Altare S. Petri, indutus, *Pluviali*, *Mitra*, et *virga*, et staret juxta Altare, et pro beneficio haberent, sicut in privilegio ejus legitur. Quod fortasse indicat Presbyterium VI. de niorum, quod Cencius Camerarius<sup>7</sup> S. Gregorio de Curtina deberi monuit, praeter redditus, quibus Cantorum Schola ab Innocentio IV. aucta fuit, ac oblationum partem ei concessam, ut constat ex eodem Mallio<sup>8</sup>, et Honorii III. diplomate<sup>9</sup>. Ac demum res comprobatur Alpharani testimonio, qui locum ita designat<sup>10</sup>. *Ante Ba-*

<sup>1</sup> ibid. §. LXVI. p. 213.<sup>6</sup> T. III. ms. p. 57.<sup>2</sup> ibid. p. 88.<sup>7</sup> in Ord. XI. n. 40. p. 191.<sup>3</sup> Guliel. Bibl. V. *Turrigium Grotte Va-*  
ticane p. 189. et Macrum in *Heptaticum*,  
*Baculus*, et *Orphanotrophium*.<sup>8</sup> c. XLII. XLIII.<sup>4</sup> p. 43. n. 54.<sup>9</sup> T. I. Bull. Vat. p. 105, et apud Dio-  
nysium in *Vesperarum Paschalium* ritu  
p. XXXIV.<sup>5</sup> V. Macrum in *Hierolexico*.<sup>10</sup> ms. p. 58. sub lit. R. mm. et p. 12. lit. R.

*silicae gradus est magna platea antiquitus dicta Cortina , si-  
ve Portica B. Petri , in qua non longe a gradibus erat Ec-  
clesia , et Xenodochium Gregorii Pontificis , in quo Cantores  
Basilicarii habitabant , nec non Ministri , qui ex aerario Pon-  
tificis peregrinis , et pauperibus ad Basilicam confluentibus ali-  
moniam ministrabant .*

Porro hujusmodi Oratorium unam ex Vrbis Paroe-  
ciis fuisse probant quattuor Necrologii Basilicae Vatica-  
nae loca . Primum enim inquit <sup>1.</sup> iv. *Idus Martii item obiit  
D. Bartholomea , condam Hospitalaria nostra , que reliquit  
nobis duas domos junctas simul , positas in Parrochia S. Gre-  
gorii in Cortina , unam cum signo capitis bubali , et aliam  
cum signo grampae Leonis . Expendatur pro anniversario suo me-  
dietas pensionis earum . Item expendatur in d. anniversario pen-  
sio domus Hospitalarie posite in monte Caprino , quam ipsa de-  
dit Basilice pro anniversario suo . Alterum vero habet <sup>2.</sup> iii.  
Non. Aprilis . Obiit Vir D. Stephanus de Benedictinis Conca-  
nonicus noster , qui reliquit nostre Basilicae domum positam  
in Porticu cum signo Leonis , in Parrochia Ecclesiae S. Grego-  
rii de Platea . Tertium haec profert <sup>3.</sup> iv. *Idus Iulii . Item  
obiit D. Bartholomea condam Hospitalaria nostra . Expendatur  
in isto anniversario suo medietas portionis domorum cum signo  
Capitis bovis , et branchae Leonis , positarum in Parrochia San-  
cti Gregorii in cortina . Quartum denique memoriae tra-  
didit <sup>4.</sup> iv. *Idus Octobr. Obiit D. Bartholomea Vxor condam  
Nicolai Bajuli . Dictus Nicolaus donavit nostre Basilice unam  
domum positam in Parrochia S. Gregorii de Cortina cum  
signo Elemtie . Pro Anniversario suo expendatur pro anima d.  
D. Bartholomee unus florenus .***

Hanc Aedem Collegio Servientium Armorum Aulae Pon-

tificiae , quos memorant Cajetanus <sup>1</sup> , et Amelius <sup>2</sup> , a Xysto IV. traditam fuisse scimus , ut locum , quô coire possent , ac de re communi deliberare , iis assignaret ; id quod Innocentius VIII. diplomate anni MCDLXXXVIII. die iv. Junii <sup>3</sup> ratum habuit . Ceterum Alexander VI. die 1. Aprilis MCDXCV. Abati S. Sabae , ad quem aedes spectabat , *Servientium* expulsione restituendam curavit . Sed eam denique Pius IV , ut tradunt Alpharanus <sup>4</sup> , Severanus <sup>5</sup> , et Ciampinius <sup>6</sup> , solo aequavit .

Quod autem addit Turrigius <sup>7</sup> , in cuius sententiam abiit Barth. Plaza <sup>8</sup> , die Festo S. Marci , in *Litania majori* , *Romana* etiam dicta <sup>9</sup> , Pontificem una cum Cardinalium Collegio ibidem quiescere consueisse , ut pedes ablueret , Romanorum Ordinum testimoniis repugnat , qui aperte nos docent , hujusmodi caeremoniam in proxima S. M. *Virgariorum* Ecclesia peractam fuisse . Quae quidem ut clarius constent , praestat ejusdem Aedis originem , situm , caeremoniasque ibidem habitas explicare .

<sup>1</sup> in T. II. Mus. Ital. Mabillon. p. 280.

<sup>2</sup> ibid. p. 476.

<sup>3</sup> T. xxxvi. Reg. Vat. p. 17. apud Cl. Marinum de Archiatris Pontif. T.I. p. 187.

<sup>4</sup> T. xxix. Reg. Vat. p. 153.

<sup>5</sup> ms. p. 12 , et 58.

<sup>6</sup> p. 49.

<sup>7</sup> p. 189.

<sup>8</sup> Efemeride Vaticana p. 333.

<sup>9</sup> V. Serarium . *λιτανευτικῶν* libri duo

in T. II. Opusc. Thomasiūm . ad Fer. IV.

Dominicæ II. Adventus. Martene. de ant.

Ecl. rit. T. II. I. IV. c. 27. Meratum . ad

Gavantum in rubr. Miss. P. I. tit. II. §. vii. I.

Georgium Greg. Francisci. dissert. de Lita-

niiis Lips. 1693. Mabillonum in Comm. in

Ord. Rom. et in Ann. Ben. Ioh. Chrys.

Trombellium. T. xxxii. Opus. Calogerà in

diss. epistolari in quasdam veteres Lita-  
nias , aliosque .



## CAPVT XI.

*De Ecclesia S. Mariae Virgariorum.*

Res haec, etsi per se ipsa levis momenti, prima fronte fortasse videri potest, tamen multa scitu non indigna lectoribus subjiciet. Prope locum, ubi nunc *Obeliscus* surgit, Ecclesia *S. Mariae Virgariorum*<sup>1</sup>, seu *de Virgariis* exstabat, hoc scilicet nomine donata, vel a *virgis itineralibus*, aut *itinerariis*, quae prope hanc aedem, pro peregrinis venibant, ut *Turrigio*<sup>2</sup>, et *Macro*<sup>3</sup> placet, vel potius, uti *Martinellius*<sup>4</sup> putavit, a *virgis*, quas *Cantores* gestabant, *divinis laudibus*, ut loquitur *Mallius*, *juxta D. Petri Altare celebrandis addicti*. Nam, ut ab *Honorio Augustodunensi*<sup>5</sup> scimus, Sec. XII. factitatum fuisse, *Cantores baculos manibus portant*, ut *quō ipsi pergunt*, *alios secum invitare satagant*. Qua de caussa adhuc in Ecclesiis Gallicana, et Melitensi<sup>6</sup>, iv. *Cantores*, diebus sollemnioribus, pluvialibus induti, choro intersunt, *baculos* argenteos sustentantes, instar baculorum peregrinantium; atque in Siciliae, ac Melitae Cathedralibus exstat dignitas Canonicalis, quam a voce gallica *Chanter* vocant *Ciantar*, quaeque praefert virgam argenteam.

Nonnullos tamen fuisse docet *Turrigius*<sup>7</sup>, qui *hanc Ecclesiam, S. M. de Vngaris*, perperam appellarunt. Et sane corruptum hoc vulgi vocabulum Templo assignasse

<sup>1</sup> in diplom. Adriani anni MXCIX, et Gregorii IX. MCCXXVIII. apud *Turrigium* nell'Historica narratio della Chiesa di S. Giacomo in Borgo. p. 8.

<sup>2</sup> p. 548. <sup>3</sup> in Hierol. in *Porticani*.

<sup>4</sup> p. 375.

<sup>5</sup> *Gemmae animae* cap. ccxxvi.

<sup>6</sup> V. Macrum in *Baculus*. Sarrelli de' Bacoli de' Cantori. T. I. Lit. Eccl. p. 113. Johanne Lebeuf lettre sur la forme de Bâtons des Chantres. Merc. Janvier 1726. p. 17. Sur l'ancien usage des Bâtons de Confréries. ibid. Aout 1733.

<sup>7</sup> p. 548.

comperi Pomp. Vgonium<sup>1</sup>, cui incaute subscripterunt Janningus<sup>2</sup>, et Bartholomaeus Plaza<sup>3</sup>. Ceterum hic error ex Mallio<sup>4</sup> fortasse manavit, qui S. M. *Vngario-rum*, et *Scholam Vngariorum* ibidem exstitisse tradidit, etsi Janningus<sup>5</sup> alio in codice, *Virgariorum*, bis scriptum esse notaverit.

De eadem aede duo afferam loca Necrologii Vaticani, ubi ita memoratur. *Idib. Febr. Obiit Iannellus de Platea S. Petri*, qui reliquit nostrae Basilicae dimidiā domum positam in supradicta Platea, in Parrochia S. Mariae de Virgariis. *Expendatur pro Anniversario medietas pensionis dicte domus cum signo hominis cum carrafa in manu*. Itemque alibi<sup>6</sup>. *vI. Kal. Ian. Obiit R. P. D. Hyncho olim Episc. Holomien. de cuius bonis habuit Camera nostra florenos auri cc*, qui conversi fuerunt in emptione domus cum signo Epi. posite in platea in parrochia S. M. de Virgariis, pro cuius anniversario expendantur duo floreni. Praeter haec, audi, quid de eodem loco scriptum reliquit Panvinius, cuius haec sunt verba<sup>7</sup>. *Sub gradibus vero Symmachus in atrio in medio loci, qui Cortina dicebatur, in platea S. Petri, alium Cantharum foris in campo cum concha porphyretica ante Ecclesiam S. M. Virgariorum posuit, cuius usus esset in ablutione unctionis chrismatis feria II. post Pascha, et ceteris vero diebus publico usui esset, et hominum commodo. In quo etiam, more veteri, Schola Virgariorum praeparabat lectum in majori Letania Rom. Pontifici venienti ad S. Petrum, in quo paullulum de via fessus quiescebat.*

Sed lege, quaeso, quid de hoc ritu disserat Cencius

<sup>1</sup> p. 97.

<sup>5</sup> *ibid.* p. 52.

<sup>2</sup> T. vI. Junii p. 95.

<sup>6</sup> p. 183.

<sup>3</sup> in Eph. Vat. p. 232.

<sup>7</sup> T. III. ms. p. 16. V. Macrum in Schola

<sup>4</sup> T. vI. Junii p. 50.

Virgariorum.

Camerarius, qui haec habet<sup>1</sup>. Incedit usque ad locum; qui dicitur *Cortina*, et quiescit lecto ibi a Schola Virgarum praedicto modo aptato; minime vero a Schola Vngarorum, ut Rasponio excidit. Qua de re ipsi *Virgarii*, ut idem Cencius<sup>2</sup> adnotavit, debebant habere pro lecto x. *Sol pro ves*. His concinunt, ut mittam *Leonis* ix. diploma<sup>3</sup>, quae de eadem sollemni supplicatione, die S. Marci haberi solita scripserat Benedictus in hunc modum<sup>4</sup>. *Venientes ad S. Laurentium, in porticu majori, ubi incipit simplicem litaniam usque ad Lectum cantari ante S. M. in Virgari, in fine Cortinae*; idest areae, seu plateae Vaticanae, cuius laxandae caussa, aedes *Pii* iv. jussu dejecta fuit.

## C A P V T X I I .

### *De S. Gregorio Armenorum.*

Priusquam ex Area Vaticana discedamus, restat, ut aliquid etiam de altero nomine *Oratorii S. Gregorii de Cortina* disseratur. Alio enim vocabulo *Sanctus Gregorius Armenorum*, ut Grimaldus<sup>5</sup> animadvertisit, vulgo appellabatur. Id autem contigisse tradit Martinellius<sup>6</sup>, propter *Armenos* in proximo degentes. Quum enim Xenodochium Ecclesiae adhaereret, ubi degebant *Paracellararii*, qui pauperibus, et peregrinis illuc confluentibus, teste Petro Mallio<sup>7</sup>, quem Alpharanum sequutum esse vidi mus<sup>8</sup>, ex Pontificis aerario stipem, et congiarium distribebant, ibi etiam *Armenos*, qui Pontificum liberalitate sustentabantur, suam habuisse sedem, putandum est. Qua de re huic parti *Burgi S. Petri*, quandoque no-

<sup>1</sup> T. II. Mus. It. Ord. xI. p. 204.

<sup>5</sup> in lib. Desc. Can. Bas. Vat. c. I.

<sup>2</sup> ib. c. XL. p. 207. <sup>3</sup> T. I. Bull. Vat. p. 47.

<sup>6</sup> Rom. ex ethn. sacr. p. 360. et 376.

<sup>4</sup> T. II. Mus. It. p. 147.

<sup>7</sup> c. IV.

<sup>8</sup> p. 97.

men inhaesit *Contrata de l'Armini in Burgo S. Petri*, uti constat ex diplomate Innocentii VII.<sup>1</sup>, ac in indice scripturarum Tabularii Bas. Vaticanae<sup>2</sup>, *vicum Armenorum* dici consuevisse notant CC. editores.

Id etiam nominis exhibit Necrologium Vaticanum. Ibi enim legimus<sup>3</sup>. xII. Kalen. Maij. Item obiit Magister Nicolaus Concanicus noster, qui reliquit super pensione domus sue, que stat juxta viam, qua itur ad Armenos, quam dimisit Basilice nostre pro anniversario suo III. Libr. provis. usualis monete. Atque alibi<sup>4</sup>. II. Non. Maii. Dedicatio Altaris S. Bonifacii, quod est in navi Basilicae Principis Apostolor. In isto festo faciendo reliquit Presbyter Pascasius Beneficiatus hujus Basilice in primis flor. xx. Item Sol. xxx. super pensione domus sue juxta Hermenos. Ibidem aream eodem nomine donatam exstisset probat alter Necrologii locus, qui est hujusmodi<sup>5</sup>. VIII. Idus Julii. Hac die D. Rita filia olim per Ioh. de Regione Pontis donavit nostre Basilice superficium unius sue domus posite in platea Armenorum in fundo Basilice cum signo baliste etc.

Verum ex area Vaticana, ubi hactenus immorati sumus, rursus in Basilicam nos recipiamus. Porro quum, ni mihi nimium fortasse blandior, diserte probatum sit, Gregorii exuvias, neque in navi maxime meridionali n. 85. notata, multoque minus in sacris aedibus Gregorianis sub literis cc, et mm a nobis descriptis, a Gregorio IV. fuisse depositas, reliquum est, ut reconditae revera fuerint in altera Cella, ubi priusquam hoc Oratorium a Gregorio IV. excitaretur, Secretarium antiquissimum extisset demonstravimus. Itaque ad hoc evincendum in sequenti capite progrediamur.

<sup>1</sup> T. II. Bull. Vat. p. 65. <sup>2</sup> Indic. I. p. 30. <sup>3</sup> p. 55. <sup>4</sup> p. 63. <sup>5</sup> 95.

## C A P V T XIII.

*De situ, quo<sup>o</sup> vere Gregorii M. exuviae a Gregorio IV.  
translatae fuerunt.*

Quod supra <sup>1</sup> polliciti sumus, in nobisque recepimus, quum Joh. Diaconi, et Anastasii verba protulimus, id modo relligiose praestandum est. Itaque cum Cl. Janningo, qui tamquam signum, ad hanc rem nobis sustulit, statuimus in loco dd., ubi prius exstiterat *Secretarium antiquissimum*, *Oratorium Gregorianum* successisse, eoque sacras *Gregorii M. exuvias* a *Gregorio IV.* fuisse translatas.

Ac primo *Anastasius Cellam*, de qua nunc sermo est, *infra Ecclesiam S. Petri* fuisse constructam tradit, uti supra <sup>2</sup> jam animadvertisimus. Quod quidem, etsi etiam posset intelligi, de *Aedibus Gregorianis*, de *Palatio*, ac de *Cortina* nuncupatis, certe accipiendum minime est de *Cella* navis Basilicae meridionalis, a *Pio II.* erecta, quum *intra Ecclesiam* sitam fuisse, satis abunde jam demonstravimus.

Accedit, quod tam *Anastasius*, quam *Joh. Diaconus* in *Cella Gregoriana* *Gregorii IV*, apsidem fuisse testantur. Hanc vero in ichnographia ipsismet oculis usurpare licet in sola *Cella* dd. *infra*, seu quod idem est, *extra Basiliacam*.

Praeterea idem *Anastasius* nos docet, praeter Altare, sub quo *S. Gregorii Papae Corpus* quiescebat, in *eodem Oratorio SS. Corpora BB. MM. Sebastiani, et Gorgonii*, ac *Tiburtii*, ex *Coemeteriis*, in quibus ante jacebant, perducta, et unumquodque eorum separatis *Altaribus* collocata fuisse.

<sup>1</sup> p. 689, et 690.

<sup>2</sup> p. 690.

Quod ne ipsum quidem accipi potest de aliis *Aedibus Gregorianis*. Qui enim deponi potuissent SS. MM. exuviae sub *singulis* altaribus, ubi nonnisi *unum* Altare fuisse constat? Id itaque de hoc uno Oratorio dumtaxat intelligendum est, quod ex ipsa etiam ichnographia aperte patet, ex qua licet discere, *septem* ibi recessus fuisse, qui non solum memoratis *quattuor* Altaribus, sed aliis praeterea locum praebere potuerunt.

Et sane, Severanus<sup>1</sup> totidem in eo recessus enumerauit; nimirum unum pro apside, atque Ara principe, tres a dextero latere, cum suis Altaribus, totidemque a sinistro, ea tantum varietate, ut ex hac parte, Altaris vice, janua viseretur, ex qua in Porticum aditus patebat.

### §. I.

#### *Altarium, et Monumentorum Sepulcralium in Oratorio a Gregorio IV. exstructo existentium descriptio.*

Etsi nullam Severanus, aliique de Altarium nominibus in hoc Oratorio exstantium, mentionem fecerint, ea tamen licet agnoscere ex Alpharani ichnographica descriptione, quam Paullus de Angelis, et Bonannius<sup>2</sup> sequuti sunt. Itaque, Alpharano duce, singulas Oratori partes sedulo inspiciamus. Ita vero exorditur<sup>3</sup>. *Hoc Secretarium, hodie B. Mariae de febre imperite appellatur, sed ob id, quia Deiparae Imago devotissima dicta de febribus, eo quod Christi fideles enixe se Virgini commendantes a febre quotidie liberarentur, quae erat in illo Templo, quod nunc habetur pro Secretario, huc translata fuerit, atque in abside Sacelli principalis<sup>4</sup> hujus Secretarii ad Occi-*

<sup>1</sup> in ichn. p. 65.

<sup>2</sup> c. vii. p. 29.

<sup>3</sup> ms. p. 52.

<sup>4</sup> n. 142.

dentem locata fuerit. Atque hoc eodem loco Benedicti I.<sup>1</sup> supra a nobis descriptum sepulcrum, antiquitus exstitisse conjectit. Pergit vero ad reliqua, hoc modo. Sex etiam alia Sacella in hoc Secretario sunt, tria ad meridiem, et tria ad Aquilonem, a quibus etiam totidem Altaria locata fuisse credimus. Et in primis a parte dextera, ad meridiem juxta Sacellum majus praef. B. M. fuit translatum Altare<sup>2</sup> S. Joh. Baptistae ex Ecclesiae ruinis, ut supra expressimus, dotatum de quatuor Cappellanis a Cardinali Vrsinorum. In secundo loco est Altare<sup>3</sup> S. Sebastiani antiquissimum, a Christophoro de Iacobatiis Cardinali hujus Basilicae Canonico restitutum, et optime dotatum, (uti etiam patet ex Alexandri VI. diplomate apud Turrigium<sup>4</sup>, et Bull. Vat. editores<sup>5</sup>, ante quod fuit sepultus Franciscus Feliceus nobilissimus ex Civitate Hieracensi oriundus, Episcop. ejusdem Civitatis, nec non Cappellae Cantorum Paulli III, Iulii III, et Paulli IV. Summorum Pontificum Decanus dignissimus. In tertio vero est Altare<sup>6</sup> S. N. ante quod fuit sepultus Sanctes de Pazzillis hujus Basilicae Beneficiatus, et juxta eum lob. Baptista Camerti, Divi Petri Eques, Palatinusque Comes; et Paulli III. Pont. Max. Domesticus, sed etiam juxta praedictum Altare in liminaribus ostii, fuit sepultus Guido Vainus Imolensis, Iulii II, Leonis X, et Paulli III. equitum ad custodiam destinatorum Praefectus, Karolique V, in expeditione adversus Turcas, equitum etiam dignissimus dux.

Sed priusquam ulterius progrediamur, heic adnotandum est, praeter illustres Viros, quos Alpharanus sub hoc Altari quievisse narrat, in ejusdem tabula ichnographica, sepulcrum nobilis de Perbenedictis nominari, quod

<sup>1</sup> p. 633. <sup>2</sup> n. 143. <sup>3</sup> n. 144. <sup>4</sup> p. 434. <sup>5</sup> T. I. p. 267. <sup>6</sup> n. 145.

illud idem est *Ioh. Baptistae Camertis*. Hujus epitaphium adhuc superest , aequa ac altera *Sancti de Pazillis* , et *Guidonis Vaini* , quae heic subjicimus . Nam , quod *Francisco Feliceo* fuit inscriptum , desideratur <sup>1</sup>.

Ellogium sepulcrale *Sancti de Pazillis* est hujusmodi <sup>2</sup>.

D	O	M
ARMA . THOLO . EMERITVS . FIGIT . VITTRICIA . MILES		
QVOD . TITVLI . ET . FIDEI . SINT . MONVMENTA . SVAE		
BIS . SEX . LVSTRA . DEO . FAMVLATVS . CLAVIGER . OSSA		
CONDIDIT . HIC . SANCTVS . FESSA . DICATA . TIBI		
SANCTVS . ROMANVS . PATRIA . PAZILLVS . SOBOLE		
PER . ANNOS LX. IN . PRINCIPIS . APOSTOLORVM		
BASILICA . SACRIS . OPERATVS . VIVENS . SIBI . HOC		
(sic)		
SEPVCHRVM . POSVIT . QVI . V. AN.		

<sup>1</sup> V. il Catalogo de' nomi , cognomi , e patria dei Cantori Pontificj , nelle osservazioni per ben regolare il Coro della Cappella Pontifica di Andrea Adami . Roma 1711. 4. p. 160.

<sup>2</sup> In *Necrologio haec habentur* . Prid. Non. Oct. In nomine Domini anno Domini millesimo quingentesimo undecimo prid. nonas Octobr. Pontificatus SS. in Christo Patris , et Dñi N. Dñi Julii , divina providentia Pape secundi . Isto die Ven. Dñus *Sanctus de Pazill's* , Civis Romanus , Beneficiatus noster , qui ob sui maxime devotionis , quam habuit , et habet in ista Ven. Bas. Principis Apostolor. de Vrbe , in qua per annos sexaginta , et ultra fideliter deservivit in divinis , inter vivos donavit eid. Basilice ducentos ducatos , cum hoc pacto , quod Capitulum predictis Beneficiatis , et Clericis teneantur annuatim , ab anno quolibet in dicto die celebrare , seu celebrari facere anniversarium pro

anima ipsius Dñi Sanctis , in quo per ipsum Capitulum expendant inter dictos Canonicos Beneficiatos , et Clericos dictae Bas. ducatos quatuor pro anima d. Dñi *Sanctis* , prout dicitur apparere manu Andrei de Carassis publici Notarii Romani. Rogate ergo pro anima d. D. *Sanctis* , et suor. Deum Omnipotentem , et omnes Sanctos , ut die Iudicij eligant in sortem Sanctor. Dei . Praeterea apud Grimaldum in lib. Descend. fol. 129. ante Epitaphium legitur . *D. Sanctes Pazzillus Romanus* anno 1479. accepit possessionem Beneficiatus , dimisso Clericatu dictae Basilicae , quem possederat ab anno 1458. annis 64. in Clericatu , et Beneficiatu eidem Basilicae servivit . Suae servitutis annis 60. jam exactis , in Aedicula S. M. de Febribus juxta Basilicam , hoc sibi Epitaphium posuit . *Hujusmodi Epitaphii meminit etiam Laurentius Schraderus Saxon in Monum. It. lib. 1. et apud Andream Schortum*

Alterum Ioh. Perbenedicti haec praeseferebat.

D. O. M.

IOANNI BAPTISTÆ & BENEDICTO  
CAMERTI EQVITI D. PETRI COMITI  
PALATINO PAVLI III. PON. MAX. DOMESTICO  
QVI OBIT AN. SAL. HVM. M. DLXVI. VIII.  
IDVS APR. ÆTATIS SVÆ LXVII. M. V. D. I.  
CAROLVS EIVSQ. NEPOTES FRI ET PATRVO  
CARISS. POSS. 1

in Itiner. Ital. p. 326, ubi Aedes Deiparae in Vrbe dicatas recensens, Templum rotundum S. M. Febrifugiae pro Oratorio Gregoriano accepit. Inquit enim. S. M. de Febribus, olim Martis in Vaticano, Heic Statua Michaelis Angeli Bonaroti ad S. Petrum, cum hoc Sancti Pazilli, qui annos LX. in Principis Apostolorum Basilica sacris est operatus. Atque heic postremum Epitaphii distichon subjecit, priori omisso. Verum praeципue memoranda sunt, quae de hoc epitaphio tradidit Turrigius p. 433, qui ubi refert alteram Ioh. Bapt. Perbenedicti Inscriptionem, haec habet. Questa famiglia avea in S. Pietro la sua sepultura, come scrive Tib. Alfarano. Dietro a questa lapida è intagliato l' Epitaffio di Santi Pazillo Romano, il quale servì in S. Pietro sessant'anni; hora non si può più leggere, ma avendolo io copiato, qui lo pongo. Id autem in aliis etiam marmoribus frequenter occurrit, opistographas inscriptions praeserentibus. Ceterum nemo est, qui nesciat, frequentius marmora obversari, e sepulcris Gentilium a

Christianis avulsa, suisque aptata, nova inscriptione, ritu Christiano, in aversa parte apposita.

<sup>1</sup> Alpharanus de eodem haec profert. Di rincontro a questa d. Cappella nell'altra verso mezzodì, dov'è il sepolcro de M. Santo di Casa Pazilli, Beneficiato di S. Pietro, fu posta quest'altra Sepoltura. Eamdem Inscriptionem tab. LXIII. num. 2. inter Sacrarum Cryptarum Vat. Bas. monumenta, Phil. Dionysius præclare illustravit hoc modo p. 164. Ioh. Bapt. Perbenedicto monumentum positum fuit, ac olim in veteris Vatic. Bas. exstabat Secretario, ubi tumulus erat proprius familiae de Perbenedictis, ut auctor est Alpharanus num. 145. Jo. Bapt. titulos prosequitur Epitaphium, quod tamen Turrigius Crypt. Vat. pag. 433. haud solertissime descriptis. Prout lapidi incisum legitur, in hac tabula damus. In penultimo ejus versu nota compendiaria FRI vox Fratri designatur. Hujusmodi inscriptio, in cuius aversa parte Sancti de Pazillis Epitaphium, uti vidimus, insculptum erat, in Cryptis Vatic. servatur.

Tertium denique *Guidonis Vaini*<sup>1</sup> in hunc modum loquebatur

STRENVO VIRO GVIDONI VAYNO  
VRBE IMOLA PROVINCIAE FLAMINIAE  
NOBILI GENERE ORTO  
EQVITVM AD CVSTODIAM DESTINATORVM  
IVLII II. LEONIS X. PAVLI III.  
SVMMORVM PONTIFICVM PRAEFECTO  
ET CAROLI V. CAESARIS  
IN EXPEDITIONE ADVERSVS TVRCAS  
ANNO M. D. XXX. SVSCEPTA  
DVCENTOR. EQVITVM DVCTORI  
QVI VIX. AN. LXVII.  
MAGNIFICVS ET GENEROSVS EQVES  
S. IACOBI DE SPATHA  
DOMINVS IACOBVS BRVSCVS AMICVS FIDISS.  
BENEMERENTI EX TESTAM. POS.

Jam vero cum Alpharano<sup>2</sup> ad *reliqua tria alia Alta-*  
*ria, et Sacella, quae a sinistra parte ad Aquilonem sunt,*  
*transeamus. Et primo ad Altare Sacelli*<sup>3</sup>*, quod est contra*  
*Occidentem juxta dictum Sacellum principale, fuit etiam no-*  
*stris temporibus translata altera Deiparae imago, cum SS. Apo-*  
*stolorum Petri, et Paulli, tunc inde antiquissimis imagini-*  
*bis, cum tota muri spissitudine, quae erant inter columnas*  
*Porticalium in illo loco, in quo supra<sup>4</sup> retulimus, Gregorium*  
*Magnum per aliquod tempus jacuisse.*

Huic imagini idem B. M. a *febribus* nomen propter ejus propinquitatem, interdiu adhaesit. Ac propterea nos, ubi de ceteris imaginibus istiusmodi titulo insignitis disserimus, ad ejus illustrationem nonnulla op-

<sup>1</sup> Ex Alpharano, et Grimaldo in lib.  
Instrumentorum. <sup>2</sup> ms. p. 52.

<sup>3</sup> num. 146.  
<sup>4</sup> mss. p. 50.

portune proferemus. Nunc satis sit, ex eodem Alpharano ediscere<sup>1</sup>, quod ante hoc Altare, et Sacellum fuere sepulti Jacobus, et Mutius de Fabiis Romani, hujus sacra-  
tiss. Bas. Canonici, et Joh. Bapt. Talliaferrus Parmensis,  
Paulli III. P. M. familiaris carissimus.

*Fabiorum Inscriptiones sunt hujusmodi.*

IACOBO FABIO  
 BASILICAE VATICANAEC CANONICO PIENTISSIMO  
 AC VIRO FRVGI  
 MVTIVS FABIUS PATRVO B. M. POSVIT  
 VIXIT ANNOS LXXIII.  
 OBIIT VIII. DIE FEBRVARII MDLI. <sup>2</sup>

MVTIO FABIO  
 CANONICO VATICANO VIRO INTEGERRIMO  
 TARQVINIA FABIA SOROR MOESTISSIMA POSVIT  
 VIXIT ANNOS LXXVIII. DIES XXVII.  
 OBIIT MDLXXII. XIII. DECEMBERIS. <sup>3</sup>

Haec autem Alpharanus subdit de Baptista Talliaferro. Nel Secretario di S. Pietro, adesso chiamato S. Maria della Febre, appresso la Cappella della Madonna trasportata

<sup>1</sup> ms. p. 53.

<sup>2</sup> apud Alpharanum, et Grimaldum in lib. Instr., et in Descend. Casan. fol. 298. ubi haec habentur. R. D. Iacobus de Fabiis die prima Ianuarii 1535. accepit possessionem Canonicatus vacan. per cessionem suprad. Iacobi de Sancta Cruce. D. Iacobus de Fabiis fuit Beneficiatus, ut in hoc libro fol. 146, ubi scripsit: D. Iacob. de Fabiis de mense Augusti 1502. accepit possessionem Beneficiatus vacan.

per cessionem Petri Pauli Nigri Capparellae.

<sup>3</sup> apud Alpharanum, et Grimaldum in lib. Desc. Canon. fol. 298. In Aedicula S. Mariae de Febribus e regione, ut in hoc lib. fol. 11, ubi inquit. R. D. Mutius de Fabiis die 25. Octobris 1545. accepit possessionem Canonicatus vacantis per cessionem Rni Cardinalis Crispi. Obiit Mutius 13. Decembris 1572. Vide Epitaphium.

*in tempo di Gregorio XIII, son sepolchri con questa Iscrizione.*

D. O. M. S.

BAPTISTAE . TALLIAFERRO . PARMEN  
 VIRO . AEQVE . PROBO . AC . NOBILI  
 QVI . AB . INEVNTE . AETATE . PATRIS . SVI  
 EXEMPLVM . SEQVVTVS  
 VSQVE . AD . EXTREMVM . VITAE . TEMPVS  
 SVMMA . FIDE . AC . SEDVLITATE  
 OFFICIA . SVA . OMNIA . PAVLO II. PONT. MAX.  
 PRAESTITIT . TOTIQVE . EIVS . FAMILIAE  
 CARISSIMVS . FVIT  
 M. ANTONIVS . TALLIAFERRVS  
 FRATRI . O. M.  
 MVLTIS . CVM . LACRIMIS . POS.  
 VIX. AN. XL. OBIIT . A . CHRIST. NAT. M. D. XLVIII.  
 IV. NON. NOVEMBR.

Praeterea pone *Talliaferrum*, sepultum fuisse *Severinum de Magistris* constat ex hisce Necrologii verbis<sup>1</sup>. A di 22. di Maggio 1602. l'illustre Sig. Severino de Magistris, Dottor di legge, Secretario dell'Illiō, et Rmō Sig. Card. Pallotta, detto di Cosenza, Arciprete di S. Pietro, Nepote di sua Signoria Illīma, di anni 32. morto nel Palazzo Archipresbiterale, et sepolto con molto honore nella Madonna della Febre, vicino il Portico, in sepultura separata, vicino a quella del Tagliaferro.

Sed hanc cellam, Altare Iohannis Guidetti quoque nuncupatam fuisse tradit Turrigius<sup>2</sup>, quia vir quidam hujusce nominis, inhumatus ibidem erat, cuius titulus sepulcralis, ad Aedem SS. Michaelis, et Magni deinde translatus fuit, ubi adhuc legitur parieti affixus, in hunc modum.

<sup>1</sup> pag. 104.

<sup>2</sup> pag. 33.

D. O. M.

IOANNI GVIDETTO  
 HVIVS BASILICE  
 CLERICO BENEFIT<sup>o</sup>  
 GREGORII XIII. CA  
 PELLANO VIRO PR  
 OBO PRINCIP. CAR<sup>o</sup>  
 MATHEVS GVIDET<sup>s</sup>  
 FRA . BENEMERIT<sup>o</sup> MAE  
 STISS. <sup>o</sup>P. C.  
 VIXIT ANN. LX. OB  
 IIT PRI DECEMBRI  
 MDLXXXXII i

*i Accipe , quae de eodem memoriae tradidit Grimaldus in lib. Descend. D.Ioh. Guidettus Bononiensis , Gregorii XIII. Cappellanus , ( minime vero Saccellarius , ut excidit Possevino , in Apparatus Sacri T. II.p. 194.) die 27. Novembris 1575. accepit possessionem Clericatus vacantis per obitum D. Francisci Tosti. Hic Ioannes Directorium Chori , et Cantum Passionis , aliaque in cantu firme , secundum veras Chori librorum notas edit . Sepulcri positus in Necrologio ita indicatur . Il Reverendo M. Gio. Guidetti fu sepolto alla Madonna della febbre , presso la ferrata , a mano dritta , li 2. Decembre 1592. Alidosius , et Orlandus nelle Notiz. degli Scritt. Bolognesi p. 145. duos Ioh. Guidettos , alterum Medicinae Doctorem , ac vita functum anno 1424 , et hunc sacris addictum , pro uno accepterunt . Huic tamen adscribendum est Directorium Chori ad usum Bas. Vat. et omnium Ecclesiarum , tam Cathedralium ,*

quam Collegiatarum . Romae apud Rob. Gravium Parisiensem 1572 , et ibid. apud Franc. Continum 1589 , et 1654. , ao rursus additionibus Franc. Polchiari , et Ioh. Franc. Massani , ac demum opera Fr. Gabr. Ant. de Roma Ord. Minor. de Observ. Aracoelitani Chori Moderatoris . Romae 1730. Alterum opus a Grimaldo memoratum ita inscrispit . Verba Evangelistae . Cantus Ecclesiasticus Passionis D. N. I. C. secundum Matthaeum , Marcum , Lucam , et Ioannem , juxta ritum Capellae S. D. N. Papae , et Sacros. Bas. Vat. Romae Alex. Gardanus 1586. fol. Atque haec perperam Medico Guidetto tribuunt Alidosius , et Orlandus , ut recte adnotarunt CG. editores Catal. Bibl. Casanat. atque abhinc bieunium , praestatissimus Comes Ioh. Elephantius nelle not. degli Scrittori Bolognesi T. IV. pag. 394. qui tamen hunc Scriptorem Iohan. Guidotti appellat , neque ullam tituli sepulcralis mentionem facit .

Sequitur et tertium , pergit Alpharanus<sup>1</sup> , hujus Sacra-  
rii sacellum , in cuius Altari<sup>2</sup> Statua pulcherrima B. M. V.  
e marinore pario elegantissimo , filium mortuum amplexantis ,  
a Michaele Bonaroto Florentino sculpta , Ioh. Cardinalis San-  
cti Dionysii Regis Francorum Oratoris impensa , per aliquod  
tempus stetit . Hic Alpharani locus , incaute a Sindonio<sup>3</sup>  
accipitur , tamquam si ad *Sacrarium* nuper eversum per-  
tineret , etsi manifesto de *Sacrarii antiquissimi* , in *Cel-  
lam Gregorianam* conversi descriptione , sit accipiendus .  
Verum heic eudem Alpharanum , qui Giampinum in  
errorem induxit , a Panvinio deceptum esse comperi , qui ,  
ut infra observabimus , hoc idem Simulacrum , quod  
ipse in *Templo rotundo B. M. Febrium* situm fuisse<sup>4</sup> pro-  
fitetur , in hac *Cella Gregoriana* , ubi eadem *B. M. Febrium*  
imago aliquamdiu stetit , parum sibi constans , fuisse  
scripsit . Hoc enim loco , cum Paullo de Angelis , et Bo-  
nanno , imo vero cum ipsa Alpharani tabula ichno-  
graphica , *Altare anonymum tantummodo agnoscendum est* ,  
*ante quod* , uti docet idem Alpharanus<sup>5</sup> , *fuit sepultus Ioh.*  
*Baptista de Canalibus Canonicus* , et *Petrus Siliprandus Reginen.*  
*Diaeesis* , *Pii V* , et *Gregorii XIII. Sum. Pont. Florerius* , quo-  
rum sepulcrales inscriptiones nobis Alpharanus servavit .  
Ait enim . *Nella Cappella , dove era la Vergine Maria de*  
*Michel Angelo Bonaroto , un sepolcro quasi tutto consumato .*

## JO. BAPTISTÆ DE CANALIBVS

## CANONICO

<sup>1</sup> ms. p. 51.<sup>4</sup> T. II. ms. p. 30.<sup>2</sup> num. 148.    <sup>3</sup> p. 108.<sup>5</sup> ms. p. 52.

Item un altro sepolcro con questo titulo

PETRO DE SILIPRANDIS  
 DE LVGERIA . DIOC. REGIEN  
 PII. V. ET GRGORII . XIII. PONT. MAX.  
 FLOREARIO . VIRO . INTEGERRIMO,  
 PIINVS ET IOANNES EX FRATRIBVS  
 NEPOTES ET EX TESTAMENTO  
 HEREDES . PATRVO . M. P. C.  
 QVI . VIXIT ANNOS LXV.  
 OBIIT XVII. MARTII . M. D. LXXIII.

Sed Alpharanum cetera docentem audiamus<sup>1</sup>. In medio vero, in penetralibus hujus Secretarii, multa Christianorum, et egregiorum virorum corpora diversis temporibus humata dormiunt in Domino. Ante portam hujus Secretarii, a facie Orientis est d. Secretarii vestibulum<sup>2</sup>, in quo stat absidula cum Altari, ante quod fuerunt sepulti multi summi Pontifices. Sed, ubi erat absidula, facta fuit janua contra meridiem, per quam descenditur ad Ecclesiam<sup>3</sup> S. Salvatoris de Torrione, cum Coemeterio, ad sepulturam omnium Ultra-montanorum a P. Leone IV. Bas. tradita, vulgo Campus Sanctus nuncupatus, in quo sepeliuntur etiam Itali, et omnium nationum peregrini.

Ac quandoquidem de Basilicae januis incidit sermo, placet heic insignem ejusdem Alpharani locum afferre, qui ad multarum rerum deinde explanandarum intelligentiam erit opportunissimus. Hic autem est hujusmodi<sup>4</sup>. Sed et ipsa Basilica antiquitus multas januas, sive portas habebat. Nam in parietibus ad Orientem habuit portas quinque. In mediana navi portas tres aequalis altitudinis, singulae palmarum vigintinove in, et aequalis latitudinis singulae

<sup>1</sup> ms. p. 54.

<sup>2</sup> litt. ec

<sup>3</sup> litt. ff.

<sup>4</sup> ms. p. 8.

palmorum tredecim. In duabus vero anterioribus minoribus navibus, ex utroque latere mediana navi proximis, portas duas aequalis altitudinis, singulae palmorum viginti octo, et aequalis latitudinis, singulae palmorum quatuordecim. Porta vero, quae dicitur Ecclesia in sinistra Bas. parte adita in posteriore navi sinistra ad Aquilonem, quae dicitur vultus Sancti pro anno Iubilaei, est altitudinis palmorum sexdecim, latitudinis vero palmorum decem. Sed et in parietibus a dectro Basilicae latere ad meridiem portas quinque, et rotidem a sinistro, nec altitudinis, nec latitudinis aequalis, per quas postea ad quasdam Ecclesias, sive Oratoria circa Basilicam adaptati fuerunt aditus. In parietibus autem in transversa Basilicae parte ad Occidentem portas duas habuit, ad Boream portam unam, et ad meridiem portam unam aequalis altitudinis, singulae decem palmorum, et octo, et aequalis altitudinis singulae decem palmorum. Hinc itaque colligere licet, aditum procul dubio fuisse, ex quo recta in Basilicam Vaticanam, et vicissim ex ipsa Basilica in Oratorium Gregorianum, facilis, commodusque pateret accessus.

Sed, ut ad Altarium descriptionem redeamus, haec eadem, multo licet strictior, a Janningo<sup>1</sup> refertur, sectione IV, qua percurrit Oratoria Basilicae contigua meridiem versus, ubi tamen Severano, et Bonanno pepercit, qui cum Paullo de Angelis, et Alpharano in eumdem errorem inciderunt, dum de hisce Altaribus ita loquuntur, quasi ad Secretarium pertinuissent, quum certo constet, haec tantum in Oratorio Gregoriano, super Secretarii antiquissimi ruinas a Gregorio IV. aedificato deinceps erecta, atque iccirco huic duintaxat esse referenda.

Hoc autem ipse Altarium numerus monere facillime

<sup>1</sup> T. VI. Iunii p. 51.

potuisset. Dum enim hoc loco Secretarium antiquissimum obtinuit, priusquam *Oratorium Gregorianum* exaedificaretur, nondum in usu erat, plura in eodem Templo Altaria construere. *Vnicum* quippe *cuique Ecclesiae*, uti recte adnotavit doctissimus Mabillonius<sup>1</sup>, primis Christianae Reip. temporibus erat *Altare*; tum quia *unus Sacerdos uni Ecclesiae* praeficiebatur; tum quia vel in ipsis Monasteriis, pauci erant Sacerdotes, ac nondum ulla coaluerant Sacerdotum Collegia.

Et sane in hanc rem insignis est locus ille Ignatii Martyris, ab Enrico Edmundo Presbytero Anglicano egregie vindicatus in *dissertatione de jure Episcopatus*, ubi in epistola<sup>2</sup> ad Philadelphenos inquit. *Vna est caro D. N. I. C., et unus sanguis, unus panis, qui omnibus fractus est, unum Altare, unus Episcopus.* Quocirca Tyrius Orator in *Panegyrico Encaeniorum Templi* a Paullino Episcopo constructi apud Eusebium<sup>3</sup>, *augustum, et magnum, et unigenitum Altare* nuncupavit. Qui quidem veterum Christianorum usus<sup>4</sup> a Graecis, Armenis, Abyssinis, et Moscovitis adhuc retinetur, qui unum dumtaxat Altare in singulis habent Ecclesiis, ut plures testantur<sup>5</sup>, et contra Baronii opinionem demonstrant Janningus<sup>6</sup>, Sarnellius<sup>7</sup>, ac praesertim Robertus Sala<sup>8</sup>.

<sup>1</sup> in I. Praef. Sec. II. ad Acta SS. Ben. p. 132.

<sup>2</sup> in Patribus Apost. Cotelerii T. II. p. 31.

<sup>3</sup> lib. x. Hist. c. iv.

<sup>4</sup> V. Optatum Milevitaniū. I. I. contra Parmen. num. xix. Cyprianum. epist. iv. Athanasium. T.I. epist. ad Solitar. p. 656. Greg. Nazianz. orat. xi. Chrysostomum Homil. xvii. in II. Corinth. viii. p. 873. Cyprianum. I. II. ep. I. 30. Hieronymum Comm. in Amos lib. I. c. viii. T. v. p. 84. Synesium. Socratem. Theodoretum I. v.

<sup>5</sup> c. xxii. p. 250. Binghamum T. II. I. viii. I.

<sup>6</sup> c. vi. §. xvii. Non nisi unum Altare olim in una aliqua Eccl. p. 229.

<sup>7</sup> Goar. in Euchologio pag. 26. Sigism. Herbestein in Commentar. rer. Moscovit.

<sup>8</sup> p. 21. Frans. Alvarez c. II. Hist. Aethiop.

<sup>6</sup> de Bas. S. Petri in Vaticano, eiusque Abside. in T. vi. Junii p. 132.

<sup>7</sup> in Basilicographia p. 99. et 101.

<sup>8</sup> in adnot. ad lib. I. rer. Lit. Card. Bonae cap. XIV.

Verum Christifidelium numero latius propagato , crevit etiam numerus Templorum , et Ministrorum . Quocirca mysteria sacra frequentius peracta , pluresque arae in eodem Templo constructae ; nisi potius cum Baronio <sup>1</sup> opinari velimus , multiplicata fuisse Altaria ob plurima in singulis Basilicis erecta Martyrum sepulcra , quorum singulis singula in minoribus sacrarum aedium cellis erigebant Altaria , ut suus cuique honos seorsim haberetur . Postquam enim Valentinianus tumultum a Justina Matre sua , Arrianis favente , concitatum sedavit , narrat Ambrosius <sup>2</sup> , in communi illa animorum laetitia *milites ipsos irruentes in Altaria , osculis significasse pacis indicia* . Quae quidem de Altaribus per circuitum cellae Basilicae Portianae collocatis intelligenda esse , una cum Basnagio <sup>3</sup> , Cabassutius <sup>4</sup> putavit . Verum Franciscus Berlendus <sup>5</sup> sumenda potius esse censem pro mensis argenteis , quae circa Altare Sacrificii erant dispositae , ut Bencinius <sup>6</sup> de viI. Altaribus ex argento a Constantino Bas. Lateranensi dono datis sentiendum esse pronuntiavit .

Ceterum , tum in Orientali , tum in Occidentali Ecclesia Altarium numerum Sec. viI. auctum fuisse produnt vitae S. Theodosii Caenobiarchae <sup>7</sup> juxta Hierosol , et S. Sabini <sup>8</sup> . Praeterea Gregorius Turonensis <sup>9</sup> Burdigalae in Basilica S. Petri , duplex , atque alibi trinum Altare exstitisse tradidit . Ipsi vero Gregorii M. <sup>10</sup> aetate plura

<sup>1</sup> ad ann. LVII.

<sup>2</sup> in ep. xxxIII. ad Marcellinam Sororem.

<sup>3</sup> ad ann. ccxxviI.

<sup>4</sup> in T.II.de Disc.Pop. Dei Fleurii p.219.

<sup>5</sup> de Oblationibus p. 231.

<sup>6</sup> in Tom. II. Anast. ed. Blanch. in vita

S. Silvestri p. 310.

<sup>7</sup> apud Surium d. 11. Iun. p. 162. T. I.

Ian. Boll. c. viI. n. 11I. p. 690 , e nelle

Vite di xvII. Confessori di Cristo, tradotte da Gio. Pietro Maffei. Roma 1601.4.p.196.

<sup>8</sup> T. I. Febr. Bolland. n. 27. p. 314.

<sup>9</sup> lib. i. de gloria MM. cap. xxxIII. et lib. v. c. XLIX.

<sup>10</sup> lib. v. epist. I. ad Palladium Episc. Santonensem .

jam Altaria intra ejusdem Templi ambitum exstruebantur, quum idem sacrae aedis mentionem faciat, quae XIII. Altaribus erat instructa.

Quod multo magis in usu fuit Sec. viI, quemadmodum, ut alia praeteream exempla a Mabillonio <sup>1</sup> allata, nos docet Arulfus Gallus Antistes, qui tunc temporis ad loca sacra peragranda sese contulit, ac in Templo Sepulcri Dominici quinque Altaria, ac quattuor in Aede Mariae in Valle Josaphat, se vidisse testatur.

Quid vero dicam de Seculo viII, quo in Basilica S. Paulli, via Ostiensi, quinque Altaria fuisse vidimus, ubi Gregorius III. sex quotidie sacra perpetuo fieri mandavit suo diplomate superius allato, cum quo confer Typicum Irenae Ducae Imperatricis <sup>2</sup>, quae singulis diebus in divina Liturgia viI. panes offerri praecepit? Haec a Sergio P. jampridem instaurata fuisse dicerem, quum Anastasius narret <sup>3</sup>. *Hic tectum, et cubicula universa in circuitu Basilicae B. Apostoli Paulli studiosius renovavit, ac reparavit.* Cubicula enim Templorum cellas antiquitus nuncupatas esse, praeter alios Scriptores <sup>4</sup>, demonstravit Henricus Broemelius <sup>5</sup>. Verum, quum in iisdem cubiculis, quae Agnellus <sup>6</sup> vocat Monasteria, quaeque <sup>7</sup> intra Templorum ascellas eleganti opere constructas, alas nimirum, aut porticus <sup>8</sup>, exstructa erant, nunquam Altaria

<sup>1</sup> in Praefat. ad Acta SS. Ord. S. Ben. p. 57. In lib. I. de Lit. Gallic. c. viII, et in Mus. Ital.

<sup>2</sup> cap. xxxiv. in Tom. I. Analect. Graec. Mabill.

<sup>3</sup> in vita Marcellini, et Xysti II.

<sup>4</sup> S. Paullinus in epist. XI. ad Severum. S. Nilus in descr. Templi ab Olympiodoro Praefecto exstructi. Baron. ad an. CDLXI.

n. XI. Fr. Blanchinius in T. III. Anastasii pag. 159. Macer in Hierol. Ducangius in Gloss. Muratorius de vet. Christ. Sepulcris in T. I. Anecdote.

<sup>5</sup> de Cellis sacris veter. Christianorum. Longosalissae 1710. 4.

<sup>6</sup> in vita S. Joh. Arch. Ravennatis.

<sup>7</sup> S. Greg. Turonensis in l. II. hist. c. xvI.

<sup>8</sup> Mabillon in Lit. Gallic. l. I. c. viII. n. II.

exstitisse pro sacris celebrandis, nonnulli contendant, sed tantum in ipsis vita functos terrae mandatos fuisse, ut Paullini auctoritate demonstrant, seu Fideles ibidem majori quiete, ac commodo, piis precibus vacasse, ut ex descriptione Templi S. Brigittae Scotae<sup>2</sup> arguunt, ideo circa haec missa faciam, eaque tantum adducam, quae nullam profecto dubitationem admittunt.

Eodem seculo exeunte, narrat Chronicon Cassinense<sup>3</sup>, Archisium Ducem Beneventi, in Templo S. Sophiae ab se dicato, tam Martyrum, quam Confessorum num. xxxi. sancta Corpora ibidem attulisse, et per diversa Altaria reverenter collocasse. Altarium vero numerus alicubi ita auctus est, ut Petrus Archiepiscopus Ravennas in aede Petriana trecenta numeraverit, quemadmodum legimus apud Agnellum<sup>4</sup>, Hieronymum Rubeum<sup>5</sup>, et Muratorium<sup>6</sup>. Quapropter, ne major esset Altarium numerus, quam Sacerdotum, Karolus M. in Capitulari edito anno octingentesimo quarto ad Theodonis villam<sup>7</sup>, legem tulerat de Altaribus, ut non superabundent in Ecclesia.

Hinc autem ortae sunt illae Altaris *Authentici*, *Capitanei*, *Cardinalis*, *Dominicalis*, *Conventualis*, *Majoris*, *Principis*, *Magistri*, denominations, ut Altare princeps, ab aliis; quae in ceteris Templi partibus exstabant, distingueretur.

Quae cum ita sint, Seculo ix. minime dubitandum est, usum plura in eodem Templo Altaria construendi, latius etiam invaluisse. Quod certe, si cetera deessent exempla, hujusmodi Oratorium a Gregorio IV. excitatum, aperte probaret.

<sup>1</sup> in epist. xxxi.

<sup>5</sup> in lib. II. Hist. Ravenn.

<sup>2</sup> in T. I. Thes. Mon. Henr. Canisii p. 413.

<sup>6</sup> in Spicil. Ravenn. Eccl. T. I. rerum

<sup>3</sup> in T. II. rer. Ital. Murat. p. 367.

Liturg. P. II. p. 577.

<sup>4</sup> in lib. Pontific. p. I.

<sup>7</sup> lib. I. n. vi.

Quamobrem mihi non convenit cum Johanne Petro Lucatello , qui <sup>1</sup> seculo ix. in Occidente, plurium Altarium usum in eodem Templo nondum obtinuisse , una cum Rocho , qui historiam Eucharisticam lucubravit, et Beato Rhenano <sup>2</sup>, sibi persuasit; ac propterea Anastasii locum de Corporibus BB. MM. *Sebastiani*, *Gorgonii*, ac *Tiburtii*, quae separatis Altaribus *Gregorius IV.* collocavit , de diversis potius *Ecclesiis*, quam de diversis Altaribus in eodem Templo intelligendum esse , perperam opinatus est . Quum enim inficiari nequeat , Corpus S. *Sebastiani*, multo ante *Gregorium IV.* in Templo, via Appia , <sup>111.</sup> ab Vrbe lapide , quievisse , falso conjectit , eò a *Gregorio IV.* primum fuisse perductum , atque hinc *Ecclesiam Apostolorum* antea nuncupatam, mutato nomine , D. *Sebastiani*, vulgo nuncupari coepisse . Si quidem de ejusdem Corporis inventione in Cloaca maxima , ejusque translatione ad Callixti Coemeterium , a Surio <sup>3</sup>, Bollandianis <sup>4</sup>, Mabillonio <sup>5</sup>, Camillo Fanuccio <sup>6</sup>, et Floravante Martinellio <sup>7</sup>, qui de ea plurium auctorum testimonia congessit , edoceri facile poterat . Sed ipse Anastasii locus de vita Adriani I , qui ibidem ab eo indicatur , manifeste probat , vel multo ante *Gregorium IV* , *Sebastiani* exuvias eodem in loco adservatas fuisse , quum sit hujusmodi <sup>8</sup>. *Ecclesiam Apostolorum*, foris *Portam Appiam* , millario tercio , in loco , qui appellatur *Catacumbas* , ubi Corpus B. *Sebastiani Martyris* cum aliis quiescit , in ruinis praeventam a novo restauravit . Ac demum id aper-

<sup>1</sup> Notizie istoriche concernenti la Testa di S. Sebastian M. che si custodisce , e si venera nella Chiesa de' SS. iv. Coronati di Roma . c. iv. p. 26.

<sup>2</sup> in epist. ad Ioh. Chrysost. Liturgie.

<sup>3</sup> d. xx. Ianuarii p. 302.

<sup>4</sup> T. II. Ianuarii p. 257.

<sup>5</sup> Acta SS. Ord. Benedict. P. I. p. 383.

<sup>6</sup> Opere Pie di Roma . lib. iv. c. 26.

<sup>7</sup> p. 393. <sup>8</sup> T. II. LXXVI. p. 221.

te constat ex allata<sup>1</sup> Anonymi Monachi Suessionensis historia de S. Sebastiani translatione, ubi haec habentur<sup>2</sup>: *Alacres simul vadunt ad locum non jam ignotum. Siquidem ex serie passionis ejus a S. Ambrosio luculenter editae didicabant, miliario tertio ab Vrbe, loco, qui ob stationem navium Catacumbas dicebatur, paecepisse per visum eundem Beatum Martyrem Lucinae cuidam Matronae, sepeliri se ad vestigia Apostolorum Petri, et Paulli. Quem conditum aromatibus, prompta, quod jussa fuerat, executa est devotione.* Quapropter quum neque Sec. ix. usus, multorum Altarium numero repugnet, multoque pridem *Sebastiani* exuviae in propria aede colerentur, quid jam amplius erit, quod Anastasii locum, secus quam explicavimus, accipendum esse persuadeat? Haec quum satis per se aperta sint, Decius Memmolus<sup>3</sup>, semel<sup>4</sup>, atque iterum<sup>5</sup> affirmare non dubitavit, *Gregorium IV. Sebastiani exuvias ex Aede, ubi primum colebantur, ad Bas. Vat. transtulisse.*

Sed fucum fortasse Lucatellio facere potuit Anastasii verbum, quo *reliquias* horum trium *Martyrum*, *Corpora* nominavit, ac proinde illud *S. Sebastiani*, in suburbana ejus aede, potius quam in uno ex Altaribus *Orationis Gregoriani*, a *Gregorio IV.* locatum fuisse existimatavit. Nil vero refert, quod ibi Anastasius *Corpora* pro parte *Corporis* nominaverit. Sic enim intelligi debere res ipsa demonstrat, ac praeter Aringhium<sup>6</sup>, aliosque, Godfridus Henschenius<sup>7</sup> plurimis argumentis evincit; qui praeterea, hac adhibita distinctione, quam ob oculos semper habendam Baronium<sup>8</sup> monuisse, supra vidimus,

<sup>1</sup> p. 282. T. II. Martii.

Santi Quattro Coronati. Roma 1628. 8.

<sup>2</sup> T. II. Boll. c. vii. p. 282, et in Actis

SS. Ord. S. Bened. Sec. iv. P. I. p. 383. 414. 4 p. 47.

5 p. 84.

<sup>3</sup> Della vita, Chiesa, et reliquie de\*

6 T. II. I. iv. c. 9.

<sup>7</sup> T. II. Jan. p. 259.

7 T. II. Jan. p. 259.

8 T. IX. p. 775.

alias invictissimi Martyris reliquias<sup>1</sup> ad Monasterium Sancti Medardi, Eugenio II. Pontifice, Suessionem translatas fuisse demonstrat, ut plures Scriptores testantur, nosque ipsi iam supra declaravimus<sup>2</sup>.

Hoc item Constantinus Suyskenus, pluribus egregie declarat<sup>3</sup>, ubi agit de alterius Martyris Gorgonii exuviis, quarum partem jacuisse tradit in Coemeterio inter duas Lauros, via Lavicana, sive, ut aliis placet, Latina, usque ad annum DCCLXV, quo magna earum portio in Galliam, rogante Godegrando Episcopo Diviodunensi, Pauli I. dono<sup>4</sup>, translata fuit; aliam vero partem in eodem Coemeterio exstitisse usque ad Seculum IX, quo a Gregorio IV, quod ex iis reliquum erat, in Oratorium Gregorianum honorifice illatum fuit.

Ac demum, post Godefridum Henschenium<sup>5</sup>, idem recte pronunciavit Joh. Pinus<sup>6</sup> de Tiburtii Martyris exuviis, quarum partem, una cum reliquiis Chromatii Patris, et Sociorum, Suessionem, aliisque translatas fuisse tradit.

Quae quum Laderchius minime animadverterit, Tiburtii Corpus<sup>7</sup>, contra Eginhardi auctoritatem, qui<sup>8</sup> una cum Marcellino, et Petro in Gallias avectum fuisse narrat, dumtaxat in Basilicam S. Petri delatum fuisse contendit<sup>9</sup>. Recte tamen ibidem conjecit, clandestinam SS. Marcellini, et Petri subreptionem, quam ne ipse quidem inficiatur, a Gallis factam anno DCCXXVI.<sup>10</sup>, Gregorium IV. impulisse, ut e suburbanis locis Tiburtii,

<sup>1</sup> T. II. Ian. p. 278.

<sup>2</sup> p. 56. <sup>3</sup> T. II. Septemb. p. 331.

<sup>4</sup> ibid. §. IV. p. 334, et in Actis SS. Ord. S. Bened. Sec. II. P. II. p. 204.

<sup>5</sup> die II. Junii p. 173. in Comm. praevio de SS. Marcellini, Petri etc. cultu, Ecclesiis, Actis.

<sup>6</sup> T. II. Augusti d. XI. p. 613. in Comm. praevio de S. Tiburtio M. et Chromatio Patre ejus cum Sociis.

<sup>7</sup> de translat. SS. Marcellini, et Petri lib. II. c. IX.

<sup>8</sup> apud Bolland. die II. Junii p. 181.

<sup>9</sup> c. v. p. 21. <sup>10</sup> T. IX. Baronian. §26.

*Sebastiani*, et *Gorgonii* reliquias, in unum e Basil. Vaticanae Oratoriis deduceret. Verum cum Joh. Pinio tenuendum est, reliquam tantum, ex Ratleici, sociorumque furto, *Tiburtii Corporis* partem in Bas. Vat. fuisse adservatam, ut idem probat, non solum Bartholomaei Piazza<sup>1</sup>, sed etiam Aringhii auctoritate, qui rem ita fuse describit<sup>2</sup>. *Huc velut in tutum Religionis asylum . . . invictorum Tiburtii, et Gorgonii MM. ossa ex Coemeteriis sublata, a Gregorio IV. Pontifice inferri meruerunt, et ab eodem sub Altaribus Oratorii, quod ipse in S. Gregorii Magni honorem exstruxerat, sejunctim prope nuncupatam Iudicij januam, ad laevam ingredientibus, collocata fuere.*

Quapropter nemo non videt, Alpharanum, cui Panvinius antea praeluxit, ac deinde Ciampinius etiam<sup>3</sup>, una cum Serrano, Vgonio, Platina, et Bull. Vat. editoribus adhaesit, tria haec Altaria in Cella SS. Andreae, et Gregorii, uti jam supra vidimus<sup>4</sup>, perperam collocasse, multoque magis reprehendendum esse, quod sibi repugnans<sup>5</sup> haec eadem Altaria alibi deinde statuerit, ubi scribit<sup>6</sup>. *Iuxta Gregorii V. sepulcrum sequebatur Altare antiquissimum, ubi erat absidula in parietum spissitudine, forte a Gregorio IV. exstructum, ut ex eodem P. Mallio conficitur, B. Sebastiano, aut SS. Gorgonio, et Tiburtio Christi Martyribus consecratum, quod denique injuria temporum exolevit.*

Illud autem heic memorandum est, quod maximo descriptorum Altarium honori vertitur, quodque manifesto indicio est, in Oratorio Gregoriano, de quo nunc agimus, Altaria nuper memorata exstitisse. Nam Benedictus Canonicus, cujus verba Panvinius etiam<sup>7</sup> refert,

<sup>1</sup> in Hemerol. p. 148.

<sup>4</sup> p. 698.

<sup>2</sup> Rom. subt. T. I. p. 239.

<sup>5</sup> n. vii I. p. 34. mss.

<sup>3</sup> p. 692. 694. 696. 698.

<sup>6</sup> ib. V. p. 723. <sup>7</sup> T. III. ms. p. 167.

in libro Pollicito ad Guidonem de Castello, tunc Cardinalem S. Marci, qui postmodum factus est Caelestinus II, anno MCXLIII, Innocentio II. sedente, exarato, agens de Stationibus ad S. Petrum, haec habet<sup>1</sup>. Media autem nocte surgens, auditu signo, Dominus Papa cum omnibus Ordinibus ad S. Leonem venire debet, ibique Mansionarius praeparat turibulum Episcopo, et Episcopus Pontifici, omnibus induitis de suis indumentis. Cubicularii vero cum duabus faculis accensis debent ire ante Pontificem. Pontifex autem primum incensat Altare S. Leonis, deinde cum processione incedens per Porticum Pontificum ad S. Gregorium, primum incensat Altare ejus, et Altare S. Sebastiani, et Altare S. Tiburtii. Quae quidem ab eo confirmantur, dum caeremonias describit in Statione ad S. Petrum, pro festo Epiphaniae celebrandas. Nocte vero, inquit<sup>2</sup>, media surgit, et omnes Ordines cum eo congregantur ad Altare S. Leonis; ibique cum processione, sicut praelibatum est, incensando Altaria, usque ad Corpus, ubi facit vigilias trium lectionum, quibus peractis, ascendit ad Altare majus, et incensat.

Sed ad interruptam Altarium descriptionem nos iterum conferamus. Ciampinius<sup>3</sup> suam Ichnographiam in hac parte, aliis supra descriptis profert omnino similem; verum aliis gravius errasse, mihi quidem videtur. Etsi enim in eorum descriptione Secretarium ibi fuisse dicit, postmodum, omisso Gregorii nomine, in Cellam cessisse subjungit, quae appellabatur S. M. de Febre, ac proinde singula Altaria, non ad Oratorium Gregorianum, sed ad hanc Deiparae Cellam pertinere opinatus esse videtur, quod aliqua tantum ex parte verum est. Ceterum Janningo<sup>4</sup> omnino ad-sentiendum reor, allatam Altarium indicationem, quum

<sup>1</sup> in Ord. XI. p. 122. <sup>2</sup> ib. p. 130. <sup>3</sup> lib. IV. p. 83. <sup>4</sup> T. VI. Iunii p. 151.

nulla certa auctoritate fulciatur , magnam partem de postremis tantum temporibus esse accipientam . Siquidem ab Ichnographis descriptae recentiorum temporum denominations sunt , uti aperte demonstrant , *Vrsinorum* , ac *Iacobatiorum* nomina illic expressa , antiquiorum nominibus , aut incuria deletis , aut oblivione praetermissis .

Verum addere Janningus potuisset , clarius id etiam agnoscí , ex eo , quod nulla ab iisdem auctoribus , *S. Gregorii* mentio fiat , quamvis exploratum sit , aram principem , quò deinde translata fuit *B. M. a Febribus* imago , eidem *S. Doctori* a *Gregorio IV.* primitus dicatam fuisse . Quod sane nec levis momenti est , nec minus liquido confirmat , tum nonnulla Altaria , vel ipso *Gregorio IV.* longe sequiorum temporum fuisse , tum , quod ab eodem Ianningo recte observatur , e tribus Altaribus , illic ab Anastasio percensis , et SS. MM. *Sebastiani* , *Gorgonii* , et *Tiburtii* memoriae separatim erectis , solum superfuisse Altare *S. Sebastiani* , ab Alpharano <sup>2</sup> , et Ciampino <sup>3</sup> prae ceteris jure antiquissimum dictum , atque a Christophoro de Iacobatiis postea innovatum .

Ac probabili sane , felicique conjectura , ni admodum fallor ; idem Ianningus arguit , quae ab ichnographis Altaria duo anonyma indicantur , ea primitus extitisse SS. *Gorgonio* , et *Tiburtio* sejunctim dicata , quorum memoria , insequenti aetate , penitus obsoleverit . Ex quibus omnibus tandem , et illud sequitur , cetera Altaria ab Ichnographis descripta , non solum *Secretario* minime tribuenda , sed etiam ad postrema esse tempora referenda , quibus *Oratorium Gregorianum* suum nomen amisit , et *Cella S. M. de Febribus* appellari coepit .

<sup>2</sup> p. ms. 52.

<sup>3</sup> p. 83.

Quae quum adeo obscura , atque implexa sint , multo minus statui licet , utrum *Gregorius IV* , quum Oratorium noviter erexit , quattuor ibi tantum Altaria excitaverit , quae Anastasius nominavit , an vero , praeter haec , alia etiam construxerit , ut septem in eo recessus fuisse jam inde ab initio putandum sit . Quod tamen nosse , non magni profecto interest .

## §. II.

*Quare hoc loco Gregorius IV. Cellam Gregorio sacram construxerit , et quando ?*

Illud heic modo juvabit inquirere , qua de caussa *Gregorius IV* . eodem loco , ubi pridem *Secretarium antiquissimum* steterat , *Oratorium S. Gregorio sacrum* construxerit , eoque ejusdem cineres ex ipso *Secretarii Vestibulo* transstulerit ?

Atque ex Anastasio quidem licet discere , omnia ferre loca , quae *Secretarium* , ejusque *Vestibulum* circumabant , vetustate penitus collapsa fuisse . Ac proinde quid verisimilius , quam quod , quum cetera reparare *Gregorius IV* . aggressus esset , item super *Secretarii* ruinas *Oratorium* in *S. Gregorii honorem* excitarit<sup>1</sup> , cujus cineres jam aliò transferre cogeretur , disjecto etiam *Secretarii vestibulo* , ubi ad ejus usque aetatem quieverant ? Et sane legimus in ejus vita , quod ea , quae in *Ecclesia B. Petri Apostoli* foris muros longo jam senio cassata videbantur , ad pristinum statum , cultumque perduxit . Nam pene totam Porticum super *Oratorium S. Dei Genitricis Mariae* , quae *Mediana* dicitur , noviter ex trabibus , ceterisque lignis ob decorum Basilicae decoravit . Immo ei aliam similiter por-

<sup>1</sup> T. II. §. xv. p. 28.

ticum ante valvas argenteas novo opere , cultuque praecipuo perfecit . Nec non et in fronte Paradisi jam fatae Ecclesiae , principali munivo cuncta , quae a priscis temporibus , in eodem pariete erant diruta , velocitate nimia pingere , ac restaurare decrevit . Renovavit simul et Porticum ejusdem Basilicae , quae super gradus ejus perspicitur .

Quapropter facile adducerer , ut crederem , *Gregorium* , dum in his esset , ad exhibendum relligionis cultum SS. suo decessori , de ejusdem exuviis in splendi diorem locum transferendis , atque iccirco de construendo , super jam collapsum Secretarium , Oratorio Gregoriano cogitasse . Quod quidem a Baronio animadversum esse vidi , qui rem ita enarravit <sup>1</sup> . Sepulcrum ejus , quod pie tatis ergo frequentare solebat , videns redditum jam nimia vetustate deforme , nec satis dignum , quod tantum creditum sibi thesaurum includeret , et locum ipsum , in quo esset , vi lem , et imparem redditum gloriae tanti Pontificis , inde venrandum transferre Corpus in nobiliorem locum , consilium iniit , quod et felicissime praestitit hoc ipso primo ipsius Pontificatus anno . At non solum novum sepulcrum construxit , sed eodem in loco egregium Oratorium fabricavit , quod plurimum SS. Martyrum reliquiis locupletavit , et insigniter illustravit .

Sed tamen de tempore , quo *Gregorius IV.* hoc Ora torium aedificavit , Baronio , aliisque , qui ejus senten tiam sequuti sunt , nequeo satis acquiescere . Vix enim , ac ne vix quidem credibile videtur , ut ille <sup>2</sup> opinatus est , anno DCCCXXVII , post cujus medium renunciatus ab eo dicitur Pontifex , etsi animum , statim post electionem simul , et consecrationem Praesulatus sui , ad Templa restauranda advertisset , tot , ac tanta , quae ab Anastasio me

<sup>1</sup> T. IX. p. 774.

<sup>2</sup> n. 33. ad an. 827.

morantur, vel tantum circa Bas. Vat. molitum esse, ac Oratorium *Gregorianum* perficere potuisse. Qua de re certum *S. Gregorii* translationis tempus determinari minime posse videtur, uti pluribus demonstrare adnus est *Constantinus Suiskenus*<sup>1</sup>, qui idem de altera *S. Gorgonii*, quae plus minus eodem tempore fieri debuit, pronunciandum esse existimavit. Ceterum isthaec omnia, non ultra alterum suscepti a *Gregorio* Pontificatus annum differenda esse, totius narrationis *Anastasianae* series mihi facile persuadet. Nec tamen facile definierim, cui salutis anno iste respondeat. Nam et quo primum anno dictus sit *Gregorius* Pontifex, incertum est; quamquam nihil probabilius, quam quod in eruditissima *dissertatione de Libro diurno Romanorum Pontificum*, primus omnium vidi, confirmavitque *Franc. Ant. Zaccaria*<sup>2</sup>, *Gregorium* mense Novembri anno DCCCXXVII. Pontificatum iniisse. Quamobrem, quum a Novembri mense insequentis anni secundus *Gregorii* annus hoc in systemate cooperit, medio circiter anno DCCCXXIX, et Oratorii constructio, et sacrorum Magni *Gregorii* cinerum translatio, statui commode poterunt.

Hoc autem, quo demum cumque sui Pontificatus anno *Gregorius* praestiterit, divino sane consilio in ejus animum incidisse putandum est, ut beatissimi Pontificis gloria, et cultus latius propagaretur; contra quam ab eo cautum fuerat, qui veritus, ne Corporis sui tegumenta honore, et cultu Sanctis debito Populus veneraretur, sancito canone statuerat, ut quum Romani Pontificis Corpus ad sepeliendum efferretur, nullo tegmine velatum esset. Quocirca Deus, ad ejus hanc animi demis-

<sup>1</sup> T. III. Sept. p. 331.

<sup>2</sup> T. III. Bibl. Liturgicae p. CCCLXX.

sionem exaltandam , honestandamque , effecit , ut refossa postea , una cum ejus Corpore , Pontificia ornamenta , Populus pio cultu certatim prosequeretur . Refert enim Joh. Diaconus , quod sub Altari sui nominis , ejus anniversaria solemnitas , cunctis certatim pernoctantibus , veneratione gratissima celebratur , in quam Pallium ejus , et Phylacteria , sed et baltheus ejus consuetudinaliter osculantur . Quae quum singulatim considerata , ut idem auctor animadvertisit , et antiquitatem Viri , et mediocritatem habitus , et speciem regularis propositi , signis perspicuis repraesentent , si cui lubitum esset , ea dignoscere , id assequetur ex icone allata apud Baronium <sup>1</sup> , Angelum Roccham <sup>2</sup> , Bollandistas <sup>3</sup> , et Maurinos <sup>4</sup> , in Gregorianorum Operum editione , ac praesertim apud Danielem Papebrochium in dissertatione xxiiI , quae exstat in *Propylaeo ad Acta SS. Maij* <sup>5</sup> ; ubi praeterea notis illustravit alias Gregorii Parentum imagines a Ioh. Diacono descriptas , ac Phylacteriorum nomine , cum Baronio , Roccha , aliisque , Crucem Pontificalem reliquiis refertam ad collum gestari solitam , Graecis εὐχολπίοις , ex ipsius Gregorii epistola ad Theodolindam <sup>6</sup> significari docet .

Quanta vero esset festi hujus diei celebritas , ex eo etiam desumi potest , quod Mallius scriptum reliquit de consuetudinibus Confessionis <sup>7</sup> . A festo , inquit , S. Gregorii Papae , usque ad festum Pentecostes , in unoquoque die , xii. denarios Papienses dantur Domino Papae , et mille librae cerae per singulos annos , et in unoquoque mense una aquaricia olei , et una libra olibani , si est in Vrbe , vel circa Vrbem , per

<sup>1</sup> T. viiiI. p. 181.    <sup>2</sup> T. II. p. 368.

<sup>3</sup> T. IJ. Martii.

<sup>4</sup> T. IV.

<sup>5</sup> p. 88.

<sup>6</sup> l. xv ep. xiI. edit. Maur. Sarnelli. Se

l'uso de' Vescovi di portare la Crocetta pendente dal collo sia antico ? in T. vi. Lit. Eccl. p. 58.

<sup>7</sup> in Append. Ord. Rom. xI. c. xxxvIII. pag. 63.

unum diem . Praeterea inter eas dies hoc festum <sup>1</sup> recensem-  
tur , in quibus , reverentiae caussa , consueverunt Romani  
Pontifices a Consistoriis abstinere . Inquit enim Ordo xiv.  
*In festo S. Gregorii Papae non fit Consistorium . Ac demum <sup>2</sup>*  
*per constitutionem B. Gregorii Papae XI , et Vrbani VI , in*  
*omnibus festivitatibus IV. Doctorum SS. Gregorii , Augustini ,*  
*Hieronymi , et Ambrosii , in Missa dicitur Credo in unum .*

## §. III.

*Gregoriani Altaris ornamenta , et privilegia .*

**Q**uantum curae , ac studii Gregorius IV. impenderit , ut  
Oratorium ab se erectum omni ex parte , nitoe , ac  
luxu splendoreret , discimus ex Anastasio , quem iterum  
praestat audire . *Sacrum Altare , inquit <sup>3</sup> , argenteis tabulis*  
*undique perornavit , et Oratorium suo sancto nomine titula-*  
*vit , absidamque ejusdem superaurato musivo depinxit . In quod*  
*scilicet Oratorium Corpora BB. MM. Sebastiani , Gorgonii ,*  
*ac Tiburtii , ex Coemeteriis , in quibus ante jacebant , per-*  
*duxit , et unumquodque eorum separatis Altaribus colloca-*  
*vit . Pro quibus denique , Pontificatus sui tempore decrevit , ut*  
*Monachi , qui ad officium persolvendum in Ecclesia B. Petri*  
*Apostoli sunt constituti , omnibus diebus ibidem laudes omni-*  
*potenti Domino canere non desistant . Obtulit autem in eodem*  
*Oratorio vela majora , vel modica serica decem , et octo : ve-*  
*stes super Altare , sub quo SS. Gregorii Papae Corpus quies-*  
*cit , tres , unam cum chrysoclavo habentem historiam . . . .*  
*et super unumquodque Altare praedictorum Martyrum vestem*  
*de fundato unam , imagines denique desuper deargentatas , nec*  
*non auro perfusas tres , habentes vultum Domini , et eorum*  
*depictas , quorum specialia ibidem Corpora humata miraculis ,*

<sup>1</sup> in Ord. xiv. p. 385.<sup>2</sup> in Ord. xv. p. 519.<sup>3</sup> T. III. n. vi. p. 11.

*ac virtutibus pollut.* Quibus tamen quum nondum singula-  
re hujus Pontificis studium erga *Gregorium M.* contentum  
esset, eodem Anastasio teste <sup>1</sup>, fecit etiam in Oratorio  
*SS. Papae Gregorii*, *infra Ecclesiam B. Petri Apostoli*, *co-*  
*lumnellas argenteas IIII*, *habentes libras argenti numero XL*.

Praeterea a Ciacconio <sup>2</sup>, et a Ciampinio <sup>3</sup>, qui rem,  
uti supra videre licet <sup>4</sup>, Alpharano teste, atque adstipu-  
latore, memoriae prodiderunt, *S. Pontificis Corpus ur-*  
*na marmoris aegyptiaci*, *mira amplitudinis*, *ferratisque*  
*trabibus circumdata fuisse inclusum edocemur*, *etsi hu-*  
*jusmodi urnam*, *nonnisi in Altari a *Pio II.* erecto*,  
*quod *Gregorio IV.* tribuebant*, *perperam agnoverint*. At  
*Severanus*, *qui Oratorium a *Gregorio IV.* constructum*  
*loco suo collocavit*, *alia de ejusdem nobilitate*, *et pul-*  
*critudine persequutus est*. *In fine porticus*, *inquit* <sup>5</sup>, *me-*  
*ridiem versus visebatur Oratorium*, *sive Sacellum a *Grego-**  
*rio IV.*, *qui floruit sub annum Domini DCCCXXVII*, *exaedifi-*  
*catum*, *cum tribuna*, *seu apside ex opere musaico*, *ad cuius*  
*aram principem argento coopertam transtulit Corpus *Gregorii M.**  
*et sub tribus aliis in eodem Sacello recondidit Corpora SS. Se-*  
*bastiani, Gorgonii, atque Tiburtii*. Si vero Grimaldi te-  
stimonio standum esset, praeter memorata ornamenta,  
nova etiam ibidem essent agnoscenda. Ait enim <sup>6</sup>. *Sa-*  
*cellum hoc septum fuit a *Gregorio Quarto* in quolibet colum-*  
*narum spatio*, *usque ad Sacellum S. Thomae*, *magnis mar-*  
*moreis tabulis altis*, *fere ad staturam hominis*. *Quod orna-*  
*mentum*, *sive septum ne peregrinae multitudini ad Iubilaeum*  
*venturae anno 1575.* visitando Basilicam impedimento foret,  
ut multi hodie reminiscuntur, *Gregorius XIII. P. M.* amove-  
ri mandavit. Ex quo marmoreo ambitu colligitur, quod Gre-

<sup>1</sup> T.II.9.XLI.p.33. <sup>2</sup> T.I.p.599. <sup>3</sup> p.70. <sup>4</sup> p.692. <sup>5</sup> p.65.T.I. <sup>6</sup> p.ms.38.

gorius quartus Altare, subter quod collocavit Corpus S. Gregorii Magni, construxit in facie, nempe in pariete anteriori Basilicae ad ortum Solis extremae navis, dextra egrediendo Basilicam, ubi nunc exstat ipsius Fili sepulcrum. Verum, ne quid dicam de temporum ratione, ipsa locorum indicatio haec potius de Altari a Pio II. erecto intelligenda satis evincit, quod Grimaldus pro antiquiori a Gregorio IV. exstructo praepostere accepit, eo magis, quod opinionem hanc meam maxime adjuvat Panvinius, qui hanc eamdem Cellam a Pio II. exstructam describens<sup>1</sup>, totam cancellis marmoreis per intercolumnia, et testudine lateritia a Pio II. facta conclusam testatur. Quare ea potius a Grimaldo accipiamus, quae alio loco de hoc Oratorio recte literis consignavit, ubi ait<sup>2</sup>. Versus anteriores Porticum, est aedicula apsidata, ternis hinc inde sacellis, arcuato fornice, ac columnis ornata, olim S. Gregorii.

Atque haec de ornamentis Gregoriani Oratorii ex antiquis Scriptoribus corradere licuit. Addendum vero heic est, quod legitur apud Anastasium de Leone IV, qui<sup>3</sup> fecit in Oratorio Beati Gregorii Confessoris, atque Pontificis vestem de fundato cum gammadiis, et Crucem ex argento texto unam. Nec omittendum Nicolai Pontificis donum, qui, ut ait Anastasius in ejus vita<sup>4</sup>, in Basilica B. Petri Apostoli in Oratorio S. Gregorii Papae vestes fundatas per circuitum ornatus de olovero obtulit tres, praeter tabulam argenteam ab Anglis huic Oratorio dono datam, sedente eodem Pontifice, de qua supra diximus<sup>5</sup>.

Hinc vero patet, oblationes a vetustissimis usque temporibus ad S. Gregorii aram fieri solitas fuisse. Quo-

<sup>1</sup> T. II. ms. p. 140.

<sup>2</sup> in lib. instr. fol. 30.

<sup>3</sup> T. II. §. XLIII. p. 94.

<sup>4</sup> T. III. §. xxxvi. p. 191. <sup>5</sup> p. 679.

circa Innocentius II, qui, ut tradidit P. Mallius<sup>1</sup>, condidit privilegium, in quo concessit Canonicis Basilicae B. Petri medietatem omnium ministeriorum omnium Altarium, quae sunt in Ecclesia B. Petri, et S. Mariae in Turri, praeter Altare S. Leonis IX, item suo diplomate<sup>2</sup> iisdem Canonicis perpetuo addixit medietatem quoque oblationum Altaris S. Gregorii, et omnium eorum, quae ad ipsum pertinent.

Praeterea Mallius<sup>3</sup>, et ex eo Panvinius<sup>4</sup> adnotarunt, ad S. Gregorium Cand. I. nocte dieque illuxisse; ac quoties Romanus Pontifex nocturnas in Vaticana Basilica stationes celebrabat, toties in eodem, tuis adolere consueverat, ut tradit Ordo XI, cuius verba rursus huc afferam<sup>5</sup>. Pontifex autem primum incensat Altare S. Leonis, deinde cum processione incedens per Porticum Pontificum ad S. Gregorium, primum incensat Altare ejus.

Ne vero quidquam de pristino ejus cultu, ac reverentia unquam decederet, Innocentius III, pii cuiusdam Sacerdotis visu in somniis objecto admonitus, quod idem cum nonnullis aliis Vaticani Templi Altaribus exauguratum esset, Octaviano Cardinali Episcopo Ostiensi praecipit<sup>6</sup>, ut denuo sollemni ritu illud consecraret. Et sane v. Kal. Maij in libro Benefactorum adnotatur *Consecratio Altaris B. Gregorii Papae*.

<sup>1</sup> tit. 54. <sup>2</sup> T. I. Bull. Vat. p. 47.

<sup>3</sup> T. VI. Iun. 89, et in Opp. Ord. Rom. in T. II. Mus. It. p. 161.

<sup>4</sup> T. III. ms. p. 40.

<sup>5</sup> in T. II. Mus. Ital. p. 222.

<sup>6</sup> apud Raynald. ad an. 1198, et in T. I. Bull. Vat. pag. 79, et in Tom. II. Pontif. Catalani pag. 137.



§. IV.

*De vetustissimo Gregorii Ordinationis festo.*

*Latinus Malabranca* Ordinis Praedicatorum a Nicolao III. sacra purpura, et Ostiensi Ecclesia insignitus, non sine magna laudum suarum accessione, quae certe a Ciacconio<sup>1</sup>, aliisque ejus vitae Scriptoribus<sup>2</sup> minime erat praetermittenda, *Gregorii Magni* cultum insigniter studuit augere. Nam Codicillis, quos S. Coelestini diploma nobis exhibet<sup>3</sup>, domos, et areas *juxta Ecclesiam S. Michaelis Frisonum in Porticu S. Petri*, secus viam *S. Spiritus in Saxia*, testamento legavit, ut singulis annis in Festo B. Gregorii, distribuantur inter Canonicos, et Beneficiatos, ac Mansionarios praedictae Basilicae, qui praesentes fuerint in officio ejusdem festi, octo floreni aurei, ultra distributiones solitas. Item, quod fiat in eadem Basilica aliud sollempne festum de Ordinatione B. Gregorii, iv. Nonas Septembbris, quod in nonnullis Ecclesiis celebratur, quodque maxime in ipsa Basilica, in qua idem Pontifex ordinatus exstitit, celebrari decet, et in ipso festo distribuantur inter praedictos quinque floreni aurei ultra solitas distributiones.

Jure igitur Necrologium Bas. Vaticanae haud semel per anni cursum Cardinalis optime meriti memoriam excitabat. Sic enim loquebatur<sup>4</sup> iv. Idus Martii. In isto fe sto S. Gregorii expendantur pro bone memorie Dño Latino Episcopo Ostien. qui donavit nostre Basilice Palatium juxta Sanctum Michaelem, cum domibus, et vineis juxta ipsum Palatium, viii. flor. auri. Item eodem die expendantur de auro

<sup>1</sup> T. III. col. 168.

clesiastiche p. 172. 183. Madosio Bibl.

<sup>2</sup> Pomp. Sarnelli Catalogo de' Cardinali

Rom. Cent. I. p. 65.

Domenicani, e di quelli della Famiglia

3 T. I. Bull. Vat. p. 208. et 223.

Orsini. nel i. T. delle sue lettere Ec-

4 p. 36.

regis Karoli V. floren. Ac rursus<sup>1</sup> III. Id. Augusti. Obiit  
bo. me. Dñus Latinus Ostien. Episc. qui multum dilexit no-  
stram Basilicam, et familiam ipsius, qui donavit nobis Palat-  
tium suum cum clauistro, domibus, et vineis posit. juxta Ec-  
clesiam S. Michaelis, mandans, quod Camera nostra distribuat  
inter Canonicos, Beneficiatos, unum florenum aureum quolibet  
die dominico, et in Ordinatione, et Electione S. Gregorii  
Pape V. flor. et in festo ejusdem S. Gregorii VIII. flor.  
auri, et in festo S. Dominici v. flor. auri de fructibus di-  
ctor. Palatii, claustris, domor. et vinear. Ac demum<sup>2</sup> III. Non.  
Sept. Item in isto festo expendantur quinque floreni auri pro  
anima D. Latini Card. Hostiensis Episc.

Et sane ipse SS. Pontificum Ordinationis dies, quem  
S. Leo natalium diem, aut servitutis suaे natalitium diem,  
Ambrosius natalem Sacerdotii, Gregorius Turonensis sollem-  
nitatem Natalitii, Petrus Crisologus, Festa natalitia, idem-  
que Gregorius<sup>3</sup>, aequo ac Liber Diurnus Rom. Pontifi-  
cum<sup>4</sup>, natalem Pontificis nominant<sup>5</sup>, festus quotannis, dum  
vixerant, haberi consueverat. Tunc enim non modo  
Consacerdotes sui, nimirum Episcopi Ordinationi Sedis  
Apostolicae subjecti, sed etiam alii ex regionibus re-  
motissimis, ac nonnulli etiam Presbyteri, teste Paullino<sup>6</sup>,  
Romam conveniebant, ut Synodus celebrarent. Id aper-  
te liquet ex epistola Invitatoria Diurni Romani ad Epis-  
copum in Natali Pontificis, quae ita habet. Dei nostri  
misericordia favente ill. dies, in quo Episcopatus mei est na-  
tal is adproperat, ad quem ex more missis a me literis invi-

<sup>1</sup> p. 112.

<sup>2</sup> p. 124.

<sup>3</sup> lib. I. ep. xxxviI.

<sup>4</sup> tit. xiiI. p. 78. edit. Garner.

<sup>5</sup> Binghamus lib. IV. cap. vi. §. xv. Dies

ordinationis Episcopi anniversaria solle-  
nitate celebratus. T. II. p. 188. et I. xx.

c.viiI. §.II. de Anniversariis festivitatibus  
Ordinationum Episcoporum. T. IX. p. 164.

<sup>6</sup> epist. xx.

taris. Decet enim, Frater carissime, ut ejusdem particeps festivitatis existas, et fraternali Congregationi praesentiam tuae dilectionis accomodes, ut ea inter nos, quae mos Ecclesiasticus exigit, confirmemus. Hujusmodi usus, quem aliorum etiam Antistitium proprium fuisse constat ex Augustino<sup>1</sup>, patet etiam ex Xysti epistolis ad Cyrillum, et ad Joh. Antiochenum, et ex altera Hilari ad Asconium, ubi ait. *Lectis in Conventu Fratrum, quos natalis mei festivitas congregarat, litteris vestris; itidemque ex epistola octava. Praesidente Fratrum numero Conilio, et ex diversis provinciis ad diem Natalis nostri, in honorem B. Petri Apostoli, per Dei gratiam congregato.* Adde plures Leonis M. sermones<sup>2</sup>, quos in natalibus suis ad Episcopos habuit. Plura etiam praestabant in sollemni Coronationis festo, in Vrbe quotannis celebrando, ut docent Ord. Rom. hujusmodi verbis<sup>3</sup>, *Papa debet accipere coronam in capite suo, et per medium Vrbem, cum processione redire ad Palatium, perficere festum Coronae. Coronatus reddit ad Palatium, sicut in aliis coronis. Acceptis laudibus, et celebrata Corona, sicut mos est, omnes redeunt ad propria.*

Praecipue vero, ad eorum Ordinationis memoriam deinceps omni sollemnitate recolendam, optimo quidem consilio, sancitum fuit, quum primum eorum festivitates, Martyrum sollemnitatibus, quae tantum primis Ecclesiae seculis celebrabantur, adjectae fuerunt; ut idem dies quotannis, vel post eorum obitum perpetuo recolendus esset<sup>4</sup>. Ac propterea, ut recte notat Quesnel-

<sup>1</sup> Serm. xxxii. de verbo Domini.

<sup>2</sup> Serm. 1. c. 111. Serm. 111.

<sup>3</sup> in T. II. Mus. Ital. n. 26. 27. et 36. et in T. I. Gloss. Carpentier p. 1153. Franc. Corneus de commemoratione Anniversaria

Coronationis Summi Pontificis.

<sup>4</sup> V. Baronum. ad Martyrologium. p. 13.

Rosveidum. ad epistol. xvi. S. Paullini. S. Boussaeum. in dissert. xxvii. noctium Theologicarum pag. 325. Ernestum Sal.

lius<sup>1</sup>, Romanum Martyrologium nobis exhibet singulos Basili Caesariensis, Ambrosii, Zenonis, Paullini, Augustini, Leonis, Hilari, Martini Turonensis ordinationum dies annua sollemnitate celebrandos. Alicubi vero, praeter ceteras caeremonias, stipem<sup>2</sup>, et congiarium mendicis impertienda, Ritualia praescribebant, ut discimus ex Ord. Eccl. Mediol. ann. circ. mcxxx, ubi traditur<sup>3</sup>. In Ordinatione S. Ambrosii, ad ejusdem Ecclesiam pauperibus dat Archiepiscopus pro elemosina .... Baffam unam .... si vero in sexta feria festum praedictum venerit, Archiepiscopus tantum tribuit casei, quantum Baffa sub aestimatione valeret. Praeterea Conc. Lemovicense anno mxxx. haec habet<sup>3</sup>. Hanc etiam diem statuimus habendam in recordatione omnibus annis, qua (Sanctus Martialis) translatus est; qua etiam die Cathedra ejus, hoc est Ordinatio, sive initium Episcopatus ejus est, non quod eadem die consecratus sit in Episcopum, sed sicut est Cathedra B. Petri Antiochiae, itemque Cathedra Romae, non quod tunc consecratus sit Episcopus, qui a Domino jam olim consecrationem suscepereat Pontificalem, sed quia tunc primum in illa die apud easdem Ecclesias sedit, ad suscipiendum super populum Dei regimen pastorale. Idem de Gregorio M. aperte liquet, de quo sub die 11I. Septemb., ita in Martyrologio adnotatur<sup>4</sup>. Romae Ordinatio incomparabilis Viri S. Gregorii Magni in Summum Pontificem, qui onus illud subire coactus, e sublimiori throno, clarioribus Sanctitatis radiis in Orbe refulsit. Hoc idem festum in multis aliis Sanctorum fastis memoratur, atque inter Auctaria ad Vsuar-

Cyprianum. in Programm. x. de natalitiis Episcoporum. Colburgi 1708. 8. pag. 66. Willhelmm Ern. Tenzelium. in Sche diasm. de Natalitiis Episcoporum. in ejus exercit. select. Lips. 1692. 4. P. I. p. 344. Ioh. Henric. Stussiuni. de Nata-

litiis Ecclesiasticis. Gothae 1737. 4. §. 11I.

1 T. II. Opp. Leon. edit. Baller. p. 600.

2 in T. IV. Ant. Ital. med. aevi apud Murat. col. 926, et Carpent. in T.I. p. 418.

3 Sess. I.

4 p. 437. litt. o.

dum, et *inter Orationes, et Preces de Natalitiis SS.* a Thomasio<sup>1</sup> evulgatas, nonis Septembr., idest III. die Septembris, in qua praefigitur *Ordinatio S. Gregorii Papae ad S. Petrum*, quinque Orationes occurunt.

Qua de caussa ad eamdem diem Bollandistae<sup>2</sup>, ubi Sanctos praetermissos, et in alios dies dilatos adnotarunt, allata Romani Martyrologii verba proferentes, hujus festi meminerunt. At cur neque iidem *Gregorii Acta*<sup>3</sup> copiose illustrantes, neque Maurini, qui ejus vitam, operumque editionem adornarunt, aliam de eo mentionem fecerint, non intelligo. Nam vel anniversaria *Gregorii* sollemnitas, quum apud Latinos diem certam non haberit, in iis praesertim Ecclesiis, quae a celebrandis Sanctorum festis per dies esuriales, ex veteri disciplinae usu abstinebant, atque iccirco a nonnullis ad diem xxvi. Aprilis, aut ad xxix. Martii fuerit translata, ut apud Leodicense<sup>4</sup>, nihilominus a multis etiam hac ipsa ejus *Ordinationis* die celebrata fuit. Id olim vel in Urbe factum fuisse testatur Radulphus Praepositus Turenensis, qui nullum Romae in Quadragesima festum celebrari consueisse tradidit, ac propterea Annunciationis ante Christi nativitatem, S. *Gregorii* ad diem II. Septembris, in quam incurrit ejus *ordinatio*, ac S. Benedicti festa ad mensem Julium fuisse translata. Quocirca, saltem ob hanc caussam, hujusmodi festum, peculiari memoria dignum profecto videbatur.

Dolendum vero maxime est, ut jure meritoque pronunciavit Bartholomaeus Plazza<sup>5</sup>, quod felicissima tam sollemnitis diei recordatio, quae adhuc in Ecclesia Am-

<sup>1</sup> T. II. edit. Vezzos. p. 511.

<sup>2</sup> T. I. Septem. p. 597.

<sup>3</sup> T. II. Martii.

<sup>4</sup> Radulph. de Observant. Can. c. xvi. et

Hosipianus de Origine festorum p. 50.

<sup>5</sup> in Ephemer. Vat. p. 521.

brosiana, in Ordine Cluniacensium, in Diaecesi Aurelianensi, aliisque in locis relligiosissime retinetur, Romae, ubi in primis perpetuo celebranda erat, plane desueverit.

Sed, ut in viam redeamus, Cellam hanc *Gregorianam* in locum *Secretarii antiquissimi* successisse, eoque translatas *Gregorii M.* exuvias fuisse, satis arbitror ex iis, quae hactenus attulimus, constare inter omnes debere. Ludovici autem Jacobi a S. Carolo opinionem, quid heic ego morer, qui non, uti ceteri Scriptores, in uno ex Altaribus Vaticanae Basilicae conditum *Gregorii Corpus*, sed *e Vaticano deductum ad Monasterium S. Andreea*, nunc *S. Gregorii*, et *sub Altari S. Apostoli sacro positum* fuisse affirmavit? Nam alibi etiam lapsus est vir, ceteroqui eruditissimus, cuius *Bibliotheca Pontificia*<sup>1</sup>, summopere optandum esset, ut collata cum iis, quae Gaspar Sagittarius<sup>2</sup> adjecit, novis accessionibus, atque emendationibus locupletata, in lucem prodiret. At fortasse in hunc errorem incidit, quod, ut etiam Oldoinius<sup>3</sup> animadvertit, in Coelimontio ad Clivum Scauri, S. Doctoris brachium, Panvinio teste<sup>4</sup>, custoditur, ut in aliis Vrbis Ecclesiis aliae ejusdem reliquiae. Nil aeque dicam de altera Gasparis Alveri conjectura, qui *Gregorium M.* in *Sacrario* nuper everso, a *Gregorio IV.* collocatum esse suspicatus est. De ea enim loco suo disseremus.

<sup>1</sup> Lugduni 1643.

Pontificum Romanorum universalis.

<sup>2</sup> in *Introduct. in Hist. Eccl. Ienae* 1718.

<sup>3</sup> T. I. Ciacconii col. 417.

T. I. p. 650. c. xxv. de *Scriptoribus Hist.*

<sup>4</sup> de *vI Eccl.* p. 142.

§. v.

*Caussae , quibus in vero Gregorianae hujus Cellae  
loco assignando , Scriptores in diversa abierint ,  
explanantur .*

Quod hac de re , adeo confuse , ac perturbate scripserint , totque in sententias , tam pugnantes , tam alienas discesserint allati auctores , id si quis miretur , is hujus dissentionis , et varietatis caussas has a nobis accipiat . Ac primo , quod fere omnes , centum , aut ducentis annis , postquam sub Altari S. Andreae Corpus Gregorii M. a Pio II. depositum fuerat , de *Cella Gregoriana* disputarunt . Ac proinde antiquorem , cum aliis , sed praecipue cum ea a Pio II. erecta commutarunt . Secundo , quod et memoria Cellae *Gregorianae* , super Secretarium antiquissimum constructae , vetustaeque translationis illuc factae a Gregorio IV. jam obsoleverat , ejusque Corpus inde eductum , nomen quoque suum Altari , quod *Pius* II. construxerat , sensim communicaverat . Tertio denique , quod celeberrima imago S. Mariae a Febribus nuncupata , in *Cellam Gregorianam* a Gregorio IV. excitatam , aliunde illata , quod ibi fortasse reliquum erat nominis *Gregoriani* , celebritate sua , ac nova nominis fama , penitus extinxit .

Quam vero certum sit , Cellam hanc *Gregorianam* , antiquo nomine amissso , deinde S. M. a Febribus , vulgo audisse , constat ex multis scriptoribus , sed praesertim ex Panvinio . Eos optimos rei testes in medium profero . Panvinii verba haec sunt<sup>1</sup> . *Gregorii Corpus in extrema Porticu Bas. B. Petri ante Secretarium tunc antiquissimum . . .*

<sup>1</sup> T. II. ms. c. xxiiI. p. 113.

sepultum est. Is locus, ut rem acu tangamus, est inter S. M. de Febre, quae antiquitus Secretarium erat, et minorem Portam S. Petri, quae Iudicii dicitur, parieti, sive muro Basilicae affixus. Atque alibi<sup>1</sup>. Proxime eam Portam (nempe Ravennianam) et alia minor Iudicii, quae Ecclesiam vetustissimam S. Gregorii olim, nunc S. M. de Febre dictam respicit, quae antiquitus Secretarium fuit, ut supra dixi<sup>2</sup>, in qua sunt duo perystilia, ex utroque latere, quatuor columnis sustentata, sex insunt Altaria totidem delubris locata, Majus, duo ex uno latere, et tres ex alio. Verum id luculentius etiam demonstrat in capite, quod ita inscribit<sup>3</sup>. De Secretario, quod olim Templum S. Gregorii, nunc S. M. de Febre, ubi ait. Is locus Laterani S. Thomae, apud S. Petrum S. M. de Febre nomine hodie, imperite appellatur a populis. Ac demum idem alibi confirmat hujusmodi verbis<sup>4</sup>. Secretarium vetus, quod olim S. Gregorii, hodie S. M. de Febre, imperite dicitur. Quibus egregie declarat, S. Gregorii Cellam eodem in loco, ubi fuerat Secretarium vetus, seu juxta Joh. Diaconum, quem nos sequuti sumus, antiquissimum, surrexisse, quod demum postremis temporibus vulgo appellari coepit, ab imagine B. M. a Febribus illuc translata. Haec tamen omnium primum exacte notasse comperi Jacobum Grimaldum, qui ita scripsit apud Martinellum<sup>5</sup>. Erat Aedicula S. M. de Febribus conjuncta cum Porticu anteriori, quae erat ante fores antiquae Basilicae a S. Gregorio aedificata, ut habeat Pontificale antiquum dictae Basilicae, unico fornice, octo albis, et altis columnis, Zophoro, sex Sacellis, et absida ornata, cum porta ad Orientem, a Xysto IV. restituta. Quae quidem Grimal-

<sup>1</sup> ibid. p. 136.<sup>2</sup> ibid. p. 113.<sup>4</sup> de vii. Eccl. p. 47.<sup>3</sup> T. II. ms. c. xxvi. p. 29.<sup>5</sup> p. 217.

di verba iterum a Martinellio <sup>1</sup> recitantur , sub titulo *S.M. de Febribus* , ubi addidit , *a moderno scribi* , esse *Sacrarium Basilicae Vaticanae* . Quod manifeste demonstrat , Grimaldi locum , qui ad *Oratorium Gregorianum* a *Gregorio IV.* aedificatum , quô translata fuit *B. V. Imago* , tantum referendus erat , a Martinellio Templo rotundo , ubi eadem effigies primum depicta fuerat , ac postea rediit , praepostere esse attributum . Sed hic Grimaldi locus fraudi etiam fuit Karolo Fontanae , qui ejus verba de Templo rotundo accipiens , inconsulto scripsit <sup>2</sup> . *Sacrarii aedem a Xysto IV. anno 1471. instauratam, restratis muris labantem validius fuisse suffultam* ; quod tantum de *Oratorio Gregoriano* , ut ait idem Grimaldus , a *Xysto IV.* restituto dicendum erat . Ac demum idem Grimaldi locus Marangonio fucum fecit , qui octo albas , altasque columnas , quae in hoc *Gregoriano Oratorio* tantum fuerant , in *Sacrario* nuper dejecto , oscitanter collocavit <sup>3</sup> .

Sed pauca haec obiter adnotata de imagine *D. N. Mariae Febrifugiae* , modo sufficient . Plura enim de ea disputaturi sumus libro sequenti , ubi de Templo rotundo disserendum erit , quod ejus nomini , postremis usque temporibus , sacrum permansit . Nunc , ut ad coeptum nos recipiamus , reliquum est , ad *Cellam Gregorianam* , super *antiquissimum Secretarium* firmius constabiliendam , ut prodam , contiguam plane fuisse *novello Secretario* , ante quod , non longe a *Secretario antiquissimo* , Joh. Diaconus , et Anastasius , a *Gregorio IV.* constructam fuisse testantur . Sed , antequam id a me ptaestetur , est aliud satis intricatum , quod sequenti capite expediam .

<sup>1</sup> p. 372.

<sup>2</sup> p. 69.

<sup>3</sup> Cose Gentilesche ad uso delle Chiese cap. LII. *S. M. de Febribus* p. 261.

## C A P V T X I I I I .

Qualisnam e descriptis Cellis Gregorianis , quibusque de caussis , pro Secretario accepta fuerit ?

De *Cellis Gregorianis* hactenus disputantes , quotplex earum numerus , et quo eae loco positae fuerint , pluribus demonstravimus . Superest nunc , ut sedulo inquiramus , qualisnam earum , tamquam Bas. Vat. *Secretarium accepta* fuerit . Evidem , quotquot *Cellas Gregorianas* fuisse vidimus , totidem fere *Secretaria* fuisse dicendum esset , si fidem Vgonio , Ciampinio , et Mabillonio praestandum esse , quisquam contenderet .

Primus enim , postquam Cellam a *Pio II. S. Andreae* erectam , ac *D. Gregorio* quoque dicatam descriptsit , ibi fuisse addit<sup>1</sup> antiquum *Secretarium Ecclesiae S. Petri* , in quo Papa sacro indui ornatu solebat , ad divina officia peragenda , atque inde cum sollempni pompa procedere ad Altare SS. Apostolorum . Quod seu de antiquissimo , seu de novo accipendum sit , inepte Vgonium loquutum fuisse , et Bull. Vat. editores<sup>1</sup> immerito in ejus sententiam abiisse , palam est . Illud enim ad partem Porticus meridionalem , sub literis dd. exstitis , omnium Ichnographorum consensu demonstravimus . Hoc autem , quum item extra Basilicam fuisse certum sit , ut infra declarabitur , profecto , ubi *Pius II. Cellam B. Andreae Apostoli* erexit , intra Basilicam , statui non posse , nemo non videt .

Ciampinius vero *Secretarium* , quod Vgonius in *Cella Gregoriana* a *Pio II.* erecta collocavit , alteri *Cellae Sancti Gregorii de Palatio* contiguum fuisse scripsit<sup>2</sup> , ubi

<sup>1</sup> p. 99.

<sup>2</sup> T. II. p. 140 , et 141.

<sup>3</sup> p. 96.  
5 G

olim Romani Pontifices dum e Laterano ad Ecclesiam S. Petri accedebant, vestes Pontificias ad divina peragenda assuebant. Quod falsum omnino esse, vel ipse Cellae hujus Gregorianae positus, supra a nobis <sup>1</sup> descriptus, aperte demonstrat. Etsi enim extra Basilicam sita esset, tamen ad septentrionalem ejus partem exstabat, quae feminis adsignata erat. De quo nos, vel una Amalarii auctoritas superius allata dubitare non sinit <sup>2</sup>. Propterea ex hac parte, nimirum *ad dextram introitus*, ut ait Vegius <sup>3</sup>, ac multo antea Mallius etiam <sup>4</sup> docuerat, erat *Porta*, quam Romanam appellatam esse accepimus, ex eo quod Romanae Mulieres antiquitus per eam frequentius Basilicam introirent. Quapropter, quum tantum ad Austrum viri confluenter, ac residerent, qua demum ratione Secretarium, in opposita regione Feminis assignata collocabitur? Quod tamen multo posteriori jure a Ciampinio animadvertisendum erat, qui praeter Secretarium antiquissimum ab se indicatum <sup>5</sup>, aliud etiam haud ita procul ex australi parte, itemque extra Basilicam situm fuisse descripsit <sup>6</sup>, quod unum pro *novello*, de quo infra disseremus, accipiendum erat.

Hoc autem egregie confirmat Mabillonius in *Commentario ad Ordinem Romanum*, ubi agens de forma veterum Basilicarum, haec habet <sup>7</sup>. Secretarium, vulgo Sacristiam, in inferiori parte navis ad austrum collocabant, scilicet ex parte virorum. Vnde in veteri Bas. Vat., et in Lateranensi Secretaria erant ad sinistram ingredientium in easdem Basilicas, quia Basilicae ipsae Orienti obversae, austrum habebant ad sinistram. Verum post haec sapienter animadversa,

<sup>1</sup> p. 725.

<sup>4</sup> ibid. p. 50.

<sup>2</sup> p. 187.

<sup>5</sup> p. 82.

<sup>6</sup> p. 95.

<sup>3</sup> T. vI. Iunii p. 71.

<sup>7</sup> T. II. Mus. Ital. p. xx1L.

nollem, summo viro paucis verbis multa excidissent, quae veritati omnino adversantur. Nam paullo post ita pergit. *In illis porro Secretariis Oratorium etiam habebatur, ut in Lateranensi S. Thomae, in Vaticano S. Gregorii, quod Oratorium nunc S. M. de Febre appellatur. Sed neutrum modo pro Secretario est.*

Ac primo, *Oratorium S. Gregorii*, quod in *Secretario Vaticano*, certo exstisset tradidit, nonnisi super antiquissimi *Secretarii* ruinas exstructum a *Gregorio IV*, ante novellum *Secretarium* fuisse, jam deprehendimus. II. Falsum omnino est, idem *Oratorium* sua aetate, *S. M. de Febre* appellatum esse. Hoc enim, dum ille scriberet, multo pridem solo dejectum fuerat; atque *Oratorium*, quod tunc revera *S. M. de Febre* sacrum exstabat, erat *Sacramentum* nuper eversum, quod nunquam *Gregorio* dicatum fuisse, loco suo demonstrabimus. III. Si *Oratorium Sancti Gregorii*, sua aetate *S. M. de Febre* appellabatur, quomodo affirmare potuit, pro *Secretario* amplius non esse? Ceterum in eumdem scopulum incaute impegit Edmundus Martene, qui ait<sup>1</sup>. *Secretaria olim Templi vicem referebant, utpote in quibus erecta erant Altaria, ut in Lateranensi S. Thomae, in Vaticano S. Gregorii, uti observavit Mabillonius in Commentario praevio ad Ordinem Romanum*. Eidem sententiae adhaesit Dominicus Georgius, qui ita scriptum reliquit<sup>2</sup>. *Observandum esse ducimus, Secretaria Basilicae Lateranensis, et Vaticanae fuisse ad sinistram ingredientium in eas Basilicas, quia eae ad Orientem obversaverant. In his etiam Secretariis, ut diximus, Oratorium erat, in Lateranensi S. Thomae, et in Vaticana Sancti Gregorii*. Sed priusquam caussas adducam, quibus

<sup>1</sup> de Ant. Eccl. rit. T. II. p. 862.

<sup>2</sup> de Liturgia Rom. Pont. T. I. p. 76,

Mabillonius , Martenius , Georgius , aliquie in hujusmodi errorem incidisse videntur , ejusdem Georgii verba in medium afferenda esse duco , quae eamdem opinionem animo penitus imbibisse , satis manifeste declarant . Ipse enim illustrans *Liturgiam Romani Pontificis*<sup>1</sup> , ex *vetustissimo more descendere* , generatim affirmavit , ut *Romani Pontifices* , quoties sollemniter in *Basilica Principis Apostolorum* celebraturi sunt , in Sacello S. Gregorii *sacra indumenta sumant* , ac eo , ex *veteri consuetudine* , tamquam antiquo Secretario , etiamnum utantur .

Jam vero , quum probatum abunde sit , neque in Cella a Pio II. exstructa , multoque minus in alteris de *Palatio* , ac de *Cortina* , neque in ea , quam Gregorius IV. erexit , quae solae fuerunt in Bas. Vat. Cellae , Gregorio dicatae , *Secretarium exstitisse* ; caussas modo juvat inquire , quibus nihilominus allati Scriptores , *Secretarium Vaticanum idem esse* , quod *Cellam Gregorianam* , sibi persuaserint .

Quum statim post Gregorii obitum , sacrae ejus exuviae in *Vestibulo Secretarii antiquissimi* fuerint collocatae , deinde vero in *Oratorium* ejus honori dicatum translatae , quod supra ejusdem *Secretarii antiquissimi* ruinas erectum , ante novellum *Secretarium* stetit , argendum fortasse est , perpetuam Gregorii cinerum , et *Secretarii antiquissimi* , et *novelli* propinquitatem effecisse , ut quoties *Cella Gregoriana* nominaretur , toties *Secretarium* ei contiguum nominari quodammodo videretur , ac unum pro altera promiscue acciperetur . Atque hinc factum esse arbitror , ut *Nicolaus Signorilis Pop. Rom. Secretarius* in opere , quod exstat ms. in Bibl. Vat.<sup>2</sup> , cui titulus *de Iuribus almae Romae* , quodque , jubente Martino V , exaravit , ubi de

<sup>1</sup> T. III. p. 74.

<sup>2</sup> Cod. 3536.

SS. reliquiis in Vrbe adservatis disserit, ita scripserit. Item una Crux argentea deaurata, et lapidibus pretiosis ornata, quae dicitur Crux S. Gregorii, in qua est de Ligno verae, et salutiferae Crucis D. N. I. C. Quum enim Sacramentum, ubi relligiose adservabatur, pone S. Gregorii Cellam esset, fortasse huic etiam Cruci, Gregorii nomen communicavit, ut conjectit Cl. Praesul Stephanus Borgia<sup>1</sup>, qui huic conjecturae aliam quoque adjecit, quod nempe Gregorius hujusmodi Cruce frequenter uti potuit. Et sane Panvinius<sup>2</sup>, qui ex opere Signorilis, reliquiarum Bas. Vat. indicem confecit, hanc S. Gregorii Crucem inter eas recenset<sup>3</sup>, quas in Sacristia dictae Ecclesiae conservari adnotavit. Quapropter Borgiae sententiae prope assentior, ni potius dicendum sit, hujusmodi Crucem vulgo ita nuncupatam, quod statis anni diebus in ara proxima, Gregorio dicata, publico cultui exponeretur.

Praeterea, quum, uti loco suo pluribus ostendemus, imago B. M. a Febribus, in Cellam a Gregorio IV. exstructam translata fuerit, ibique aliquamdiu steterit, priusquam in Sacrum recens dejectum reverteretur, id Mabillonio praesertim, fraudi fuisse puto, cur Cellam Gregorianam, pro Secretario acceperit. Quum enim, dum ea literis consignaret, imaginem B. M. a Febribus in Sacrum fuisse sciret, ignorans fortasse, eam alibi olim exstitissem, recentiorem B. V. sedem, quae tunc re ipsa Secretarium erat, cum antiquiori confudit, quae, quum eō translata fuit eadem effigies, Secretarium amplius non erat, sed Oratorium Gregorio dicatum. Ceterum ne hoc quidem modo, ut dicam, quod est, Mabillonius omni culpa liberatur, qui rursus sibi ipsi repugnavit, illud etiam

<sup>1</sup> de Cruce Vat. p. 65. <sup>2</sup> T. III. ms. c. xxxii. fol. 42. <sup>3</sup> ibid. fol. 43.

affirmans, uti supra animadvertisimus<sup>1</sup>, *Oratorium B. M.*  
*de Febre pro Secretario minime esse.*

Hujusmodi vero persuasionem altius animis infixam fuisse opinor, ex eo quod, quasi *Gregorii cineres* a *Secretario* nunquam disjungi vellent, eodem plane loco, ubi prius *Secretarium novellum* steterat, deinde *Cella Gregoriana* a Clemente VIII. exstructa est, ibique a Paullo V, in postrema translatione, SS. Pontificis exuviae repositae. Itaque pari modo, quo *Oratorium Gregorianum* idem esse, quod *Secretarium*, antiquitus pronunciarunt, et ipsam *Cellam Clementinam*, ut inferius demonstrabimus, *Secretarium* nuncuparunt. Quis autem non videt, tam maiores nostros minus proprie loquutos esse, quam certe nunc inscite loqueretur, quicumque *Cellam Clementinam*, *Sacrarium* appellaret; etsi, tamquam ex veteri jure, ac possessione, vel *novo Sacrario* continentem esse videamus?

Sed, quum hujusmodi caussis nondum satis acquiescerem, aliasque probabiliores inquirerem, quibus antiquiores Cellae *Gregorio* sacrae, pro *Secretario* fuerint acceptae, id tandem ex eo potissimum repetendum esse novi, quod singulares ritus in *Coena Domini* peractos in Cella a *Gregorio IV.* constructa, et sollemnes quasdam caeremonias in *Pontificum Consecratione*, et in *Imperatorum Coronatione*, vel ab antiquissimis temporibus, non solum in eadem Cella, sed deinde etiam in altera, quam *Pius II.* exstruxit, fieri consuevisse deprehendi. Quod praecipue quidem a Panvinio discimus, qui etsi a Vegio deceptus, ut infra declarabitur, sollemnes *Pontificum Consecrationis* caeremonias, in Altari *S. Andreae* a Symmacho constructo celebratas fuisse scripserit, tamen alibi disserens

<sup>1</sup> p. 132.

de Altari SS. Andreae , et Gregorii , quod Pius II. excitavit , haec recte pronunciantem , audivimus <sup>1.</sup> Die Coronationis Pontifici pro Secretario deservit . Idem leges apud eumdem , ubi ait <sup>2.</sup> Id Sacellum nunc pro Secretario in Pontificis Coronatione usui est , totum cancellis marmoreis per intercolumnia , et testudine lateritia a Pio II. facta conclusum . Ac rursus idem confirmat hoc modo <sup>1.</sup> Hoc Oratorium nunc pro Secretario est in usu , quando Pontifex Rom. consecratur . Quum enim hujusmodi ritus in Sacrario tantum peractos , ac peragendos esse sibi persuaserint , iccirco quaslibet Gregorii Cellas , ubi haec acta fuisse constat , pro totidem Sacrariis habuerunt . Itaque operae pretium esse duco in medium proferre veterum Ordinum , ac Caeremonialium loca , in quibus hujusmodi ritus fuse describuntur . Hinc enim , praeter jucundissimam rerum pulcerrimarum cognitionem , quae in tam augustis , ac sollemnibus caeremoniis , ex veteri instituto fieri consueverunt , illud in primis constabit , quod maxime ad suscepti operis rationem pertinet , Cellas Gregorianas cum Secretariis perpetram fuisse permixtas , atque confusas . Sed primum caeremonias , Feria v. in Coena Domini , in Cella Gregoriana habitas explicemus .

1 p. 694.

2 T. II. ms. p. 140.

3 T. II. ms. fol. 13.



## C A P V T X V.

*De ritibus olim servatis, Feria v. in Coena Domini,  
in Cella a Gregorio IV. constructa.*

*Cellam Gregorianam, quam Gregorius IV. exstruxit, a Bas.  
Vat. sejunctam, et a Secretario diversam fuisse, apertis-  
sime, planissimeque docet insignis Ordinis x. locus a  
Grimaldo<sup>1</sup>, et Panvinio<sup>2</sup> etiam allatus, qui doctissimo  
Mabillonio<sup>3</sup> visus est antiquior Seculo xiiI, ac potius  
ad xi. revocandus. Inter omnes Ordines ab eodem evul-  
gatos, primus hic est, ubi S. Gregorii Cella nomina-  
tur. En tibi Ordinis verba<sup>4</sup>. Qualiter agendum sit v. fe-  
ria in Coena Domini. Statio ad S. Iohannem ad Lateranum.  
Antequam Dominus Papa exeat de camera, dicit Tertiam. Ho-  
ra vero vi. exit Dominus Papa de Palatio cum Episcopis, et  
Cardinalibus, et cum toto apparatu Curiae veniens ad Pala-  
tium majus, ubi solet esse hospitium Episcopi Albanensis, stans  
ibi in loco eminenti sermocinatur ad populum, ut moris est,  
et postea recitantur sententiae: et facta confessione per Diacono-  
num Cardinalem, et absolutione per Papam, datur populo in-  
dulgentia. Peractis iis omnibus, descendit ad Ecclesiam Late-  
ranensem, et intrat Ecclesiam Sancti Thomae, et dicit cum  
Capellanis suis Nonam. Sed si est ad Ecclesiam S. Petri,  
descendit ad praefatam Ecclesiam, veniens ante Secretarium,  
ad Capellam S. Gregorii, et dicit ibi Nonam.*

Heic autem, ad hujusmodi verborum explanationem  
Joh. Diaconi locus in appendice Ordinis Rom. a Ma-  
billonio<sup>5</sup> editus proferendus est, ut hoc alterum Basi-

<sup>1</sup> in lib. instr. fol. 60.    <sup>2</sup> T. II. ms.    <sup>4</sup> n. II. p. 97.

<sup>3</sup> T. II. Mus. It. p. 95.

<sup>5</sup> T. II. Mus. Ital. in l. de Eccl. Later. p. 569.

licae Lateranensis Secretarium, praeter alia superius<sup>1</sup> descripta, illustremus. In Atrio quoque ipsius Basilicae, Oratorium est pulcrum, et ibi est Altare S. Thomae Apostoli. In hoc quidem Oratorio, quod fecit Iohannes Papa, qui renovavit Ecclesiam, induit se Pontifex vestimenta Sacerdotalia, et Pontificalia, quando debet celebrare Missam in Stationibus istius Basilicae. De hoc enim Oratorio exiens cum processione, intrat Basilicam, et vadit ad Sacrosanctum Altare dominicum, quod omnium Altarium solum habet principatum. Post haec, Grimaldum quoque praestat audire, ita docentem<sup>2</sup>. Exstat hodie Secretarium antiquum S. Thomae in Ecclesia Lateranensi in extrema navi ad laevam, majorem portam introeuntibus. Supra Secretarii ostium cernitur hodie antiquissima pictura, quomodo Papa sub linteo, sive baldachino, a Secretario pergebat in Processione ad Altare ad divina peragenda. Hujus autem picturae delineationem, praeter Rasponum<sup>3</sup>, qui idem Oratorium, a Joh. Diacono descriptum<sup>4</sup>, pluribus illustrat, exhibent etiam Papebrochius<sup>5</sup>, et Ciampinius<sup>6</sup>. Sed ad nostrum Ordinem revertamur, qui ita pergit<sup>7</sup>.

Deinde tam Pontifex, quam Episcopi, Presbyteri, Diaconi, et alii Clerici, quisque induatur ornatu sui Ordinis. Pontifex induit vestimenta alba, Episcopi pluvialia, Presbyteri planetas, Diaconi dalmaticas, pro reverentia chrismatis. Pontifex vero jam indutus dalmatica, habens manum ad collum, sedeat in sede sua: cui praesentetur ampulla, quae major est cum oleo ab Acolythis, et balsamum: et ipse Pontifex balsamum cum oleo commisceat, et conficiat, circumvolvendo cum

<sup>1</sup> p. 344. 345. 649. 656. 730.

<sup>5</sup> in Conatu Cronistor. ad Catalogum

<sup>2</sup> in lib. Instr. fol. 70. <sup>3</sup> p. 63.

Pontificum p. 161.

<sup>4</sup> T. II. Mus. Ital. in App. Ord. Rom.  
pag. 569.

<sup>6</sup> de Sacr. Aedif. p. 14. Tab. iv.

<sup>7</sup> ibid. p. 98. n. 3.

palmis baculum immissum in ampullam . Omnes vero ampulae remaneant ibi , et diligenter custodiantur , quousque ad Altare portantur . Postmodum autem Pontifex lotis manibus , induitus planeta , procedit cum Episcopis , Presbyteris , Diaconibus , et Subdiaconibus , et Acolythis , et omnibus Ordinibus , et habeant in processione Crucem , Evangelium , septem candelabra , turibulum cum incenso ; et sic processionaliter pergant ad Altare cum ampulla , et facta confessione , et reverentia , adscendit sedem suam . Interim autem decantetur a Cantoribus Introitus sine Gloria Patri , et finito versu primo , repetatur Introitus . Deinde Pontifex dicit excelsa voce , Gloria in excelsis Deo . Dicta oratione , lecta epistola , et Evangelio , factoque sermone ad populum , si voluerit , et Credo in unum Deum decantato , prosequatur Missa ordine suo , et conficiat duas hostias , unam scilicet sumendam , alteram reservandam in crastinum , ac tot , quot necessariae fuerint pro iis , qui hodie sunt communicaturi .

Postquam Dominus Papa intrat ad sacrificandum , tunc Acolythus conductit juniores Diaconum Cardinalem , et cum eo plures Subdiaconi . Vnus autem ex eis Subdiaconis portet Crucem , Acolyto antecedente cum turibulo , et ture . Et sic processionaliter vadunt ad Ecclesiam Sancti Thomae <sup>1</sup> , vel Sancti Gregorii , ubi ampullae cum chrismate , et oleo conservantur . Cardinalis Diaconus accipit illam ampullam , quae est Chrismatis : duo alii Subdiaconi accipiunt illas duas olei exortizati , et olei infirmorum , portantes eas super brachium sinistrum , et eo modo , quo iverunt , revertantur .

Aliis vero caeremoniis descriptis , concludit his verbis <sup>2</sup> . Post benedictionem vero istam , omnes Episcopi , et Presbyteri Cardinales , et alii Episcopi salutent sanctum Chrisma ,

<sup>1</sup> Turrigio Grotte Vat. p. 436.

<sup>2</sup> ibid. num. II. p. 101.

et oleum, ter pro quolibet, et in salutando inclinent capita dicentes. Ave sanctum Chrisma, ter pro quolibet, et deosculentur ampullam semel tantum, et deferatur a Subdiacono ampulla olei; et summus Pontifex salutet oleum, et deosculando ampullam, sicut fecit de Chrismate, et ceteri omnes salutent per ordinem ampullam in deosculando. Postea reportentur ampullae processionaliter, sicut fuerunt adductae, ad Sacra-rium, vel locum, ubi sedere debent, et inde distribuantur unicuique, sicut decet, et fuerit opportunum.

Quid autem, rogo, hujusce praestantissimi Ordinis scriptor adjicere poterat, ut luculentius declararet, Bas. Vat. Secretarium, a Cella S. Gregorii esse distinctum, et separatum? Quum enim Secretarium Lateranense esset Oratorium vetustissimum, Panvinio teste<sup>1</sup>, a Johanne XII. excitatum, ac D. Thomae sacrum, ne quis idem de Secretario Vaticano suspicaretur, et pari modo Gregorio M. dicatum esse crederet, apposite adnotavit<sup>2</sup>, sed si est ad Ecclesiam S. Petri, descendit ad praefatam Ecclesiam, veniens ante Secretarium, ad Capellam S. Gregorii. Ac rursus, ne quis forte persuasum haberet, ampullas in alio loco, praeter Sacrarium, servari non potuisse, ac propterea, si in Capella S. Gregorii deponebantur, eamdem ipsum fuisse Sacrarium contenderet, consulto videatur adjecisse<sup>3</sup>, reportentur ampullae processionaliter ad Sacrarium, vel locum, ubi sedere debent.

Age vero, in hanc rem cetera posteriorum Ordinum testimonia proferamus. Ac primus occurrit Benedictus Canonicus, cuius illa sunt verba in Ordine xI.<sup>4</sup> In Coena Domini . . . ad Missam descendit summus Pontifex in Secretarium. Praeparatis ampullis plenis oleo, miscitat balsamum

<sup>1</sup> de vI. Eccl. p. 123. <sup>2</sup> loc. cit. p. 98. <sup>3</sup> loc. cit. p. 101. <sup>4</sup> ib. n. 40. p. 136.

cum oleo . Deinde se innuit cum omnibus aliis , et habet septem candelabra ante se accensa : et cum processione procedit ad Altare cum linteo extenso super caput ejus .

Quaeres fortasse , cur Capella Sancti Thomae , aut Sancti Gregorii , in hoc Ordine minime nominentur ? Atqui non heic sermo est de temporibus Gregorio IV. anterioribus , ut in Ordine I<sup>1</sup> , ubi de Cellis S. Thomae , aut S. Gregorii nondum erectis , ne verbum quidem fieri , quum , uti vidimus , hujusmodi caeremonia describitur , mirandum minime est . Contra vero in Ordine xI , ubi Cencius describit , quid Dominus Papa facere debeat in Coena Domini , haec habet <sup>2</sup> . Descendit ad Ecclesiam Sancti Iohannis Lateranensis cum mitra - sine frisio , hora sexta : et facta oratione ante Cruces , pergit ad Secretarium , ad Ecclesiam Sancti Thomae , cum Episcopis , Cardinalibus , et aliis Ordinibus , ibique cantat Nonam . Quid igitur reponam ? id nimirum ; hoc loco Cencium , dumtaxat Ecclesiam S. Thomae nominasse , quod tantum de caeremoniis in Bas. Lateranensi ea die obeundis dissereret ; quas vel ipse Benedictus unice indicare voluit , quum generatim ea die Pontificem in Secretarium introeuntem descriptsit . Id tamen minime praetermisit P. Amelius in Ord. xv <sup>3</sup> , qui caeremonias describens in Capella peragendas de ampullis in die Iovis sancta , in Coena Domini , disertis verbis declarat , sic processionaliter vadunt ad Capellam S. Thomae , vel S. Gregorii , vel ubi ampullae cum chrismate , et cum oleo conservantur . Et paullo post <sup>4</sup> . Reportantur ampullae processionaliter , sicut fuerunt adductae ad Sacrarium , vel ad locum , quem Sacrista ordinavit , ubi stare debent .

<sup>1</sup> ibid. p. 20. et 33.

<sup>2</sup> c. XI. p. 178.

<sup>3</sup> c. LXIII. p. 483.

<sup>4</sup> p. 484.

Neque vero Jac. Cajetanus in Ord. XIV. audiendus est, quem variis in locis interpolatum ipse Mabillonius fatetur<sup>1</sup>, ubi agens de officio feriae quintae in Coena Domini, sic absolvit<sup>2</sup>. Peractis his omnibus descendit ad Ecclesiam Lateranensem, et intrat Ecclesiam veniens, ante Sacrarium ad Ecclesiam Sancti Georgii, et dicit ibi Nonam; aliisque caeremoniis expletis, quas supra indicavimus, ab eo descriptis<sup>3</sup>, sic processionaliter vadunt ad Ecclesiam S. Iohannis, vel Sancti Georgii, ubi ampullae cum chrismate, et oleo conservantur. Vtrumque enim locum non carere mendo, atque Gregorii pro Georgii legendum esse, recte existimaveris. Neque a vero fortasse discesseris, si nonnulla etiam hoc loco deesse suspicaberis. Haud enim ibi Sancti Gregorii Basilicam a Cencio descriptam, indicari facile putem, sed potius Cellam Gregorianam Bas. Vat., quae ante Sacrarium exstabat. Ibi enim si chrismatis confectio celebranda esset, non in Secretario, ut in Basilica Lateranensi, sed ante Secretarium ad Cellam S. Gregorii pergendum erat; quod et adnotavit Georgius<sup>4</sup>, quin tamen Cellam Gregorianam a Secretario distinguendam esse cognosceret. Ceterum Jac. Cajetanus, seu quicumque fuit hujusce Ordinis consarcinator, Ordinem x. supra descriptum<sup>5</sup> certe respexit, nec tamen satis accurate, ut ibi legitur, caeremonias, quae in Bas. Lateranensi fieri debebant, ab iis in Bas. Vat. peragendis distinxit. Ac profecto plura ex Ord. x. excerpta, ac in Ordinem XIV. derivata, ex eo etiam liquet, quod ibidem<sup>6</sup> praecipiatur iisdem fere verbis, atque utitur Ordo x<sup>8</sup>, cum reverentia, et omni devotione mensam cavi Altaris Bas. Later.

<sup>1</sup> ibid. p. 357.<sup>4</sup> p. 96.<sup>5</sup> T. II. p. 23.<sup>2</sup> num. LXXXII. p. 354.<sup>6</sup> p. 138.<sup>3</sup> ibid. p. 355.<sup>7</sup> ibid. p. 356.<sup>8</sup> ibid. n. 7. p. 99.

a Diaconibus , et Subdiaconibus removeri , palliis de-super complicatis , ne aditum ad interiora occluderet , utque ea die Pontifex intra ipsum Altare sacris operaretur , transferri in *Capellam S. Pancratii* , juxta *Claustrum Canonicorum* , quod ibi est locus conservationis , atque ubi deinde fuit novum *Sacrarium Basilica Lateranensis* , antiquioris loco , quod S. Thomae sacrum fuerat , ab Eugenio IV. constructum , ut tradunt Panvinius<sup>1</sup> , Rasponius<sup>2</sup> , et Vignolius<sup>3</sup> .

Praeterea hanc emendationem probandam , ac recipiendam , id etiam suadet , quod S. Georgii Oratorium nunquam exstitit pone Basilicam Lateranensem . Nam , ut ex Anastasio accepimus<sup>4</sup> , Zacharias , qui in venerabili Patriarchio *sacratissimum B. Georgii Martyris in capsula reconditum reperit Caput* , in qua et pictacium pariter invenit litteris exaratum graecis , ipsius Caput esse significans , omnino hilaris , et satisfactus , illico aggregato hujus Romanae Vrbis populo , cum hymnis , et canticis spiritualibus , in venerabilem Diaconiam ejus nomine consecratam , sitam in hac Romana Civitate , regione secunda ad velum aureum , illud deduci fecit , ubi immensa beneficia , atque miracula omnipotens Deus , ad laudem nominis sui , per eundem *sacratissimum Martyrem operari dignatur* .

Ac demum nemo ambiget , praedicti Ordinis locum esse corrigendum , quod pluries Georgii nomen pro Gregorii nomine irrepsisse constat apud Scriptores , quorum loca inferius indicabimus .

<sup>1</sup> de vii. Eccl. p. 24.

et ibid. n. vi. p. 289.

<sup>2</sup> p. 68.

<sup>4</sup> T. iI. §. xxiv. p. 80. et apud Rasponum

<sup>3</sup> T. iI. in vita Leonis iI. n. ii. p. 275.

lib. iv. c. ii. p. 300.

## C A P V T X V I .

*De sollemnibus Caeremoniis in Pontificum Consecratione, et Coronatione peractis, in Cella a Gregorio IV. exstructa.*

Jam vero, quum prolati ipsorum Ordinum testimoniis, quaé nonnullos in contrariam sententiam adduxerunt, sacros ritus *Feria v. in Coena Domini* obeundos, nunquam in *Secretario*, sed in *Cella Gregoriana* peractos esse probavimus, id ipsum de aliis caeremoniis, quae in *Pontificum Consecratione, et Coronatione* celerabantur, usuvenisse mox ostendemus. Sed primum de *Scriptoribus*, qui hujusmodi caeremonias praecipue illustrarunt, pauca delibemus. Nolim tamen, hujusmodi caeremoniarum lectio-  
nem suscipiat, qui faveat acerrimis Liturgiae osoribus, Dallaeo<sup>1</sup>, Hospiniano<sup>2</sup>, Montacutio<sup>3</sup>, Hildebrando<sup>4</sup>, Calvorio<sup>5</sup>, Musardo<sup>6</sup>, Coniiers Middletono<sup>7</sup>, ceteris-  
que, qui Vigilantii, Tanchelmitarum, Petrobusianorum, Henricianorum, Thaboritarum, ac Valdensium errores renovare, atque instaurare conati sunt. Nil certe magis irriteret, atque contemneret. Contra vero hujusmodi rituum descriptionem libentissime percurrent, qui probe noscant solidissimarum rationum momenta, qnibus ad-  
versariorum criminationes Cochlaeus<sup>8</sup>, Pistorius<sup>9</sup>, Ferrandus<sup>10</sup>, Durantus<sup>11</sup>, Casalius<sup>12</sup>, Cardinalis Bona<sup>13</sup>,

<sup>1</sup> de cult. religiosis Latinor. Genevae 1761.

Amsterdam 1744.

<sup>2</sup> de orig. et progressu Rit. Tiguri 1586.

8 Defensio Caeremoniar. Ingolstad. 1544.

<sup>3</sup> Origines Ecclesiasticae. Londini 1640.

9 Colloquia adversus Caeremoniarum oppressores. Lutetiae 1643.

<sup>4</sup> Varia Sacra Christianor. Helmst. 1665.

10 Reponse à l'apologie pour la reforme, et pour les reformateurs. a Paris 1685.

<sup>5</sup> Rituale Eccl. Evangelicae. Tigur. 1604.

11 De ritib. Eccl. Catholicae. Paris. 1692.

<sup>6</sup> Conformités des Ceremonies modernes avec les anciennes. a Leyde 1663.

12 De veteribus Christianorum ritibus. Francofurti, et Hannoverae 1691.

<sup>7</sup> Lettre écrite de Rome, où l'on montre l'exakte conformité, qu'il y a entre le Papisme, et la Religion des Romains.

13 Rerum Liturgicarum libri.

Bellotius<sup>1</sup>, ac potissimum Dominicus Georgius<sup>2</sup>, aliquique sexcenti validissime confutarunt.

Itaque, ut de re dicere incipiam, Onuphrius Panvinius, praeter rituum Ecclesiasticorum, sive sacrarum Caeremoniarum libros tres a Christophoro Marcello, Archiep. Cyrenensi electo, Venetiis in lucem emissos, Leonis X. privilegio, an. MDLVI, novamque Rom. Ord. editionem, quam primus omnium adornaverat ann. MDLXI. Georgius Cassander, librum ritualem Cencii Camerarii Cardinalis *de Consuetudinibus, et Observantiis Ecclesiae Romanae*, ex uberiori ejusdem Cencii opere *de Censibus concinnatum*, novoque ordine tres in partes distributum, in vulgus emittere paraverat. Sed immatura morte praereptus, opus pulcherrimum evulgare non potuit, magno rei Liturgicae detimento, integrumque in Bibliotheca Palatino Vaticana, doctissimi Viri manu exaratum, et in Regia Parisiensi, adhuc adservatur. Postrema hujusce operis pars, cuius universam rationem exposuit Mabillonius<sup>3</sup>, agit *de Elezione, et Consecratione Romani Pontificis, et de Coronatione Imperatoris*, de quibus modo a nobis disserendum est.

Verum, quod a Panvinio literaria Resp. obtinere non potuit, praestitum, ac compensatum abunde est a Mabillonio, qui T. II. *Musei Italici*, praemiso eruditissimo *Commentario*, xv. *Ordines evulgavit*, et ipsius Panvini attributum<sup>4</sup>, in lucem emisit. Hujus deinceps vestigiis inhaerentes CC. VV. Blanchinius, Muratorius, Martenius, Georgius, Gattico, Jos. de Novaes<sup>5</sup>, atque omnium po-

<sup>1</sup> *Observationes ad ritus Ecclesiae Laudunensis*. Parisiis 1676.

<sup>2</sup> *de Lit. Rom. Pont. T. I. Praef. Rom. 1731.*

<sup>3</sup> *in Comm. praevio ad Ord. Rom. p. II.*

<sup>4</sup> p. 165.

<sup>5</sup> Il sacro rito antico, e moderno della Elezione, Coronazione, e solenne Possesso del Sommo Pont. Roma 1769. 8.

stremus Franc. Ant. Zaccaria in omni eruditionis, ac doctrinae genere versatissimus, rituum Ecclesiasticorum decus mirum in modum amplificarunt.

Ego vero, etsi omnes *Ordines* ab iis editos evolverim sanequam diligenter, nihilominus post memoratum Ord. jussu Gregorii X. editum, in xiv. apud Mabillonum, *Gregorii Cellam* in *Pontificum Consecrationis rituum descriptione*, nominatam fuisse comperi. Atque hunc quidem Ordinem ex apographo Ciampinii descriptum, Mabillonius, Jacobo Stephanesco, *Cajetano* vulgo nuncupato, tribuendum esse existimavit, qui Cardinalis Tituli S. Georgii in Velabro, a Proavo Bonifacio VIII. renunciatus fuit, et sub Clemente VI. decessit. Sed tamen conjectura de vero hujus Ordinis auctore, non solum eidem Mabillonio<sup>1</sup> parum arrisit, sed etiam aliis rerum Liturgicarum peritis, quos inter praecipue numerandi sunt Card. Thomasius<sup>2</sup>, Dom. Georgius<sup>3</sup>, et Joh. Bapt. Gattico<sup>4</sup>, qui eumdem potius ex diversis Romanorum Ordinum Libellis consarcinatum, multisque in locis interpolatum, ad inferiora tempora retrahendum esse judicarunt.

Quidquid tamen sentiendum sit de ejus antiquitate, quod longius inquirere minime vacat, primum fortasse hunc esse Ord. nonnemo contendet, ubi Cella S. Gregorii, certis quibusdam in *Pontificum benedictione, et consecratione* peragendis caeremoniis nominata sit. Etsi enim haec etiam occurrat in *Caeremoniali Gregorii X*, quod Mabillonius seorsim edidit, ac Cajetani Ordini<sup>5</sup> anteposuit, tamen Joh. Bapt. Gattico hoc etiam Caeremoniale, quod Va-

<sup>1</sup> p. 257. <sup>2</sup> T. I. edit. Vezzos. <sup>4</sup> in praef. Diar. p. 3.

<sup>3</sup> de Litr. Rom. Pont.

<sup>5</sup> T. II. Mus. It. p. 221.

ticano Codici 4737. insertum invenit, unam Cajetani Ordinis partem fuisse censuit. Ac propterea in Tomo I. *Actorum Caeremonialium*, Cajetani Ordinem, qui ceteris antiquior sibi visus est, longe uberiorem, et locupletiorem, ad allati Codicis fidem, in vulgus emisit. Porro autem haec ibi leges<sup>1</sup>, ut item apud Mabillonum in *Caeremoniali Gregorii X.*<sup>2</sup>. Si vero Papa fuerit Romae apud S. Petrum ordinatus, et consecratus, dum debet consecrari, inducitur ad Capellam S. Gregorii, et venit processionaliter ad Altare, et fiunt cetera, ut supra dictum est, quibus finitis, coronatur ad gradus, et reddit Lateranum per viam Papae.

Nam ex veteri instituto, ut notat Augustinus Patri-  
tius<sup>3</sup>, usque ad *Xystum IV*, una eademque die, electus Pontifex consecrabatur Episcopus, benedicebatur, et *Coronae insignia* sumebat. Quae tamen de temporibus *Nicolaum I.* antecedentibus, neutiquam esse accipienda, probe norunt eruditi. Primum enim in *Nicolai electione*, consue-  
tis *Ordinationis*, et *Consecrationis* caeremoniis, quae dum-  
taxat in praecedentium Pontificum vita, ab Anastasio me-  
morantur, *Coronationis* sollemnia accesserunt, quae pri-  
mum, ut Pagius<sup>4</sup> tradit ex Anastasio<sup>5</sup>, anno DCCCLVIII.  
in Bas. Lateranensi, adstante Ludovico II. Augusto, cele-  
brata sunt; contra quam usuvenisse compertum est in  
iis, quae deinde consequuta fuere, quaeque in Bas. Vat.  
perpetuo peracta sunt, unde Pontifices coronati, ad Ba-  
silicam Lateranensem, catholici regiminis initia auspica-  
turi, sese sollemni pompa conferre, in more habuerunt.  
Quod quidem diligenter animadverti velim, ne quis for-  
tasse objiciat, *Coronationis* caeremonias antiquitus in Se-

<sup>1</sup> apud Gattico p. 78.

<sup>2</sup> c. x. p. 229.    <sup>3</sup> Sect. II. c. I.

<sup>4</sup> Brev. Gest. Pont. T. I. in vita Nicol. n. II.

<sup>5</sup> T. II. I. in vit. Nicol. §. vii. p. 174.

cretario fuisse celebratas , priusquam *Gregorius IV.* Cellam *Gregorio* sacram excitaret .

Quae vero a Pontifice in *Gregorii Cella* praestanda essent , diserte recensentur in capite *xlv.* Ordinis *xiv.* apud *Mabillonum*<sup>1</sup> , quod etsi apud *Gattico*<sup>2</sup> breviori titulo proferatur ex *Rubrica lvi.* Cod. Vat. *1145* , tamen ex *Rubrica lxxxvi.* Cod. Vat. *4737*.<sup>3</sup> *Mabillonio* ferme consonat , atque unum , eumdemque Ordinem , juxta ipsius *Gattici* opinionem , esse demonstrat . Sic enim apud *Mabillonum* caput inscribitur <sup>4</sup> . *Incipit Ordo , qualiter Romanus Pontifex apud Basilicam B. Petri Apostoli debeat consecrari , Rubrica .* Et apud *Gattico*<sup>5</sup> . *Incipit Ordo , qualiter Rom. Pontifex apud Basilicam B. Petri Apostoli debeat coronari , et etiam consecrari .* Sequentia vero gemina sunt apud utrumque , quae ita habent . *In primis ipse , qui coronandus est , mane diei Dominicae veniat ad Basilicam B. Petri , in qua processionaliter a Canonicis recipietur , et facta reverentia eidem a Cardinalibus , et Praelatis , sicut fieri solet Romano Pontifici , stans in medio dicat , Sit nomen Domini benedictum , et resp. Ex hoc nunc etc. deinde vadat in Capellam S. Gregorii , ubi dicta Tertia , calciabitur caligis , et sandaliis , dicendo psalmos Quam amabilia etc. qui solent dici . Deinde lotis manibus induatur omnibus ornamentis , quibus Romanus Pontifex uti solet in Missarum sollemniis , exceptis dumtaxat Pallio , et anulo Pontificali . Erunt autem vestimenta coloris temporis congruentis . Deinde ordinata sollemni processione , in qua debent esse septem Candelabra cum septem faculis , sicut in praecipuis festis fieri solet , videlicet Cardinalium , Praelatorum , et ceterorum Ordinum , qui omnes debent habere indumenta coloris temporis congruentis .*

<sup>1</sup> p. 271.<sup>2</sup> p. 202.<sup>3</sup> p. 93.<sup>4</sup> p. 271.<sup>5</sup> p. 93.

5 I 2

*Consecrandus ipse, extensa super eum mappa, procedat signando, ut moris est, ad majus Altare. Porro hujusmodi ritus, atque apparatus totidem plane verbis describitur in memorata Rubrica lvi. Cod. Vat. 1145. apud Gattico<sup>1</sup>, et in Ordine xvii, quem ex ms. Pont. Rom. Bibl. Colbertinae edidit Edmundus Martene<sup>2</sup>, cujusque verbis Catalanus<sup>3</sup> illustravit Tit. II. Libri Caeremonialis Augustini Patritii, de Ordinatione, et Consecrat. Rom. Pontificis.*

At quid, si forte Episcopus ad Petri sedem evectus esset? Alii tunc ritus servabantur, quorum descriptionem habemus ex Ordine xiv. apud Mabillonum<sup>4</sup>. Sic enim ibi praescribitur. *De Episcopo in Papam electo, et ejus Benedictione, et Coronatione. Episcopus, qui in Papam electus est, non consecratur denuo, sed benedicitur aliquo die Dominico, quo et coronatur: et descendens de Palatio suo apud S. Petrum, intrat Ecclesiam more solito cum rubeo pluviali, et mitra in loco solito. Oratione facta, receptis omnibus Cardinalibus, et Praelatis ad reverentiam, et dicto, Sit nomen Domini benedictum, et responso, ex hoc nunc, et usque in seculum, et benedictione data, vadit ad Vestiarium, Capellam videlicet S. Gregorii, et ibi servitur ei per Episcopum, es Diaconum Cardinales ad hoc assumendos, et per Priorem Diaconorum, seu per Priorem Basilicae, qui et portat mitram, et anulum, et habet ferulam, et ibidem electus in Papam induitur omnibus paramentis preciosis, et sollemnibus aptis temporis, et diei, et ponitur preciosissima mitra in capite, et datur sibi anulus Pontificalis per eundem Episcopum; et Cubicularius primum anulum imponit digito summi Pontificis. Et dum Dominus Papa dalmaticam recipit,*

<sup>1</sup> p. 202.<sup>3</sup> T. I. §. x. p. 98.<sup>2</sup> T. I. de ant. Ecol. rit.<sup>4</sup> num. xii. p. 254.

ipse Episcopus induit se superpellicio, amictu, et pluviali coloris diei, et portat mitram simplicem. Quum autem Dominus Papa planetam induit, venit idem Episcopus ad latus summi Pontificis: et accepto anulo de manu acolythi, ponit eum in manu Domini Papae parati omnibus paramentis, et mitra sollemnibus: et Cubicularius ponit primum anulum. Et Episcopus, accepta navicula cum incenso de manu acolythi, porrigit eam Papae, et osculatur manum ipsius: et imposito incenso in turibulum per Papam, Episcopus vadit ad locum, ubi sunt alii Episcopi. Cardinales processionaliter ordinati, factis impensis obsequiis, quae fieri solent, et impendi, quando Romani Pontifices parantur, salvo, quod tunc in ipsa processione non portat pallium, quod, ut infra sequitur, accipiet in Altari; quam processionem ordinat Archidiaconus, vel Prior Diaconorum infrascripto modo. Quae quidem omnia praefert Codex Vaticanus 4731. a Gattico evulgatus Rubrica xxI. sub eodem plane titulo, ac iisdem fere verbis:

Etsi vero hic Cajetani Ordo ad inferiora tempora referendus est, vel ipso Mabillonio assentiente<sup>1</sup>, tamen plus minus circa aetatem Clementis VI, et Innocentii VI, seculo nimirum XIV. assutus esse videtur. Vterque enim Pontifex in aliis ejusdem Ordinis rubricis apud Gattico, pluries diserte nominatur. Itaque perspicuum sane est, quum ibidem S. Gregorii Capella semel, atque iterum occurrat, hanc non aliam esse posse, quam eam, quae a Gregorio IV. super antiquissimi Secretarii ruinas exstructa, et a nobis haud ita pridem descripta fuit. Nam, praeter aliorum Ordinum testimonia, quae paulo infra afferemus, quum de Imperatorum Coronatione sermo erit, id ipsa temporum ratio manifeste demonstrat.

<sup>1</sup> T. II. Mus. It. p. 257.

Siquidem *Gregorii* cineres, quousque a *Pio II.* in Cellam *Andreae* sacram *intra Basilicam* translati sunt, eodem loco permanerunt, ubi pridem eos collocaverat *Gregorius IV.*, neque aliam per id aetatis in Basilica Vaticana Cellam, ei sacram fuisse constat.

At erit fortasse, qui ex ipsis Cajetani locis secus sentiendum esse arbitretur, ac non solum *Gregorii Capellam* ibi indicatam, Bas. *Vestiarium*, sed etiam *intra eamdem Basilicam* sitam fuisse, cum Vgonio contendat. Frustra tamen. Nam si primum Altare *Gregorio* sacrum, *intra Basilicam* *Pius II.* excitavit, ut supra fuisse docuimus, quisnam sibi persuadeat, de eo loqui Ordinem potuisse, ut quam tardissime, circa Clementis VI, et Innocentii VI. tempora digestum? Praeterea, etsi darem, Altare *S. Gregorio* sacrum, ante *Pium II.* *intra Basilicam* exstitisse, quum Ordo praescribat, ut Pontifex *in Ecclesiam ingressus vadat ad Vestiarium*, quomodo suspicari quis possit, ad *Capellam*, *intra Basil. ambitum*, procedere consueuisse? Nonne *Vestiarium*, quod idem est, ac *Secretarium*, ex veterum Christianorum instituto, vetustisque Templorum ichnographiis, ab Ecclesia sejunctum fere semper fuit? Itaque quis ferat, Vgonium, aliosque, Altare a *Pio II.* exstructum, non solum pro Cella a *Gregorio IV.* excitata, sed etiam pro Bas. Vaticanae *Secretario* accepisse? Quod si nemo, qui *Secretarium* recte agnovit *extra Basilicam* situm, hujusmodi ritus in Pontificum inauguratione, et coronatione, adhibitos ibi esse censuit, quid, quaeso, caussae erit, cur eosdem potius in *Oratorio Gregoriano*, ante *Secretarium* peractos esse, aegre sibi persuadeat? Quemadmodum igitur, alias etiam Pontifex, priusquam ad *Vestiarium extra Basilicam*

sese conferret, Templum Vaticanum ingrediebatur; ita in Coronationis die, Basilicam primum introibat, ut deinde, sollemnioris caeremoniae causa, pergeret ad *Gregorii Capellam*, *Vestiario* contiguam, per ostium, quod ex eadem *Capella*, uti supra vidimus cum Alpharano, in Bas. Vaticanam aditum recta patefaciebat.

Sentiendum itaque est, Ordinis Scriptorem, qui demum cumque fuit, nil aliud allatis supra verbis indicare voluisse, praeterquamquod, *die Benedictionis*, et *Coronationis Episcopi* in *Papam electi*, *Capella S. Gregorii*, *Vestiarii* loco, haberi soleret, ut ipsum celebrioris pompeae, quae in ceteris quoque partibus distinguebatur, initium splendidius evaderet, ac par veluti gratia *Gregorio M.* redderetur, qui primus constituerat, ut nonnisi Romanus Pontifex ad *B. Petri Confessionem* consecrari posset; ac demum, ut ejus Successores, primum pone *Gregorii* cineres Pontificalia sumerent indumenta, ac peterent exempla virtutum.

## C A P V T X V I I .

*De iisdem Caeremoniis in Cella Piana servatis.*

Enimvero de tota hac re ita statuendum esse, quae mox dabimus, aperte confirmant. Nam vix *Pius II. Gregorii* Corpus ad Altare, ubi *Andreae Caput* collocaverat *intra* Basilicam, transferendum curavit, non amplius in eadem Cella *Gregorii IV*, quam diu, etiam postea, stetisse *B. M. a feribus* sacram, infra declarabimus, hujusmodi ritum servatum novimus, nec alterum Altare, *intra* eamdem Basilicam, hisce obeundis caere-

moniis destinatum fuit; verum ne primae institutionis memoria intercideret, in ipso hoc novo Altari, *Gregorii*, et *Andreae* reliquiis ditato, sollemni Coronationis die ut Pontifices sacris vestibus induerentur, in more positum fuisse vidimus.

Cujus quidem rei testem habemus locupletissimum Augustinum Patritium, qui eidem *Pio II*, quattuor annorum spatio, a caeremoniis fuit, ac proinde *Piccolomini* nomen adeptus, et Episcopatu Pientino donatus. Tribus enim libris, quibus *Innocentii VIII*. jussu, Romanae Ecclesiae caeremonias complexus est, a Christophoro Marcello Episcopo Corcyrensi, sub *Leone X*, frustra tum contra vehementer adnitente Paride de Crassis, primum evulgatis, ubi Pontificum Consecrationis, et Coronationis caeremonias describit, pluries D. *Gregorii* Cellam indigitat, quae certe illa esse debuit a *Pio II*. excitata, quum tunc temporis nulla alia intra Bas. Vat. exstaret *Gregorio* sacra. Itaque ejusdem descriptionem, ad illustrandos hujusmodi ritus valde accomodatam, etsi paullo prolixiores, praestat heic subjicere, ex omnium postrema Catalani editione.

*Quum Papa electus*, inquit<sup>r</sup>, *pervenerit ad Portam ultimam Palatii*, *quae est in capite Porticus Ecclesiae S. Petri*, *in Palatio apud Portam extenditur tapetum*, *ponitur faldistorium*, *et super illud cussinum magnum*, *et ad pedes parvum scabellum*, *et sedens ibi Electus recipit ad osculum pedis Canonicos*, *et Capitulum Basilicae S. Petri*. Deinde surgens intrat Ecclesiam per Portam, *quae est in medio*: *et progressus usque ad secundum circulum porphyreticum*, *detracta*

<sup>r</sup> T. I. p. 105. §. XI. Vbi Pont. Electus recipit ad Osculum Pedis Canonicos, et

Capitulum Bas. S. Petri, et de praeparatione ad Missam?

mitra versus ad Altare supra faldistorium a supradictis ibi paratum, et tunc supra scabellum parvum, ponitur parvus cussinus. Facta oratione surgit: reassumit mitram, et pergit ad Capellam S. Gregorii, quae dicitur Capella S. Andreæ, et sedens in sede sibi parata, recipit omnes Cardinales, et alios Praelatos cum suis cappis ad reverentiam, Cardinales ad manus sub auriphrygio, Praelatos ad pedis osculum. Tunc surgens sine mitra, adstante Cruce Papali, populo benedit dicens, Sit nomen Domini etc. Subdiaconus dicturus Epistolam, deposita Cruce post benedictionem, capit omnia sua paramenta, et simul cum eo Acoluthi exuunt cappas, et induunt superpellicia supra Rocchettum, ad partem se retrahentes. Sedet deinde Electus aliquantulum cum mitra, et iterum surgens sine mitra versus ad Altare, sub silentio dicit Pater noster etc. Tum alte incipit pro Tertia Deus in adiutorium; et sic stat, quoisque incipiatur Psalmus, Legem pone. Inde sedet cum mitra, et assistantibus Episcopis cum libro, ac juvantibus hinc inde Diaconis, ut moris est, incipit Psalmum, Quam dilecta. Interim Subdiaconus Apostolicus lecturus Epistolam, ut diximus, paratus omnibus suis paramentis, ex Altari, subministrante Sacrista, accipit Sandalia, quae reverenter portantur ad Electum, sequentibus illum Acoluthis cum superpelliciis, et ea simul cum Cubiculario Cameræ, imponit pedibus suae Sanctitatis, Acoluthis circumcirca fimbrias pluvialis elevantibus, supra illorum capita. Impositis sandaliis, Diaconus lecturus Evangelium, cum duobus aliis Diaconis, qui assistent Papæ, capiunt paramenta sua; ille amictum, albam, cingulum, stolam, dalmaticam, manipulum vero postea capiet in Altari. Alii vero duo capient amictum, et dalmaticas tantum. Induti reverenter simul ad Elec-  
tum accendent, qui, finitis psalmis, quum dicitur Capitulum

pro Tertia , surgit cum mitra , et finitis versiculis , deposita mitra , et adstantibus duobus Ceroferariis , dicit Dominus vobiscum , et Orationem pro Tertia . Librum Prior Episcoporum Cardinalium , qui ei assistere debet , sustinet , supra caput , Episcopi vero assistentes juvant , et tenent candelam accensam . Dicto , Dominus vobiscum , post orationem liber removetur , Ceroferarii discedunt , et dicto a Cantoribus , Benedicamus Domino , Papa sedet cum mitra , et lavat manus , Episcopo Cardinali adjuvante , et reliqua , ut alias . Lotis manibus Episcopus Cardinalis redit ad locum suum , et Papa deponit mitram , pluviale , et stolam : et Diacono lecturo Evangelium ante se stante , induitur consuetis paramentis , quae per Acoluthos hoc ordine portantur ex Altari , et ipsi Diacono porriguntur . Duo Diaconi assistentes , et post eos duo Subdiaconi adjuvant vestientem . Primum portatur cingulum cum succinctorio ; Crux pectoralis , Phanon , Stola , Tunicella , Dalmatica , Chirothecae , Planeta , Mitra auriphrygiata ; Anulus autem non datur , si non est consecratus Episcopus , quem , si esset consecratus , Cardinalis Episcopus assistens imponeret .

Hactenus Patritium audivimus , accurate describentem ritus omnes a Pontifice obeundos in Cella S. Gregorii , suae Coronationis die . Nunc itidem ei auscultemus enarranti , qualis sit <sup>1</sup> Ordo procedendi ex Capella S. Gregorii ad Altare , et quae fiant , antequam Electus intret ad Altare . Quem enim non mirifice capiat , ac recreet tam splendidae , ac nobilis pompa descriptio , quam propriis oculis quodammodo licet intueri ?

Paratis , inquit , omnibus Ordinibus , Pontifex incensum mittet in turibulo , et Prior Diaconorum cum ferula processionem ad Altare majus ordinabit hoc modo . Familiares Pa-

pae, minores Nobiles, Cubicularii, Nobiles majores, et Barones, Conservatores, et Oratores laici, et non Praelati, Secretarii, et Advocati mixtum, ita ut duo antiquiores ex utroque ordine sint in digniori loco, Acoluthi, Clerici Camerae, Auditores, Acoluthus, Turiferarius, Acoluthi Ceroferarii, qui septem numero esse deberent, Subdiaconus cum Cruce Papali, et aliis Subdiaconis. Subdiaconi duo, Latini, et Graecus cum libris Evangeliorum, Diaconus Graecus. Et nota, quod pro Epistola, et Evangelio in lingua Graeca, solebant vocari in hac celebritate Monachi ex Monasterio Cryptae Ferratae. Deinde Abbates Forenses, Episcopi, Archiepiscopi, Oratores, Praelati, Abbates Vrbis, qui in hoc die sunt privilegiati, Episcopi Assistentes Papae, Patriarchae, Diaconi, Presbyteri, et Episcopi Cardinales, Diaconi duo assistentes, et inter eos medius Diaconus lecturus Evangelium. Demum ipse Pontifex, qui si pedibus suis incedet, ipsi Diaconi assistentes, fimbrias pluvialis portabunt; et major Princeps caudam, octo Nobiles, seu Oratores baldachinum supra ejus Caput ferent. Deinde sequetur Auditor, qui mitram ministrat, medius inter duos Cubulares secretos, et inter eos est Secretarius Papae, si non est Praelatus. Deinde Protonotarii, et Curiales Clerici non parati. Ante Pontificem immediate minister caeremoniarum praecedit cum duabus arundinibus, super alteram stuppam, super alteram vero candelam ardentem portans. Et quum Pontifex Capellam S. Gregorii exierit, Caeremoniarius ad eum conversus, ignem stupuae mittit, et genuflexus alta voce dicit. Pater Sancte, sic transit gloria Mundi. Quod tertio facit, distincto aequali spacio, antequam perveniunt ad Portam Capellae.

Hic certe usus alibi etiam obtinuit, quoties Antistites sacrum sollempne celebrarent, quasi humanae in-

firmitatis tunc maxime admonendi essent, ne forte eos ob reverentiam sibi a cunctis exhibitam vanitas inflaret. Audi Ordinem antiquum Ecclesiae Bisuntinae de Paschatis die ita disserentem<sup>1</sup>. Intrent reverentissime chorum, cantantes, Nolite metuere. Tunc Archidiaconus ponat ignem in farum, et dum linum succenditur, venit Archidiaconus inclinans se reverentissime ante D. Archiepiscopum dicit ad eum. Reverendissime Pater, sic transit Mundus, et concupiscentia ejus. Id ipsum in Natali D. N. J., aliisque festis sollemnioribus ex eodem Ordinario fieri solitum fuisse discimus; imo eadem die id non semel repetitum fuisse docet hujusmodi verbis<sup>2</sup>. Surgens de Cathedra Archipraesul, antequam incipiat, Gloria in excelsis, accedat Archidiaconus reverenter, et tenens oram planetae, trahat leniter, et dicat, Scito te terram esse; sicque debet fieri, quotiescumque Archiepiscopus, aut Sacerdos a sede surgit, ut accedat ad Altare post orationem. Sic enim humanae conditionis humilitatem, in illius status sublimitate, ac brevitatem humani cujusque gaudii cito citius praeterituri, spectantium animis contemplandam proponebant, pari modo, quo<sup>3</sup> Hebraei, hausto vino, in nuptiis cyatnum vitreum confestim terrae illidunt, et comminuunt.

Nescio, an hujusmodi ritum aliqua ex parte respiciant, quae legimus in Ord. xI<sup>4</sup>. Quum autem intrat Presbyterium ( Bas. Liberianae ), Mansionarius Eccl. porrigit ei arundinem cum cereo accenso. Tunc Pontifex accipit eam, et ponit ignem in stuppa posita super capita columnarum, ad figuram finis Mundi per ignem. Ac rursus infra, totidem quasi verbis<sup>5</sup>. Quum intrat Presbyterium Ecclesiae Mansionarius

<sup>1</sup> in T. I. hist. Sequan. p. 40. et in T. III. <sup>3</sup> Goar. Not. in Offic. Coron. Nupt. n. vii.

Carpentier p. 447.

pag. 398. <sup>4</sup> p. 126.

<sup>2</sup> ibid. p. 21.

<sup>5</sup> p. 141. V. Macrum p. 444. 454. 557.

*praeparat ei arundinem cum cereo accenso , quam accipit , et ponit ignem in stuppa super capita columnarum , quae ibi stant . Porro in Paschatis festo haec in usu erant<sup>1</sup> . Apostolico in Pascha procedente , pharus ex stuppa super eum suspenditur , quae igne succensa super eum cadere permittitur , sed a Ministris vel a terra excipitur , et per hoc ipse in cinerem redigi , et gloria ornatus ejus in favillam converti admonetur . Id etiam in festa die Pentecostes peragebatur , ut discimus ex Ordinario Eccl. Lexoviensis , Sec. XIII. exarato , cuius haec sunt verba<sup>2</sup> . Ad processionem Missae , stupuae inflammantur , quas Custodes inveniunt ; ad Kyrie Missae pulsator flores , et nebulas spargit . Quod etiam interdum in Vrbe siebat , ut constat ex iis Cencii Camerarii<sup>3</sup> . In Sabbato S. Pentecostes par facularum ad Missam , et unum denarium illis , qui flores super D. Papam jactant . Verum haec missa faciam . Nam ob adventum Spiritus S. declarandum praestita fuisse , nemo non videt , ut in Dominica de rosa , teste Benedicto<sup>4</sup> , de altitudine Templi S. M. Rotundae mittebantur rosae , in figura ejusdem Spiritus S.*

Nunc reliqua a Patritio diligenter enarrata audiamus . Procedunt deinde omnes per navim ipsius Capellæ S. Gregorii , ubi sepulcra sunt Romanorum Pontificum , et quum illum exierint , flectunt ad dextram , et per portam , quae est ante Altare , ingrediuntur Capellam , et adscendunt etiam ad dextram , antequam Papa cancellos Capellæ intret : tres ultimi Presbyteri Cardinales veniunt ei obviam , et osculantur os , et pectus Pontificis , a seniori incipientes<sup>5</sup> ; deinde ante Diaconos assistentes procedunt . Quum autem perventum fue-

<sup>1</sup> Gem. de ant. Ritu Missae . c. 223.

Phil. T. II. p. 427.

<sup>2</sup> in Macti Hierol. in Nebula.

<sup>4</sup> in Ord. XI. p. 1488.

<sup>3</sup> in Ord. XI. p. 218. Godfr. Thilo de Linguis ignitis 1675. 4. et in Thes. Theol.

<sup>5</sup> V. p. 410, et Macrum in Hierolexice p. 255. 460.

rit ad Altare , Pontifex , deposita mitra , facit orationem super Faldistorium ; deinde surgens , remoto Faldistorio , facit confessionem more solito , stans hoc ordine . A Pontificis dextra stat Episcopus Cardinalis Consecrator , vel assistens , si non est Consecrator ; et post eum Diaconus Cardinalis assistens , a sinistris stat Diaconus Cardinalis lecturus Evangelium , et post eum Diaconus Cardinalis assistens , post quem genuflexus manet Subdiaconus Latinus cum libro Evangeliorum , et manipulo Pontificis , quem illi imponit , dicto Indulgentiam etc. Interim Cantores cantant Introitum Missae , et Kyrie eleison . Et haec quidem supradicta circa descensum ex Palatio ad Ecclesiam , et quae in Capella S. Gregorii , et usque ad factam confessionem superius dicta sunt , praeterquam de parando Consecrante , servantur etiam , quando electus Episcopus non est consecrandus , sed benedicendus , et coronandus tantum. Haec ibi Patritius .

Vides igitur , sancitum esse , ut omnes a Patritio descripti ritus , in novo Altari , quod Pius II. construxerat , deinceps peragerentur , postquam e Cella , quam in M. Gregorii honorem extra Basilicam Gregorius IV. excitaverat , atque hujusmodi caeremoniis usque ad Pium II. procul dubio inservierat , eō translatum fuit Sancti Pontificis Corpus . Atqui , inquies , Joh. Baptista Gattico <sup>1</sup> , ubi agit de coronatione , et equitatione sollemni Romanorum Pontificum ad Basilicam Lateranensem , ex Diario Antonii Petri refert Coronationem Innocentii VII , et Gregorii XII , ac paucula quoque adjungit , de altera Nicolai V. ex Diariis Codicis Barberini , quin ulla ibidem de Cella Gregoriana mentio fiat ; quae ne nominatur quidem in celebri Oratione Aeneae Sylvii de obitu Eugenii IV , creatione-

<sup>1</sup> tit. III. p. 366.

que, et coronatione Nicolai V, habita anno MCDXLVII.<sup>1.</sup> Ista tamen non efficiunt, contra quam diximus, in *Gregoriana* illa Cella ante *Pium II*, qui *Callixto III*. suffectus est anno MCDLVIII, sacras illas caeremonias non fuisse peractas. Nam, praeterquamquod, quae Gattico in lucem protulit, carptim excerpta sunt ex *Diariis caeremonialibus*, ubi reliqua eorum rituum descriptionis pars, quae fortasse, uti cetera, *Gregorii Cellam* exhiberet, inedita delitescit; licet *Cella Gregoriana* in iis minime nominata esset, ( quod et in sua oratione Aeneas Sylvius fecit ), facilis, ac legitima caussa suppetit, cur earum descriptionum auctores de ea silerent, brevitatis scilicet studium, quo singula, ac praesertim vulgatiora persequi prohiberentur.

Ceterum, si in more positum fuit, ut ante *Gregorii cineres*, qui faustum, fortunatumque Pontificatus exordium novo Pontifici a Deo impetrarent, hujusmodi ritus peragerentur, nonnisi in ejus Cella a *Gregorio IV*. extra Basilicam condita, quoisque ibidem quievere, peragi potuerunt. At vero, postquam *Pius II*, eosdem ad *Andreae Altare* transferendos curavit, exscriptas Pontificum coronationis caeremonias, ibidem fieri consueisse, Patritius diserte nos docuit. Quod quidem, usque ad ejusdem Altaris dejectionem, praestitum ibidem fuisse, quae sequuntur, mirifice confirmant. Nam, etsi nihil in Gattici *Diariis caeremonialibus* occurrit de *Paulli II*, et *Xysti IV*, qui *Pio II.* *apud eos* successerunt, coronatione, tamen dubitandum minime est, quin omnium primi in novo illo Piano Altari, coronationis die, Pontificalibus indumentis exornati fuerint. Qum enim Pa-

<sup>1.</sup> in Balutii Misc. I. vii. p. 525. 562. et in Murat. Script. rer. Ital. T. III. P. II. p. 87S. 902.

tritus utriusque coronationi interfuerit, quae supra at-tulimus, ad earum exemplum ab se descripta esse, facile, opinor, sibi quisque persuadeat. Adde, quod sane gravissimum est, a Patritio adnotatum diligenter fuisse, quid *Xystus IV.*<sup>1</sup> novo exemplo fecerat, diversis diebus consecratus, et coronatus. Quamobrem, si quae alia seu loci, seu rei varietas, in obeundis ejusdem corona-tionis caeremoniis accidisset, eam scripto, ac memoriae aequae consignaturum illum pro sua accuratione fuisse, ecquis non intelligat?

Verum, quod de *Paulli II.*, et *Xysti III.* Coronatio-nis descriptione desiderari fortasse posset, in posterioribus, ingenti accessione pensatur. Nam Godefridus Gui-lielmus Leibnitius *Mantissa Codicis juris gentium diplomatici* <sup>2</sup> adjecit *Ioh. Burcardi Diarium* sub titulo. *Caeremoniale antiquum Sedis Romanae vacantis a morte Xysti IV,* usque ad ingressum novi Ponificis in Ecclesiam Lateranensem, ubi non solum, quae a Patritio didicimus, aperte con-firmantur, sed etiam plura occurunt, quae magnificum *Cellae Gregorianae* apparatum, ac pompam graphice de-pingunt. Hujusmodi Diario suam quoque collectionem di-tavit, atque illustravit I. B. Gattico<sup>3</sup>, cui tamen pri-ma Leibnitii editio ignota fuisse videtur.

Porro ibi, praeter aulaea, ac peristromata, quae pro *Solio Pontificis*, *Choro Bas. Vat*, ac *Suggesto supra gradus* ejusdem Basilicae paranda erant, praecipitur, ut, indicta *Innocentii VIII. coronationis die*<sup>4</sup>, *panni viridis* pro Capella S. Gregorii in Basilica praedicta cannae de-cem in promptu essent. Item indicitur<sup>5</sup> *Credentiaris Papae*, ut portent unam *Credentiam* in Capella S. Grego-

<sup>1</sup> sect. II. c. I.      <sup>2</sup> p. 97.      <sup>3</sup> p. 367.      <sup>4</sup> Ibid.      <sup>5</sup> p. 368.

rii. Sed praecipue ejusdem Cellae ornanda cura Officio Floreriorum Papae commissa fuit. Parent, jubet Burcardus<sup>1</sup>, ornatissime Capellam S. Gregorii cum palliis, et pan- nis viridibus in terra; ac sedem Papae, in qua sacras vestes recepturus est, pallio albo ornent, cum suis scabellis, duobus hinc, et inde pro Diaconis assistentibus. Parent scamna, sive bancos in dicta Capella pro RR. DD. Cardinalibus, et Ora- toribus laicis juxta Altare a retro, et Episcopis assistentibus ad sinistram Papae, et omnia bancalibus ornent more solito. Extra Capellam praedictam parent scamna, sive bancos pro Praelatis, quae similiter bancalibus cooperiant.

Praeterea Burcardus exponit, quoniam munere fungi debebat Prior Diaconorum Cardinalium, hujusmodi verbis<sup>2</sup>. Facta per Cardinales in Capella S. Gregorii, in Basilica S. Petri, Papae reverentia, accipit paramenta sua, videlicet amictum, albam, cingulum, stolam, et dalmaticam, et Pon- tifice omnibus paramentis induit, accipit manipulum. Dictis Tertiis, parat Pontificem omnibus paramentis Pontificalibus, Pallio aempto, more solito. Induto Pontifice, paramento con- sueto, et Tertiis finitis, accipit ferulam, sive baculum al- bum, et processionem ordinat ad Altare majus per Vatica- num, hoc ordine.

Heic autem Burcardus noster ordinem sollemnisi pom- pae ab Augustino Patritio supra descriptum, accurate designat. Verum, quum immensa Populi vis hujusmodi caeremoniis interesse, ac circumfundit soleat, Capitaneo Portae Palatii Apostolici praescriptum erat<sup>3</sup>, ut summo mane plures ex suis Peditibus, praeter chorum Altaris majoris, et suggestum supra gradus Basilicae, custodirent ostium Capellae S. Gregorii in Basilica S. Petri.

<sup>1</sup> ibid.

<sup>2</sup> p. 368.

<sup>3</sup> p. 371.

Sed ne heic quidem ornandaes *Cellae Gregorianae* cura continebatur. Indicit enim Burcardus <sup>1</sup>, ut Clerici Campanarii Capellae S. D. N. Papae provideant de septem faculis, sive candelis albis, unius librae quaelibet, pro Procesione de Palatio ad Capellam S. Gregorii, et totidem candelis albis. Ac demum praecipit, ut portentur duo Candelabra super Altare in Capella S. Gregorii, cum duabus faculis unius librae quaelibet. Faldistorium portetur cum scabello, et cussinis pro Pontifice, quo ipse in diversis locis utitur, videlicet intra Portam Palatii, in Capella S. Gregorii.

Post hujusmodi rerum recensionem narrat Burcardus <sup>2</sup>, quo modo peracta fuit sollemnitas Innocentii VIII. coronatio; quaeque in Capella S. Gregorii facta esse perhibentur, Patritii praescripto exacte respondent. Deinde vero stupuae caeremoniam exponit <sup>3</sup>, quae, vix extra Capellam S. Gregorii Pontifice egresso, de more combusta fuit, quaeque in itinerario Adriani VI <sup>4</sup>, in limine Sacelli S. Andreae incensa describitur.

Haec autem, aliaque id genus, quae in Gattici *Diariis Caeremonialibus* occurunt, iis esse anteponenda ratus sum, quae concessit Petrus Paullus Vergerius in Ordine eligendi Pontificis, et ratione de ordinatione, et consecratione ejusdem <sup>5</sup>, ipsisque *Caeremonialibus electionis, et coronationis Pontificis Romani a Ioh. Gerardo Meuschenio* in lucem editis <sup>6</sup>. Sed et eo lubentius protuli e Gattici opere, quod quum illud Benedicti XIV. jussu suppressum fuerit, pro-

<sup>1</sup> p. 371. <sup>2</sup> ibid. <sup>3</sup> p. 373.

<sup>4</sup> Blasii Ortizii Itinerarium Adriani VI, ab Hispania Romam usque, ac ipsius Pontificatus eventus. apud Balutium in T. II. Misc. p. 408, et 444, et in Gasp.

Burmanni Analect. Hist. de Adriano VI. Trajectino, Papa Romano. Traj. ad Rheum 1727. 4, et in Gloss. Ducange.

<sup>5</sup> Tubingae 1556. 4.

<sup>6</sup> Francofurti ad Maenum 1732. 4.

ptereaque raris jam libris adcenceatur, fere ut nova, ac inedita haberi possint.

Quae vero tradidit Burcardus in *Innocentii VIII. Coronatione*, in *Cella Gregoriana* peracta fuisse, praestita ibidem esse scripsit in altera *Pii III*, uti constat ex *Schedula intimationis*, ubi ait<sup>1</sup>. *Sanctitas sua . . . . associabitur a Cardinalibus, et Praelatis in eorum cappis ad Capellam S. Gregorii*. Etsi enim narret paullo infra, Pontificem in *Capella S. Georgii* super solium ibidem paratum constitisse, tamen ibi legendum esse in *Capella S. Gregorii*, dubitaverit nemo. Hoc idem mendum, quod bis in Ord. xiv. irrepsisse vidimus<sup>2</sup>, occurrit etiam in memorata descriptione coronationis *Innocentii VIII*, apud Leibnitium<sup>3</sup>, qui tamen illud, aequa ac Gattico, in suo exemplari incastigatum dimisit. Verum hoc erratum Mabillonio commune fuisse deprehendi, qui item *Georgii*, contra quam veritas patiebatur, pro *Gregorii* scripsit<sup>4</sup>, nominans hujus *Oratorium* *juxta Ecclesiam Principis Apostolorum*. Cujus quidem erroris alia etiam exempla suppetunt. Nam Benedictus Canonicus in descriptione *Processionis* a Sergio institutae *Imaginis Acheropitae*, cuius pedes pluries lavabant *de Basilico*, die festa Mariae S. sideribus receptae, haec habet<sup>5</sup>. *Cardinales, et Diacones accipiunt imaginem Iesu Christi, et abstrahunt de Basilica S. Laurentii cum omni Populo, portantes eam per Campum Lateranum juxta Basiliacam S. Gregorii; ac paucis interpositis verbis, dum*

<sup>1</sup> p. 379. <sup>2</sup> p. 791.

<sup>3</sup> p. 97.

<sup>4</sup> T. II. Mus. Ital. p. 572.

<sup>5</sup> ibid. in Ord. XI. n. 72. p. 151. V. Marangoni delle cose Gentilesche ridotte ad uso delle Chiese c. xxviii. della lavanda

de' piedi dell'immagine del SS. Salvatore nella Processione, che faceasi nella Vigilia dell'Assunzione della B.V. in Roma pag. 103, e nell'Opera dell'Oratorio di S. Lorenzo detto, *Sancta Sanctorum*. p. 112. 139.

*imago transit per Campum , Cubicularii stant in culmine S. Georgii , tenentes duas faculas accensas , quas , imagine transacta , extingunt faculas .*

Verum aliorum etiam Scriptorum loca deesse , ne credas , ubi *Gregorii* pro *Georgii* nomen , contra sit commutatum . Siquidem Paullus de Angelis Cellas Basilicae describens , unam ex iis appellat Altares *S. Laurentii* , et *Gregorii* conditum a Jac. Cajetano de Stephanescis Card. , quod item Fontana <sup>1</sup> , Ciampinius <sup>2</sup> , Bonannius <sup>3</sup> , Janninus <sup>4</sup> , *S. Georgio* ab eodem Card. Tituli *S. Georgii* in Velabro , seu Velo aureo , dedicatum fuisse demonstrant . Id aperte confirmat Alpharanus , qui etsi in opere MSS. <sup>5</sup> huic Altari *SS. Laurentii* , et *Gregorii* nomen tribuerit , tamen ad ipsius operis oram , *Georgii* nomen substituit , errorem emendans , et in tabula ichnographica <sup>6</sup> Altare *SS. Laurentii* , et *Georgii* diserte vocat . Quae tam frequens utriusque nominis commutatio , dumtaxat ex quadam eorum similitudine , minime vero ex propinquitate Altaris *S. Georgii* videtur repetenda , quod ex tabula Alpharani <sup>7</sup> e regione Cellae Clementinae situm fuisse ostendemus . De eodem ita loquitur Martyrol. Bas. <sup>8</sup>. II. Kal. *Mart. Consecratio Altaris S. Georgii Martyris* . In isto festo consecrationis d. Altaris expendatur de Camera inter Canonicos , Beneficiatos , et Clericos manualiter florenus unus .

Sed ne quis dubius adhuc haereat , num hujusmodi caeremoniae peractae revera fuerint , in Cella , quô *Pius II. Gregorii* Corpus transtulerat , id , velim , praeter ea , quae de sua aetate Panvinium tradidisse vidimus <sup>9</sup> , clarius agnoscat ex altero Joh. Burcardi loco *de Coronatione* , et Equi-

<sup>1</sup> in Templ. Vat.

<sup>2</sup> p. 71. <sup>3</sup> n. 47. <sup>4</sup> T. vi. Iun. p. 96. et 102.

<sup>5</sup> p. 36.

<sup>6</sup> ms. p. 189.n.65.

<sup>6</sup> num. 87.

<sup>8</sup> p. 163. <sup>9</sup> p. 694.

tatione sollemni ad Lateranum Iulii II, ubi ait <sup>1.</sup>. Intimetur pro die crastina, quae est martis, 5. praesentis mensis Decembris, si non pluet, quod SS. D. N. audiet Missam sine cantu in Capella D. Andreae, et D. Gregorii, in Basilica S. Petri, et inde Cardinales, et Praelati in paramentis albis ascendent equitaturi, prout alias fuit ordinatum, et processionaliter equitabunt ad Bas. Lateranensem, prout in creatione Pontificum fieri consuevit.

Quum autem haec Cella, uti supra <sup>2</sup> adnotavimus, modo unius, modo alterius Sancti titulo veniret, idem Burcardus paullo infra, S. Andreae Altare absolute vocavit hoc modo <sup>3</sup>. Descendit in sede ad Basilicam S. Petri ad Capellam S. Andreae, quae fuit pannis aureis ornata circumcirca sine solio, et sine sede Pontificali, sed faldistorio Papae cum suo scabello, et cussinis super tapete, super quibus genuflexus audivit Missam bassam, quam legit D. Dominicus Capellanus suus, omnibus Cardinalibus praesentibus, excepto Beneventano, et Estensi infirmis.

Verum quam obvia, et communis esset utriusque nominis permutatio, perspicue etiam patet ex Diario Blasii de Martinellis, apud eumdem Gattico, de Coronatione Adriani VI, ubi ait <sup>4</sup>. Advisavi Magistrum domus ad praeparandum necessaria cum Ferrariis, et Lignariis in Capella S. Petri, et in Capella S. Andreae, et in suggestu super scalas. Ac paullo post inquit. In Capella S. Gregorii fuerunt factae caeremoniae, et sacris paramentis induitus Papa processit ad Altare. Rursus vero, ubi agit de coronatione Paulli III, Capellam S. Andreae vocavit. Ait enim <sup>5</sup>. Die 20. significavimus Floreriis, quod viderent, paramenta si haberent in sufficientia, quia tria loca erant praे-

<sup>1</sup> p. 379.

<sup>2</sup> p. 693.

<sup>3</sup> p. 380.

<sup>4</sup> p. 385. <sup>5</sup> p. 386.

paranda , videlicet Capella S. Andreae , Capella major S. Petri , et suggestus , in quo coronandus erat Papa , maxime de pannis viridibus , et rubeis super solium Papae . Itemque paullo infra <sup>1</sup> . Inde sic pedestre versus Capellam S. Andreae , cum magna difficultate potuimus introire .

Atque haec quidem S. Andreae denominatio huic Altari communior fuisse videtur . Hoc enim potius titulo , quam S. Gregorii , saepius designatum fuisse animadvertis apud alios Scriptores . Nicolaus Colaine , praeter allata exempla , praesto est in *Diario* , quo lingua vernacula descriptis Paulli IV. coronationem , et equitationem ad Lateranum apud eumdem Gattico . Anno , inquit <sup>2</sup> , 1555. alii 26. ( di Maggio Paolo IV , ) si coronò in S. Pietro , et alla Cappella di S. Andrea furono fatte molte ceremonie . Sua Santità si vestì d' oro , e così tutti gli altri Cardinali , et all' uscire dalla Cappella fu abbrugiata la stoppa , e poi andò all' Altar Maggiore a Messa . Ac demum , ne nimius sim , Cornelius Firmanus , alter Caeremoniarum Praefectus , describens coronationem , et equitationem ad Lateranum S. Pii V , ait <sup>3</sup> . Ivit ad Capellam S. Andreae , quum prius orasset ante SS. Sacramentum . In dicta Capella Cardinales iverunt ad osculandum manus sub auriphrygio , et Praelati ad osculum pedum .

Jam vero , etsi neque idem Cornelius Firmanus agens de Coronatione Gregorii XIII <sup>4</sup> , neque Paullus Alaleo de altera Xysti V <sup>5</sup> , atque Innocentii IX <sup>6</sup> , neque Joh. Paullus Mucantius de inseguutis Leonis XI <sup>7</sup> , ac Paulli V <sup>8</sup> , Cellam hanc , eodem S. Andreae , seu S. Gregorii titulo amplius nominaverint , cave tamen , non ibidem perfectas fuisse hujusmodi caeremonias , suspiceris . Cete-

<sup>1</sup> p.387. <sup>2</sup> p.391. <sup>3</sup> p.392. <sup>4</sup> p.393. <sup>5</sup> p.394. <sup>6</sup> p.400. <sup>7</sup> ibid. <sup>8</sup> ibid.

rum postremus omnium Pontificum , qui ibidem descripsos ritus obivit , Paullus V. esse debuit , qni , uti refert Mucantius<sup>1</sup> , coronatus fuit die xxix. Maij an. MDCV. Nam , ut supra cum Grimaldo adnotavimus<sup>2</sup> , in demolitione anterioris partis veteris Basilicae , Altare S. Gregorii P. I , et S. Andreae die xxix. Decembris ejusdem anni MDCV , exauguratum fuit . Die autem viii. Januarii sequentis anni , sacrum Gregorii Corpus ad Cellam Clementinam , ubi hodieque servatur , relligiosissime translatum est .

## C A P V T X V I I I .

*Num eaedem caeremoniae in aliis Bas. Vat. Altaribus peractae aliquando fuerint ?*

Etsi Paullus Alaleo , qui egit de *Coronatione , et Equitatione ad Lateranum Gregorii XV* , Paullo suffecti , caeremonias , quae in dejecto Altari SS. Andreae , et Gregorii antea peragebantur , tum primum in *Cella Clementina* celebratas fuisse non adnotaverit , tamen ita rem sese habere , minime dubitandum est . Ipse enim generatim memoriae consignavit<sup>3</sup> , in *omnibus locis* , in *quibus fuerunt factae caeremoniae , facta fuisse repagula pro evitanda confusione* .

Huic loco I. Bapt. Gattico lucem afferre conatus est , sed tamen eum haud satis accurate loquutum reperio . Ibi enim de suo haec interset , *videlicet in Porticu , ad Altare S. Gregorii , in Capella , ubi quod de Porticu , et Capella , seu ara principe Vat. Bas. recte notatum est , haud ita vero de Altari S. Gregorii . Siquidem quum alterum a Pio II. exstructum , xvi. ante annis dejectum*

fuisset, ac prima haec esset coronatio, cuius consueti ritus in novo Altari S. Gregorii peracti fuerunt, nonnihil profecto adjiciendum erat de hujusmodi mutatione, ne aut sibi incomptam fuisse proderet, aut aliis errandi occasionem paeberet.

Quod vero caeremoniae, quae anteactis temporibus in Cella Andreae, et Gregorii fiebant, deinde in Cella Clementina habitae fuerint, etsi Paullus Alaleo in ejusdem Gregorii XV<sup>1</sup>, et Vrbani VIII.<sup>2</sup> coronatione describenda, rem declarare praetermisit, argui tamen facile potest ex eo, quod in subsecutorum Pontificum Coronationibus praestitum fuisse scimus. Id enim palam facit Fulvius Servantius, qui coronationem Innocentii X, quam descriptsit etiam, et tabulis aeneis exornavit Laurentius Banch<sup>3</sup>, accuratissime enarravit. Ait itaque<sup>4</sup> pro actu tantae sollemnitatis per multos, et multos annos in Vrbe non visae (quod nempe eadem die iv. Octobris MDCXLIV. coronari, ac praeter morem sacris ritibus sollemniter operari voluit) fuerunt praeparata opportuna, et necessaria. Fuerunt erecti Throni IV. Primum scilicet cum repagulis sub Porticu S. Petri, secundum similiter cum repagulis per amplum in Sacello Gregoriano, pro cantanda Tertia, et sumendis paramentis.

At vero nonnemini fortasse scrupulum, dubitacionemque injiciat Servantii locus; esse nimirum ibidem intelligendam Cellam B. Virginis de Columna, a Gregorio XIII. erectam, ac propterea Gregorianam vulgo nun-

<sup>1</sup> p. 407.

triumphis, et caeremoniis eidem actui

<sup>2</sup> p. 408.

additis. Accessit in fine appendix de

<sup>3</sup> Roma triumphans, seu actus inaugura-

quarumdam caeremoniarum Pap. origine.

rationis, et coronationis Innocentii X.

Franekeræ 1645. et 1656. 12.

P. M. brevis descriptio cum omnibus

4 p. 409.

cupatam, quam Alpharanus<sup>1</sup>, Ascanius Valentinus<sup>2</sup>, et Fortunius Lelius<sup>3</sup> accurate descripserunt. Sed idem Servantius omnino auferet hujusmodi suspicionem, si legas, quae paullo infra subjicit<sup>4</sup>. Preces fudit ante SS. Sacramentum in suo Sacello expositum super Altare; inde delatus ad Sacellum Clementinum D. Gregorio M. dicatum, ascen- dit in solium ibi elevatum pro sua Sanctitate, seditque in Sede Pontificali, stantibus Oratoribus, et aliis supra nominatis apud suam Sanctitatem, et Cardinalibus in eorum sedibus. Ac deinde idem rursus confirmavit, ubi ait<sup>5</sup>. *Quum fuit Pontifex extra praedictam Capellam S. Gregorii, accensa parva stuppa in culmine arundinis. Quibus in locis verum Cellae situm rectius indigitavit, quam minus proprie, Gregorianam antea nuncupaverat.*

Quamobrem, quum satis constet, Cellam a Clemente VIII. instructam, et Gregorio a Paullo V. dicatam, alteri a Pio II. erectae substitutam fuisse, ut descripti Coronationis ritus in Cella Gregorii, de veteri more obi- rentur, iisdem primum inservisse putandum est, quum coronatus fuit Gregorius XV. Mirandum vero minus est, I. B. Gattico, (quod ei supra vitio vertebam), Altare S. Gregorii absolute nominasse, quin ullam hujuscce mutationis notionem exhiberet, quum idem Servantius, qui Innocentii X, et Alexandri VII. Coronationes descriptsit, haud ita ab altera Gregorii XV, aliorumque remotas, tamen non solum Cellam Clementinam, Gregorianam ap- pellaverit, sed etiam ibidem praepostere S. Andreae Cel- lam fuisse scripserit. Ait enim de Alexandro VII.<sup>6</sup> Sa-

<sup>1</sup> ms. p. 38. n. 96.

<sup>2</sup> De Sacello Gregoriano. Romae 8.

<sup>3</sup> Descrizione della pompa, ed apparato seguito in Roma nella traslazione del Cor.

po di S. Gregorio Nazianzeno dalla Chiesa di S. M. in Campo Marzo alla Cappella Gregoriana. Venezia 1585. 4.

<sup>4</sup> p. 410. ibid. <sup>5</sup> ibid. <sup>6</sup> p. 416.

cellum Clementinum , ubi sub Altari D. Gregorio Magno dicatum , sanctum ejus Corpus requiescit , olim Capella S. Andreae nuncupatum , erat undique clausum ligneis repagulis , relicto tamen aditu e conspectu Altaris . Sed alios etiam Caeremoniarum Praefectos , Cellam Clementinam , cum Altari a Pio II. in Gregorii honorem condito , temere commutasse , infra ostendemus .

Quod tamen ad rem nostram maxime interest , a Gregorio XV , usque ad PIVM VI , qui felix imperet , ad Vicennalia , ad Tricennalia , Pontifices in *Cella Clementina* , ubi *Gregorii* Corpus adservatur , coronationis die , sacris indumentis sollemniter ornari consueuisse , certum est . Alibi enim descriptas caeremonias , unum obiisse scimus *Innocentium XI* , ex *Schedula intimationis Petri Paulli Bonae* , quae est hujusmodi<sup>1</sup> . *Dominica die 4. currentis mensis Octobris , hora 13. fient sollemnia Coronationis SS. D. N. EE. DD. Cardinales cappis rubeis induiti convenient in Capella Sixtina , in qua Sanctitas sua sumet sacra indumenta . In Sacello SS. Trinitatis , seu SS. Sacramenti , audiet sermonem Emī Card. Archipresbyteri , et excipiet Canonicos , et Clerum Basilicae ad osculum pedis . Interim Cardinales , et Episcopi , dimissis cappis , sument sacra indumenta . Perget deinde Summus Pontifex ad Sacellum Gregorianum B. M. dicatum , ibique adorabit venerabile Sacmentum . Inde accedit ad Altare SS. Apostolorum , quumque ibi parvum solium concenderit , leget praeparationes , et induetur vestibus missalibus , et celebrabit Missam . Audi haec eadem confirmata a Fulvio Servantio , in descriptione ejusdem Coronationis<sup>2</sup> . Ab hoc Sacello , in quo asservari solet , remotum fuerat SS. Sacmentum pro hoc actu , et repositum Sacello*

<sup>1</sup> p. 424.

<sup>2</sup> p. 422.

Gregoriano. Longa fuit haec actio descensus; quia ob nimium concursum Populi vix incedi poterat. Finem tandem habuit, et Pontifex pervenit in Sacellum praedictum, et inde ad locum, ubi consistere debebat, praeparatum extra cancellos ejusdem Sacelli, in loco illo, qui extenditur usque ad Navim principalem Basilicae, qui repagulis undique vallatus erat. Circumcirca extendebantur sedilia pro DD. Cardinalibus, et in angulo a dextra manu egressus solium Pontificium sub baldachino aspiciebatur supra tres gradus, cum suis subsellis pro Cardinalibus Diaconis assistantibus hinc inde. Ac rursus<sup>1</sup>. Itum fuit recta via ad Sacellum Gregorianum, B. M. V. dicatum, ubi erat expositum SS. Sacramentum. Ibi Pontifex descendit de Sede, nudato capite, et genuflexus oravit. Recompositus in Sede, reassumpsit mitram, et elevatus eodem ordine, a praedicto Sacello, venit ad Altare maius Pontificium.

Quae quum ita sint, quisnam Vgonio, Ciampinio, Mabillonio, Martenio, et Georgio adsentiatur, Cellam S. Gregorii, Basilicae Secretarium fuisse, ac ibidem Pontifices ex veteri instituto, sacris indumentis ornari consuevisse? Primum enim falsum omnino est, eos quoties sacris ritibus sollemniter operantur, in Basilica Vaticana, toties in Cella Gregoriana, ut Georgium affirmasse<sup>2</sup> vidimus, sacris vestibus sese induisse, ac etiamnum indui. Quod quidem, nisi me omnia fallunt, dissertissime, plenissimeque ostensum est ex ipsis Romanorum Ordinum locis, quae consulto superius attulimus. Ea enim docent, antiquorem M. Gregorii Cellam a Gregorio IV. excitatam, sollemni dumtaxat Pontificum Consecrationis, et Coronationis die, ac praeterea quotannis feria v. in

<sup>1</sup> p. 422.<sup>2</sup> p. 782.

*Coena Domini*, *Secretarii* vice inserviisse; *Cellam* vero a *Pio II.* constructam, iisdem caeremoniis, pro *Pontificum Consecratione*, et *Coronatione* destinatam. Verum ceteris festis anni diebus, in alio Basilicae loco Pontifices sese sacris indumentis ornabant, ut videre licet, non solum in *Romanis Ordinibus* a nobis supra allatis, sed etiam in iisdem quattuor *Ordinibus Missae Pontificalis*, quos edidit ipse Georgius<sup>1</sup>, in *Appendice Commentarii de Liturgia Romani Pontificis*, ubi nusquam *Cella Gregoriana* nominatur.

Secundo, etsi *ex veteri consuetudine*, Coronationis die, in *Cella S. Gregorii* Pontificalia indumenta sumant, falsum item est, illos eadem, *tamquam antiquo Secretario*, *etiamnum uti*; idque neque de antiquis, neque de recentioribus temporibus affirmari potest. Ex iis enim, quae fusius iccirco persecuti sumus, satis superque probatum est, jam inde ab initio, quum *Pontificum Consecratio*, et *Coronatio* in Bas. Vat. fieri coeperunt, nusquam hujusmodi caeremonias in *Secretario* peractas fuisse. Primum enim eas in *Cella* a *Gregorio IV.* constructa *ante novellum Secretarium* celebrari consuevisse demonstravimus; deinde in altera, quam *Pius II.* erexit, ac demum, si unum exemplum excipias, in *Cella Clementina*, ubi *Paullus V. Gregorii* exuvias collocavit.

Verum etsi *Cellam Gregorianam*, usque ad *Pii II.* aetatem, extra Templi ambitum fuisse, fatendum est, tamen vel tum a *Secretario* distinctam fuisse, praeter jam allata argumenta, luculentissime demonstrant insignia multorum Ordinum loca de *Imperatorum Coronatione*, quae, quum ad instituti nostri illustrationem maxime sint accommodata, non inutiliter in sequenti capite proferentur.

## C A P V T XVIII.

*Eadem de Vat. Bas. Secretarii a Cella Gregoriana disjunctione  
disquisitio continuatur , allatis multorum Ordinum locis ,  
de Imperatorum Coronatione .*

Plures sunt Romani Ordines , qui ritus in *Imperatoris coronatione*<sup>1</sup> exequendos describunt . Sed ab antiquioribus exordiamur . Is autem habendus certe ille est , quem primum edidit Odoricus Raynaldus ad annum MCCIX<sup>2</sup> , ubi disserit de Othonis IV. Coronatione ab Innocentio III. peracta . Hunc ille ipso Innocentii aevo scriptum putavit . Qui deinde in Museo Italico<sup>3</sup> eumdem evulgavit Mabillonius , Cencio Camerario adjudicavit . Rursus vero Edmundus Martene<sup>4</sup> ex Codice Arelatensi ceteris uberiorem emisit ; sed nil tamen de ejus aetate , aut auctore pronunciavit . Ipsa igitur brevissimi *Ordinis* verba habento ex Raynaldo descripta , quae ceteris Mabillonii , et Martenii fere consonant .

*Incipit Ordo Romanus ad benedicendum Imperatorem , quando coronam accipit . Promissio Imperatoris . In nomine Christi etc. Dehinc orationem primam det Albanensis Episcopus ante Portam argenteam Basilicae Beati Petri . Deus , in cuius manu corda sunt Regum etc. Orationem vero secundam det Episcopus Portuensis intra Ecclesiam D. Petri , in medio rotae , Deus inenarrabilis etc. . . . Deinde vadunt ante*

<sup>1</sup> V. Ioachim Fellerum . Lipsiae 1622 . Horarium Blancum . de tribus Coronis Longobardis ad Paullum Diaconum . ext . in T. I. Script. Ital. Muratorii pag. 460 . Ioh. Jacob. Mascovium . de Regali , Imperialique Augustorum Germaniae , Augustarumque coronatione . Lipsiae 1723 .

Christianum Weidlingum . de triplici Imperatoris Coronatione Longobardica , Romana , et Germanica . <sup>2</sup> p. 168 . <sup>3</sup> T. II. Ord. XII. n. 88. p. 215 . <sup>4</sup> de Ant. Eccl. Rit. lib. II. T. III. c. IX. Ord. VII. et V. T. II. Thesaur. Anecdota p. 488 , et 497 .

*Confessionem B. Petri Apostoli, et prosternant se proni in terram, et Archidiaconus faciat letaniam. Qua finita Episcopus Hostiensis . . .*

Eumdem Ordinem doctissimus Cajetanus Cennius in dissertatione VI. de Codice Rudolphino §. VI. de ritu Coronationis Karolingiorum Augg. ex praestantissimo Codice Albiniano<sup>1</sup> depromsit, solidisque argumentis demonstravit, allatos Ordinis editores ejusdem aetatem non esse assequutos, quam ab aevo Cencii Camerarii ad Karolinos ipsos retrahendam docuit. Neque tamen hunc Ordinem incircio assignandum esse duxit ipsis Imperatoriae Coronationis initiiis, de cuius ritibus nulla mentio apud scriptores occurrit, praeter Anonymum Panegyristam Berengarrii. Sed ipsa Imperatoris promissio, ac nullum insuper Missae indicium, Karolinis, et Germanis Ordinem aperte vindicant, qui Coronam ante sacri celebrationem suscipiebant.


Sed alteram ipse caussam adjiciam, cur idem Ordo ceteris antiquior jure sit habendus. Ibi enim nusquam Altare S. Gregorii nominatur, quod tamen, postquam a Gregorio IV. conditum fuit, in ceteris Ordinibus, ubi ritus Coronationis Regum Germaniae describitur, quum electio Regis Romanorum constituta est, una cum Altari S. Mauriti fere semper occurrit. Siquidem, quum ritus hujusmodi Coronationum, Occidentali Imperio instaurato, a Leone III. fuerit institutus, qui omnium primus in Basilica Vaticana Karolum M, extremo anno Seculi VIII, natali die D. N. Jesu, post sacrum sollempne rite corona vit, tunc certe nullae hac de caussa, in Cella Gregorian a nondum exstructa, caeremoniae celebratae fuerunt, licet jam, uti vidimus<sup>2</sup>, alterum in ipso Secretarii an-

<sup>1</sup> T. I. p. 256.

<sup>2</sup> p. 672.

tiquissimi Vestibulo Altare Gregorio sacrum existeret. Tunc enim, ut ipse Cencius in *dissertatione I. de Leonis III. epistolis*<sup>1</sup> eruditissime animadvertisit, ad stipulantibus Monacho Engolismensi, Eginardo, Ademaro, et Libro Pontificali, Karolus M. de improviso ad *Missam ante Confessionem B. Petri* a Leone III. coronatus est, a cuncto Rom. Populo acclamatum Karolo Augusto a Deo Coronato, magno, et pacifico Imperatori Romanorum, vita, et victoria.

Neque vero obstat, quod ne in aliis quidem *Ordinibus* sequiorum temporum, uti certe sunt xiv, Cajetano attributus apud Mabillonum<sup>2</sup>, et a Gattico iterum exhibitus<sup>3</sup>, vi. ex MSS. Pontificali Ecclesiae Apamensis in Syria, et viii. ex MSS. Codice Bigotiano apud Martenium<sup>4</sup>, ac demum i, et ii. apud Muratorium<sup>5</sup>, *Gregorii* Cella nominetur. Nam ob temporum, ac rerum vices, variamque Basilicae formam, ritus hujusce Coronationis necessario aliquantulum immutari debuit. Ac propterea, modo in *Gregorii* Cella, modo ejus vice, in alio Basilicae loco consuetas caeremonias fuisse obitas, omnes una mecum existimabunt. Nisi quis malit, etsi vel postmodum hic ritus in *Cella Gregoriana* praestitus fuit, tamen recentiores Ordinum consarcinatores in posteriorum Coronationum ritibus describendis, nulla habita varietatum deinceps inductarum ratione, antiquiora, prout stabant, descriptsse, nullamque hujusce deinde habitae, contra quam debuissent, fecisse mentionem.



<sup>1</sup> T. II: Cod. Car. §. II. I. p. 57.

<sup>2</sup> T. II. Mus. It. p. 399.

<sup>3</sup> p. 129.

<sup>4</sup> p. 593.

<sup>5</sup> T. I. Antiq. Ital. col. 99.

## §. I.

*Quando Imperatores nonnullas coronationis caeremonias  
in Cella Gregoriana servare coeperint?*

Ritus deducendi Imperatorem ad *Cellam Gregorianam* in die Coronationis, primum apparet in Coronatione *Henrici II*, et *Hagnae Augg.* atque iccirco ejus origo e Sec. XI. videtur repetenda. Porro ex duodeviginti Imperatorum Coronationibus, quotquot a *Karolo M.* usque ad *Karolum V.* contigisse scimus, nulla fuit hujusmodi Coronatione augustior, atque nobilior, quae primum, contra morem, inter *Missarum sollemnia*, fieri coepit, antequam Doxologia magna, sive Hymnus Angelicus, aut triumphalis concineretur. Multa enim tum nova, et singularia contigerunt, quam tres una simul coronis ornandi fuerint, nimirum *Clemens II*, qui eadem die sacrorum sollemnibus initiatus fuit, ac postea *Henricus II*, Conradi Salici Filius Aug. *Hagneque* ejus Vxsor.

In Caeremoniali, quod primum Panvinius inter Ordines ab se collectos recensuit<sup>1</sup>, ritus ea occasione servati memoriae sunt proditi. Hoc idem e MSS. Chisianae Bibl. a Mabillonio erutum Edmundus Martene evulgavit<sup>2</sup>, deinde recudit Ludovicus Ant. Muratorius<sup>3</sup>, ac demum J. B. Gattico<sup>4</sup>, qui idem, veluti antea ineditum ex Panvinii libro descriptsit, Cenniumque<sup>5</sup> hoc nomine decepit.

Verum Mabillonio, Martenio, Muratorio, aequo ac Panvinio, et Gattico ignotum fuit, quidnam in tantae vetustatis monumento contineretur. Primus omnium, qui

<sup>1</sup> in Cod. Vat. 642.

<sup>3</sup> T. I. Antiqu. Ital. in Ord. II. p. 103.

<sup>2</sup> lib. II. in Ord. IX. cap. XXII. p. 846.

<sup>4</sup> p. 215.

in addendis ad lib. II. c. IX. col. 596.

<sup>5</sup> p. 261.

ejusdem pretium agnovit , detexitque , idem Cennius fuit in dissertatione vi. de Codice Rudolphino<sup>1</sup>, ubi, duobus exemplaribus inspectis , diligenterque collatis , ad eorum fidem rectius , atque emendatius , totum Ordinem iterum praelo commisit , et Hermanni Contracti Monachi Augiensis errorem detexit .

Jam vero , quid sollemni illa die , in *Cella Gregoriana* peractum fuerit , ex ipso Ordine audiamus . Postquam *Henricus Rex Romanorum* , *Electus Imperator* , sacramentum praestitit *fidelitatis* , in *capite graduum* , ante *portas aereas S. Mariae in Turri* , *Episcopus Albanensis* primam Orationem recitavit *ante Portam argenteam* . Deinde *Domnus Papa* , et *Electus Basilicam* ingressi , in sedibus praeparatis considerunt ; ac *Pontifex* , vii. *Episcopis* sedentibus , secundum ordinem , ad dexteram suam , et *Episcopis Theutonicis* sedentibus ad dexteram *Electi* , *Cardinalibus* , et ceteris Ecclesiae Ordinibus circumstantibus , fecit *Scrutinium* , cuius formulae ibi afferuntur . Quo expleto , vadit *Domnus Papa* ad *Secretarium* , et induit se *Pontificalibus indumentis* usque ad *Dalmaticam* , qua *indutus sedet* . Interim *Episcopus Portuensis* , in medio rotae medianae , det hanc *Orationem super Electum* . Deus inenarrabilis , sicut in unctione Regis . Finita oratione , vadit *Electus* ad Chorum *Gregorii* , cum praedicto *Cardinalium Archipresbytero* , et *Archidiacono* , quibus , quasi magistris , uti debet in toto officio unctionis , et induunt eum amictu , et alba , et cingulo , et sic deducunt eum ad *Domnum Papam* in *Secretarium* , ibique *Clericum* facit eum , et concedit ei tunicam , et dalmaticam , et pluviale , et mitram , et caligas , et sandalia , quibus utatur in Coronatione sua , et sic *indutus stat ante*

<sup>1</sup> *ibid.*

*Domnum Papam*. Nunc autem , velim , in mentem revo-ces , quae de ritu conferendi minores Ordines in *Secre-tario majori* , superius<sup>1</sup> adnotavi , ab hoc illustri exem-ple egregie confirmata .

Atque heic liceat mihi insignem vitae Nicolai Gabrini , Laurentii F. Tribuni P. R. qui repentina tumultu occisus est anno MCCCLIII , locum intersetere , *Dalmati-cae* ab Imperatoribus gestandae usum mirifice illustran-tem . Sic itaque de eo scriptum legimus , postquam de Columnensibus victoriam reportavit<sup>2</sup> . *La dimane pe tiem-po deo pe terra le belle palazza , in pede de Ponte Santo Pie-tro , in fronte de Santo Ceizo : puoi ne ijo con soa Cavalla-ria a Santo Pietro , entrao ne la Sacrestia , e sopre tutte le arme se vestio la Dalmatica de stati de Imperatore , quella Dalmatica se viesto l' Imperatori , quanno se incoro-nano , tutta ene de minute perne lavorata , ricco ene quello vestimento : con tale veste , a muodo de Cesari , sallio a lo Palazzo de lo Papa , co tromme sonanti , e fo denanti a lo Legato , soa bacchetta in mano , soa corona in capo , terribele , fantastico parea .*

Sed , ut ad *Henrici II* , et *Hagnae Augg. coronationis historiam revertamur , notandus est Chori titulus , qui novo , atque unico exemplo , Cellae Gregorianae tribui-tur , in hoc tantum Ordine , apud Panvinii , aliorumque exemplaria . Passim enim apud Scriptores pro Tem-pli abside , et Sanctuario *Chorus* adcipitur , ac proprie *Chorus* olim erat in Ecclesia pars illa navis , ubi ambo .*

<sup>1</sup> p. 577.

<sup>2</sup> Vita di Cola di Rierzo , Tribuno del Popolo Romano . Bracciano 1631. 8. p.97. et apud Muratorium in T. III. Antiq. Medii Aevi lib. I. cap. xxxI. Jean An-

toine du Cerceau , Conjuration de Ni-colas Gabrini , dit de Rienzi , Tyrant de Rome en 1347. Paris. 1733. 12. Mi-chael Corradus Curtius de Senatu Ro-mano pag. 405.

Heic tamen hujusmodi titulus ex eo fortasse petendus est, quod, quum ibi antea a Pontifice, qui eadem die consecratus fuit, de more recitanda fuerit *Tertia*, ac *Scamna*, *Chori* instar, pro Cardinalibus disponenda, qui caeremonias, quas supra descriptsimus, obire debuerunt, tunc iccirco *Chorus* videri, et nominari potuit; quod nusquam postea dictum fuisse demonstrabimus in aliis *Ordinibus*, qui solam Imperatorum Coronationem, a Pontificum inauguratione segregatam describunt.

Et sane dubitari minime potest, quin *Chorus S. Gregorii* idem heic sit, quod *Cella Gregoriana*. Audi, quae idem Ordo statim subjungit. *Verum completo Scrutinio, exit Hostiensis Episcopus ad Portam Argenteam, ubi Regina cum Iudicibus, et suis Baronibus praestolatur, et dat ei hanc Orationem. Omnipotens aeterne Deus..... Qua Oratione completa, unus de Cardinalibus Presbyteris, cui Prior praeceperit, de Diaconibus similiter unus, cui Archidiaconus jusserrit, Reginam deducant usque ad Altare S. Gregorii, ibique exspectet, donec Dominus Papa cum sua processione exeat.*

Quid clarius? Heic *Chorus S. Gregorii* disertis, ac perspicuis verbis, *Altare S. Gregorii* nominatur, quod, uti jam saepe diximus, a Gregorio IV, ante novellum *Secretarium* constructum fuit. Quis vero non videt, contra Mabillonii, et Georgii sententiam, *Secretarium* non idem esse, ac *Cellam Gregorianam*, modo ad ea verba animum advertat: *Vadit Dominus Papa ad Secretarium.... Vadit Electus ad Chorum Gregorii.... et induunt eum amictu, et alba, et cingulo, et sic deducunt eum ad Dominum Papam in Secretarium, ibique Clericum facit eum. Ac rursus ad alia, quae de Regina notantur, quae deducitur tantum usque ad Altare S. Gregorii, ibique exspectat, donec Dom-*

*nus Papa cum sua Processione exeat* <sup>et</sup> *e Secretario, quô Feminis, ex veteri instituto, aditus praecludebatur? Nihil vero obstat, quod Cellam a Gregorio IV. erectam, extra Basilicam fuisse diximus. Etsi enim Henricus, et Hagne eô processerunt, postquam Basilicam ingressi fuerant, tamen per ostium, quod e Basilica ad eamdem Cellam aditum praebebat, uti superius<sup>1</sup> ostendimus, eô se facile conferre potuerunt, eodem plane modo, quo Pontifex eamdem Basilicam ingressus antea fuerat, ac dehin ex ea ad Secretarium perrexerat, quod nemo certe extra Basilicam positum fuisse, diffitebitur. Quapropter haec antiquissimi Ordinis loca nostrae opinioni nihil incommodant, dum, contra quam plures docti viri sensere, Cellam a Gregorio IV. erectam, extra Basilicam statuendam esse, contendimus.*

## §. II.

*De Diaconi, aut Subdiaconi munere ab Imperatoribus praestito,  
aliisque sollemnibus caeremoniis in eorum  
Coronatione servatis.*

Verum de his, eruditionis suae parcus, ac tenax Cen-nius nihil habet, etsi ceteros, ut ita dicam, Imperatoris gradus sedulo sit persequutus. Plura enim, ac praeclara de *Sacramento fidelitatis* in Aede S. M. in Turri praestando<sup>2</sup> disseruit, ac praesertim inquisivit, quoniam tempore a Canonicis Bas. Vat. Imperatores ibidem in Fratrem recipi<sup>3</sup>, incoepturn sit. Quod, ut *Subdiaconi*

<sup>1</sup> p. 750.<sup>2</sup> p. 271.<sup>3</sup> p. 273. V. Pomp. Sarnelli, che il principale atto del Suddiacoно sia offerire al Diacono il Calice vacuo, e la Patena vacua, e se l' Imperadore Romano de-avere l' ordine Suddiaconale, con altre curiose notizie <sup>2</sup> in T. vi. Liter. Eccles. p. 34. della Coronazione dell'eletto Imperatore. T. viii. p. 3. del Suddiacanato, e Acolitato, strettamente, ed in

officio in re divina fungi posset, fieri consuevisse demonstrat, non minus Durantis Rationalis<sup>1</sup> auctoritate, quam Clementis V, de Coronatione *Henrici VII.* facienda, praescripto innixus.

Ceterum, ut obiter heic moneam, ignoro, qua de caussa Vir doctus adnotatione dignum non judicaverit, quod Imperatores, Coronationis die, *Subdiaconatus* munere fungerentur, *Patenam cum hostia*, et *Calicem cum vino*, et *aqua Pontifici*<sup>2</sup> ministrantes, quum deinde, quoties Pontificum sacris interessent, vel *Diaconi* vices exercent<sup>3</sup>. Nam de Imperatore Sigismundo sic habet historia<sup>4</sup>. Mane venit Imperator ad Missam, Romae in S. Petro, quam Papa cantavit, et Imperator legit Evangelium in habitu Diaconi. Ac profecto Augustinus Patritius<sup>5</sup>, et Card. Papiensis<sup>6</sup> *Friedericum III.* Imperatorem, in Officio nocturno Nativitatis Domini, anno MCDLXVIII, Paullo II. P. M. Romae Evangelium in morem Diaconi cantasse scribunt. Eadem habet de Karolo IV. Dominicus Macer in *Hierolexico*, qui concinit Chronicis Belgicis, et Continuatori Nangii<sup>7</sup>. Karolus IV. Imperator, ut narrat in ejus *Chronica* an. MCCXLVI. Albertus Argentoratensis, Basileae, die Sancto Nativitatis Domini, communicatus fuit, legitque in Missa, in Galli can-

largo modo intesi, e de' Principi benemeriti di S. Chiesa, onorati dalla medesima. ibid. p. 6. Delle Almuzie Canonicali. in T. x. litt. Eccl. p. 84.

<sup>1</sup> lib. II. c. vii. n. 6.

<sup>2</sup> Bianco Negrinella Bas. Petroniana. p. 75. Poscia disse S. S. il *Credo*, e dopo l'Of fertorio, Cesare depose ogni cosa, sino il manto, che haveva intorno, et andò a' piedi di N. S. et offrì 30. doppie da 4. ducati l'una, e come Suddiacono vestito, andò all'Altare con S. S., e ministrò il

Calice, e la patena, e l'acqua, che s'infonde nel vino, e si ritirò alla destra parte, sinchè il Papa andò alla sua sede per communicarsi.

<sup>3</sup> In ambone Imperatores interdum coronatos fuisse testantur Theophanes p. 405. et Auctor incertus post eum d. p. 431. 419. 426.

<sup>4</sup> apud Berrium in Karolo vii, et apud Ducangium

<sup>5</sup> T. I. Mus. It p. 263, et 264.

<sup>6</sup> lib. vii. Commentariorum.

<sup>7</sup> an. MCCCLXXVIII. apud Ducangium.

*tu, alta voce, habens in manu evaginatum gladium, Evangelium, Exiit edictum a Caesare Augusto. Atque hoc item Karolum V, die Natalis Domini, anno MDXXIX. Bononiae praestitisse scimus, ut Josephus Catalanus adnotavit<sup>1</sup>, ubi egit de sollemni Evangelii lectione Imperatoribus concessa<sup>2</sup>. Verum hujusmodi ritum facilius in usu fuisse putat Catalanus<sup>3</sup>, si forte Rex aliquis, praeter Imperatorem, interesset. Tunc enim Rex Epistolam, Imperator Evangelium legebat, ut constat ex veteri Caeremoniali gallice scripto apud Ducangium, et Ciampinium<sup>4</sup>, cuius haec sunt verba. Comme on fait un Empereur, le Pape doit chanter la Messe, et le Roy de France y peut estre, et doit dire l'Epistre; en son absence, le Roy de Sicile la doit dire, l'Empereur doit dire l'Evangile, et y estre couronne l'Empereur à S. Pierre de Rome. Quae quidem non in minimis ponenda, atque ad rem apposita maxime videbantur. Sed Cennius praedictis adnotationibus contentus fuit, qui praeterea<sup>5</sup> adjecit, quando Imperatorum inunctio ad Altare S. Mauritii fieri coepit; ac multa demum exquisita eruditione subjunxit de Insignium Imperialium traditione, nimirum de Manto Collobio, Anulo, Sceptro, Pomo Crucigero, Mitra, et Gladio, quae vide sis apud eumdem, aliosque<sup>6</sup>. Utinam vero,*

<sup>1</sup> de Codice S. Evangelii c. iv. p. 37.

<sup>2</sup> V. Joh. Matthaeum Hammerich. de usu Evangelici Cod. apud veteres Christianos. Hauniae 1702, et Andr. Schmidum. de cultu Evangeliorum. in Triga Exercitatio- num. Janae 1692. 4.

<sup>3</sup> T. I. Pontif. p. 388.

<sup>4</sup> T. I. Vet. Monum. c. xvi. p. 134.

<sup>5</sup> p. 271.

<sup>6</sup> V. Gattico. in Diar. Caer. Ducangium.

in Dissert. de Imperatorum Constantino-politanorum, seu de inferioris aevi, vel Imperii, uti vocant, Numismatibus, notis illustrata, et ejus Glossario editionis Basileensis, et Parisiensis adjecta, Bull. Vat. edit. in diplom. Honorii II. Harduinum. de numis Urbium pag. 413. Joh. Georg. Roeserum. de Sceptris Principum. Francofurti ad Viadrum 1690. Kar. Fridericum Cobium. de Sceptrorum

eodem modo, Viro pererudito placuisse inquirere, quoniam tempore descripti ritus in *Cella Gregoriana* celebrari coeperunt, et hanc quoque Imperatorum stationem, uti ceteras, illustrasset!

Sed intactam hujusmodi provinciam reliquerunt non minus Cennius, quam Maurini, et Bollandiani, qui et si tot, ac tanta de *Gregorii* laudibus, ejusque cultu tradiderint, nil tamen unquam de tam illustribus praerogativis, quae huic Cellae, p[ro]ae ceteris Vat. Bas. adhaeserunt, *Feria v. in Coena Domini*, et in *Pontificum inauguratione*, et *Imperatorum Coronatione*, indicarunt. Quod certe de utrisque satis mirari nequeo; quum, etsi nondum Mabillonius Romanos Ordines a Panvinio collectos evulgasset, neque Martenii, et Muratorii editiones prodidissent, quas deinde a Gattico, et Cennio cumulatas fuisse vidimus, tamen priusquam Maurini *Gregorii* vitam, ac reliqua ad ejus gloriam, cultumque spectantia typis consignassent, jam Romae, et Venetiis prodierat *Pontificale Romanum*, ubi *Gregorii* Cellam, uti supra ostendimus, ac denuo mox declarabimus, descriptis Pontificum, et Imperatorum Coronationum ritibus obeundis fuisse destinata, noscere facile potuissent.

Quod vero ad Bollandianos spectat, quae in *vita Gregorii* Ianningus <sup>i</sup> omiserat, ea certe supplere alibi, facile, atque opportune potuissent Socii praestantissimi, ac praesertim Johannes Cleus, qui plurima *de gloria po-*

origine. Wittebergae 1722. Frid. Henric. Jacobs de Sceptro. Ienae 1704. Christoph. Godofr. Hoffmannum, de origine, et jure Sceptrorum. Francofurti ad Viadrum 1724. Ioh. Gasp. Struvium. de Sceptro, regiminis eminentioris symbolo. Helmstadii 1728.

Henric. Theodorum Pagenstecherum. de Sceptro Majestatis insigni. Ext. in Triade dissertat. Lemigoviae 1739. 4. et Ioanne Christophorum Snodtmannum. de Sceptris veterum. Guelpherbyti 1744.  
i T. II. Martii.

sthuma S. Mauricii , et Thebaeorum MM. erudite<sup>1</sup> conges-  
sit , Verum , etsi de Ara , quam S. Mauritius habuit in  
Basilica Vaticana , nonnulla commemoret , tamen de *ritu*  
*Imperatoris brachium dextrum , scapulasque oleo exorcizato*  
ibidem *inungendi* , praetermissis omnium Ordinum aucto-  
ritatibus , vulgare tantum Barth. Plazzae<sup>2</sup> profert testi-  
monium , haec de suo deinde subjungens . Olim autem  
*Imperatores ad ejus Aram Imperii insignia proferre , et pro-*  
*tectionem singularem experiri solebant* . Atqui nae Cleus plu-  
ribus de hujus Arae privilegiis , quae recensere profes-  
sus erat , minus dixit , quam paucis Janningus , qui etsi  
in *descriptione Bas. Vat.*<sup>3</sup> obiter egit de *Altari S. Mauri-*  
*tii* , tamen postquam ibi de veteri Imperatores inungen-  
di consuetudine<sup>4</sup> multo gravius Manlii , et Paulli de An-  
gelis protulit testimonium , celebrem talis rei caeremo-  
niam a Patritio<sup>5</sup> , et a Goldasto<sup>6</sup> describi adnotavit ?  
At , quaeso , quisnam aptior eidem Janningo locus of-  
ferri poterat , ut quod de S. Mauritii *Cella* adnotan-  
dum esse jure censuit , idem , ubi venit ad Gregoriani  
*Altaris descriptionem*<sup>7</sup> , animadverteret , quodque in *vi-*  
*ta Gregorii praetermissum fuerat , vel ibi commode sup-*  
pleret , vel saltem in peculiari dissertatione , quam<sup>8</sup> *de*  
*situ Secretarii antiqui , et Sacelli Gregoriani S. Gregorio pri-*  
*mo a Gregorio IV. constructo lucubravit* ?

Frustra vero eadem exspectes a Gallicolio , etsi om-  
nium postremus multo uberiorem *Gregorii operum edi-*

<sup>1</sup> T. vi. Sept. V. plura a nobis allata  
pag. 35. de Legionibus Thebaea , ac  
Melitina .

<sup>2</sup> in Hemer. die 22. Sept.

<sup>3</sup> T. vi. Iunii p. 103.

<sup>4</sup> V. Ioach. Zientgravium. de *Vnctione*  
*Regum* . Argentorati 1688. et Nic. Hon-

*nelium* . De *Vnctionis ritu in Imperator.*  
ac *Regum inaugurationibus* . Exst. in ejus  
Oto Vratislaviensi . cap. xiv. pag. 104.

Ienae 1658. 8. <sup>5</sup> in Rit. Sect. v.

<sup>6</sup> in Const. Imp. p. 412.

<sup>7</sup> T. vi. Junii p. 93 , et 94.

<sup>8</sup> ibid. p. 151.

tionem adornaverit, quaeque a Maurinis, et Bollandianis praetermissa fuerant, in medium proferre, in se receperit.

## §. III.

Quousque hujusmodi caeremoniae in Cella Gregoriana celebratae?

Erit fortasse, qui sibi persuadeat, ritus in *Henrici*, et *Hagnae* coronatione servatos, atque a nobis, quoad licuit, Cennio, Maurinis, Bollandianis, et Gallicolio hac de re fere silentibus, illustratos, postea desuevisse. Id enim primum conjici posse videbitur ex allatis Martenii, et Muratorii Ordinibus, ubi *Cella Gregoriana* minime nominatur; ac praesertim ex Ordine XIV, ubi tantum<sup>1</sup> *Secretarium* occurrit, in quo *Summus Pontifex* *praeparat se cum omnibus Ordinibus suis, tamquam celebraturus divina*. Quod aequo animadvertisimus, tum in diplomate *Clementis V*<sup>2</sup>, in quo agit de coronatione *Henrici VII*, quae non in Templo Lateranensi, sed in Vaticano de more habenda erat, tum in diplomate *Innocentii VI*<sup>3</sup>, ubi ritus in *Karoli IV. Romanorum Regis*, ejusque Vxoris *Annae Reginae Coronatione*, a Cardinali Hostiensi servandus, fuse prescribitur. Ibi enim nusquam *Cella Gregoriana* innuitur, etsi omnes coronationis caeremoniae descriptae sint.

Verum sedulo animadvertendum est, Ordines a Martenio, et Muratorio evulgatos, certam nullius Imperatoris Coronationem exhibere; sed tantum, quidnam agendum esset in ea, quolibet casu obeunda, indicare. Quapropter mirandum minime est, singula non fuisse ibidem adnotata. Ac praeterea, quum Ordines sint incerti

<sup>1</sup> p. 398.<sup>2</sup> T. I. Bull. Vat. p. 250.<sup>3</sup> apud Raynal. ad an. 1355. n. 3. et in

T. I. Bull. Vat. p. 350.

temporis, ex primo, quem edidit Raynaldus, ceteros expressos esse, jure suspicabimur. Quod vero attinet ad *Clementis*, et *Innocentii* Diplomata, fatendum est, ne ullam quidem ibi fieri mentionem loci, ubi Imperator sacris vestibus induendus erat. Sed tamen, quum probe compertum sit, iis in *Cella Gregoriana* ceteros Imperatores ornari consueuisse, sentiendum est, utrumque Pontificem de *benedictionum*, et *juramenti* formulis prescribindis tantummodo sollicitum, ea praetermisisse, ut illa aetate jam satis pervulgata, ac multo minoris momenti. Quod si nonnemo subjungat, dici idem posse de Ordine, quem Raynaldus in lucem emisit, ubi ne alius quidem locus assignatur ad vestiendum Imperatorem, reponam, ibi varias etiam legi *benedictionum* formulas, quae iccirco eum antiquiorem esse produnt, ac ne *Altare* quidem *S. Mauricii* ibidem nominari, quod tamen in ceteris Ordinibus semper occurrit. Hinc enim vero praeter ea, quae supra<sup>1</sup> adnotavimus, datur opiniandi locus, quum nondum eo tempore perficeretur inunctio ante *Altare S. Mauricii*, neque totius functionis ritus constabilitus omnino esset, nondum etiam *Cellam Gregorianam*, ad Imperatorem recipiendum, sacrisque vestibus ornandum, fuisse destinatam. Verum, quo tamen cumque modo sese res habeat, ex allatorum Ordinum, et *Clementis*, et *Innocentii* VI. diplomatum silentio, id unum evinci poterit, *Cellam Gregorianam* aliquoties, fortuita ex caussa, quae certo ignoratur, hujusmodi caeremoniis non inserviisse. Id enim superioribus temporibus usuvenisse, satis abunde demonstravimus, ac posterioribus etiam id accidisse, nunc declarabitur.

Pagius ad annum MCDLII<sup>1</sup>, Friderici II. coronationem a Nicolao V. peractam describit, Naucleri verbis, qui, etsi certe ea die *Cella Gregoriana*, flore novo, et festo cultu exornata, prolatis ritibus obeundis de more inservierit, tamen nusquam illam in sua narratione nominavit. Quod etiam Iculenter probat, alias etiam fieri potuisse, ut eadem *Cella* in consuetis caeremoniis peragendis rite usi fuerint, quin id ipsum in *Ordinibus* aperte sit declaratum. Id autem manifeste patet ex *Historia Friderici* II. ab Aenea Sylvio, qui deinde Pius II. fuit, conscripta, ubi primum, contra morem majorum, in Basilica Vaticana corona ferrea, quam Modoe tiae<sup>2</sup>, aut Mediolani suscipere debuisset, et simul aurea redimitum fuisse, narrat hoc modo<sup>3</sup>. *Fridericus* per aliquot *Cardinales* ad *Capellam ductus*, quae intra *Turres* dicitur, ibi *jusjurandum* B. Petro, et Nicolao Pontifici, suisque Successoribus in ea forma praestitit, qua *Ludovicum* M. Karoli F. jurasse, *Pontificum* *decreta confirmant*. Ibi quoque et alba inautus, in *Canonicum* S. Petri *receptus*, *Fratribus*, qui aderant *Canonicis*, osculum dedit. Nec mora, inter *Cardina-*

<sup>1</sup> p. 390.

<sup>2</sup> V. Bzovium ad ann. MDCXXXI. p. 19. Barth. Zucchi Breve Istoria della Corona Ferrea, ed il Catalogo di quei Re, ed Imperatori, che in Monza Città Imperiale, ed altrove l' hanno usata: Milano 1613. 4. Tre illustrissime glorie di Monza, Città Imperiale, per la Vita della Reina Teodolinda, per la Corona Ferrea, e per la Vita di Gherardo. ivi 1613. 4. Istoria dell' insigne Corona Ferrea, che si conserva nell' insigne Basilica di Monza. Milano 1707. 4. Iust. Fontanini de Corona Ferrea Longobardorum. Romae 1717, et 1719. 4, et Lugd. Batav. 1723. fol. Muratorium de Corona Ferrea, qua Ro-

manorum Imperatores in Insubribus coronari solent. in T. II. Anecd. Bibl. Ambr. an. 1698. p. 167, et Lugd. Bat. cum Diss. Fontaninii. De cultu Coronae Ferreae animadvers. (Prosperi de Lambertini) Acced. Catalogus Auctorum, qui de Corona Ferrea verba faciunt. Roma 1715. et 1717. fol. Ant. Franc. Fisi Memorie della Chiesa Monzese. Milan. 1774. T. II. 4. 3 p. 80. V. de Friderici II. Imp. in Italianam profectioe votiva, honorifico ad Urbem adventu, et gloriosa Coronatione Romana narrationem, e I. i. S. Caerem. §. II. c. I. apud Schardium, et Goldastum in Part. IV. Polit. Imper. p. 325. et apud Murator. in T. xxiv. Rer. Ital. p. 203.

*les medius incedit. Ad praecipuam Ecclesiae portam quum venisset, ibi per Subdiaconum S. Mariae Novae Cardinalem, Eugenii IV. Nepotem, sollemni benedictione coopertus est. Deinde Capellam S. Gregorii ingressus, Sandalia tulit, tunicellam induit, et augustale paludamentum accepit. Mox ei in medium Basilicae profecto, per alium Cardinalem benedictio superfusa est. Tertiam quoque benedictionem apud Cancellum S. Petri suscepit. Exinde ductus ad Altare S. Mauritii, per Cardinalem Portuensem, nunc Vice Cancellarium, de quo supra meminimus, in scapulis, atque in dextro brachio, pro veteri more, oleo sacro delinitus, iisdemque locis inuncta est Conjux ejus Leonora, quibus peractis, ambo in sua tribunalia transierunt.*

Postrema haec omnium fuit Imperatorum Coronatio, quae in Bas. Vat. peracta sit. Nam *Maximilianus Friderici Filius*, quem *Iulius II.* insignibus Imperii ornare designaverat, bello immature decessit. Quapropter ambigendum minime est, qualem e Cellis *Gregorianis*, quas supra illustravimus, Romani Ordines, atque Historici indicaverint. Ipse enim positus *Cellae Gregorianae de Palatio*, ac *de Cortina*, ut jam demonstravimus, easdem ex hoc numero retrahendas esse declarat. De duabus aliis quaestio superesset, de ea nimirum, quam *Gregorius IV.* excitavit, deque altera, quam *Pius II. Andreae*, et *Gregorio* dicavit. Sed ipsa temporum ratio, hanc alteram aperite excludit, quum allatae coronationes, *Pii II. Pontificatum* antecesserint. Itaque aperte liquet, ritum, sandaliis, tunicella, et paludamento Imperatorem induendi, a Coronatione *Henrici II.*, usque ad postremam *Friderici III.*, in Cella a *Gregorio IV.* extra Basilicam constructa, fuisse ususpatum.

Ceterum, etsi haudquaquam constaret, novum Altare, quô *Pius II.* transtulit *Gregorii exuvias*, caeremoniis in Imperatorum Coronatione obeundis nunquam inserviisse, contra quam in Pontificum Inaugurationibus, et Coronationibus, a *Pii II. Pontificatu*, usque ad ejusdem Altaris eversionem factum vidimus, dubitandum tamen minime esset, quin *Gregorii Cella*, quae tam in Pontificum, quam in Imperatorum Coronationibus describendis in *Pontificali Romano* ab Augustino Patricio nominatur, haec eadem fuerit, quam sua aetate *Pius* erexerat. Quum enim in *Pontificum Coronationibus*, alteri a *Gregorio IV.* erectae suffecta esset, eodem modo statutum fuerat, ut *Imperatorum Coronationibus*, si quae postea fuissent, quoque inserviret. Ac propterea quaecumque Patritius, *Innocentii VIII.* jussu, scripto consignavit, de *Pii II. Cella accipienda esse*, nullus, opinor, dubitaverit.

Itaque lubet heic eadem Patritii loca in medium afferre, qui, utpote scientissimus, ac peritissimus Dissignator, totam festae illius diei pompam ita ob oculos ponit, ut ei interesse quodammodo videaris. Ac primum agit de adventu, et Coronatione Electi in Imperatorem<sup>1</sup>, deinceps de caeremoniis in die coronationis servandis ita disserit<sup>2</sup>. Adveniente die statuta Imperialis Coronationis, quae convenientissima est in die Dominica Laetare, in medio Quadragesimae, ut Durantes in Rationali diuinorum Officiorum scripsit, et ita a Nicolao Quinto in Coronatione Friderici servatum est, Ecclesia Sancti Petri, et Capella major erunt decenter ornatae, ut in maximis Sollemnitatibus, quum Pontifex est celebraturus divina, solent ornari, et praeter consueta, eriguntur duo suggestus hinc, et inde extra cancellos Ca-

<sup>1</sup> T. I. Caerem. edit. Catalani Tit. v. p. 165.

<sup>2</sup> ibid. §. x. p. 184.

*pellae, alter pro Imperatore Electo, ad sinistram venientibus, alter a dextra pro Imperatrici, et ornetur tapetis, aulaeis, sedibus, scabellis, et aliis opportunis. Ecclesia tota, et maxime Capella S. Gregorii, S. Mauritii, et quae S. Mariae in Turribus appellata, extra Ecclesiam in primo Porticu sub Turri Campanaria est, bene mundentur, ormenturque.*

Quis autem Cellam D. Gregorii, quae heic a Patritio memoratur, una cum altera D. Mauritii, intra Vaticanae Basilicae ambitum positam fuisse non agnoscat, quum ab altera S. M. in Turribus utramque distinguat, quam unice *extra Ecclesiam* fuisse scribit? Itaque Cellam a Pio II. erectam a Patritio indigitari, perspicuum sane est; quod clarius etiam constat ex altero ejus loco, ubi, postquam cæremonias recensuit ab Imperatore obeundas in Ecclesia B. M. inter Turus, primamque Orationem descriptis ante Portam argenteam super eum recitandam, agit<sup>1</sup> de accessu Imperatoris ad Capellam S. Gregorii, et de altera Oratione super eum dicenda. Inquit enim. Finita prima Oratione, intrant Ecclesiam, Caesare incedente semper inter duos Diaconos Cardinales praedictos, et immediate praecedentibus duobus Episcopis Cardinalibus praefatis, et flectentes ad sinistram, perveniunt ad Capellam S. Gregorii, ubi Imperator sedens, deposita Almucia, primo induit Sandalia, deinde stans, Tunicellam, et demum Imperiale Paludamentum: et mox inde procedens ad medium Ecclesiae, ubi rota porphyretica est, venit, et ibi ab alio Episcopo Cardinali ibi assistente dicitur super eum alia oratio.

<sup>1</sup> T. I. Caerem. edit. Catalani §. xiv. p. 193.



## C A P V T   X X.

*De Coronatione Karoli V. Bononiae habita in Templo S. Petronii,  
in formam Bas. Vat. commutato.*

Quae Patritius facienda praescripserat, in Cella Gregoriana Pii II, etsi nunquam in Bas. Vat. exequi licuerit, in omnium tamen suprema Karoli V. Coronatione, quam Bononiae Clemens VII, in Templo S. Petronii peregit, adamussim praestita fuerunt. Priusquam vero Pontifex datas die XVII. Septembris anni MDXXIX. literas acciperet, quibus Karolus V, Germania tumultuante, ac Ferdinandus Fratre adversus Turcas opem flagitante, Bononiae coronari postulavit, Blasius de Martinellis Caeremoniarum Praefectus, Pontifici declaraverat, quae in Imperatoris Coronatione rite erant peragenda, si in Basílica Vaticana, ex veteri consuetudine celebranda esset. Haec autem quum I. B. Gattico primum <sup>1</sup> evulgaverit, rem non injucundam Lectoribus fore arbitror, si ea quoque heic ceteris attexamus. Ait itaque <sup>2</sup>. Intrat Ecclesiam Caesar inter duos Cardinales Diaconos, praecedentibus Episcopis Cardinalibus, veniunt ad Capellam S. Georgii, in sinistra manu existentem, ubi Imperator sedens deposita cotta, et almutia, induitur sandaliis, et inde veste longa de cremesino taffetano suffulta usque ad pedes, et inde tegitur roccetto longo, et desuper tunicella, et demum Imperiale paludamentum accipiat. Veniunt ad medium Ecclesiae, ubi est rota porphyrea. Heic vero lapsum fuisse Blasium, nemo non videt, qui perperam Altare S. Georgii pro Gregorii nominavit, quin Gattico errorem animadverterit, quem tamen aliis etiam Scriptoribus melioris notae fuisse com-

<sup>1</sup> tit. IX. p. 101.

<sup>2</sup> ibid. p. 104.

munem<sup>1</sup>, supra demonstravimus. Quod ita profectō esse, manifeste patet ex altero ipsius Blasii loco, ubi ait<sup>2</sup>. Praesupposito, quod in Vrbe, ut secundum leges, et instituta antiquorum Patrum fieri convenit, et debet, quia Caput Imperii, et in Ecclesia S. Petri, primo procurandum erit, quod Ecclesia sit bene ornata, sicut fieri solet in maximis solemnitatibus, et praesertim Altare majus, ubi Papa celebraturus erit, sicut decet, Altare S. Gregorii, ubi Imperator recipit indumenta, Altare S. Mauritii, ubi unctiones fiunt, sollemniter ornetur. Ac rursus paullo infra<sup>3</sup>. Faldistorium cum cussino deaurato in Capella S. Gregorii, in quo genuflectit, et orat, et inde sedet. Duo alii cussini pro Cardinalibus associantibus, super quibus genuflectant. Duo scabella pro duobus Cardinalibus hinc inde sedentibus. Sedilia, et loca parata ad sedendum pro aliis Principibus, et Praelatis, secundum loci capacitatē. Super Altare erunt caligae, Sandalia, vestis longa de cremesino taffetano suffulta, cum manicis strictis, et cingitur desuper. Rocchettum longum usque ad collum pedis. Stola broccati ricci ab humero sinistro in transversum sub dextro. Manipulum de eodem broccato ad sinistrum brachium. Paludamentum Imperiale, et vestis Imperialis bene ornata, et perlis circa fimbrias, et collum, cum aperturis ante, et retro.

Haec autem Blasius de more praescripserat, dummodo Romae in Bas. Vat. Coronatio haberetur. Quum vero una cum Pontifice Bononiam profectus esset, ibique omnia in Aede S. Petronii, instar Templi Vaticanī, exacte disposuisset, totum ritum ea occasione servatum, die Jovis, festo S. Matthiae Apost. xxiv. Februarii, anno MDXXX. posteritati mandavit.

<sup>1</sup> p. 913.

<sup>2</sup> p. 107.

<sup>3</sup> p. 108.

Eum itaque haec omnia in Aede S. Petronii sedulo, naviterque disponentem, parumper sequi ne pigeat. Ecce jubet<sup>1</sup>, ut *Capella*, quae dicitur S. Gregorii, in introitu Ecclesiae ad sinistram, ornetur per pulchre. Ibi faldistorium pro *Caesare*, quatuor scabella pro quatuor Cardinalibus; super Altare parentur sandalia, amictus, rochettum longum, vestes de cremesino usque ad talos, tunicella, manipulus, quibus omnibus ibi *Caesar* induetur. Atque alibi, quum loca, quae praeparari, et ornari debuerunt pro expleione tantae rei, cum Magistro Domus Papae, et Deputatis Imperialibus inspecta describit, ad introitum, inquit<sup>2</sup>, Ecclesiae a sinistris in secundam Capellam, loco Capellae S. Gregorii in Basilica S. Petri, praeordinatam, ad quam ex eodem ponte per alium ponticulum descendebatur, devenimus, quam similiter ornandam disposuimus. In hac Capella *Caesar* indui sacris vestibus, et paludamentis Imperialibus debebat.

Nunc, nisi molestum est, accipe ex eodem Blasio, quae in Cella Gregoriana, sollemni illa die peracta fuerunt. Electus, inquit<sup>3</sup>, medius inter dictos duos Diaconos Cardinales, praecedentibus ante eum duobus illis Episcopis Cardinalibus cum pluvialibus, et mitris suis, descenderunt, per ponticulum transversalem in Capellam secundam a sinistris introitus Ecclesiae erectam, sub vocabulo S. Gregorii, ad instar illius Capellae S. Gregorii in Basilica Principis Apostolorum de Vrbe, ubi electus Imperator in faldistorio sibi praeparato genuflexus oravit. Mox consurgens, quatuor illis Cardinalibus in certis scabellis in lateribus praeparatis considentibus, a suis Praelatis assistentibus exutus almutia, et superpelliceo, ministrantibus ibi Capellanis, et Camerariis suis secr etis indumenta, et paramenta infrascripta, illis indutus fuit; vi-

<sup>1</sup> p. 138.<sup>2</sup> p. 142.<sup>3</sup> p. 145.

delicet primo, quibusdam sandaliis, levibus gemmis ornatis, calciatus fuit; tum stans, veste in modum guarnatiae talari de cremenino raso, strictis manicis apertis in brachio dextro, ligatis tamen, et collectis cordulis aureis, deinde alba, quae camisia vocatur, aperta, et inversa retro, tum stola auro, et perlis contexta in modum Diaconi, tunicella, et dalmatica ex tela aurea subtili, postremo paludamentum induit; idest vestem Imperialem auro, et gemmis pretiosis contextam, magni ponderis, in formam quasi pluvialis, a parte anteriori apertam, ut cum magna difficultate deferri posse videretur. Ad haec Coronam regiam in capite deferens, medius inter illos Diaconos Cardinales, et praecedentibus ante eum duobus illis Episcopis Cardinalibus cum pluvialibus, et mitris, rediens ad pontem majorem in medium Ecclesiae porrectum cum suis Nobilibus, et illis quatuor Proceribus insignia sua deferentibus, venit ad medium Ecclesiae, ubi erat rota Porphyrea designata, ad instar rotae porphyreae in Ecclesia S. Petri de Urbe, ubi caeremoniae infrascriptae expleri debebant. Sed antequam illuc accederet, in exitu Capellae S. Gregorii orta est contentio inter Ianuenses, et Senenses Oratores super praecedentia.

Hactenus Blasius. Sed juvat heic etiam, quid Paulus Jovius, qui eidem coronationi interfuit, paucis de ea scriptum reliquit, cum lectoribus communicare. Erant omnia, inquit<sup>1</sup>, ad imaginem Vaticani Templi constituta, et novae Sacellis appellations impositae, ut ea singillatim ad veterem consuetudinem ex Pontificiis libris responderent. Afferre igitur Romani Sacerdotes, quibus sacra Vaticani Templi sunt commendata. Ii ad aram Caesarem suscepérunt, lin- teaque sacerdotali tunica super injecta, in Collegium ejus Sacerdotii cooptarunt. Eum Salviatus Cardinalis in verba ex li-

<sup>1</sup> lib. xxvii. Hist.

bris Pontificiis concepta sacramento adegit; ita ut in summa, libens juraret, se Pontificiae dignitatis perpetuo futurum esse defensorem. Ab hac Ara, duarum Turrium nuncupata, duo Diaconi Cardinales, Salviatus scilicet ipse, et Ridulphus, ambo ex Patruelibus Pontificiis Nepotes, ad Templi limen deducunt. Flexo genu supplicantem Piccolomineus Presbyter Card. certis precationibus expiatum in Sacellum S. Gregorii perducit. Ibi linteal tunica deponitur. Sandalia margaritis, et gemmis picta statim induuntur, et Dalmatica veste in morem Diaconi prius assumta, paludamento demum convestitur. In eo habitu procedenti Puccius Cardinalis ad porphyreticam rotam, quae est ad Vaticani Templi medium, mitratus occurrit. Ingeniculatus Caesar ad Aram maximam obvertitur, sollemnique altera precatione, ut ejus Imperium stabile, perpetuum, victoriarum, pietatis plenum faxit, Deo Max., in cuius manu sunt Regna, commendatur.

Haec eadem prodit descriptio vera, et elegans adventus, et introitus in Vrbem Bononiam invictissimi quondam Romanorum Imperatoris Karoli V, ut et ejusdem inaugurationis, et coronationis ibidem per Pont. Max. Clementem VII. facta anno MDXXX. die XIV. Febr. ubi tamen Cella S. Gregorii, Sacrarii titulo designatur hujusmodi verbis<sup>1</sup>. Hoc facto Caesar in Sacrarium abducebatur, in quo tantisper pronus incumbebat, donec litania finiretur, in qua pro ipso supplicationes ad Deum siebant.

Verum Cornelius Agrippa in Historiola de dupli coronatione Karoli V. apud Bononiam<sup>2</sup>, hunc eumdem locum diserte S. Gregorii Cellam nuncupavit. Ait enim. Iamque Caesar ingressus Templum, ad Sacellum D. Grego-

<sup>1</sup> apud Schardium T. II. et Part. IV.  
Polit. Imperialis Goldasti p. 329.

<sup>2</sup> in T. II. ejus Opp. et apud Schardium,  
et Goldastum p. 336.

rii traducitur, ubi positis superpellicio, atque amicia per Ven. Cavriensem Antistitem sacris vestibus, humerali, et alba, et Dalmatica, et tibialibus, et sandaliis induitus est, ac Imperiali trabea circumdatus, quae babylonicis, ac phrygiis artibus contexta, et insertis pretiosissimis gemmis multiformiter variegata, sic ut cum descriptione sit difficilis, tum pondere fere importabilis, magnificentia ejus supra omne preium inestimabilis existat. Hoc sacro, atque pretiosissimo habitu adornatus Caesar, duobus Praesulibus a quovis latere, videlicet Barrensi, et Palatinensi, Brixensi, et Cavriensi, ac illustri Comite de Nassau a tergo, gemmatae trabeae grave pondus sustinentibus, medius duorum Cardinalium, ad medium usque Templi, cui loco Rotae Porphyreae nomen indiderant, traductus est.

Quae certe ad magnificaे Petronianaе Aedis<sup>1</sup> celebritatem amplificandam, non parum conferre putavit Blan-  
cus Negri, qui totius caeremoniae prolixam descriptio-  
nem vernaculo sermone exaravit<sup>2</sup>, utut Cl. Jacobum

<sup>1</sup> Vita Clementis VII. ex edit. Bosqueti. in Balutii Vitis Papar. Avenion. Tom. I. p. 485. et 539. et in Muratori Rer. Ital. T. II. P. II. pag. 730, et 759. Georgius Sabinus Erandeburgensis. Electio, et Coronat. Karoli V. Imp. Libellus Imperii dignitatem, majestatemque complectens... Accedit Nic. Mamerani Lucamburgensis gestorum ejusdeni Imp. perscripta relatio. Coloniae 1550. 8. Philip. Melanchtho. de electione, et coronatione Karoli V. His-  
toria primum sub nomine Georgii Sabini edita. apud Schardium T. II. Inauguratio, Coronatio, et Electio aliquot Imperato-  
rum. Hanov. 1613. 8. Christianus Eberhart de electione, et coronatione Karoli V. Imp. Helmst. 1660. Guicciardinus, Ray-  
naldus, Muratorius, Celsus Falconius

nelle Memorie Istoriche della Chiesa di Bologna 1649. Chernubinus Ghirardaccius. Istoria di Bologna 1596., et ejusdem Karoli vitae scriptores.

<sup>2</sup> Basilica Petroniana, overo Vita di S. Petronio Vesc. e Prot. di Bologna con la descrizione della sua Chiesa, e functioni cospicue fatte in essa, cavata dall' Historia di Gio. Franc. Negri. Ven. 1680.4. p. 70. Avanti che per l'istesso ponte entraisse in Chiesa, a mano destra di esso lunghissimo ponte, era stato eretto un Altare chiamato la Capella di S. Maria inter Turres, dove che fu dal predetto Illmo Salviati aperto un Libro degli Evangelj, sul quale Cesare giurò, secondo il consueto, d'operare, quanto aveva promesso, et era obligato, cioè prima a Dio, poi

Bueum<sup>i</sup>, ubi de eodem Templo, cultuque S. Petronii, eruditissime agit, haec, veluti temporaria, ac fortuita, non duxisse sibi commemoranda animadverterim.

Sed tandem de *Cellis Gregorianis*, ab illisque diverso

quanto era tenuto alla Protezione della S. R. C. all' augmento della Christiana Fede, et al B. Pietro, e suoi successori, dicendo, *Ego Carolus* .... Dopo quest' atto, due Canonici di S. Pietro di Roma li posero il Rochetto, e Pelliceo, et lo fecero Canonico, et egli con animo fraterno li ricevette al bacio della Pace. Si tornò poi in capo la detta Corona, e i Preti, che lo precedevano, se ne andavano cantando il *Petre amas me* etc. Giunto Cesare alla Porta di mezzo del Tempio.... s'inginocchiò su la porta, e fece Orazione, dove eransi portati due Cardinali de' primi del Collegio in abito Pontifcale, come di sopra, cioè Antonio dal Monte, Vescovo di Porto, e Lorenzo Puzzi, Vescovo di Preneste, del Titolo di Santi Quattro. Il più giovane detto SS. Quattro depose la mitra, e disse: *Deus, in cuius manu* etc. e tutti quattro i Cardinali lo condussero ad una delle Capelle, più bassa del Ponte, la quale fu la prima all'entrare dentro a man sinistra, fatta di legname, che rappresentava la *Capella di S. Gregorio*, et ivi depose il roccetto col Pelliceo, che portavano i Canonici in spalla, e si vesti li sandali, cioè le scarpe di cremesino ricamate d'oro, di perle, e di gioje pretiosissime, et il manto d'oro Imperiale, che tutte erano di prezzo senza stima.

Ritornato poi su l'istesso Ponte, s'incontrò in due altri Cardinali, cioè Pietro Accolti, Vescovo di Sabina, e Francesco Orsini Diacono di S. M. in Cosmedin, e il più antico detto di Anconz, disse l'ultima Orazione, *Deus inenarrabilis* etc. e

nel più largo del ponte, ov'era il Fal-distorio, in luogo intitolato *Rota Porfiria*, fece la Confessione del B. Pietro; e questi due Cardinali si partirono, e ritornarono in Capella a' loro luoghi, e ne comparvero due altri, cioè lo Illmo Cibo, Priore de' Diaconi, e Campeggi Priore de' Sacerdoti, et essendosi ambedue genuflessi, s'intonarono le Letanie, et il Coro rispondea ad alta voce. Finito questo l'Ilmo Campeggi si levò in piedi d'avanti a Cesare, e disse *Pater noster* .... con altri versetti, et orazioni solite, et questi due pure tornarono alle lor Sedie, e luoghi. Venne dipoi il Prior de' Cardinali Vescovi, cioè l'Ilmo Alessandro Farnesi, Vescovo d'Ostia, Prior de' Vescovi, e Decano de' Cardinali, che aveva a parte destra il Card. Salviati, et a sinistra il Card. Ridolfi, e condussero Cesare ad un'altra Capella, che era di S. Maurizio alla medema sinistra mano del detto Ponte, et ivi i suoi lo spogliarono sino al giuppone, et operata la manica di esso per via di certi bottoni a tal fine in quel luogo fatti, e levata ancora la manica della camiscia, esso Cardinal Farnese così in Pontificali, come stava, lo unse d'oglio di Cresima sul braccio destro, poi con la bambace, e tela candidissima glielo legò, e ricoperse il braccio, poi il simile lo unse in foggia di Croce su le spalle, persino al detto giuppone fatto a posta, e senza mitra disse *Deus omnipotens* etc. E incontinenti rivestito, e risalito sul detto ponte, fu da que' Cardinali condotto al Pontefice, con le lor mitre in mano.

<sup>i</sup> T. II. Octobris p. 449. et seq.

Vaticanae Basilicae Secretario , dicendi finis esto : quamquam , et quae de novelli Secretarii , ante quod Gregorius IV. Oratorium construxit , situ , ortuque disputaturi sumus , nostram de antiquo illo Secretario sententiam , adversus Vgonium , Ciampinum , ceterosque supra indicatos , planissime confirmabunt .

## C A P V T   X X I.

### *De Situ novelli Secretarii .*

Quae de Secretario antiquissimo , ac de Cellis Gregorianis , fusiori calamo , hactenus persequuti sumus , mox iis veluti lucem affudent , quae de altero Secretario veteris Bas. Vat. , quod Novelli titulo Joh. Diaconus designavit , allaturi sumus . Quamquam vero de prima hujus constitutione nil habeo certi , quod statuam , ( altum est enim de eo silentium apud Scriptores ) , manifestum tamen crediderim , hoc vel ante Gregorium IV , quod longissimum esset , vel saltem ab eo constructum fuisse . Nam si ex antiquissimi Vestibulo sacrum Gregorii Corpus , ante illud translatum , idemque antiquissimum Secretarium incircio in Oratorium Gregorianum commutatum est , necesse etiam fuit , ut alterum Secretarium alibi exaedificaretur , ubi Pontifex sacris indumentis rite ornari posset , quando ad S. Petri operaturus , statis temporibus , accedebat .

Quisquis autem novellum hoc Secretarium extruxerit , eodem in loco , ubi antiquissimum steterat , neutquam illud aedificasse certum esto , post ea , quibus ibidem Oratorium Gregorianum , a Secretario diversum , surrexisse demonstravimus . Quapropter antiquissimo potius contermi-

num fuisse , multis de caassis existimaverim . Enimvero jam supra a Joh. Diacono plane audivimus , *Gregorii Corpus translatum ante novellum Secretarium , constructis apsidibus* . Quas quidem apsides in hac Cella a *Gregorio* constructas , *ante ipsum novellum Secretarium* , ejus parieti orientali applicatas fuisse appetet ex ichnographia , ubi *Cellam Gregorianam* literis dd , eique proximum *Secretarium novellum* litera s. designatur . Etsi enim in eodem loco Alpharanus , Paullus de Angelis , Bonannius , Ciampinius , aliquie *Cellam* , et Altare Anonymum describunt , absque ulla *Secretarii* mentione , quos inter Severanus quoque adnumerandus est <sup>1</sup> , hic tamen in opere *de vil. Ecclesiis*<sup>2</sup> , ibidem *Secretarium* fuisse pronunciat . Ait enim , post allatam a nobis *Cellae Gregorianae* descriptionem . *Adhaerebat huic Sacello aliud , quod vocabatur Secretarium ( utique novellum ) , et erat conjunctum muro ultimae navis Basilicae , in quam inde intrabant Pontifices induti Pontificaliter ad operandum sacris* . Heic autem minime quadrat , quod Janningus animadvertisit <sup>3</sup> , nimirum id multo commodius usuvenire debuisse ex hoc *novello* , quam olim ex *antiquissimo Secretario* , quod ex eo Basilicam ingredi Pontifices nequivant , nisi antea per partem Porticus transiissent . Nonne enim Alpharanus nos docuit <sup>4</sup> , in paretibus a dextro Basilicae latere ad meridiem Portas quinque , et totidem a sinistro exstisset , nec altitudinis , nec latitudinis aequalis , per quas postea ad quasdam Ecclesias , siue Oratoria circa Basilicam adaptati fuerunt aditus ? Itaque vel *Secretarium antiquissimum* , ostium habere potuit , quod recta in Basilicam transmitteret , ac porro habuisse de-

<sup>1</sup> in ichnogr.

<sup>3</sup> T. vi. Iunii p. 153.

<sup>2</sup> c. ix. p. 66.

<sup>4</sup> V. p. 750.

monstrat insignis *Ordo Coronationis Henrici II*<sup>1</sup>, quem illuc e Basilica, quò prius ingressus fuerat, ad *Clementem* deductum fuisse narrat, qui itidem paullo ante e Basilica, eō se contulerat.

Sed tamen adde ex Janningo, qui totam rem enucleate disquisivit<sup>2</sup>, Cellam s de industria ad usum *Secretarii* a fundamentis erectam videri. Habet enim amplum spatium in umbilico, ubi sacrae vestes, et cimelia explicari commode, et ministri sua munia obire libere possint. In Tribuna unicum habet Altare, ante quod Pontifex sacris ritibus operatus, sese induere posset. Haec autem conclavia, pergit Janningus<sup>3</sup>, quum careant aris, ac monumentis sepulcralibus, vix cogitabis, quem alium habere usum potuissent.

## C A P V T   X X I I .

*De ritu Oblationes, in Canonizatione Sanctorum ad Altare deferendas, ibidem servandi, usque ad Offertorium.*

Hunc certe locum indigitat Petrus Amelius, ubi recentet oblationes, Bonifacio IX. porrectas, quum *Birgittam*, pientissimam Feminam, in Sanctarum album adscripsit, anno MCCCXCI, de qua praeter Laur. Surium<sup>4</sup>, Raynaldum<sup>5</sup>, Baronium<sup>6</sup>, Bollandum<sup>7</sup>, consule Henr. Benzelium ad Vitem Aquilonarem Joh. Vassovii<sup>8</sup>, et Chronicon Slavicum, in Lindebrogii Scriptoribus Septentrionalibus<sup>9</sup>. Itaque ne pigeat cum eo sacrae caeremoniae quodammodo interesse, quam ita describit<sup>10</sup>. *Domini Com-*

<sup>1</sup> p. 261.    <sup>2</sup> T. vi. Iunii p. 153.

<sup>6</sup> in Martyrologio die viii. Octobr.

<sup>3</sup> ibid.

<sup>7</sup> T. I. Februario p. 99. 172.

<sup>4</sup> die xxii. Iulii.

<sup>8</sup> p. 68. 70.

<sup>5</sup> ann. MCCCXCI. §. xxix.

<sup>9</sup> p. 210.

<sup>10</sup> T. II. Mus. Ital. p. 537.

missarii tres Cardinales de Canonizatione istius Sanctae exierunt de Sacristia S. Petri cum oblationibus suis. Primo Dominus de Francia cum duobus magnis torticiis accensis, cooptis de auro, obtulit osculando pedem, et manum: secundo Dominus Anglicanus cum duobus panibus coopertis, cum toboleis, et armis, et Scudetis S. Brigidae, et trium Cardinalium Commissariorum; et osculatus est pedem, et manum Papae: tertio Dominus Barenensis cum duobus magnis bacilibus de vino, et malvatico, quae vocantur Romae, scyphi deaurati, et cum armis, et Scudetis Dominae, et Cardinalium praedictorum; et osculatus est pedem, et manum Papae. Vtimo venerunt quinque Procuratores istius Sanctae cum Advocato, et quilibet obtulit unam magnam candelam de una libra cerae albae, modicum laboratam, cum rosis, et floribus, viridis, alba, et rubea. Item unum parvum canistrellum, totum depictum de colore viridi, in quo fuerunt duae Columbae albae, et duo turtures. Quae quidem tunc primum, ejusdem Petri Amelii Sacristae Pontificii arbitrio, adjecta fuerunt antiquissimis oblationibus cereorum, panis, et vini, quarum mysterium, praeter alios auctores a Benedicto XIV. commemoratos, peculiariter explicarunt Pomp. Sarnellius<sup>1</sup>, Agnellus Honoratus<sup>2</sup>, Joh. Bapt. Marus<sup>3</sup>, et Justinianus Chiapponus<sup>4</sup>. Hujusmodi ritus testimonium hodieque exhibit marmoreum Anaglyphum, quod inspicimus in Mausoleo Alexandri VIII. in Basilica

<sup>1</sup> Della solenne cerimonia, con cui il Sommo Pontefice canoniza i Santi. in T. vi. Lit. Eccl. p. 79.

<sup>2</sup> Dissertaz. sul rito della Canonizatione de' Santi. fra le sue dissertazioni in Lucca 1737. 4 p. 1.

<sup>3</sup> Diatriba de mystica rerum. significa-

tione, quae in Sanctorum Canonizatione ad Missarum sollemnia Summio Pontifici offerri solent. Romae 1658. 8.

<sup>4</sup> Dissertatio super mysteriis Oblationum in Missa Canonizationis. Exst. in Actis Canonizationis habitae a Clem. XI. Romae 1720. fol. p. 255.

Vaticana. Sed tamen, ut memoriae tradidit Fontaninius<sup>1</sup>, haec avium oblatio, quam vetustiori Ecclesiae disciplinae minime consonam putaverat Card. Thomasius, a Benedicto XIII. sublata fuit.

## C A P V T XXII.

*De altero veteris Basilicae Secretario, Majori nuncupato.*

Dum adhuc in usu esset *Secretarium novellum*, quod hactenus descriptsimus, alterum quoque, temporis decursu, adjectum fuisse suspicor, quod Alpharanus, aliique Ichnographi designant lit. n. Idque ea fortasse de caussa factum fuit, quod *novellum* haud satis amplum, neque usibus Ministerorum Basilicae inservientium satis accommodatum videretur. Verum, quum res sit admodum obscura, dicam, non quid contendam, sed quid opiner.

Hujusmodi opinioni locum dedit frequens, quae apud nonnullos Scriptores, ac praincipue in Diario Antonii Petri, quod Lud. Ant. Muratorius<sup>2</sup> in publicam lucem emisit, *Sacristiae Majoris*, et *Minoris* occurrit mentio. Nonne haec aperte indicare videntur, dum ille scriberet, *duo* in Bas. Vat. *Secretaria* exstisset, quorum unum fortasse a majori ipsius amplitudine, seu collocatione versus superiores Basilicae partes, *majoris* titulo, alterum *minoris* distingueretur?

Et sane Alpharanus, cui ceteri subscrubunt, in loco n. fuisse indicat *Sacrarium pro sacra supellectile*, ac superius lit. m. *amplissimam* fuisse *Bibliothecam* subjungit. Item Ciampinius<sup>3</sup>, et Bonannius addunt<sup>4</sup>, *supra idem*

<sup>1</sup> in Cod. Canonizationum. Romae 1729.  
fol. pag. 160.

<sup>2</sup> T. xxiv. rer. Ital.  
<sup>3</sup> p. 37. <sup>4</sup> p. 29.

fuisse magnas Aulas , et Cubicula pro Basilicae Ministris ; ejusdemque Sacerdotibus . Quod , ut obiter heic moneam , nobis indicio est , Vat. Bas. Secretarium , antiquiorum instar , ac praesertim ad Aedis Sophianae similitudinem , fuisse constructum , ubi videre est apud Ducangium <sup>1</sup> , Diaconos , qui ejus curae , ac custodiae praefecti erant , conjuncta domicilia habuisse . Itaque putandum est , in hac majoris , aut superioris Sacrarii parte , praeter Bas. Bibliothecam , et Cubicula Sacrarii Custodum commodo destinata , sejunctum Conclave exstitisse , quô sese Canonici identidem reciperent , ut de re communi deliberaarent .

Id profecto , aut ego fallor , suadere videntur ejusdem Antonii Petri verba , qui haec memoriae tradidit <sup>2</sup> . Mensis Februarii die 8. 1412 , hora Vesperarum fuit receptus R̄m̄us in Christo Pater , et D̄n̄us D̄n̄us Tituli Sanctae Praxedis Presbyter Cardinalis Archipresbyter , in loco olim bone . Cardinalis Tudertini , in Basilica Principis Apostolorum de Vrbe , in Capitulo Majori , ut moris est .

Item eadem die , et hora fuit receptus per omnes Canonicos tunc tempore , et eadem hora ad osculum pacis : quod ego Antonius Petri numquam vidi talem actum , tempore antiquiori .

Item etiam post receptionem de Capitulo Sacristiae majoris fuit cantatum Te Deum laudamus , cum Processione per ordinem , usque ad Altare majus S. Petri , cum Oratione , Deus , qui B. Petro Apostolo tuo etc. Multum esset scribendum , quod dimitto in calamo .

Haec , ni fallor , lucem afferre videntur iis , quae alio loco protulit in hunc modum <sup>3</sup> . Die Sabbati 8. 1408. mensis Septembris , quae fuit festum Nativitatis S. Mariae

<sup>1</sup> apud Paull. Silentiar. V. p. 245. 524.

<sup>2</sup> p. 1029.

<sup>3</sup> 996.

*Virginis, supradictus D. Iacobus de Calvis in Vesperis fecit fieri Capitulum in Sacristia minori, ut moris est. Atque alibi<sup>1</sup>, posterioris anni vices recensens, haec tradidit. Mensis Septembris die Sabbati 21. quae fuit S. Matthaei Apostoli, et Evangelistae de mane, hora post Missam Majorem S. Petri, D. Iac. de Calvis, tamquam Vicarius D. Antonii Card. Tudertini fecit fieri Capitulum in Sacristia minori, ut moris est, et in dicto Capitulo fecit Camerarium Vinearum Dominum Petrum Pacciarelli. At, quum ex inermendato exemplari sese Diarium evulgasse fateatur Muratorius<sup>2</sup>, vereor, ne utrobius mendum cubet. Nam potius in Sacristia Majori, ubi in more positum fuisse dixit, Capitulum congregari, legendum esse puto, nisi censeas, Capitulum quandoque vel in Sacristia Minor habitum fuisse. Quis enim Antonium de rebus Bas. Vaticanae sui temporis parum instructum censeat, quum ipse ejusdem Basilicae fuerit Beneficiarius?*

*Quod vero Cubicula Sacrarii Custodibus assignata, Sacristiae majoris titulo interdum indicarentur, haec alia ejusdem Antonii Petri verba declarant, quae sunt hujusmodi.<sup>3</sup> Die Iovis 3. d. mensis Octobris 1409. de sero comedimus in Sacristia Majori cum D. Iacobo de Calvis nostro Vicario, et divisimus panem propter magnam carestiam, quae erat in Portica S. Petri, propter gentes armorum Dñi Regis Luvisii, et Romani nolebant facere grassam supradicti Dñi Regis, nec sue gentis cum aliis.*

*Praeterea alio loco haec habet.<sup>4</sup> Die Iovis ultimo d. mensis Maij 1412, quae fuit festum Commemorationis Sancti Pauli Apostoli, de mane fuerunt cremati in Sacristia Majori Basilicae S. Petri omnes cartaboli absentiae dictae Basi-*

<sup>1</sup> ibid. p. 1002.

<sup>2</sup> ibid. p. 971.

<sup>3</sup> 1004.

<sup>4</sup> p. 1031.

licae S. Petri per manus infrascriptorum Canonicorum dictae Basilicae. In primis Domini Iacobi de Aquila, Domini Petri Sacco, Domini Angeli Tutii, Domini Francisci Camoratae, Domini Iacobi de Taballinis, Domini Matthei de Grattulis, Domini Antonii Laurentii Protonotarii, Domini Baptiste de Vrsinis, ac etiam de consentimento, et voluntate Domini Cardinalis de Hispania, tunc tempore Archipresbyteri d. Basilicae.

Die Sabbati 15. d. mensis Iulii 1413.<sup>1</sup> omnes Dñi Canonici, Beneficiati, et Clerici Basilicae S. Petri congregaverunt se in domibus olim Dñi Episcopi Firmani, ad faciendum calculum de mensibus Maij, et Iunii, quia in Basilica non potuerunt, propter maximam guerram.

Quandoque etiam, tutioris custodiae caussa, ibidem SS. Sudarium servatum fuisse constat. Tradit enim idem Antonius Petri.<sup>2</sup> Item eodem die 3. Octobr. 1409. extraximus Veronicam de loco Sacristiae Majoris S. Petri, ubi erat reposita, et posuimus eam in domo Iohannis de Oleo.

Eadem ante annos undesexaginta, in tabula, ex perlucida crystallo, argentoque affabre elaborata, inclusa fuerat, ut constat ex hoc Martyrologii Vaticani loco 3. vii. Idus Maij. Isto die, anno Dñi m. ccc. quinquagesimo Iubileo, providi Viri, Nicolaus Valentini, de Contrata Sancte Marie Formose de Venetiis, Ser Bandinus de Guarzonibus de Venetiis, et Francischinus in glostro de Venetiis, nomine ipsorum presentum, et nomine d. Francischini absentis, ex speciali devotione, quam habent ad Deum, et Apostolorum Principem, et specialiter ad Sacrosanctum Sudarium, quod in Basilica nostra, ex divina institutione, ac dispositione est mirabiliter collocatum, ostendendum ad multam consolationem, peccato-

<sup>1</sup> p. 1037.

<sup>2</sup> ibid. p. 1004.

<sup>3</sup> p. 65.

rum remissionem cuncto Populo Christiano , donaverunt , et assignaverunt nobis , et Capitulo nostro pulcherrimam , et mirabilem tabulam de cristallo , pulcris laminis argenti deaurati in quodam ligno quadrato manentem , ponendam , collocandam ante ipsum sacratissimum Dñi vultum , pro speciali custodia , et munditia ipsius reliquie venerande , quia propter per nos , et successores nostros prefatos donatores ad omnia suffragia , orationes , et ministeria cultus divini , que in ipsa nostra Basilica gerunt , et propter gloriam imposterum , tamquam illos , qui de proprio corpore Capli dicti existentis , ut sicut nosmet ipsos partes tres facimus .

## C A P V T XXIII.

*De Carceribus ibidem exstantibus .*

Quod tamen magis me movet , ut Cubicula Sacrario continentia , seu mavis etiam imposita , generatim Sacristiae Majoris nomine designata fuisse censem , est Carcerum ibidem exstantium indicatio , quae apud eundem Antonium Petri haud semel occurrit . Eò enim , quod in Decanicis apud Graecos fieri consuevit demonstravimus <sup>1</sup> , Majores nostri , nefarios , ac santes , si qui forte essent , Bas. Vat. Clericos ad poenas luendas conjiciebant . Sic autem hujusmodi usum Petri Diarium testatur . <sup>2</sup> Die Mercurii 22. 1409. dicti mensis Maji de mane Dominus Iacobus de Calvis Vicarius Basilicae S. Petri fecit capere Ioannem Cattolanum Beneficiatum dicte Basilicae , et ponere eum in Carceribus , et in cippis , in Sacristia Majori dictae Basilicae cum ambobus pedibus ; et hoc fecit supradictus D. Vicarius , quia dictum fuit , quod debebat interficere dictus Io-

<sup>1</sup> p. 578.<sup>2</sup> Murat. Rer. Ital. T. xiv. p. 1000.

hannes Cattolanus supradictum Dñum Vicarium; et hoc probavit sibi Lucas Pippi, dum stabat in compedibus positus supradictus Iohannes Cattolanus ad faciem facie; et supradictus Iohannes Cattolanus respondit sibi, sic dicendo: Te ne menti, come falso traditore; questo non potria mai esser vero; et non se potria mai trovare questo, che dici. Die Veneris 24. d. mensis de mane, hora Missae majoris S. Petri, recessit suprad. Lucas Pippi de Roma cum Patre, Matre, et Fratre, ac etiam cum Sorore Moniali in S. Catarina, Sancto Cosmate de Regione Transtiberim per Flumen, et ieviunt versus Neapolim; et sic remansit suprad. Iohannes Cattolanus in Carceribus, et in compedibus, ut supradictum est. Die Dñico 26. d. mensis de mane, hora Missae majoris S. Petri, fuit extractus supradictus Iohannes Cattolanus de Carceribus, et compedibus, et dimissus ad petitionem, et instantiam Dñorum Beneficiatorum, quia verba, quae dixit Lucas Pippi, non fuerunt vera, et mentitus est.

Haec eadem aliis exemplis confirmantur. Alibi enim scriptum reliquit.<sup>1</sup> Die Iovis 15. d. mensis Ianuarii 1411. Petrus Simeotius reddebat calculum, ut moris est, in Sacristia S. Petri, videlicet de mensibus Novembribus, et Decembribus, quia tunc tempore erat dictus Petrus Camerarius Camerae. Statim post calculum Dñus Vicarius, vid. Dñus Matthias de Grattulis, tunc tempore, Vicarius, retinuit dictum Petrum Simeotii, et incarcерavit eum in dicta Sacristia.

Item die Veneris 16. d. mensis D. Vicarius incarcерavit dictum Petrum in Sacristia Majori, et hoc fecit d. Dñus Vicarius dicto Petro, quia violavit in Cappella Bonifacii PP. VIII. sepulcrum Nepotis d. Dñi Bonifacii, et franxit lapidem dictae sepulturae.

<sup>1</sup> p. 1023.

Item post aliquos dies dictus D. Vicarius fecit capere Iohannem Mandutii, et Iohannem Magistri Pauli propter causam supradictam, quia fuerunt una cum d. Petro ad frangendum dictum sepulcrum, et hoc fuit factum de mense Octobris anni Dñi 1410. de nocte tamen hoc fecerunt.

Die Veneris 30. d. mensis Ianuarii de mane fuerunt martirizati Petrus Simeotii, et Iohannes Mandutii in Capitulo ante Sacristiam Majorem S. Petri, propter causam sepulturae, quam franxerunt, Nepotis Dñi Bonifacii P. VIII.

Item die Sabbati de mane fuerunt dimissi de Carceribus omnes cum fide jussionibus. Sed, ne quisquam de Martyrio Petri, et Johannis haereat, addendum esse puto, pluries<sup>1</sup> ab eodem Antonio idem vocabulum pari sensu fuisse usurpatum, ac Martyrii Domum antiquitus dici consueisse vel ipsum locum, ubi pueri male morati virgis caedebantur<sup>2</sup>.

## C A P V T   X X V .

*Donaria veteris Basilicae Secretariis collata.*

Quamplures fuerunt, qui *veteris Bas. Vat. Secretaria donariis augere*, ac omne genus supellectile instruere curarunt. Itaque ne hujusmodi beneficiorum memoria penitus obsolescat, ex Necrologio ejusdem Basilicae decerpimus, atque in unum collegimus, quaecumque, statis anni diebus, post Martyrologii lectionem, ex eodem recitabantur, ut cuncti Ordines Cleri Vaticani, Viris de se optime meritis aeternam quietem, rite fusis precibus, implorarent.

<sup>1</sup> ibid pag. 983. 993. 996. 1240.

<sup>2</sup> apud Mabillonum, in Tom. vii. Act. SS. Ord. Bened. p. 678.

III. Non. Ianuar. <sup>1</sup> Obiit venerabilis vir Dñus Antonius Baguctini Frater, et Concanonicus noster, qui ob magnam devotionem, quam habuit ad istam Sacrosanctam Basilicam, reliquit eidem Basilice duas domus simul junctas, positas in Platea Turris pectonate, nec non ducatos centum auri expendendos per suos executores in una possessione, ac Breviarium notatum ad usum Chori, et distributiones, et grossa per eum lucrata in d. Basilica, quare ordinatum fuit per nostrum Capitulum, ut pro ejus anima tria fiant Anniversaria, isto die videlicet obitus unum, aliud vero in festo S. Iacobi Apostoli, et reliquum in festo S. Antonii Abbatis, in quorum quolibet expendantur floreni duo. Item et duo alii florrenii per Cameram assignentur pro reparatione omni anno rerum jocalium de nostre Sacristie, prout in suo testamento latius est expressum.

*Idib. Ianuar. <sup>2</sup> Obiit Paulus Presbiter de Polato, qui reliquid nostre Basilice unum Calicem de argento deauratum ad perpetuum cultum divinum in dicta Basilica. Oretis pro ejus anima in omnibus Sacrificiis perpetuo.*

xvi. Kal. Febr. <sup>3</sup> Fiat Anniversarium pro anima Domini Cechi de Tibure, olim Clerici nostri, qui reliquit nostre Basilice pro anima sua, et suorum unum parvum Reliquiarum de auro puro, plenum Sanctorum reliquiis, pulcherrimum, ponderis quinque unciarum auri.

v. Kal. Febr. <sup>4</sup> Obiit Dominus Iohannes de Columpna Card. relinquens Basilice unam planetam, et xxx. Libr. prov. pro Anniversario suo x. Soll.

xii. Kal. Martii <sup>5</sup> Isto die Dña Druda Teutonica Pistrix donavit nostre Basilice unum calicem de argento deaurata.

<sup>1</sup> pag. 2.

<sup>3</sup> pag. 9.

<sup>2</sup> pag. 77.

<sup>4</sup> pag. 14.

<sup>5</sup> p. 25.

<sup>5</sup> R

tum cum patena ponderis duarum librarum pro anima sua, orate pro ea, et fiat specialis oratio.

*Idib. Martii<sup>1</sup> Isto die in anno Iubileo, magnifica Dña Maria Galzabilone, Vxor magnifici Comitis Friburgi, et novi Castri Lauxanen. Dioc. dedit nostre Basilice unum Calicem de argento deaurato, ponderis duarum librarum. Fiat specialis oratio pro ea, et suorum corporalia.*

*xvii. Kal. Apr.<sup>2</sup> Isto die Dñus Iohannes de Magliano Sabinen. Dioc. Clericus Sancte Basilice, solvit floren. xxiii. quos condam Iohannes Falconi de dicto Magliano reliquit prefate Basilice, pro una Cruce facienda. Fiat specialis oratio pro anima d. Iohannis Falconi.*

*xii. Kalen. April.<sup>3</sup> Ipso die obiit Dñus Iohannes Nutii Concanonicus noster, cujus distributiones ascenden. ad summam et quantitatem ccc. floren. .... remanserunt Camere nostre Basilice .... de ipsius pecunia de assensu suorum ad manus pervenerint nostras arca dictorum florenorum, qui dati fuerunt in Subsidium Candelabrorum magnorum ejusdem Basilice noviter refectorum. Fiat anniversarium pro ejus anima, in quo expendantur de pecunia Camere floren. unus.*

*Dña Magdalena de Vienna isto die donavit nostre Basilice ob devotionem, pulcram planetam de viridi cum toto apparatu; ita quod oretur perpetuo pro ea<sup>4</sup>.*

*xI. Kal. Apr.<sup>5</sup> Ista die Dña Iohanna, Vxor condam Iacobi, dicti alias lo Piloso, de Regione Pontis, donavit nostre Basilice pro anima dicti condam Iacobi tres tassas de argento ponderis xviii. Vnciar. pro tabernaculo Corporis Xpi fiendo in d. Basilica. Item ista Dña Iohanna donavit dicte Basilice pro anima Guadagnoli, condam Patris sui, et pro animabus Matris, et fratrum suorum, pro dicto Tabernaculo*

<sup>1</sup> p. 37.

<sup>2</sup> p. 38.

<sup>3</sup> p. 40.

<sup>4</sup> ibid.

<sup>5</sup> p. 41.

unam corigiam de argento , que vulgariter dicitur corregia ad filo ponderis xv. Vnciar. Fiat specialis oratio pro ea , et pro animabus predictis .

ix. Kal. Apr. <sup>1</sup>. Item Magister Renato de Vincentia donavit nostre Basilice unam pulcerrimam tobaleam de quinque pasis . Orate pro eo , et suis .

V. Kal. Apr. <sup>2</sup>. Isto die xxviii. Martii in anno Iubileo Sanctus Cosmati , de Podio Morteto Sabinen. Dioc. dedit unum Calicem de argento deaurato , ponderis unciarum decem , et novem . Fiat specialis oratio pro se , et suorum .

IV. Kal. Apr. <sup>3</sup> Obiit Magister Petrus Pонsecti de Bergogia , qui donavit nostre Basilice duo vasa de piltro , quorum unum est ad usum aque benedicte , et aliud ad usum Crismatis , Olei Sancti , et olei infirmorum . Item unam Campanellam de metallo pro Corpore Xpi. Fiat specialis oratio pro eo , et animabus parentum suorum . Obiit nobilis vir Magister Iohannes Filrancha de Hirs , donavit ad Altare Sancte Veronicae unum calicem ad perpetuum usum , valoris undecim ducator. Fiat specialis oratio pro eo , et consanguineis suis .

ii. Nonas Apr. <sup>4</sup> Obiit Cecchus Cole gabose , habitator in Portica Sancti Petri , qui reliquit nostre Basilice unum calicem de argento deaurato , cum una patena , ponderis viii. unciar. Fiat specialis oratio pro eo , et consanguineorum suorum . Ista die anno M. cccc. lxvi. iii. die hujus mensis venerab. vir dñus Michael filius Colmani Presbr. Iaurien. Dioc. donavit nostre Basilice unum Breviarium in magno volumine pro anima sua , et suorum . Fiat specialis oratio pro eo .

xiii. Kalen. Maij. Anno Dñi M. ccccc. xxxii. R̄m̄us

<sup>1</sup> p. 42.

<sup>2</sup> p. 44.

<sup>3</sup> ibid.

<sup>4</sup> p. 47.

<sup>5</sup> p. 55.

D. Thomas de Vio , Tituli Sancti Xysti , Presbiter Cardinalis Gayetanus , donavit nostre Basilice unum Calicem argenteum cum patena deauratum . Orate pro eo etc.

iv. Idus Maij. <sup>1</sup> Isto die XII. mensis Maij in anno Iubilei Dñus Plebanus Presb. Lazarus de Trepza donavit nostre Basilice unum tapetum pulcrum . Fiat specialis oratio pro eo .

ii. Kal. Iunij. <sup>2</sup> Ceccharellus Ceccholi , Magistri Iacobi de Lurgiano , ad Altare Conventi nostre Basilice , unum Calicem valoris XIII. florenor. Fiat specialis oratio pro eo , et pro animabus consanguineorum suorum . Isto die obiit bone memorie Rndus in Xpo Pater Dñus Dñus Iohannes de Vrsinis Archiepus Tranen. et Abbas Farfen. , qui ob singularem devotionem , et dilectionem reliquit nostre Basilice unum pallium imbroccatum auro valoris trecentorum , et quinquaginta ducatorum auri . Item unum pluviale pulcrum auro textum valoris ducatorum centum , et triginta auri . Fiat Anniversarium pro anima prefate bone memorie ; ita expendantur de pecuniis Camere dicte nostre Basilice floreni auri duo : Orate pro eo , et pro omnibus Confratribus , et Benefactoribus nostris , vivis , atque defunctis .

x. Kal. Iunij. <sup>3</sup> Dña Catherina de Cortona dedit pro reparatione paramentorum nostre Basilice ducatos duos , et ungaros duos pro anima sua , mariti viri sui , et Mathei filii ejus . Fiat specialis oratio pro eis . Obiit bone memorie Presbiter Antonius Iacobi , Clericus nostre Basilice , qui reliquit prefate Basilice unum Calicem de argento senato deaurato , cum patena ponderis decem unciarum . Fiat specialis oratio pro anima sua , et suorum ..

III. Kal. Iunij. <sup>4</sup> Isto die honorabilis vir Guillelmus Peri , Beneficiatus noster , donavit nostre Basilice unam navi-

cellam cum cocleari de argento , cum duobus smaltis , valoris decem floren. pro anima sua , et consanguineorum suorum .

xv. Kal. Julii <sup>1.</sup> Isto die Andreas Dragonie de Sclavonia donavit nobis unum Calicem de argento deaurato , valoris novem ducatorum . Fiat specialis oratio pro ejus anima , et suorum .

X. Kal. Julii <sup>2.</sup> Obiit sancte memorie Dñus Iacobus Gaytani de Stephanescis , Sancti Georgii Diac. Cardinalis , Concannonicus noster , qui nostre Basilice multa bona contulit . Nam Tregunam ejus depingi fecit , in quo opere V. auri flor. expedit ; tabulam depictam de manu Iotti super ejusdem Basilice Sacrosanctum Altare donavit , que VIII. auri flor. constitit ; in Paradiso ejusdem Basilice de opere mosayco ystoriam , quo Christus Beatum Petrum Apostolum in fluctibus ambularem dextera , ne mergeretur , erexit , per manus ejusdem singularrisimi pictoris fieri fecit , pro quo opere duo milia , et ducentos flor. persolvit , et multa alia , que enumerare esset longissimum . Et ex ejusdem bonis Casale , quod dicitur Olivetum prope Balcam , et medietate quarti casalis piscis , ac domum Cicche in parrochia Sancti Laurentii de piscibus , ac cofinos paramentorum pro tribus missis cotidie in eadem Basilica , in Altari SS. Laurentii , et Georgii celebrandis .

IV. Kal. Julii <sup>3.</sup> Anno Dñi MCCCCLXXIII. die XXVII. Iunii Rmus Pater , et Dñus Dñus Philibertus Vgunceti Cardinalis , tituli Sancte Lucie in Silice , Matisconensis vulgariter nuncupatus , donavit nostre Basilice unum pulcherrimum pluviale de drapo aureo rubeo .

II. Kal. Julii <sup>4.</sup> Dña Angila de Senis donavit nostre Basilice unum Calicem cum patena de argento fino deaurato , valoris decem , et septem florenorum . Fiat oratio pro anima sua , et mortuorum suorum .

V. Non. Julii <sup>1.</sup>. Isto die anno Dñi MCCCCLXXVIII. Obiit bone memorie Dñus Angelus de Capranicha, Episcopus Prenestinus S. R. E. Card. S. Crucis nuncupatus, qui donavit nostre Basilice unum pluviale de damaschino paunatio brochatum auro, et pulcherrimum. Oremus singulis annis specialiter pro anima ejus.

Non. Julii <sup>2.</sup>. In Ihesu Christi nomine Amen. Anno MIII.<sup>c</sup> LXX. quarto, Pontificatus Dñi Gregorii Pape XI. mense Julii die VIII. Obiit Rñdus in Xpo Pater, et Dñus Dñus Iacobus de Mutis Legum doctor, Episcopus Spoletanus, pro Dño nostro Papa tunc in Vrbe in spiritualibus Vicarius generalis, qui donavit nostre Basilice per manus Venerabilium Virorum dominorum Thomaxii de Carellinis, et Francisci de Tostis Concanonicorum nostrorum octuaginta octo libros argenti laborati, consistentis in diversis manierebus vasorum, de quibus octuaginta octo libras Basilica nostra habuit quadraginta libras; nam residuum recepit collector Dñi nri Pape etc.

VI. Idus Iulii. <sup>3</sup> Die x. Iulij m. cccc. l. Dña Soror Antonia tertii Ordinis Sancti Francisci, donavit nostre Basilice brachia viginti cum dimidio panni lini, pro faciendo unum, vel duo Camisie pro Sacristia nostra. Fiat pro anima ipsius specialis oratio.

V. Idus Iulij. <sup>4</sup> Obiit bone memorie Dñus Annibaldus de Ceccano, Episcopus Tusculanus, S. R. E. Card. Apostolice Sedis Legatus, Magister in Theologia, jam dudum Concanonicus noster, de bonis cuius habuit Basilica multos librorum, et paramentorum cofinos, de quorum librorum pretio, et III. viii. floren. nobis manualiter assignatis posse xiones nostre Basilice non modicum sunt adjuncte, sicut supra in Anniversario Dñi Iacobi Gaytani, Cardinalis Avunculi sui, plenius exprimunt-

<sup>1</sup> p. 92.

<sup>2</sup> p. 94.

<sup>3</sup> p. 96.

<sup>4</sup> ibid.

tur. Dicantur cotidie pro animabus eorum in Cappella Sanctorum Laurentii, et Georgii etc.

II. Idus Iulii<sup>1</sup>. In nomine Dñi Amen. Anno MCCCCXLIIII. Ind. vii. isto die obiit Ven. Vir Dñus Miletus Thennimi Bisuntinen. et ambianen. Ecclesiarum Canonicus, ac Camere Apostolice Notarius, qui reliquit nostre Basilice ducatos auri xxx. assignatos nostro Capitulo per Venerab. et egregios viros Domini Iacobum Radulphi Clericum Collegii, et Dñum Iohannem Synodi litterarum Apostolicarum scriptorem, et executores praefati Dñi Miletii, conversos in constructione nove Sacristie. Fiat perpetuo specialis oratio pro anima sua.

II. Idus Iulii<sup>2</sup>. Obiit Dñus Paulus de Palumbara Beneficiatus, et Sacrista Basilice, qui reliquit eidem Sacristie ducatos viginti convertendos in uno dossale Damaschini albi cum floribus aureis ad ornamentum Altaris Conventus, unam Tobaliam magnam ad usum dicti Altaris. Item unum Psalterium ex membr. Perseum ex membr. Plinii Libros IV. de medicina ex papyro. Que omnia executa sunt per Dñum Julianum de Matheolis Beneficiatum, et executorem d. Dñi Pauli. Fiat pro eo specialis oratio.

Ibid. Iul.<sup>3</sup>. Obiit Ven. Dña Nicola de Contraviellers Preposita de Faucogney Bisuntin. Dioc. que reliquit nostre Basilice unum Calicem argenteum deauratum, ponderis Vniciar. x. Fiat specialis Oratio pro anima sua.

xvii. Kal. Augusti<sup>4</sup>. Anno Dñi MCCCCLXXXII. die 16. Iulii Carola inclyta Regina Cypri obiit, sepulta in hac Basilica ante Capellam Sixti PP. Quarti, quae eidem Basilice reliquit unam planetam cum dalmatica, tunicella pulcherrimam auri intertexti brocati, cum suis ornamentis. Item quatuor libr. argenti optimi. Item duas planetas de Serico,

et duo Altaris paramenta. Fiat oratio specialis in die obi-  
tus sui.

ix. Kal. Aug. <sup>1.</sup> Anno Dñi MCCCCLXXXVI. die XXII. Iulii  
Ven. Vir Dñus Camillus Chrispoltus Civis Perusinus donavit  
Calicem unum argenteum inaureatum cum patena pro usu  
perpetuo in nostra Basilica.

vII. Kal. Aug. Anno Dñi MCCCCLXXV. die xxviI. mensis Iulii  
Venerabilis, ac Rñdus Pater Dñus Martinus de Roa, Concano-  
nicus noster, Archidiaconus de Campos, in Ecclesia Palentina,  
ac olim Cubicularius Secretus Nicolai PP. V. donavit, dum vi-  
veret, nostre Basilice infrascripta bona, videlicet domum, quam  
inhabitat positam juxta dictam Basilicam. Item vineam ma-  
gnam cum Vascha, et vascali positam in Septignano juxta Ec-  
clesiam S. Leonardi. Item tres domos positas in Burgo S. Pe-  
tri juxta metam. Item unum Missale magnum, et pulcrum.  
Item unum breviarium incepturn magnum completum sua  
impensa cum corrigiis sericis, et clausuris argenteis deau-  
ratis. Item unum pluviale album de serico cum floribus  
de auro textis. Item unum pulcrum frisium de auro tex-  
tum pro una planeta. Item unum pulchrum corporale  
de serico albo cum flore de auro texto. Item centum  
ducatos auri pro paramentis fiendis in Sacristia S. Petri.

VI. Kal. Aug. <sup>3</sup> Obiit Rñdus Pater Dñus Maffiolius Epis-  
copus Placen., qui reliquit nostre. Basilice unum Calicem,  
duo candelabra, et duas ampullas de argento, ponderis  
quatuor librarum, vel circa, et pro uno Messale du-  
cat. auri viginti unum. Fiat Anniversarium pro anima sua  
omni anno dicto die in Cappella Sancti Thome, sita in dicta  
Basilica, vel in loco consueto Capituli, in eo expendatur flo-  
renus unus.

IV. Non. Aug.<sup>1</sup> Isto die honesta Dña Antonia , uxor Magistri Io. de Cora , donavit nostre Basilice in vita sua ducatos tres pro anima sua , et suorum . Supradicta Dña Antonia , ut supra , donavit isto die nostre Basilice in vita sua unam planetam diversorum colorum cum friso deaurato , pro anima sua , et suorum . Item suprad. Dña Antonia donavit unam tobaleam cum.... nigris.... ad usum facte Altaris S. Marie de Cancellis .

IV. Idus Sept.<sup>2</sup> Isto die Dña Caterina de Venetiis donavit nostre Basilice unum Calicem de argento deauratum , ponderis unciarum XII. cum dimidia , et unum paratum Altaris completum . Fiat specialis oratio pro ea , et pro anima viri sui Bartoli , et suorum .

XVII. Kal. Octobr.<sup>3</sup> Isto die obiit Dñus Nicolaus Pauli Iacchetti , noster Beneficiatus , qui reliquit nostre Basilice florenos currentes xxv, qui conversi fuerunt in reparacione Tabernaculi Ligni SSñe Crucis . Fiat specialis oratio pro eo .

IV. Kal. Octobr.<sup>4</sup> Dñus Vinceslaus cum sociis suis Boemis , presentavit Basilice ornatum unum , Calicem argenteum , unum Missale , ad perpetuum usum Cappelle S. Venceslai , que omnia comparavit vid. ornatum pro flor. auri XII. Calicem pro x. Missale pro XVIII. flor. auri . Sub anno Domini MCCCLXIIII.

Kalen. Octobr.<sup>5</sup> Ista die personaliter , et devote adveniente Magnifico Dño Iohanne Thomacello Comite Sore etc. Germano olim bone memorie Dñi Bonifacii , divina providentia PP. Noni , in Sacristia minori hujus Sacrosancte Basilice , loco solito capitulari Dñorum Canonicorum ejusdem Basilice , ubi tunc erant capitularit. pro emergentibus d. Basiliis congregati , idem magnificus Dñus Iohannes zelo devotionis

<sup>1</sup> p. 107.

<sup>2</sup> p. 127.

<sup>3</sup> p. 129.

<sup>4</sup> p. 136.

<sup>5</sup> p. 138.

*deductus realiter , et cum effectu , jam dictis Dñis Canonicis assignavit , et donavit ad usum divini cultus in infranominata Cappella decenter celebran. res infrascriptas , videlicet , in primis unum Calicem smaltatum in medio cum paterna , in totum de argento auratum , cum corporali tamen sine domo . Item unam Crucem magnam cum lapidibus christallinum , et quatuor Evangelist. de argento smaltato , et cum pede de ere aurato , et cum tribus figuris auratis , et cum armis d. Dñi Johannis . Item unum Missale novum coopertum cum velluto , miniatum de auro , cum armis predictis . Item unam planetam de zeñato rubei coloris foderat. cum toto suo apparatu vid. camiso , amictio , stola , et manualiter . Item unum dossale rubri coloris foderat. cum suo frontali . Item tres tabilee siricat . Item unum tintinabul . Item duas ampullas de stagno . Item duo candelabra parva de ferro pro usu prefati Altaris ad memoriam olim Summi Pontificis memorati , cuius corpus infra dictam Basilicam juxta Cappellam fe. record. Dñi PP. N. Tertii fuit conditum Ecclie sepulture , et ibid. ex merito honorifice requiescit , ac in eodem loco ob ejusd. Dñi Summi Pontificis perpetuam memoriam , memoratus Dñus Iohannes , et Magnificus vir Dñus Andreas Thomacellus Comes , et Germani Fratres , et Fratres d. condam Summi Pontificis rehedicari fecerunt quandam Cappellam , vocatam Cappellam S. Egidii , prout de pñti vocatur , in qua . unum Altare inter cetera construi , et erigi fecerunt , ac etiam consecrari .*

*III. Idus Octobr. <sup>1</sup> In nomine Dñi amen. Anno Nativitat. ejusdem millesimo cccclvii. die vero xii. Octobr. fuit presentatus unus Calix per Dñum Martinum Desigonis . . . no-*

*vimontis pro parte Dñi Anzovich . . . novimontis . . . dum pro eo fuit presentatus in Altari S. Petri est argentei deaurati valor. xv. vel circa.*

x. Kal. Novembr. <sup>1</sup> Isto die Dña Margarita uxor Apollonis Paulini de Mandua donavit nostre Basilice, pro anima dicti Apollonis sui viri, unum Calicem de argento super auroto valoris XI. ducator. auri. Fiat specialis oratio pro anima dicti Apollonis, dudum Cancellarii Dñorum de Mandua.

Anno Dñi millesimo quadringentesimo sexagesimo septimo die vicesima quinta Dñus Addam Fumer Consiliarius, et Magister creuestar., ordinarius Christianissimi Dñi Francorum Regis, ac ejusdem ad Pontificem orator, donavit unam planetam veluti nigri cum stola, et manipulo. Fiat specialis oratio pro eo <sup>2</sup>.

v. Kal. Novembr. <sup>3</sup>. Obiit Geminus Mancini, qui reliquit nostre Basilice pro anima sua unum Calicem pulcrum de argento deauratum. Fiat specialis oratio pro eo.

III. Id. Novembr. <sup>4</sup> Obiit Franciscus Deodati Beneficiatus nostre Basilice, qui reliquit dicte Basilice omnes distributio-nes suas, videlicet per ipsum lucratas in eadem Basilica in annis sex, vel circa proxime preterit., et unum Psalterium, et unum Breviarium. Expendatur in ejus Anniversario floren-nus auri unus.

XVII. Kal. Decembris <sup>5</sup>. Obiit Nellus de Bononia familia-ris Dñi nostri Nicolai PP. V, qui reliquit, et donavit Sa-cristie nostre Sancti Petri quatuor planetas pulcras. Fiat specialis oratio pro eo.

xv. Kal. Decembris <sup>6</sup> Obiit bone memorie Rñdus Pater, et Dñus Dñus Petrus Ferro de Piperno, Episcopus Theatinus, qui reliquid nostre Basilice unum paramentum com-

<sup>1</sup> p. 150.

<sup>2</sup> ibid.

<sup>3</sup> p. 153.

<sup>4</sup> p. 160.

<sup>5</sup> p. 161.

<sup>6</sup> p. 163.  
5. S 2

pletum cum Planeta , Dialmatica , Tonicella , et Pluviale de auro super viridi , unum dossale cum pineis aureis , unum facistorium , et unam Tobaleam de Sirico , valoris centum triginta florenorum . *Orate Deum pro anima sua , et suorum .*

xII. Kal. Decembris . <sup>1</sup> In nomine Dñi amen . Isto die sub anno Dñi m. III. LXXX. Ind. XIV. honesta Dña Ioanna , filia condam Magistri Octolini Fabri de Ferraria , donavit nostre Basilice unum pluviale de Syrico virgato foderato , et frisato , cum uno grosso Maspillo de cristallo , et unum superpellicium panni lini pro anima sua , et consanguineorum suorum . Fiat igitur d. die commemoratio pro eisdem .

xI. Kal. Decembr. <sup>2</sup> Venerabilis Vir Dñus Presbiter Petrus Bonus Trivisinus donavit Sacristie nostre Basilice unum paratum Sacerdotale pulcrum , valoris triginta florenorum auri . Expendantur pro Anniversario suo , et parentum suorum de pecunia d. Sacristie Soll. viginti usualis monete .

vIII. Kal. Decembr. <sup>3</sup> Isto die Presb. Benedictus Matthei Beneficiatus nostre Basilice , donavit nostre Basilice viginti' quatuor ducatos auri , quos voluit converti in emptione Castri S. Petri in formula . Item donavit nostre Basilice unum Breviarium pulcrum , quod venditum fuit Dño Corrado de Marcellinis nostro Concanonico , pro pretio sexdecim ducatorum de Camera , qui ducati fuerunt expositi pro uno Turribuli pulcro deputato ad usum nostre Basilice . Fiat specialis oratio in vita , et in morte .

IV. Non. Decembr. <sup>4</sup> Isto die Rñdus in Christo Pater , Dñus Petrus Episcopus Aprutinus , donavit nostre Basilice unum novum , et pulcrum librum Psalterii manu propria , ad usum

*divini cultus. Fiat commemoratio de eo pro ejus felici statu, in omnibus orationibus nostris.*

viii. Id. Decembr. <sup>3</sup> Isto die Nicolaus Thadei de Neapoli, olim Clericus hujus nostre Basilice, in vita sua donavit Camere ipsius Basilice omnes suas distributiones de quinque annis, et grossos sex de vi. annis, in quibus sibi tenebatur Camera antefata. Item donavit unum novum Missale bene ligatum, copertumque coreo rubeo, sua propria manu scriptum, extimatim communi extimatione ducat. auri xx, et certas alias parvas res, causa sue devotionis, quas res voluit ad usum divini cultus celebrandi in Altari Cappelle S. Veronice. Et grossos, et distributiones suas ad honorem Apostolorum Petri, et Pauli; de quo fiat specialis oratio pro eo.

## C A P V T X X V I.

### *Locorum Secretariis Majori, et Minori circumstantium descriptio.*

Locorum memoratis Secretariis circumstantium accuratam descriptionem habemus ex Alpharano, dignam, quam tute legas, ne cum aliis Scriptoribus, nonnulla insignia monumenta in ipsis Secretariis posita, praepostere opineris. En tibi ejus verba<sup>1</sup>. Iuxta hoc Sacellum, et Gregorii IV. Sepulcrum, sequebatur aliud Sacellum <sup>2</sup> S. Marco Evangelista dicatum, et optime dotatum, juxta quod erat elegantissimum sepulcrum, e marmore pario elegantissimis figuris insculpto, Paulli II. Summi Pont. Omnia peracta a Marco Barbo Card. S. Marci Patr. Aquil. ejusdem Pontificis consanguineo pro anima sua, et ejusdem Pontificis <sup>3</sup>.

<sup>1</sup> p. 172. <sup>2</sup> p. 31. MSS. <sup>3</sup> n. 60. stava appresso la Porta della Sacristia  
<sup>4</sup> Questa sepoltura de' PP. Paolo II. della Chiesa, a mano manca della Porta

*Iuxta sepulcrum Paulli II. sequebatur ostium magnum et Sacrarii Basilicae, quod quidem Sacrarium vetustorum preciositate indumentorum, cetera Basilicarum Vrbis Sacraria antecellebat. Supra vero Sacrarium erant magnae aulae, et cubicula pro Ministris Basilicae, et ejusdem Sacrarii custodibus. Sed juxta Ostium Sacrarii, pari modo adhaerens parietibus Basilicae, sequebatur elegantissimum sepulcrum marmoreum simul cum Altari<sup>2</sup>, ad honorem S. Nicolai Episcopi, et Confessoris dicatum, atque dotatum a Nicolao V. P. M., ante quod sub tabula marmorea eximia, Corpus ejusdem Pontificis positum fuerat.*

*Heic autem, velim, audias, quid narret de eodem loco Maph. Vegius. Ante Ostium, inquit<sup>3</sup>, Sacrarii a dextra parte introitus Gregorii III, et Eugenii III. jacent Cor-*

de detta *Sagrestia*, tra quella de Eugenio IV. col suo Altare; dall'altra parte della Porta di *Sagrestia*, a man destra, era quella di Niccolò V, et non molto più oltra stava l'Altare di S. Biasio, verso la Cappella di PP. Sisto, quali furono tutti disjecti nel rovinar la Chiesa, et trasportati altri in un loco, et altri in altro. La pietra, che era a piede a questo Sepolcro, sotto alla quale stava il Corpo del d. Paullo II. l'anno del Signore 1574, quando fu restaurato il pavimento della Chiesa, fu posta nella Nave della Porta Giudicii, le sue ossa forno trasportate appresso l'Altar Maggiore al loco comune, *ubi dicitur Poliantriuni*: Huc congesta sunt ossa. Appresso al sepolcro de Paulo II. seguiva un Altare coll'Immagine del SS. Crocefisso, quale Immagine fu trasferita dalla Chiesa ruinata, che stava in un Altare dentro la Cappella de S. Giovanni in fonte. Questo Altare fu trasferito, et

eretto ad honore de S. Marco, et di S. Nicolao, in loco dell'Altare di S. Nicolao eretto già nella Chiesa ruinata appresso la Porta della *Sagristia*, nel Sepolcro di Nicolao V, et de S. Marco fatto per l'anima di Paulo II. dal suo Nepote, appresso al d. di S. Nicolao, et perchè hanno Cappellano, et intrata, perciò fu trasferito congiunto con li sepolcri de d. Papa Nicolao V, et Paulo II. In questo medesimo luogo fu anticamente l'Altare de S. Maria della Misericordia, et in Martyrologio nostro III. Kal. Iulii. Appresso questo Altare seguiva la sepoltura de Nicolao V. elegantissimo de marmo, et figure simile a quella de Paullo II. In questo luogo, dove fu trasferita questa sepoltura de Niccolò V. era anticamente una porta, che andava in certe Cappelle antichissime, fuor della Chiesa. *Apud Alpharanum in MSS.*

<sup>1</sup> lit. n.      <sup>2</sup> num. 61.

<sup>3</sup> T. vI. Junii p. 83.

*pora simul tumulata. Exstat adhuc titulus Eugenii III. marmori impressus. Deperiit enim Gregorii III. titulus, qui erat hujusmodi*

### TERTIVS HIC PAPA GREGORIVS EST TVMVLATVS

*et arcus simul, qui illi erat erectus ex nobili musivo depictus. Quo in loco situs est etiam Adrianus III, sed et, ut aliqui tradunt, Petrus Diaconus, quem B. Gregorius in Dialogo suo colloquente secum inducit. Paucioribus vero Malilius<sup>1</sup>, qui eadem fusius alibi<sup>2</sup> descriptsit, ante Vegium, utriusque Pontificis tumulum ita indicavit. Gregorius Papa III. Hic requiescit in illo loco, ubi Dominus Papa Eugenius III. requiescit.*

Sed ad Alpharanum redeamus. Iuxta praedictum Altare sequebatur aliud Sacellum<sup>3</sup>, et Altare B. Blasio dicatum Episc. et Martyri, quod Poncellus de filiis Vrsi construi fecerat, et dotaverat, juxta quod ipse etiam sepultus requiescit, et Agnes ejus uxor, filia Marchionis Montisferrati cum suis majoribus.

Post hoc sepulcrum extra, et juxta Basilice latera, fuit Oratorium magnum<sup>4</sup> cum Altari ab Antonio Cerdano Majoricensi Card. Illerdensi Hispano restitutum, et ad quod per Sacrum Basilicae erat accessus, in cuius medio sub marmorea tabula defunctus requiescit. Denique anno MDLXXIX. ejus ossa e sepulcro eruta juxta Altare majus in illo communi sepulcro condita sunt. Sepulcralis ejus Inscriptio erat hujusmodi.

<sup>1</sup> c. v. n. 86. p. 45. <sup>2</sup> n. 12. p. 39.

<sup>3</sup> n. 62.

<sup>4</sup> lit. o. Nella Cappella, dove se diceva

l'officio anticamente, uno sepolto in mezzo con tavola de marmo, et questa Iscrizione, et arme (Cervum scilicet)

MCCCCLVIII. DIE XII. SEPTEMBRIS  
 ANTONIVS CERDANVS MAIORICENSIS  
 CARDINALIS ILERDENSI  
 QVIEVIT IN DOMINO<sup>r</sup>

Sed rursus Alpharanum sequamur, qui praeterea nos docet, *uti in hoc etiam Oratorio per circuitum erant antiquitatis ex lignis nucum pulcherrima subsellia, in quibus Canonici, Beneficiati, et Clerici Bas. hyemis tempore per frigus matutinum psallere soliti erant.*

<sup>1</sup> Panvinius *dreb. mem. Bas. Vat. T. III. p. 75.* haec habet. Obiit Romae pridie Idus Septembbris anno MCDLIX. sepultus in Vestibulo Sacrarii S. Petri, humi cum Iapide supraposito, cum hoc epitaphio. *Plura etiam Ciacconius T. II. p. 969. de eodem scripta reliquit in hunc modum.* Mag. Ant. Cerdanus; quem aliqui Martinum nominant, Majoricensis, ex Vico S. Margaritae, Canonicus Majoric. Eccl., teste Placido Samperio, ac Fr. Jo. Figueras, Caenobita factus Ord. SS. Trinitatis in Caenobio S. Spiritus Majoricensi, Redemptionis Captivorum, per Angliam, Scotiam, et Hiberniam, sui Ordinis domos Commissarius generalis invisit, postea in Rom. Curia Procuratoris Gen. munere functus, Philosophorum, ac Theologorum omnium illius temporis maximus habitus fuit, adeo ut a Pio II. non Magister in Theologia, quem gradum jure adeptus fuerat, sed Princeps Theologorum vocaretur. Ex Cubiculario Papae, et Archiepiscopo Messanensi ab Eugenio IV. electo, renunciatus est a Nicolao V. Presb. Card. Tit. S. Chrysogoni. Hunc insuper, quem ob ejus doctrinam, et vitae sanctitatem ipse Nicolaus sibi Philosophiae studiis, et arcanorum Sacr. Theologiae

cognitioni ex omnibus elegerat, maximis, et amplissimis donis, ac honoribus donavit, atque unice dilexit. Praefuit, Nicolai ejusdem Pontificis jussu, Ecclesiis Ilerdensi, et Iuuenacensi: quare vulgo dictus Card. Ilerdensis. Legati munere primo in Marchia Anconitana, deinde apud Alphonsum Aragonensem Regem Siciliae, et Florentinos functus est, pro componenda inter illos pace, quam summo studio, et omnium votis tandem firmavit; et Arianensibus Beati Othonis ossa restitui curavit. Exstant Alphonsi Regis literae ad Carolum datae. *Heic vero addidit Oldoinius.* Romae decessit non, pridie Kal. Septembbris, anno 1458, ut scripsit Ciacconius, sed ex Vaticanis monumentis, atque ex Sepulcrali Inscriptione, die xiI. Septembbris, anni 1459. et in Vestibulo Sacrarii Basilicae Principis Apostolorum sepultus, cum hoc Epitaphio: *Hacenus Ciacconius, et Oldoinius.* Verum si fides Alpharano, et Grimaldo praestanda est, ex quibus Epitaphium desumpsimus, recte Ciacconium scripsisse sentiendum est, ac perperam Card. Cerdani obitum anno sequenti assignasse Oldoinium, qui praeterea cum Ciacconio, Ilerdensis titulum in inscriptione omisit.

Iuxta dictum Sepulcrum Urbani sequebatur <sup>1</sup> Sacellum pulcherrimum B. M. semper Virginis, sub nomine Annunciationis consecratum, in quo S. Margheritae Virginis etiam eximia exstabat imago, a Iohanne Wecta de Anglia Sacerdote, et Legato amplificatum.

Iuxta Sacellum praedictum erat ostium, per quod erat accessus ad aliud magnum Oratorium <sup>2</sup> extra latera Bas. protensum, cum Altari a Baptista Zeno Veneto S. M. in Porticu Cardinali exstructum, in cuius medio ante Altare sub lapide marmoreo fuit sepulta Helisabeth ejus Mater, Eugenii IV. Neptis, et Paulli II. Soror. Severanus, Bonannius, et Janningus, hoc Altare vocant Sacellum Card. Zeni, et Turrigius, ubi nunc Sacellum Clementinum, seu S. Gregorii <sup>3</sup>, exstitisse scribit. Ibidem tumulata fuit memorata nobilissima femina, cuius epitaphium latinis versibus illigatum, a Turrigii usque aetate, vetustatis injuria pene deletum, Alpharano <sup>4</sup>, Grimaldo, Schedis Barberinisi Sec. XVIII. ineuntis, et eidem Turrigio <sup>5</sup> debemus, nosque heic cum Lectoribus communicamus.

<sup>1</sup> n. 64. <sup>2</sup> lit. p. <sup>3</sup> p. 426.

<sup>4</sup> Nella Cappella appresso questa antedetta, dove tenevano le Cotte li Canonici, et se faceva Capitolo, sono due Sepolcri, uno in mezzo con questa Iscrizione.... Appresso questa Sepoltura è un'altra Pietra a man destra appresso al muro con questo titolo, et arme, de quali armi sono per tutta la Cappella Baptista Zenus Venetus Cardinalis S. Mariae in Porticu MCCCCCLXXXIII. Fondandosi la Chiesa nuova l'anno 1578. fu levato il Corpo della detta Elisabetta, et sepolto dentro la Sagrestia colla medesima tavola, et titolo de marmo. Sotto le due antedette Cappelle cavandose le fondamenta della

Chiesa nova l'anno 1578. furono trovati bellissimi Pili di marmo con li Corpori di Christiani, et persone dignissime dentro, vestiti di seta, et alcuni erano forse Cardinali, o Papi, infra i quali Pili uno aveva di rilievo l'istoria della negazione di S. Pietro col Gallo, et l'istoria d'Habram con Isaac, et altre historie ecclesiastiche, et un altro haveva certe Croci di rilievo intagliati nel marmo. Li detti ossi furono posti dentro la sepoltura si vogliono mettere l'altri simili, quali è nella Cappella nota, chiamata del Re di Francia, nella sepoltura, appresso la terza Cappella verso Oriente.

<sup>5</sup> p. 387.

EVGENII . NEPTES . QVARTI . PAVLIQVE . SECUNDI  
 PONTIFICVM . SOROR . HIC . ELISABETHA . IACET  
 BAPTISTAE . ZENI . MATER . PIA . CARDINIS . ILLI  
 BARBA . DOMVS . VENETA . PATRIA . CELSA . FVIT  
 M C C C L X X X.

Haec autem de eodem Cardinali , cuius gentilitium insigne ad borealem sacrarum Cryptarum partem adhuc suppetit , in veteri MSS. haberi tradit idem Turrigius , a Ciacconio <sup>6</sup> , et a Dionysio <sup>7</sup> item prolata . Baptista Zeno Venetus , a Paullo II. avunculo , in locum demortui Riccardi Constantiensis Archiep. S. Petri assumptus , rexit Archipresbyteratum an. 30. mens. 8. dies 28. Oratorium in Bas. Xyxti IV. Sacello proximum pro Elisabethae Matris animae salute , cuius adhuc tumulus in Sacrarii Vestibulo cernitur , cammerato opere aedificavit , ornavitque , quod inde novi Templi gratia detectum est , in quo legebatur inscriptio , quod idem Cardinalis Elisabethae pientissimae Matris Missae sacrificio imploratus opem , aram dicavit . Obiit Patavii die 8. Maii 1501. hora 12.

Heic tamen Turrigius contra Codicis ab se allati fidem , non in Sacrarii Vestibulo , sed in ipso Sacrario tumulatam fuisse scribit , quod temere ab eo factum , fortasse videri posset . Sed eum ab omni erroris nota liberat Alpharanus , qui continuo pergit <sup>1</sup> . Denique praedicta in exstructione novae Bas. e primo sepulcro eruta , intra Basilicae Secretarium , sub eodem lapide sui nominis insculpto , condita fuit in ingressu Sacrarii .

Age , hinc jam reliquam hanc veteris Bas. partem , Alpharano duce , percurramus , qui sic eam describit <sup>2</sup> .

<sup>1</sup> T. II. col. 1112.

<sup>2</sup> p. 161.

<sup>3</sup> ms. p. 32.

<sup>4</sup> ibid. num. 65.

Iuxta praedicti Oratorii Ostium, duo Sacella cum Altaribus, unum fortasse S. Eustachio dicatum, a Barth. Wiano Canonico dotatum, alterum vero S. Georgio M. consecratum. Hisce Sacellis proxima erat porta, sive magnus arcus, per quem habebatur accessus ad magnum, nobilissimumque Oratorium a Xysto IV. exstructum, ubi erat Chorus Canonicorum, et sepulcrum aeneum elegantissimum mirifice fabrefactum, in quo conditus fuit a Iuliano Card. Fratris Filio, qui postea fuit Iulius II, ibidemque humatus fuit cum Card. Sanctorio, Tituli S. Sabinae<sup>2</sup>, a dextera Altaris, et a sinistra Galeotti Franciotti<sup>3</sup> de Ruvere, Tit. S. Petri ad vincula.

Iuxta hujus Oratorii aditum in pavimento erat Corpus<sup>4</sup> Carolae Cypri, et Hierusalem Reginae, et haud ita procul Mariae Constantinopolitanae nobilissimae, et in parietibus sepulcrum marmoreum Bernardi<sup>5</sup> Heruli Narniensis, Episcopi Sabinensis, ex superiore transversa parte Basilicae translatum, ac pone sepulcrum<sup>6</sup> Stephani Nardini Foroliviensis, Tit. Sanctae Mariae in Transtyberim, sub marmorea tabula in pavimento. Sequebatur Oratorium antiquissimum S. Thomae<sup>7</sup> a Symmacho exstructum, ubi tumulata erant Corpora Ioh. Podii Episcopi Bononiensis, Maffioli de Lampugnano Episcopi Plocen. ac Petri Lunelli Episcopi Gajetanen., Francisci Bartheleti Milopotonien. Turnone Valentiae oriundi. In sinistra vero parte Oratorii<sup>8</sup> erat Baptismi Fons marmoreus elegantissimus, sub quo erat sepulcrum Innocentii VII, et juxta Petri Fonsecae Diac. Card. S. Angelii, et Nicolai de nobilissima familia Vicecomitum, Canonici. A dextera vero Altaris<sup>9</sup> erant Sepulcra Ardicini Iunioris Novariensis, Presbyteri SS. Ioh. et Paulli, et<sup>10</sup> Ardicini Novariensis, Diaconi SS. Cosmae, et Da-

<sup>1</sup> lit. q. n. 66.

<sup>2</sup> n. 68.

<sup>5</sup> num. 71.

<sup>6</sup> n. 72.

<sup>7</sup> n. 73.

<sup>3</sup> n. 69.

<sup>4</sup> num. 70.

<sup>8</sup> num. 74.

<sup>9</sup> n. 76.

<sup>10</sup> n. 77.

miani, Cardd. della Porta nuncupatorum, a quibus optime dotatum fuerat Altare S. Thomae, atque ante Ardicinum seniorem, quiescebat Theobaldus de Rubeo Mont. Archiepiscopus Bisuntinen.

Post haec Alpharanus narrationem suam ita absolutiv<sup>1</sup>. Iuxta aditum Oratorii S. Thomae, contra Orientem, in parietibus Basilicae ad meridiem, sequitur sepulcrum e marmore pario elegantissimum Christophori Maroni Episcopi Isserniensis S. R. E. Card. et Tit. D. Ciriaci in Thermis, et hujus Basilicae Archipresbyteri benemerentissimi, qui fecit fieri magnum, et copiosum Martyrologium, cum inscriptione omnium hujus Basilicae Benefactorum. Nostris vero temporibus ibidem magna Porta Sacrarii suffecta est. En tibi sepulcralem ejus inscriptionem.

QVI LEGITIS CARMEN LACRYMABILE FVNDITE FLETVS  
FVNDITE ET HOC MVLTIS LACRYMIS ORNATE SEPVLCRVM  
MAXIMA CARDINEI CVBAT HIC NAM GLORIA COETVS  
CORPORE CHRISTOFORVS SED SPIRITVS INSIDET ASTRIS  
FIDVS APOSTOLICAЕ PER TOT FLVITANTIA CIMBAE  
NAVFRAGIA ECCLESIAE FVIT HIC ET TEMO SALVBRIS  
MVLTIPLICI VIRTUTE NITENS ET AMATOR HONESTI  
VIR ERAT EVECTO CVI TANTI AD CVLMEN HONORIS  
NOMINIS ALME TVI TITVLVM CYRIACE DEDISTI  
ANNO DOMINI MCCCCIV. <sup>2</sup>

<sup>1</sup> nam. 78. Fora de questa Cappella nella pariete della Chiesa, per venire verso l'Altare de S. Gregorio, vi è il sepolcro de Cristophoro Card. et Archipr. de S. Pietro dignissimo, quale fece fare il bellissimo Martyrologio de S. Pietro, con molte cose memorande di esequij, e sepolture. Il sepolcro è di marmo in alto con l'arme, e questi versi .... Ma l' anno 1578. volendosi fare una strada nuova per entrare in Sacristia, atteso

quella vecchia si buttava per terra, per fare i fondamenti della Chiesa nova, in questo loco della sepoltura fu fatta una porta, et la sepoltura portata via, ma non il corpo del Cardinale.

<sup>2</sup> In Necrologio p. 172. Anno Dñi millesimo cccc. IIII. Mensis Decembris, die quinta, obiit bo. me. Rñius P.Dñus Card. Iserniens. Civis Romanus, Archipresbyter hujus nostre Bas. Pñcipis Apostolorum cuius Corpus sepultum in Cappella S. Gre-

## C A P V T XXVII.

*Reliqua de majori, et minori Secretario exponuntur.*

Ex Diario Ant. Petri, *majus*, et *minus* Secretarium usque a sec. xv. initio, in usu fuisse vidimus. Vtriusque vero mentionem usque ad medium Sec. xvi, factam fuis-

gorii, sita in d. Basilica. Qui reliquit d. Cappelle unum pulcherrimum Missale, et unam planetam valor. xvi. ducator., et unum Calicem de argento valor. xx. ducator. ac unum Corporale pulchrum, et ornatum perlis. Item reliquit d. Basilice ducentos ducatos de auro, pro quibus emi deberent possessiones, que empte sunt terre vinear. ex quar. fructibus fiat, et fieri debeat singulis annis in die obitus sui Anniversarium, pro quo manualiter solvantur Canonici, Beneficiati, et Clericis d. Basilice astantibus in d. Anniversario ducati auri sex. Item fecit fieri de novo presens Martyrologium ad perpetuam rei memoriam. Inscriptionem referunt Panvinius de reb. mem. Bas. Vat. T. II. mss. 74, et Giaconius in T. II. pag. 708, qui de eodem haec memoriae consignavit. Christophorus Maro, alias de Maronibus, Romanus, ex Episcopo Iserniensi Presbyter Cardinalis, titulo S. Cyriaci in Thernis, et Archipresbyter S. Petri in Vaticano, a Bonifacio IX. Romano Pontifice renunciatus, una cum Francisco Carbone Cardinale Monopoli-tano, et Bartholomeo Carafa Vrbis Priore, deligitur arbiter inter Bonifa-cium IX. Rom. Pont., et Paulum Sabel-luni nobilem Romanum Lucae filium, in quaestione litis de possessione Op-pidorum Asprae, Zarani, Cignani, Montisboni, et Rochetarum, ut ex Bo-nifacii Codicillis, qui supersunt, con-stat. Fuit hic Cardinalis Praefectus

Monasterii SS. Alexii, et Bonifacii in Monte Aventino, post cuius obitum Coenobium illud Bas. Vatic. adjectum est. Decessit Romae Innocentii VII. anno I. Chr. vero 1404. pridie Nonas Dec. Sepultus fuit in Bas. S. Petri in Sacello S. Gre-gorio sacro, prope aediculam S. Thomae in marmoreo, et muro affixo sepulcro, cum insignibus, et sequenti Inscriptione: Praeterea ex Diar. Ant. Petri ap. Murator. Tom. xxiv. pag. 97. haec legimus. Die Sabbati 6. ( Decembris ) obiit Rmns Pater Daus Cardinalis Iserniensis ( Christophorus Maro ) vid. hora noctis tertia in domo Domini Abbatis S. Pauli, de regione S. Eustachii ( 1404. ) Item nocte sequenti ad horas decem fuit portatum Corpus ejus per duos Romanos in Palatio, capite Scalarum S. Petri de Urbe, tamquam Archipresbyter nostrae Basilicae, et die Dominica, septima supradicti mensis, de mane fuit factae exequium valde honorabile; post exequium fuit sepultus in Capella S. Gregorii Papae, et Doctoris. Haec eadem exscripsit Cl Felix M. Nerinius c. xix. pag. 284. de Templo SS. Bonif. et Alexii, ubi plura de eodem Cardinali eruditè adjecit, post cuius obitum, Cardinales alios Monasterium commendatario nomine obtinuisse ani-madvertisit usque ad ann. 1426, quo demum anno ad Monachos Hieronymianos libere translatata fuit Monasterii possessio, quin eadem ad Bas. Vaticanae Canoni-cos unquam redierit.

se constat. Tunc enim, ut mox ostendemus, *majoris* etiam *Sacristiae* appellatio obtinebat, quae *minoris* quoque indicium facit.

Ceterum, quum supra vidimus, anno MCDXLIV. pecuniam a Mileto Thennimi Bas. legatam, pro constructione novae *Sacristiae* concessam fuisse, haec de *majori Sacrario* accipienda esse puto. Quum enim fortasse haud ante ejusdem seculi initium constructum fuisse, novum dici poterat, respectu alterius multo vetustioris. Id etiam vere scribi potuit, quod circa idem tempus nova aedificatione porrectum latius, atque explicatum, novasque aedes eidem impositas fuisse, scimus. Rei testem habemus locupletissimum Fl. Blondum, qui haec de Eugenio IV. praedicavit<sup>1</sup>. Leo donis Ecclesiam ornavit; *Tu illam supellectile, sacrorum ministerio, pariter donatam, tecto insuper majori ex parte renovato, novisque Sacristiae Cameris exaedificatis, reddidisti meliorem.*

Praeterea hoc idem *Sacrarium* paullo post a Francisco Maffeo Bas. Vat. Canonico restauratum fuisse tradit Grimaldus, qui ita scriptum reliquit<sup>2</sup>. *Ramus D. Franciscus Maffeus Canonicus. Hic instauravit Sacrarium Basilicae, et Sacellum S. Thomae Apostoli, ut inscriptio, et stemmata ejus indicabant in veteri Bas. Vat. Canonicus an. 1477. Sacellum S. Thomae Apostoli olim a Symmacho aedificatum, longa vetustate squallens, nobili fornice reparavit, et frontem, sive aditum Sacelli ferrea crate, marmoreo arcu, elegantibus floribus caelato, cum Maffeorum stemmatibus munivit. Defecit sub Paullo V. Quae quidem cur Sindonius prae-*

<sup>1</sup> Rom. Inst. lib. I. pag. 231. n. LVII.  
e nella Roma restaurata, et Italia illu-  
strata di Biondo da Forli tradotte in

buona lingua volgare per Lucio Fauno.  
Ven. 1548. 8. p. 13.  
<sup>2</sup> in lib. Descendent. Canon. fol. 72.

termiserit, non intelligo, ubi Altare S. Thomae Apostoli<sup>i</sup> descriptsit, quod in nostra ichnographia occurrit litera r.

Ejusdem loci mentionem fieri puto in libro *introitus, et exitus Sacristiae ab anno MDXXXV. ad MDXLVI*, corio rubro cooperto, folio 30. sub fine, ubi haec habentur.  
*Die XII. Februarii. Dedi Clavario pro serraturis portarum domorum, quas habitant nostri Sacristae, et pro serraturis, et ferris Portae primae loci, in quo firmantur equi Canonorum, et Beneficiorum, praesente D. Benedicto de Sanctis, scutum unum* ~~per~~ 1. *et fol. 31. ejusdem libri. Dedi Magistro Angelo Fabrolignario, habitanti in Burgo novo, pro duobus armariis novis capacibus nostrorum librorum, qui solebant esse in Libreria, quae armaria sunt posita in Capella nostra, in qua solent teneri praefati libri, ex pacto facto, consciis Rdis Dñis Sindicis, scuta duodecim, quorum solutionem cepi die 6. Februarii, et finivi die xxv. Aprilis* ~~per~~ 12.

*Item dedi eidem ultima Aprilis, pro scabellis pedum sub cassis, et armariis Dominorum Canonicorum, quae sunt in majori Sacristia nostra ex pacto facto per Dños Sindicos* ~~per~~ carl. xxx. — . — — *per* 2. 25.

*Item dedi eidem pro tribus scabellis etc., et pro una Porta nova cum suis spondis ad scalam, per quam ascenditur ad locum, ubi tenetur oleum, et cera. Et fol. 35. Dedi magistro Baptista de Caravaggio Muratori die 4. Novembris pro resarcitura Tecti Capellae Sixti, et Tecti, quod est super loco, ubi expectant equi, et mulae nostrae, et pro uno Ponticulo lateritio, cum suo conducto, ad Portam dicti loci, scuta tria, et pro duabus salmis Tegularum, pro dicto usu dictorum Tectorum, scutum unum, in totum — — *per* 4.*

Item dedi eidem die x. ejusdem pro mercede sua , eo quod  
conduxit , et transportavit pilum , seu vas pulchrum marmo-  
reum sculptum , quod erat in Ecclesia sub organo , ad Sacri-  
stiam nostram , pro conficiendo Altari S. Silvestri , et pro  
firmando , et ponendo Armaria Reliquiarum super quatuor co-  
lumnis , et pro transportandis duobus vasis marmoreis ad pe-  
des dicti Armarii , pro conficiendo Altari , et pro incrostatu-  
ra parietis , quod est extra , et super Capellam Altaris Reli-  
quiarum , et pro pluribus aliis parvis resarcimentis in dicta  
Sacristia , in totum scuta quatuor

— — — 4.

Atque huc spectare videntur , quae legimus in Bas.  
Necrologio <sup>1</sup>. Isto die II. Kal. April. Dña Perna Vxor Io-  
hannis Antonii Mandatarii donavit nostre Basilice Ducat. Ca-  
mere decem pro anima Viri sui , que pecunia fuit conversa  
in fabrica Cassarum , et Sedium Sacristicie nove . Fiat com-  
memoratio pro animabus ipsorum , et Fratris Mariani , et Ia-  
cobelle Mataratii .

Quae quidem , nisi aetas e sinu tandem , ac negle-  
ctae vetustatis squallore , in apricum proferat aliquod  
monumentum , quod secus sentiendum esse doceat , quod-  
que hactenus frustra , tum in editis libris , tum in MSS.  
quaesivi , ac quaerendum curavi , ope eruditissimi , atque  
humanissimi Phil. M. Renattii , in Archivo Fabricae Bas.  
Vatic. , de majori veteris Basilicae Secretario intelligenda  
esse arbitror .

<sup>1</sup> pag. 45.



## C A P V T   X X V I I I .

*Cuinam parti novae Basilicae Secretarium  
majus responderet?*

Heic modo juvabit inquirere , cuinam loco novae Basilicae , quam nunc admiramur , Secretarium majus veteris Basilicae responderet ?

Porro , hic ab Alpharano , et Bull. Vat. editoribus<sup>1</sup> designatur , ubi nunc *Cella Clementina* , seu *S. Gregorii M.* Quod item a Sindonio confirmatur , ubi ait<sup>2</sup>. Secretarium veteris Bas. ( *ut ichnographica designatio ostendit* ) , eo in loco positum erat , ubi nunc *S. Gregorii Magni Sacellum est* , sanctumque ejus *Corpus veneratur* , et ideo solo aequatum , tempore Iulii II , inclusumque fuisse in novo Templo Vaticano , minime dubium est .

Quae quidem loci designatio , ubi prius steterat hoc Secretarium , eo lubentius a me indicata est , quod ex eadem illud etiam constat non levis momenti , pari modo , quo *Gregorius IV.* supra *Secretarii antiquissimi* ruinas *Oratorium Gregorio M.* sacrum construxerat , eodem loco , quo prius steterat hoc alterum Bas. Secretarium , Cellam in ejus honorem a *Clemente VIII.* deinde excitatam fuisse .

<sup>1</sup> T. XII. p. 257.

<sup>2</sup> p. 87.



## C A P V T XXVIII.

*Cellae Clementinae, ac postremae M. Gregorii  
translationis Historia.*

Quandoquidem huc scribendo devenimus, non abs re erit, pauca de hac etiam Cella attexere, ubi nunc SS. Doctoris exuvias veneramur, ejusdem SS. Pontificis studiosis non injucunda. Siquidem de tertia, ac postrema sui Corporis translatione a *Paullo V.* peracta pertractabimus, quae valere eò saltem poterunt, ut omnis, si quae cujusquam animo insedisset, suspicio de *Gregorii M.* exuviiis aliò translatis, penitus removeatur. Quod etiam cur a Maurinis, ac praesertim a Bollandianis, qui hanc provinciam susceperant, praestitum non sit, ignoro.

*Clemens VIII*, ut Andreas Victorellus<sup>1</sup> testatum reliquit, jampridem statuerat, *S. Gregorii Corpus reponere e regione arae, ad quam Gregorius XIII. S. Gregorii Nazianzeni Lipsana ab Aede Sanctimonialium S. Mariae in Campo Martio, transferenda curavit*<sup>2</sup>. Illud enim sapientissimis Pontificibus fuit antiquissimum, ut, quod Joh. Chrysostomus<sup>3</sup>, cuius etiam cineres in Templo Vaticano veneramur, de Vrbe pronunciabat, Basilica Vaticana non propter auri copiam, vel propter columnas, aliumque fastum, sed propter columnas Ecclesiae, admiranda praecipue esset, ac suspicienda. Quocirca, studio, atque ope re Jacobi de Porta Architecti, Cellam magnificentissi-

<sup>1</sup> T. I. addit. ad Ciacc. in vit. Greg. IV. fol. 599. <sup>2</sup> S. Benedetto della Congr. Cassinense. Roma 1725. 4. p. 21.

<sup>2</sup> Cronica del Ven. Ministero S. M. in Campo Marzo di Roma dell' Ordine di

<sup>3</sup> T. IX. edit. Paris. Homil. xxxii. in epist. ad Rom. p. 757.

mam exstrui curavit, quam *Gregorii* imagine, ab Andrea Sacchi Pictore peritissimo, coloribus expressa, ac duobus columnis e marmore Numidico, quod *variolatum* vocant, ornatam voluit. Sed coeptum, profligatumque opus a *Clemente VIII*, a morte abruptum, *Paullus V.* perfecit. Quod patet ex inedita totius translationis narratione a *Jac. Grimaldo* diligentissime descripta, quam heic lectorum commodo subjiciendam puto<sup>1</sup>.

<sup>1</sup> Quum vero Pauli Quinti Pont. Max. jussu, qui Vaticanum hoc Templum perficiendum magno animo suscepit, Sacellum hoc solo foret aequandum, Illinus, et Rm̄us Dñus Dñus Evangelista Pallottus, Card. Tituli S. Laurentii in Lucina, a Metropolitana Ecclesia, cui olim praefuit, Cusentinus nuncupatus, memoratae Bas. Archipresbyter, Corpus ipsius Sanctissimi, ac Summi Antistitis Gregorii in novum Templum, ac in Sacellum anteriori Basilicae ad ortum Solis extremae navis dextra egrediendo Basilicam, ubi nunc extat ipsius Pii sepulcrum.... Hoc altare Antonius Latiosus nobilis Sacellum e regione Gregorianae illaturus mandavit Altare praedictum dissecrari, et inspici Sanctum Corpus pro parandis, quae forent necessaria translationi. Et ut futuris temporibus, quae infra dicentur, omnibus innotescant, Ill. adniodium ac R.D. Marcus Antonius de Magistris, ejus Neps, dictaeq. Basilicae Canonicus rogavit me Notarium publicum infrascriptum, ut praesenti publico adnotarem Instrumento. Hinc est, quod anno Dñi millesimo sexcentesimo quinto, die Iovis vigesima nona Decemb. inductione tertia, Pontificatus SSñi in Xpo Patris, et Dñi nostri Dñi Pauli divina providentia Papae Quinti, anno ejus primo. In mei Notarii publici, testiumque infrascriptor. ad haec specialit. vo-

cator. et rogator. pñtia pñs, et personaliiter constitutus suprad. Illinus, et R. D. Marcus Ant. de Magistris, qui, ut asseruit, de ordine ejusdem Illini, apposita manu elevationi marmoreae tabulae, in cuius medio extat sigillum munitum Crucis ex auricalcho cum quinque lunis, hora jam noctis secunda, et Basilica undique clausa, nemine in ea existente, nisi dumtaxat caementariis, dissecravit Altare Sancti Andreæ Apostoli, et S. Gregorii Magni Papæ I., cujus sacrum Corpus requiescit in eadem Ara, intra sanam, et integrum concham de granito orientali albo, et nigro ovatam. Quod quidem Altare undique munitum est firma crate ferrea. Elevata igitur, ac summota tabula Altaris innixa super crate ipsa, Fabri palo ferreo ungulato cooperunt summa vi elevare, ac tollere viginti sex clathras, seu virgas ferreas per transversum, in modum craticulae, super ipsa concha positas, et cum dicta crate Aram, et Corpus circumvenie benefirmatas. Quibus sublati omnes genuflexi dixerunt Hynnium Iste Confessor etc. V. Amavit eum Dominus eum oratione de Sancto Gregorio, dicta ab ipso D. Marco Ant. Canonico. His actis idem Rðus Dñus Canonicus mandavit aperiri concham ipsam, et elevari tegmen ejus marmoreum album ovatum. Quo faeto apparuit capsa lignea, intra quam

Sed quum vestes , ut eas vocat Anastasius in Adriano ,

quiescebat ipse egregius Ecclesiae Doctor S. Gregorius Magnus , tecta panno serico damaschino coloris castanei , sive rosae siccae , coronis aureis , et pedibus aquilarum intexto . Eaque aperta a d. Dño Canonico , visum fuit ab omnibus inibi circumstantibus sacrum Corpus ipsius SS. Gregorii PP. prini . Quo inspecto , clausit idem Dñus Marcus Antonius capsam cum sancto Corpore , et conperuit suo panno praedicto . Fabricatores deinde imposuerunt Conchae operculum marmoreum , et tabulam Altaris magni ponderis , dictumq. est *Te Deum laudamus.* ¶ *Elegit eum etc.* cum Oratione de Sancto Gregorio . Capsa lignea , in qua requiescit idem Sancrus Doctor , longa est palmis quatuor , lata palmis duobus , et unciis duabus , alta palmo uno cum duobus tertiiis ; intra quam etiam sunt fragmenta vetustissimae primae Capsae , in qua idem Sanctissimus Papa primitus humatus fuit , tantae antiquitatis , ut tactu fere reducantur in pulverem . His actis , audita hora noctis quinta , omnes ad proprias domos recesserunt . (p. 35.) Die Sabbati septima Ianuarii anno Dñi millesimo sexcentesimo sexto , indictione 1111 , hora noctis secunda . In mei etc. presentes , et personaliter constituti RR. P. Dñi Paulus Bizzonus major Sacrista , Marcus Antonius de Magistris , Marcellus Phylonardus , Aloysius Cittadinus , et Paris Pallottus , Canonici memoratae Basilicae S. Petri , ad Altare S. Andreae cum simul convenissent , ut presentes essent aperitioni Altaris , et repositioni Corporis S. Gregorii Magni intra capsam cypressinam novam ab Illño Dño Card. Cusentino Archip. e Pontificali benedictam ; dicto hymno *Iste Confessor* , et oratione de Sancto , mandarunt elevari tabulam Altaris marmoream , et concham , in qua jacet corpus , aperiri . Quibus actis

idem RR. DD. Bizonus , Cittadinus , et Phylonardus stolis induiti elevarunt capsam ligneam cum Corpore Sanctissimi Gregorii PP. primi panno suo tectam , quo die xxix. Decembris MDCV. reperta fuit , ut per acta mei etc. et ita ipsam intra praefatam novam capsam incluserunt cum d. sacro Corpore , ac psallentes cum luminibus detulerunt in Chorum Sextinum ; ibique R. D. Marcus Antonius de Magistris munivit illam sigillis Illnº Card. Archip. Stetit super feretro , ipsa nocte , canentibus vigiliis RR. DD. Americo Egio , Curtio Tirabosco Beneficiatis , Cosmo Georgesco , Andrea Amico , et Placido de Placidis Clericis Beneficiatis , Alexandro Thomasio , Franeisco Maccionetto Sacristis , Constantino Castillione Musico , et Lactantio Nino Cappellano . Qui in Aurora detulerunt Sanctum Corpus ad Altare S. Andrae , ibique populi devotioni expositum est , ut plenariam consequeretur indulgentiam jam publicatam per Vrbem . Super quibus etc. Actum , ubi supra , anno etc.

(p. 36.) Die octava Ianuarii MDCVI. Dominica infra octavam Epiphaniae .

Illnº et Rnº Dñus Evangelista Pallottus , Tituli S. Laurentii in Lucina , Presbyter Card. Cusentinus Basilicae Principis Apostolorum Archipresb. cappa rubra induitus interfuit Vesperis in Choro Sixti Quarti solemniter cantatis , Vicario ejusdem , Clero Basilicae , multis Episcopis , ac Praelatis , maximaq. populi multitudine intervenientibus . Quibus absolutis idem Illnº Dñus Cardinalis accessit ad Altare in parte Epistolae , ubi , deposita cappa , accepit amictum , albam , cingulum , Crucem , stolam , pluviale album , mitram preciosam , et annulum , et ex Faldistorio processionaliter medius inter RR. DD. Canonicos Tiberium Cincium

et Sergio II, seu *Pallia*<sup>1</sup>, *Frontalia*, aut *Parapetasmata* nunc

Diaconum, et Paridem Pallottum Subdiaconum, se contulit ad Aram S. Andreea, ubi positum erat Corpus S. Gregorii Magni, et servatis omnibus, quae in superioribus Sanctorum translationibus gesta sunt, ritu solemni, sacrum ipsum Corpus transtulit ad Altare Sacelli, e regione Gregorianae, ubi in fine solemnum populo benedictionem tribuit, et idem Diaconus Canonicus publicavit Indulgentiam verbis solitis. Corpus confluenti populo ad horam noctis secundam ibi stetit expositum, qui frequentissimus fuit, praeceps Nobilium, Ducum, et Principum Romanorum. recolentium memoriam tanti Pontificis, non solum ob amorem communis patriae, verum ob singularem Viri Sanctitatem, et doctrinam, ex qua tererrum Orbi ineffabile lumen effulsa.

Nomina Canonorum, qui planetis induuti, Corpus in Processione detulerunt, haec sunt. RR. DD.

Paulus Bizzonus. Fabricius Verallus. Marius Alterius. Tiber. Ricciardellus. Darius Buccarinus. Aloysius Cittadinus. Aloys. Raynaldutius. Germanius Fidelis.

(p. 36.) Successive eadem die Dominica octava Ianuar. MDCVI. hora noctis II.

In mei etc. praesens, et personaliter constitutus Illinus, et Rmns Dnus Dnus Evangelista Pallottus Tituli S. Laurentii in Lucina, Presbyter Cardinalis Cusen-

tinus Vaticanae Basilicae Archipresbyter, cum interventu RR. DD. Pauli Bizzoni, et Paridis Pallotti Canonicorum, indutus antictu, alba, cingulo, stola, Gruce, pluviali albo, et mitra ex tela aurea benedixit e Pontificali Arcam marmoream albam, sanam, et integrum, ampli, ac insigniter sculptam. Inde cum mitra sedit in Faldistorio. Cantores dixerunt Psalm. *Memento, Domine, David, Antiphonam. O Doctor optime, cum V. etc.* Cardinalis legit Orationem de Sancto, ut in Missali, Postea accipiens capsam cypressinam, in qua inclusum est sacrum ejusdem Sancti Gregorii Magni PP. Primi Corpus, ipsius Illini Dñi sigillis munitam, adjuvantibus aliis Sacerdotibus, stolis induitis, propriis manibus in Dei nomine intra eamdem Arcam demisit. Tum Cardinalis sedet, et fabricatores clauerunt dictam arcam bene firmantes tabula marmorea, in qua nuper hujusmodi litterae incisae sunt.

HIC. REQVIESCIT. S. GREGORIVS MAGNVS. DOCTOR. ECCLESIAE  
Dicto hymno *Te Deum laudamus*, Cardinalis depositus paramenta, et expectavit, quoque mensa superior Altaris ponneretur. Inscriptio vero lamina plumbea sculpta, et super capsam ipsam cypressinam posita, et per me Notarium, alta voce, populo ibidem presenti lecta, talis est, videlicet.

S. GREGORII. MAGNI. PAPAE. PRIMI. CORPVS. EX. ALTARE . S. ANDREAE SITO. IN. RELIQUA. IAM. COLLABENTE. VETERIS. ECCLESIAE. PARTE. PAVLI PAPAE. V. IVSSV. MOTVM. ET. IN. NOVVM. TEMPLVM. SOLEMNI. PROCESSIONE ILLATVM. SVB. HAC. ARA. CAPSA. CYPRESSINA. INCLVSVM. PILO. MAMOREO COLLOCAVIT. EVANGELISTA. PALLOTTVS. TITVLI. S. LAVRENTII. IN. LVCINA CARDINALIS. CONSENTINVS. HVIVS. BASILICAЕ. ARCHIPRESBYTER. ANNO MDCVI. DIE. VII. IANVARII. DOMINICA. INFRA. OCTAVAM. EPIPHANIAE PONTIFICATVS. EIVSDEM. S. D. N. ANNO. PRIMO.

Super quibus etc.

<sup>1</sup> V. Cajet. M. Capece de vetusto Altaris Pallio Eccl. Christianorum. Neap. 1756. 4.

serica, nunc argentea, aris de veteri more apponenterunt, concha marmorea, quae S. Doctoris cineres feliciter servat, ad hanc usque diem delituit. Nunc tamen eam libere cuique licet inspicere. Nam Pontifex munificentissimus anteriorem aerae partem, pallio floribus, stirpiumque formis musivi operis ornato, convestivit, quod foramine metallis intertexto, spectantibus objicit veneranda *Gregorii Lipsana*. Quod quidem, optimo sane consilio, in ceteris Bas. Vat. aris fieri jussit, ne si diutius SS. Reliquiae occultae remanerent, earum veneratio sensim restinguueretur. *Capsae* *siquidem*, in qua SS. exuviae conduntur, *adspactus animam inundans*, ut ait Chrysostomus<sup>1</sup>, *ipsam percellit, et excitat*; Patresque Concilii Moguntini docent, *Reliquias SS. in Ecclesiis nostris vel ob id proponendas, et relligiosa pietate venerandas*, ut per eas fideles commoniti discant virtutes, et *SS. fidem imitari*. Itaque ingentes Pio VI. gratias habendas esse quis non una mecum fatebitur, qui tot sacrorum Lipsanorum intuitum nobis proposuit, quoddam veluti ad virtutem excolendam incitamentum, tamque insigni ornamento, ad musivae artis gloriam, et incrementum perutili, Basilicam Vaticanam ditavit?

Haec autem, si quis erit, qui praeter rem, praeterque institutum meum, a me fuisse apposita criminabitur, is sciatur, me ita animatum erga Virum sanctissimum, et Ecclesiae Magistrum praestantissimum, jam inde a prima aetate fuisse, ut vel longissime occasionem studii erga ipsum mei testificandi accersiturus fuisse, nedum mihi hoc loco semetipsam objicientem, et tamquam ultro occurrentem dimitterem.

<sup>1</sup> in libello de S. Babyla Opp. T. I. et in Hom. S. Iuliani.

Quae quidem omnia ad *Gregorii* sepulcrum , translatio-  
nes , cultumque spectantia , aliis quoque adjecta , quae ope-  
ris decursu e re nata de eo proferentur , ni fortasse nimium  
nobis blandimur , in unum veluti fascem collecta , postu-  
mam SS. Doctoris gloriam mirum in modum augerent .  
Ac propterea in nova *Gregorii M.* operum editione , quam  
multo auctiorem desiderari adhuc sinit postrema a Galli-  
ciolio adornata , etsi ad normam *dissertationis Hieronymi*  
*Gradonici Arch. Vtinensis* <sup>1</sup> , et *epistolae Maurini inscriptae* a  
doctissimo *Petro de Castro* <sup>2</sup> , fuerit exacta , apte profe-  
cto , et utiliter collocari possent .

Verum , ut ad propositum revertamur , antequam hunc  
locum expediām , heic obiter addendum est , a tribus  
hisce *Secretariis* , quae adhuc perlustravimus , mirifice  
confirmari , quod alibi indicatum jam fuit a nobis , post  
Beveregium <sup>3</sup> , Goarium <sup>4</sup> , Ducangium <sup>5</sup> , aliasque , nimi-  
rum *Secretaria* , semper a Templis fuisse sejuncta , et in  
inferiori navis parte , ad austrum , quae *arðpaw* vocaba-  
tur , ubi viri residebant , collocata .

<sup>1</sup> T. xvi. edit. Ven. p. LXXXI.

<sup>4</sup> in Euchologio

<sup>2</sup> ibid. p. 225.

<sup>3</sup> Pand. Canon.

<sup>5</sup> in CP. Christ.



## C A P V T   X X X.

*De veteri Basilicae Vaticanae Bibliotheca.*

Esset heic primo Commentarii nostri libro *de Secretariis veteris Basilicae Vaticanae* finis, et modus imponendus. Quoniam vero, ubi supra de *Veterum Christianorum Secretariis* disseruimus, in una earum, ex quibus constabant, parte, *Bibliothecam* exstitisse demonstravimus, nonnulla de *veteri Vaticanae Bas. Bibliotheca* ( erat enim *Sacrario Majori*, de quo hactenus egimus, proxima ) tamquam Apophoreta, lubet huic libro adponere. Ac profecto magnam me hoc nomine initurum gratiam confido, non modo apud eos, quibus hujusmodi lautitiarum sensus est, sed etiam apud ceteros, quorum mentes, velut stomachus mutatione ciborum, rerum vicissitudine, quadam, ac varietate refici solent.

Adhaesit illa primum, ut ex iis, quae mox afferemus, licet conjicere, *Secretariis antiquissimo*, et *novello*, ac deinde ad hoc alterum transiit, quod hactenus descripsimus; deinde postremis hisce temporibus Basilicae Tabulario adjuncta fuerat, et in exciso nuper *Sacrario* servabatur. Sed praestat ab ejusdem origine exordiri.

## §. I.

*De Bibliothecae hujus antiquitate.*

Ac prima quidem praestantissimae hujusce Bibliothecae veluti rudimenta, S. Zachariae Pontifici debemus, de quo Anastasius<sup>1</sup>. In *praedicta* etiam Ecclesia Sancti Petri omnes Codices domus suaे proprios, qui in circulo anni legun-

<sup>1</sup> T. II. p. 75.

tur ad matutinos, Armarii opere ordinavit. Nam primum Hilarus, Anastasio teste<sup>1</sup>, (seu quivis alter Pontificum, ut animadvertisit Cl. Tiraboschius<sup>2</sup>), fecit Oratorium Sancti Stephani in Baptisterio Lateranensi, et Bibliothecas duas in eodem loco. Eas certatim deinde a Caelestino<sup>3</sup>, Leone<sup>4</sup>, Gelasio<sup>5</sup>; Bonifacio II.<sup>6</sup>, Gregorio M.<sup>7</sup>, Martino<sup>8</sup>, Leone II.<sup>9</sup>, Johanne VI.<sup>10</sup>, Gregorio II.<sup>11</sup>, Hadriano<sup>12</sup>, Nicolao<sup>13</sup>, et Stephano VI, auctas fuisse docet idem Anastasius. Itaque Zacharias ut tam praeclarum imitaretur exemplum, Basilicam Vaticanam eadem librorum supellectile ornandam curavit, quemadmodum deinde Stephanum V.<sup>14</sup> ad S. Paulli, via Ostiensi, praestitisse scimus. Hanc autem primum in Secretario antiquissimo sitam fuisse opinor; deinde, aliorum Pontificum curis, et liberalitate amplificatam, ad novellum, atque hinc ad Secretarium majus translatam fuisse, conjiciendum est. Porro Ambrosius Camaldulensis, qui Vrbem invisit anno MCDXXXII, hujus etiam Bibliothecae meminit, quam<sup>15</sup> S. Petri Bibliothecam appellat, ut erudite adnotavit omnibus doctrinarum copiis instructissimus, Hier. Tiraboschius<sup>16</sup>, qui praeterea vel ipsam Bibliothecam Lateranensem<sup>17</sup>, ab Hilario constructam, ad Vaticanam Basilicam deinde translatam fuisse censuit.

Verum nemo hanc Bibliothecam copiosius instruxit, quam Card. Jordanus Vrsinus, Tit. SS. Silvestri, et Mar-

<sup>1</sup> T. I. §. xiiI. p. 159.

<sup>2</sup> T. II. Hist. Literariae I. iv. p. 383.

<sup>3</sup> T. I. p. 13S. 4 ibid. p. 151.

<sup>5</sup> T. I. §. viI. p. 168. 6 ibid. p. 196.

<sup>7</sup> ibid. p. 233. 8 ibid. p. 261.

<sup>9</sup> ibid. p. 287. 10 ibid. p. 316.

<sup>11</sup> T. II. §. I. pag. 14.

<sup>12</sup> ibid. §. LXXXVIII. p. 230.

<sup>13</sup> T. III. §. xxxiiI. p. 189.

14 Murat. Script. Rer. It. T. III. P.I. p. 271.

<sup>15</sup> in Odeporico, et I. viI. epist. XLII.

in vita Ambros. Camaldul. in Praef.

T. III. Anecd. Marten. in T. xix. Me-

moires de Niceron p. 1. in Observat.

Franc. Dion. Camusati ad Ciaceonii Bi-

bliothecam p. 850, et apud Mehus p. 408.

<sup>16</sup> T. viI. Par. I. pag. 109.

<sup>17</sup> T. III. p. 81.

tini in Montibus<sup>1</sup>, Episcopus Sabinensis, qui *gratissima liberalitate*, quod ejus verissimum apud Ciacconium<sup>2</sup> exstat elogium, *Viros doctos semper fovit, et maximam rarissimorum librorum copiam ex variis Mundi partibus collegit*. Is anno MCDXXXIX., ut putant Ciacconius<sup>3</sup>, Vghellius, et Bull. Vat. editores<sup>4</sup>, aut potius, ut eorum temporum diario Cl. Tiraboschius<sup>5</sup>, aliisque documentis eruditissimus Cajetanus Marinus demonstrarunt<sup>6</sup>, anno MCDXXXVIIIL diem supremum obiit, et postremis suis tabulis testamentariis<sup>7</sup>, Brachiani conditis, die xxviI. Julii anno MCDXXXIV, ad usum literatorum Virorum, qui ad adipiscendam scientiae margaritam, majorem librorum commoditatem desiderarent, Bibliothecam legavit Monasterio Ord. S. Benedicti de Via Julia, olim *Via florida*, ad S. Blasii in Monte secuto, seu *de Cantu secuto*, aut *securo*, alias *della Panetta*, vel *della Pagnotta*, a bucellis siligineis rite piatis, quae stato die ibidem populo diribentur, de quo vide sis, Panvinium<sup>8</sup>, Turrigium<sup>9</sup>, Martinellum<sup>10</sup>, et Lubinum<sup>11</sup>. Hujus autem Custodes perpetuos, duos Basil. Vat. Beneficiarios constituit, uti liquet ex diplome Pii II,<sup>12</sup> ex quo item discimus, Bibliothecam, quam magno pretio comparatam, valoris octo milium ducatorum Ciacconius<sup>13</sup> testatur, in Monasterio S. Blasii juxta Cardinalis voluntatem fuisse collocatam. Verum Ciacconium Bibliothecae pretium, pro totius hereditatis asse perpe-

<sup>1</sup> V.Gio.Ant.Filippini ristretto di tutto quello, che appartiene all'antichità, e venerazione della Chiesa de' SS. Silvestro, e Martino de' Monti. Roma 1639. 4.

<sup>2</sup> T. II. col. 719. <sup>3</sup> ibid.

<sup>4</sup> T. II. p. 82.

<sup>5</sup> T. VI. P. I. p. 205.

<sup>6</sup> T. II. de Architris Pontif. p. 132.

<sup>7</sup> T. II. Bull. Vat. p. 179. 180. 183. 186  
diplomate Pii II.

<sup>8</sup> de vii. Eccl. p. 142.

<sup>9</sup> Grotte Vatic. p. 272.

<sup>10</sup> Rom. ex ethn. sacr. p. 31.

<sup>11</sup> pag. 331.

<sup>12</sup> T. II. Bull. Vat. p. 189.

<sup>13</sup> loc. cit.

ram accepisse, prodit Necrologium Bas. Vat., quod optimi Cardinalis beneficia ita describit<sup>1</sup>. iv. Kal. Iunii. Ista die anno M. CCCC. tricesimi octavi, tempore dñi Eugenii PP. Quarti, obiit recolende memorie Reverendissimus Pater, et Dñus hujus Sacrosancte Bas. dignissimus Archipresbiter, Benefactorque devotissimus, et in omnibus noster benevolus, et Protector Dñus Iordanus de Vrsinis Sabinen. Episcopus Sancte Rom. Ecclesie Card. et Dñi Nostri PP. major Penitentiarius, qui apud Balnea Senarum decedens, ad hanc Basilicam extitit deportatus, et in Cappella Sancte Marie Pregnatis sepultus, condensque suum ultimum testamentum ante tempora sue mortis, prefate Basilice valorem octo millium ducatorum, vel circa reliquit, vid. in paramentis, possessionibus, Libris, et rebus jocalibus, aliis, prout sunt planete, dalmatice, tunicelle, pluvialia, in eorum esse completa, alba, rubea, violata, nigra, et cinerea. Item pluviale imperiale de velluto rubeo, de auro imbrocchato cum friso pulcherrimo. Item dalmaticam, et tunicellam imbrocchatas de auro. Item pluviale usatum, album, et imbrocchatum. Item Breviarium, Missale, Salterium pulcherrima. Item casas tres corporalium pulcherimas. Item Gremalia, seu facistoria quatuor. Item paria sandalium duo. Item tabernaculum parvum de cristallo ornatum de argento cum spinis de corona Dñi Nostri Iesu Christi. Item duo candelabra cristallina etiam ornata de argento. Item Capud Sancti Iacobi Intercisi Mart. Item reliquiarium de ligno magnum, et pulchrum, ac deauratum. Item Capud Sancti Sebastiani Mar. Item duas Cathedras de ferro pro Episcopo celebrante. Item Palatium in regione Pinee, et Parochia S. Nicolai de Calcarariis, cum censibus domorum vicinarum, ad summam octo . . . . . vel circa, et duas Apo-

<sup>1</sup> p. 75. et apud Marinum Tom. II. de Archiatris Pontificiis p. 130.

thecas , sub dicto Palatio versus viam anteriorem emptas per eum seorsum , et separatim a dicto Palatio . Item domum in regione S. Eustachii , et Parrocchia S. Marie in Monterone in via Pape , que olim fuit Nutii de Nigris . Item reliquit vi- neam cum turri XVII. petiarum positam in loco , qui dicitur Monte della Creta extra Portam Castelli , in proprietate Basilice . Item mille ducatos aureos , de quibus per suos ex- ecutores fuerunt expositi sexcen. ducati in emptione domus Ma- gistri Sancti Medici in platea Sancti Laurentii in Damaso . Item et tertia pars domus , sive taberne della vaccha de Parrocchia S. Blaxii della pagnocca empta extitit pro ducen- tis similibus ducatis . Reliqui vero ducenti reservati fuerunt , et depositi de voluntate executorum , et heredum prefati Do- mini pro Libraria costruenda , et ordinanda , in qua li- bri ducenti , et quinquaginta quatuor sunt locandi , per eum etiam relict i , qui secundum communem existima- tionem sunt valoris duorum millium , et quingentorum ducatorum auri . Voluit dictus piissimus Pater , et Dominus , prout et omnes per publico instrumentu promisi . . . . prefatam Basilicam obligando , ut isto die , et in crastinum , post fesum Assumptionis B. M. V. de Mense Augusti , quo ortus sui primordia extiterunt , fierent pro anima ipsius , ac Domini Iohannis Gaytani Cardinalis , etiam de Vrsinis de domo sua , sollemnia anniversaria , et in quolibet eorum expendantur duci- ati auri XII. inter Canonicos , videlicet Beneficiatos , et Cle- ricos interessentes ; et in dicta Capella S. Marie pregnantis fit unus Capellanus de nostro Collegio , qui pro anima ipsius , et suorum celebrare debeat Missas tres in qualibet ebdomada , et multa alia ordinavit , et disposuit ad prelibate Basilice , ac no- strorum omnium commodum , et honorem .

## §. II.

Quinam novi Templi locus huic Bibliothecae successerit?

Locus, ubi Cardinalis *Vrsini* Bibliotheca, ceteris Bas. Vat. libris adjecta, primum sita fuit, in Ichnographia designatur, litera m, qui locus, ( quantum quidem conjectura assequi licet, in novi Templi structura ), est ad laevam è novo *Sacrario* Basilicam introeunti, inter Pilam majoris Tholi, et parietem Basilicae, non tamen implens totum spatium usque ad dextrum transversae Crucis brachium, nec penitus pilam attingens, quae est e regione ingredienti.

Verum, quod pluris interest, hanc *Secretarii* veluti partem fuisse, certo deprehendimus, quamplurimum Scriptorum testimonio. Id enim diserte affirmat Severanus<sup>1</sup>, qui supra idem *Sacrarium* fuisse prodit *Bibliothecam Basilicae spatiostam*, et codicibus vetustis, qui deinde in *Bibliothecam Vaticanam* illati fuerunt, probe instructam. Praeterea Ciampanius<sup>2</sup>, Bonannius<sup>3</sup>, Sarnellius<sup>4</sup>, aliquique eamdem *Sacrario* conjunctam fuisse declarant, Alpharano teste, atque adstipulatore, qui post *Sacrarii* descriptionem ita loquitur<sup>5</sup>. Erat etiam ibi extra Basilicae parietes, magna Basilicae *Vaticanae* *Bibliotheca* quamplurimis antiquissimis codicibus referta, quae viris doctissimis semper patebat.

Contra vero M. Ant. Muretus in epistola nuncupa-

<sup>1</sup> p. 105. <sup>2</sup> p. 95.

<sup>3</sup> p. 29.

<sup>4</sup> in *Basilicographia* cap. XLI. p. 109.

<sup>5</sup> Ma nota, che innante che se facesse questo sepolcro ( Polyandrium ) li Corpi, che se levavano da propri sepolchri, erano rimessi in altri simili sepolcri contigui, et più vicini, et quando non

c'erano sepolcri vicini, li portavano in certe sepolture, quali furono fatte dentro quel luogo, dove era la Libreria vecchia de S. Pietro, appresso alla Sacristia, del quale ne parleremo, quando si dirà della Libreria, et in un'altra gran sepoltura, dietro la Cappella di S. Peronilla, che adesso è sotto i muri novi della fabbrica.

toria *Philippicarum Ciceronis ad Adrianum Turnebum*, de eadem ita scriptum reliquit<sup>1</sup>. Saepe audiveram, commendari ab *Hominibus eruditis* volumen quoddam perantiquum *Philippicarum M. Tullii*, quod asservaretur in *Bibl. Vaticana*, non in majore quidem illa, et augustiore, quae Pontificum beneficio, quotidie fere statim horis patere ad communem studiosorum omnium utilitatem consuevit, sed in abdita quadam, et non ita omnibus pervia, quae a Sacerdotibus D. Petri, superioribus annis concinnata, postea sive negligenta hominum, sive fraude, exhausta prope jam, et exinanita esset. Sed anxium me, ac sollicitum habebat, quod quum antea multa per me, multaque per amicum expertus essem, ut eum librum inspicere, eoque triduum, aut quatriduum arbitratu meo uti possem, nunquam successerat, semperque cassus aliquis, quum jam jamque id quod optabam, consequaturus viderer, conatus omnes meos eluserat. Statui tamen, antequam ab incoepio desisterem, semel etiam experienda omnia esse, et quasi munitam aliquam arcem diu frustra obsedissem, priusquam, re infecta, discederem, omnibus simul machinis, omnibus operibus ad murum admotis tentandam irruptionem. Quid quaeris? puncto temporis obtigit, quod totum prope biennium necquicquam optaveram. Non modo enim mihi eximium illum librum inspicere licuit, quod ego ipsum posuisse in magno beneficii loco, sed etiam permisum est, ut mecum eum auferrem, domique haberem, data prius fide, eum, quod longissimum esset, ante septimum diem redditum, ac restitutum iri. Multa vero addit aureo stilo de eximii hujusce Codicis pretio, quem plus minus Seculo ix. ex literarum conformatione, qualem in Pandectis Florentinis, et Terentio P. Bembi videmus, exa-

<sup>1</sup> T. II. edit. Comin. in ep. xvii. p. 243.

ratum esse conjecit. Ejus enim ope fatetur, multa ab se in iisdem orationibus mutila, multa temere addita, multa corrupta, ac in omnibus aliis exemplaribus depravata, mirifice expleta, resecta, sanata, et integrati suae fuisse restituta.

Verum alios etiam Codices ibidem fuisse quantivis pretii, a Latino Latinio proditum est, qui in literis ad Andream Masiū a Cl. Lagomarsinio in lucem editis <sup>1</sup> ita scribit. *Faernus*, *intermisso Livio*, *ad Terentium absolvendum*, iterumque nova diligentia castigandum rediit, jamque ad *Phormionem* pervenit. Sperat autem, se multis locis postremum hac opera lucem pulcherrimam attulisse, adiutus cum aliquot codicum ope, tum veteris cuiusdam Scholastae, qui apud Canonicos D. Petri in Bibliotheca tamdiu latuit, ut pene omnibus seculis ignoratus, nunc videretur primum in lucem prodire. Ab eo se plurima didicisse *Faernus* ingenue fatetur, quae nulla via se unquam intelligere posse plane desperaret. Quae quum legas, nitoris, et elegantiae plenissima, facile hinc etiam agnoscas, te jam e *Secretariis* expeditum, ubi forte haud pauca, aspero, atque incondito stylo tuas aures offenderant, modo in Bibliotheca versari.

Haec autem Bibl., majori *Secretario*, cui adhaerebat, exciso, in unum e Cubiculis, quae intra parietes Templi rotundi, in *Sacrarii* usum conversi, constructa fuerant, una cum Bas. Tabulario fuit translata. Locum indicat Panvinius <sup>2</sup> in ejusdem Templi descriptione, ubi ait. *Octava absidula continet parvam Bibliothecam supra se multis libris refertam.*

<sup>1</sup> in edit. epist. Iulii Poggiani Tom. II. p. 360. n. LXXXI.

<sup>2</sup> T. II. ms. p. 140.

## §. III.

## Bibliothecae descriptio .

Hujus Bibliothecae fama longe adeo pervagata est, ut eam perlustrare doctissimi Viri, inter pretiosiores Vrbis gazas consueverint, quippe quae, ut Andreas Schottus<sup>1</sup> testatur, inter praestantiores Vrbis Bibliothecas accense-retur. Age vero, si te ista delectant, nos etiam laeti, atque alacres in eamdem recipiamus, a Mabillonio, tamquam manuducti, qui sic eam accurate describit<sup>2</sup>. Praeter Bibliothecam Pontificiam, quae in Vaticano splendi-dissima habetur, alia Vaticanae Basilicae propria est, in qua Codices ultra centum, quidam optimae notae asservantur. In hanc Bibliothecam aditus nobis concessus est, per humanissi-mum virum Ios. Balduinum ejus custodem. Codices rariores, et pretiosiores hi sunt. Hilarii Pictaviensis Episcopi opera, scripta ab annis fere mille ducentis, Iosephi antiquitates Iu-daicae, Catena Graeca ex Patribus, Bedae Martyrologium auctum, sed antiquum cum Sacramentali. Anselmi Lucen-sis Episcopi decretum, Hildeberti Cennomanensis, et Bernar-di epistolae, Ammianus Marcellinus, Persii Satyrae, item-que Terentii Comaediae antiquissimae. In illo Bedae Marty-rologio ad xii. Kal. Aprilis assumtio S. Benedicti, et v. Idus Iulii depositio S. Benedicti. In Litaniis pro Sabbato Sancto, quidam Sancti invocantur hoc modo. Sancte Gregorie, Sancte Augustine, Sancte Ambrosie, Sancte Hieronime, Sancte Beda, Sancte Antonie, Sancte Paule, Sancte Basilie, Sancte Benedicte, Sancte Maure, Sancte Placide. Quod Sanctus Be-da in loco tam illustri collocetur, illud in caussa est, quod ex antiquis monumentis credatur sepultus in Bas. Vat. sive fue-

<sup>1</sup> in lib. II. Itinerarii p. 439.<sup>2</sup> T. I. Musaei Italici p. 141.

rit alius a Beda Anglus, sive ille ipse, ut jam dudum Romanis persuasum est. Sane Romanus S. Petri ante annos quingentos Canonicus, in descriptione Bas. S. Petri insignem facit de Beda mentionem. Requiescit etiam ante portam argenteam, inquit, sub rota scilicet porphyretica, ut a nostris Majoribus accepimus, Venerabilis Beda Presbyter, qui fecit homilias, et ejus ob reverentiam antiqui nostri, penitus non transiebant per eam, nec nos transire permittebant. In quibusdam etiam Kalendariis duo notantur Bedae, unus Anglicus die xxvi. Maji<sup>1</sup>, alter Italus, qui junior, decimo Aprilis, Monachus Gavellensis Coenobii prope Rhodigium, cujus reliquiae Genuam translatae sunt<sup>2</sup>.

Huic autem Mabilloniana Codicum, Bibliothecae Basilicae Vaticanae, recensioni, addendus est etiam Codex insignis membranaceus, qui Josephi Blanchini<sup>3</sup> diligentiam fugit, ubi graecis literis exarata sunt Evangelia, duabus ligneis tabulis inclusus, quae quid antea continuissent, hujusmodi hendecasyllabi declarant apud Franciscum Mariam Turrigium de Cryptis Vaticanis.

<sup>1</sup> V. Vitam Bedae Ven. in ejus Opp. Col. Agripp. 1688. fol. et in Mabill. Act. SS. Ord. S. Ben. Sec. II. P. I. p. 354. et 539. Pet. Franc. Chiffletii Diss. de Auctore Hist. Eccl. Gentis Anglorum, praemissa Concordiae Bedae, et Fredegarii. Paris. 1681. 4. p. 3. Anonymi Epistolam ad Nic. Hier. Gundlingium de Bedae aetate, ac cognomine Venerabilis. in Gundlingii Observ. Select. T. I. p. 161. Fran-

cfurti, et Lips. 1707. 8. Casim. Oudini Diss. de Scriptis Bedae Ven. in Tom. I. Commentar. Scriptor. Eccles. pag. 1681. Lip. 1722. fol.

<sup>2</sup> Vita Bedae Junioris Monachi in Territorio Rhodigino, cum Comm. praevio, et notis Dan. Papebrochii. in T. I. April. Boll. p. 866.

<sup>3</sup> in Evangeliar. quadrupl. lat. versionis ant. seu vet. italicae. Romae 1748. T. IV. fol.



INTVS HAE TABVLAE ANTE CONTINEBANT  
 MAOMETICA PAVLVS ILLA QVARTVS  
 AVFERT SVBSTITVIT QVATERNA CHRISTI  
 HIS EVANGELIA HAEC DICATQVE PETRO  
 GEMMIS FVLGIDA QVVM FORENT ET AVRO  
 QVINTVS EXEQVITVR PIVS QVOD ILLE  
 MORTE TVNC NEQVIT ET REFECTA TRADIT  
 ARGENTO VNDIQVE NAM FVISSE ADEMPHAS  
 GEMMAS REPPERIT HINC ADEMPTVM ET AVRVM  
 HI PETRVM ATQVE DEVVM AMBO SEQVE HONORANT  
 PIVS V. PONT. MAX.

EVANGELIORVM HVNC LIBRVM  
 GRAECO SERMONE CONSCRIPTVM  
 A PAVLO IV. PONT. MAX.  
 B. PETRO MVNERE DESTINATVM  
 OBTVLIT FERITQVE AMOVENTES  
 ANATHEMATE

Porro compertum probe est , apud veteres in usu  
 fuisse integumenta scortea , lignea , eburnea , metallica ,  
 ut libri a pulveris , tinearum , et temporis injuriis sarti  
 tecti servarentur , quaeque Cicero <sup>1</sup> *Sittybas* appellat . In  
 Codicibus profanis plures ornatus Burkardus Struvius <sup>2</sup>  
 observavit . Verum Christiani sacris codicibus *Sittybas effi-*  
*giatas* plerumque aptabant , iisque praesertim , quibus  
 Evangelia continebantur . Plura in hanc rem exempla  
 obversantur apud Schmidium de cultu Evangeliorum <sup>3</sup> , et  
 apud Catalanum de Codice S. Evangelii <sup>4</sup> . Verum ut non-  
 nulla proferam ex illustrioribus , Gregorius Magnus , misit  
 Adulovaldo <sup>5</sup> Lectionem Evangelii inclusam Theca Persica ;  
 Rex Chidelbertus <sup>6</sup> , auro puro , gemmisque convestiri de-

<sup>1</sup> ad Attic. I. iv. ep.v , et viii.

<sup>4</sup> lib. xiI. cap. I. Romae 1743.

<sup>2</sup> de Criterio MSS. Jenae 1713.

<sup>5</sup> epistol. lib. xiv. ep. xiI.

<sup>3</sup> Jenae 1692.

<sup>6</sup> Gregorius Turonensis hist. Francor. I.c.

mandavit; ac Berardus Abbas<sup>1</sup> Monasterio Farfensi legavit missalem cum tabulis argenteis, et eburneis, nec non Orationalem cum tabulis eburneis.

### §. IIII.

#### *De celeberrimo Codice S. Hilarii.*

Inter ceteros Codices a Mabillonio memoratos, qui etiamnum ibidem adservantur, eminent celeberrimus *Hilarii Antistitis Pictavorum Codex*, qui continet libros XII. de Trinitate, cum duobus libris in Constantium<sup>2</sup>. Ibi adhuc videre licet, primitus scriptum fuisse ADOPTATVR, deinde abrasis literis P. et T, superinductum fuisse ADORATVR, et secundis curis adjectam literam R, alia manu, diversoque atramento.

Hujus Codicis characterum specimen exhibet idem Mabillonius *de re diplomatica*<sup>3</sup>, ubi quae de eodem refert, heic exscribo. *Verba haec, inquit, desumpta sunt ex initio lib. vi. de Trinitate S. Hilarii Pictaviensis, prout jacent in vetustissimo Codice, qui Romae in Archivo Basil. Vat. asservatur. Ejus specimen describi curavit noster Io. Durandus, annuente Dom. Iosepho Balduino Presbytero Romano, et Custode Archivi S. Petri de Vrbe, et Sacrista ejusdem Ecclesiae. Scriptus est Codex, ( si priora folia recentioris Scripturae excipias ) sub finem Sec. IV, aut ineun-*

<sup>1</sup> in Libro de Casibus infaustis Monasterii Farfensis apud Muratorium Antiquit. Medii Aevi Tom. vi. Dissert. LXXII. Mediolani 1743.

<sup>2</sup> Vita auct. Fortunato. in Surii vitis SS. d. 13. Ian. p. 180. et praemissa Hilarii Opp. Paris. 1652. fol. eadem notis illustrata in T. J. Jan. Boll. pag. 790. Vita, auct. Ioh. Iac. Grynaeo praemissa edit. Basil. 1570

fol. Ioh. Gillotti de S. Hilario Pictavorum Episcopo, ex ejus scriptis, et aliorum Virorum doctiss. excerpta, et in varias partes distributa Commentatio. Praefixa edit. Paris. 1652. Cas. Oudini Dissert. de vita, et operibus S. Hilarii Pictav. Episc. in Comm. de Script. Eccl. T. I. pag. 426. Lipsiae 1722. fol.

<sup>3</sup> lib. v. p. 355.

te v, ut intelligitur ex adjuncta inscriptione cuiusdam studiosi, quam sic reddo. Contuli in nomine Domini Iesu Christi apud Kasulis constitutus, anno quartadecimo Trasamundi Regis. Qui catalogum Archivi praedicti ordinavit, pro apud Kasulis, legit Putzalis, quod est in Africa, inquit, in regione Numidia, seu Barbariae. Vulgo appellatur Putrazio situm inter Tunetum, et arcem Coletae. Si recte apices Codicis assequor, non dubito esse legendum apud Kasulis, quae Vrbs erat Provinciae Byzacene, Antonino Casula dicta, cuius Episcopus Quintianus legitur in notitia Africæ. Quintianus Casulis Carianensis. Facilis quippe est d. in t. permutatio, qualis est in vocibus haut, set, aliisque similibus, quae in mss. Codicibus non raro occurrit. Holstenius ad oram hujusce adnotationis manu sua scripsit annum quartum decimum Trasamundi Regis convenire anno Christi dx.

Sed si hujus Codicis aetas ex hujusmodi inscriptione aestimanda est, ineunte Seculo vi. Codicem exaratum esse, manifestum esse, nemo non videt, ac Mabillonio perperam proinde excidisse, scriptum esse, Sec. iv. exente, aut v. ineunte. Id etiam Barpholemaeo Germanio neutiquam arrisisse videtur, qui totius Codicis characterum habita ratione, ad ix, aut etiam ad posterius Seculum, potius quam ad vi, ejus scripturam referendam esse existimavit. Verum si Holstenii sententia sequenda esset, ac vi. seculo ineunte, exaratus fuisse Codex censendus esset, jam tum Hilarii exemplaria variasse dicendum erit, ac in aliquot mendose antea invectum fuisse verbum ADORATVR; quod Hincmarus tradit a Felice Orgelitano Episcopo in Aquisgranenses S. Hilarii Codices perfide inductum fuisse, cui iccirco Diaconus, et Abbas Magister Albinus Flaccus Alcuinus

*charitatis calamo* scripsit<sup>1</sup>. epistolam. Quae quidem omnia exquisita eruditione, ut solet, acerrimoque judicio perpendit Cl. Scipio Maffeus in *Prefatione* novae Editionis Operum ejusdem *S. Hilarii*<sup>2</sup>.

Si quis vero de tota controversia certior fieri cupiat, consulat memoratum Germonium in opere doctissimo *de veteribus Haereticis Ecclesiasticorum Codicum corruptoribus*<sup>3</sup>, ubi Codicis aetatem, characterem, inscriptiōnem, rasuram denique diligentissime declarat, praeter ea, quae idem adjecit in epistola ad Venetos *Diarii Literarii editores*. Neque vero praetereundus est Petrus Constantius in opere inscripto, *Vindiciae veterum Codicum confirmatae*<sup>4</sup>. Ibi enim, postquam totius quaestionis historiam descripsit, refert etiam autographa CC. VV. judicia, die xv. Decembris anni MDCCVII. exarata, de eadem voce ADOPTATVR, primaeva lectione corrupta, in ADORATVR, alterius fraude, astuque commutata, quae in operum Hilarii editione Parisiensi, ejusdem Constantii studio concinnata<sup>5</sup>, occurrit.

<sup>1</sup> lib. I. contra Felic. pag. 781. edit.  
Paris.

<sup>2</sup> Veronae Tom. II. fol. MDCCXXX.

<sup>3</sup> Paris 1713. 8. in P. I. c. ix.

<sup>4</sup> Paris. 1715. 8.

<sup>5</sup> lib. II. de Trinitate c. xxvii. p. 802.

## C A P V T   X X X I.

*Indices Bibliothecae Bas. Vat.*

Duos hujusce Bibliothecae Indices eruditis Lectoribus proponam. Atque ii ex altero, quem primum e tenebris Tabularii Vat., ubi hactenus delituit, ad lucis usuram, celebritatemque vocare, ac publici juris facere constitui, veterem Bibliothecae statum; ex altero, qui ab Holsteno adornatus, apud Montfauconium <sup>1</sup> occurrit, recentiorem agnoscent. Ac quamvis non satis hunc quidem accuratum esse, pluribus in locis, fatendum est, magnum tamen ad ejusdem pretium, et commendationem, vel in unius Holstenii nomine, momentum erit. Quae res effecit, ut hunc potius Indicem, alteri a Sindonio, jejune digesto, praferrem, qui in eodem Tabulario adservatur.

Ex his autem facile colligere cuiquam licebit, praeteritum Bibliothecae decus, ac nomen, quae si nunc exhausta, et exinanita est, id non hominum negligentiae, ac fraudi, ut Muretus calumniatur, tribuendum est, sed partim calamitati publicae, partim novis Pontificum consiliis: quia praeter librorum copiam in Vrbis direptione combustam, aut sublatam, magnam eorum partem, ea disjecta, ut verbis Alpharani utar <sup>2</sup>, *Bibliotheca Palatii Apostolici assequuta est*. Jure igitur Bull. Vat. editores <sup>3</sup> Ciampinium obiter perstringunt, qui hanc Bibliothecam perperam <sup>4</sup> *Pontificiam* appellat. Tunc enim primum Pon-

<sup>1</sup> in Biblioth. Bibliothecarum mss. nova, et indicantur. Paris. 1739. fol. Tom. I.  
ubi quae innumeris pene mss. Bibliothecis p. 156. 159.

continentur, ad quodvis litteraturae genus 2 ms. p. 31. 3 T. II. p. 183.

spectantia, et notatu digna describuntur, 4 pas. 95.

tifica ea quidem evasit, quum locus, ubi prius pretiosa librorum haec supellex recondebatur, una cum *Secretario majori* veteris Basilicae disjectus est, et potior Codicu pars in Bibl. Vat. translata fuit. Verum reliqua librariae hujusce supellectilis portio, quam Barph. Plaza in Ephemeride Vaticana<sup>1</sup> Codicum quadringentorum numerum plus minus adhuc conflare scripsit, quin tamen ullam deinde ejusdem mentionem fecerit, ubi egit de Bibliothecis Romanis<sup>2</sup>, vel in dejecto nuper *Sacraario* exstabat, Bas. Vat. Tabulario, uti praemonui, ex veteri more<sup>3</sup> adjuncta, ubi veteris Instrumenti, Sanctorumque Eccl. Patrum Codices, Summorum Pontificum diplomata, Basilicae Censualia, aliaque id genus servabantur.


Sequitur

<sup>1</sup> pag. 313. Roma 1687. 4.

<sup>2</sup> V. Esevologio Romano, ovvero delle Opere Pie di Roma, con due Trattati delle Accademie, e Librerie celebri. Roma 1698. 4.

<sup>3</sup> Balth. Bonifacius de Archivio Liber. in T. I. Thes. Poleni p. 106. I. Fontaninus de Archiviis, et Tabulariis Ecclesiarum, Monasteriorumve, eorumque Custodia. in c. II. de vindiciis antiquorum diplomatum

adversus Barth. Germanium. Romae per Franc. Gonzaga 1705. 4. et ibid. in c. III. et IV. de Archivorum fortuna, quod etiam exstat in collectis Archivi, et Cancelariae juribus, accurante Jac. Wanchoero. Argentorati 1715. Ioh. Georg. Schultz Commentatio de Bibliothecis in coetu Christiano publicatis. Numb. 1737. 4. Ioh. Car. Beheim Dissert. de Tabulariis sacris veter. Christianor. Altdorf. 1722. 4.



INVENTARIUM LIBRORVM  
 DÑI IORDANI CARD. VRSINI  
 IN NERVLA<sup>i.</sup>

Pontificale pro ordinibus celebran-	Liber de Trinitate contra Arrianos
dis.	cum aliis operibus
Ordinarium pro dicendo off. in Ec-	Egisippus de Bello Judaico
clesia	Vita B. Bernardi Abb. per extensum
Concordantie Biblie pulcre et co-	Cerimoniale Cardinalium in papirio
piose	Distinctiones Mauritii
Rationale divinor. officior. in papi-	Breviarium notatum super proprio
ro incomplet.	et Comuni Sanctor.
Legenda et Officium B. M. Magda-	Liber in quo sunt omnia quatuor
lene pulcrum	Evangelia per Annum
Johannes de Ripa	Johacchim super Jeremiam in pa-
Tractatus contra Judeos , et super	piro
Ag. de Ci. Dei	Julius de re militari cum aliquibus
Periarchon Origenis cum aliquibus	operibus ejusd.
tractatibus ejus	Nicolaus de lira super certis que-
Ynnarium completum et pulcrum	stionibus in papirio
Plinius de naturali Ystoria	Speculum naturale Vincentii Secun-
Ysidorus de Officiis divin. et inci-	da pars et pulcra
pit Dño Sancto	Aczo super codice
Marescalcia pro equis	Secunda Summe Sancti Thome de
Arismetrica Boetii	Aquino
Etthica Aristotelis per Leonardum	Petrus Dammiani in Eplis.
Aretin. translata	Sextus liber decretalium sine corio
Vita B. Gregorii per extensum	Quartus Riccardi super Li. Senten-
Liber parvus contra podagram	tiarum
Dialogus B. Gregorii	Sextus Lib. Decretalium copertus co-
Itinerarium B. Clementis PP.	rio albo

<sup>i</sup> ex Indice Scriptarum Arch. Bas. Vat. p. 328.

**INVENT. LIBR. D. IORDANI CARD. VRSINI : 907**

- |   |  |
|---|--|
| Bernardus super Cantica                             | Cronica martiniana )                                   |
| Epistole B. Jeronimi                                | Alanus de complan-) in eod. volum.                     |
| Speculum B. Gregorii satis anti-<br>quum            | ctu natur. )   |
| Magister sententiarum                               | Epistole B. Bernardi Abb. et pulcre                    |
| Ystorie scolastice                                  | Decisiones rote in papiro                              |
| Epistole Donisii Ariopagite in par-<br>vo volumine  | Repertorium super decreto quod<br>dr corvina           |
| Liber contra Ymagin tabular. in pa-<br>piro         | Biblia in magno Volumine prima<br>pars                 |
| Moralia B. Gregorii incompleta co-<br>pert. de albo | Valerius Maximus in papiro                             |
| Psalterium glosarum et pulcrum                      | Visiones S. Brigide.                                   |
| Liber in Armenico in papiro                         | Exodus Glosatus  |
| Liber in Armenico de divinis offi-<br>ciis          | Jérimonianum Johannis Andreæ                           |
| Galienus in Greco                                   | Crisostomus super Macteum                              |
| Cena cipriani                                       | Johannes de Lignano de censura ec-<br>clesiastica      |
| Terentius in comediiis                              | Crisostomus super Epist. Pauli in<br>greco             |
| Vguccio super decreto                               | Alius Liber Crisostomi in greco                        |
| Decretum copertum de rubro                          | Aliqua opera de Auctoritatibus in<br>papiro            |
| Liber astrologie in papiro                          | Clementine   |
| Summa azonis  | Disputatio int. militem et Clericum<br>in papiro       |
| Crisostomus super Evangelia in Gre-<br>co           | Svetonius de XII. Cesaribus et pul-<br>cre             |
| Basilius super psalterium in Greco                  | Ystoria Longobardorum                                  |
| Omelie Iohis Crisostomi in greco                    | Pontificale parvum et portatile<br>( sic )             |
| Quidam Libri in papiro ligati cum<br>cingulo        | Liber auctoratum qui cipit Ardua<br>virtutum           |
| Epistole Pauli postillate et pulcre                 | Quadripartita Dñi almi contra Val-<br>denses et Judeos |
| Cronicha Summor. Pontificum com-<br>pleta, et ampla | Errores Fratricellorum de oppinione                    |
| Summa Hostien. super jur. Can.                      | Directoriuu juris in magno volu-<br>mine in papiro     |
| Summa Azonis  |  |
| Recollecte Dñi Baldi super codice<br>in papiro .    |  |

908	<b>INVENTARIUM LIBRORVM</b>
Dyalogus Moisi et Petri contra Ju-	Rotulus in pergamen. depictus et deos incipit cum ego Cristofor.
Liber orationum quando Prelatus se	In Formiello
parat pro celebrando	
Distinctio Vrinarum	Albertus Magnus de vegetabilibus et planctis
Alanus in anti Claudiano	Phedon Platonis de mortalitate ani-
Liber insularum Archipelagi et fi-	me translatus per Leon
guratus	Quatuor Libri Regum. Nicolai de
Concordantie Jo. Caldarini jur. Ca-	Lira.
nonici et theologie	Gregoriale compositum ex dictis
Libri tres Abatis Johachim	Gregorii secundum materias.
Lutius Florus	Missale pulcrum
Marcus Tullius Cicero	Sextus et Clementine in eod. vo-
Biblia in magno volumine , secun-	lumine et pulcri
da pars	Novella super
Passionale in magno volumine	Sexto cum mercurialibus et pulcra
Plutarcus in Greco	Pontificale satis pulcrum
Lectura Dñi Petri de Ancarano in	Agustinus de Civitate Dei
papiro	Questiones disputate in jur. civili
Liber de quibusdam recollect. in	in magno volumine
jur. in papiro	Speculum Rationale divinor. offi-
Novella Jo. Andree super VI. et	cior.
pulcra	Speculum Guillelmi Durant. cum
Liber in Astrologia	aditionibus
Tabula in Astrologia	Decretum
Veni mecum in papiro	Gorgias Platonis
Sermones Joh. Crisostomi in greco	Breviarium pulcrum et in magno
Infortiatum	volumine
De primo bello punico Leonardus	Petrus de Palud. de potestate PP.
Aretinus	et Ecclesie
Rotulus in pergamen. depictus et	Sermones S. Leonis PP.
incipit egyptus	Nicolaus de lira super certa part.
Rotulus in pergamen. depictus et	Biblie
incipit Babillonie	Alvarus de planctu Ecclesie in duo.
Rotulus in pergamen. depictus et	bus voluminibus in papiro
incipit commestor	Titus Livius deche tres

- Daniel ) glosati in eod.volum.  
XII. Prophe. )  
Nicolaus de lira super 111I. Evangelia  
Nicolaus de lira super quinque libros Salomonis  
Nicolaus de lira super Job, Thobiam, Judith et hester  
Nicolaus de lira super Genesim  
Nicolaus de lira super Actus Apostolorum  
Nicolaus de lira super Num. et Leuiticum etc.  
Ysaias Propheta glosatus  
Cattolicon pulcer et novus  
Decretales  
Epistole Pauli Apostoli per Nicolaum de lira  
Biblia pulcra , et magni pretii  
Johannes Crisostomus  
Gregorius super Ezechielem  
Augustinus super Enchiriod.  
Plutarcus in vitam Titi quintii et quibusdam aliis  
Cronica de Veronica S. Petri de Vrbe  
Liber de anothomia hominis et proprietatibus rerum  
Iohannes Crisostomus de vita monastica  
Moralia B. Gregorii super Job.  
Vgo Eternianus  
Tulius in Rectorica  
Gregorius in Omeliis super Evangeliiis  
Thomas de Aquino in Sa contra gentiles  
Sonecti Domini Francisci petrarcha in papiro  
Ambrosius in exameron  
Episcopale Augustini  
Ethica Aristotelis  
Pontificale  
Sermones Pape Innocentii III.  
Liber de mirabilibus Vrbis  
Moralia adbreviata  
Priscianus Gramaticus  
Palladius de Agricultura  
Dialogus Baptisti Jeronimi et Agustini  
Eutropius  
Liber de mirabilibus Ybernie  
Epistole Yldeberti  
Liber editus per Magistrum Agustinum de Roma de potestate PP.  
Psalterium secundum hebraicam veritatem  
Sermones B. Zenonis  
Epistole Pauli postillate et pulcre  
Liber de Armis et insigniis Romanorum antiquorum et de istris bellicis in ipsis .  
Legend. Sanctorum  
Agustinus de Civitate Dei  
Liber de Trinitate  
Breviloquiū Dñi Bonaventure Card. in papiro  
Agustinus in libro suo Retractationum  
Ysaias glosatus  
Invective Ciceronis et Salustii cum aliis operibus  
Aurora in metro super Biblia

- Dionisius de Anglica jerarchia rot.  
opera sua
- Dantes Poeta Florentinus
- Ambrosius in exameron
- Cronica quedam antiqua
- Alvarus de planctu Ecclesie in duobus voluminib.
- Julius de divinatione et alii Tractatus
- Franciscus Petrarca de vita solitaria
- Valerius Maximus
- Avitus Marcellinus
- Sermones Regis Roberti
- Euclides
- Scriptum super traiedias Senece
- Magister Sententiarum
- Bernardus ad Eugenium Papam
- Logica Magistri Petri Yspani
- Paulus Orosius
- Lucanus Poeta
- Ystoria Alexandri Magni
- Julius de Officiis
- Lectura super Dantem poetam
- Duodecim Prophete
- Asper gramaticus
- Dictionarium Magistri Michael. Car. melit. in papiro
- Liber Insularum egei pelagi
- Plutarcus in Vitas Cimonis et Lyculli et alia
- Officium in festo B. Januarii Episcopi
- Salustius
- Orationes Julii
- Arismetica Boetii.
- Ysidorus ethymologiar.
- Virgilius Poeta
- Tullius de finibus bonor. et malor. et alia opera
- Repertorium optimum super Agustinum de Civitate Dei et super moralia Gregorii, et super Magistrum Sententiarum
- Tulius Philippicar.
- Vguccio gramaticus de derivationibus
- Statius completus Poeta
- Plutarcus in quasdam vitas
- Iustinus Abreviator trogi pompei
- Avicenna non completus
- Tomas de Aquino super reth. Aristotel.
- Repertorium super decreto
- Episcopale Julii
- Evangelistarum per totum annum
- Petrus Cresc. . . . de Agricultura
- Liber de heresibus  
( sic )
- Lactantianus
- Rotulus mappamundi
- Epistole Senece ad Lucilium
- Cronica
- Liber Dñi Bonaventure de exemplis naturalibus
- Prephantones edite a B. Ambr. per totum Annum
- Sermones B. Bernardi super cantica Ysidorus
- Pastorale B. Gregorii
- Ambrosius de officiis de Spiritu Sancto et alii tractatus.
- Tulius de natura Deorum.

Dialogus B. Gregorii	Digestum novum
Epithaphia antiqua in tabul. Rom.	Digestum Vetus
Vrbis	Antifanarium notatum
Ysaac de simplicibus in medicina	Sermones de conceptione Virginis
Pomponius Mela de Cosmografia	Liber in papiro de gestis concilii pisani.
Jeremias de Montagnione de autto. ritatibus	Tolomeus in greco de Cosmografia mundi ystoriatuſ et depictuſ .
Dantes Poeta Florentinus pulcr.	Translatio d. Tolomei per Jacobum Angelicum
Epistole carnoten .	Lectura Dñi Bartoli super infortiatio secunda pars
Cassiodorus	Codex antiquus
Quintilianus Oratio et pulcr.	Liber magnus de sermonibus et Ome- liis Aymon
Magistrentia in jure Canonico et teologia.	In Florentia
Tragedie Senece	Missale parvum de missis Votiviſ copert. viridi corio
Sā. Dñi Goffridi de tño	Decretales parve et glosate
Sā Confexor. et pulcra	Iosephus Antiquitatum in uno vo- lumine
Speculum Jſtoriaſ. Vincentii in 4. voluniinibus	Iosephus de bello Judaico in alio volumine
Omina opera Senece in uno volu- mine et pulcro	Innocentius 111. super decretales
Iohannes Boccatii de casibus Viro- rum illustrium etc.	Missale magnum completum et sa- tis pulcrum
Tulius de Officiis , et de Senectu- te et soprnio Scipionis .	Rationale divinorum officiorum co- pert. de rubro
Psalterium abreviatum	Biblia parva et satis pulcra
Codex	Breviarium in magno volumine
Volumen completum	Pontificale pro Episcopis , et aliis ordinationibus
Iohacchim super Prophetiam Cirilli	Breviloquium Bonaventure cum cer- tis operibus Bernardi .
Sā de Virtutibus	Agustinus in enche- )
Speculum Naturale prima pars	ridion )
Vitruvius de Architectura	
Lactantius et bonus et pulcer	
Tinetus de Fabriano parvum opus	
Epistolariū per totum annum	
Yſtorie Scolastice	
Psalterium	

Agustinus de operibus Monacor.	Egidius de Roma mensura anglorum et aliis
) in eod. volum.	
Thomas de Aquino ) contra detractores ) religiosor. )	Breviarium magni voluminis et pulcrum
Tractatus de Ludis et antiquis officiis Rome	Milleloquium B. Agustini in duob. Voluminibus magnis
Missale parvum de Missis prelatorum cantand.	Soliloquiorum Agustini, et alii tractatus
Vita S. Iohannis Crisostomi	De venis peccatorum )
Liber qui vocatur veni mecum in pergameno	De oculo morali ) in uno volum.
Missale parvi voluminis et totum completum	De antiquis phys )
Liber de quinta essentia in papiro	De Religione et aliis virtutibus secund. Colutium
Cronica Iohannis Villani in vulgari et papiro	Sermones de B. Virgine, quod sit concepta sine peccato) in uno volum.
Plautus Comicus et sunt XX. Comedie	Bernardus de planctu)
Clementine	Virginis )
Boye super .,. in 11. voluminibus in papiro	Privilegium Constantini Imperatoris )
Sextus liber decretalium	Bonaventura de lig.)
Diversi tractatus Dñi Bartoli in papiro	vite ) in uno volum.
Epistole Pauli Apostoli glosate	Ambrosius de Virginitate et Viduis )
Leonardus de Aretio de Ystoria Florentina	Iohannes Crisostomus)
Defensorium pacis Ecclesie secund. Adam aglicū	de consolatione contra hereticos contra Iudeos ) in uno volum.
Prima pars Sue S. Thome de Aquino	Epist. Basilii ad Gorgium Nazazenum)
Secunda pars Summe S. Thome de Aquino	Dia. Basilii et Crisostomi de dignitate Sacerdotali )
Magister Sententiarum	Vgo de Sancto Victore de tribus dictis) in eod. volum.
Defensorium Eccl. ortham in papiro	Crisostomus quod )
Psalterium postillatum	

- nemo ledr nisi a se )  
 ipso )  
**Anselmus de conce-)**  
 ptu Virginali )  
**Agustinus in libro )**  
 Confexionum )  
**Agustinus de vera )**  
 Religione )  
 Soliloquiorum )  
**De immortalitate ani- )**  
 me ) in uno volum.  
**De doctrina Chri- )**  
 stiana )  
**De mendatio )**  
**De perjurio )**  
**Aliqui sermones ejus- )**  
 dem )  
**Quintus Curtius de gestis Alexan-**  
 dri  
**De Viris illustribus phys , theologis,**  
 et Armigeris  
**Agustinus de Ser- )**  
 mone Dñi in monte )  
**Iohs Scolasticus... )**  
 de Scala ad paradi- )  
 sum )  
**Iohs Crisostomus de )** in uno volnm.  
 compunctione ani- )  
 me )  
**Iohs Crisostomus de )**  
 compunctione cor- )  
 dis )  
**Seneca ad novatum )**  
 de Yra . ) in eod.volum.  
**Tractatus aliq. l. are- )**  
 tini )
- Passionale nonnullorum Sanctorum  
 Epistole Tullii  
 Medicina Cornelii , Aurelii Celsi  
 Roman.  
 Helius spartianus de vita Cesarum  
 Atthanasius contra gentiles .  
 Sermones S. Effrem . )  
 Basilius de Vera Vir- ) in eod.volum.  
 ginitate )  
 Cronica de gestis Regum Manfre-  
 di corradin. Karoli primi Reg.  
 Scicilie et Petri Aragonum  
 Agustinus super Epla)  
 canonica Io. Apli ) in uno volum.  
 Dialogus B. Gregorii )  
 Quatuor vite patrum )  
 Cornelius Tacitus )  
 Columela de Agri- )  
 cultura ) in uno volum.  
 Orationes Tullii Ci- )  
 ceronis )  
 Romulion  
 Liber super textu Sententiarum  
 Compendium Theologice Veritat.  
 Tho. de aquino  
 Libellus parvus de )  
 virtutibus herba- )  
 rum ) in eod.volum.  
 Iulius Frontinus de A- )  
 queductibus Vrbis )  
 Rotulus generationis Yhu Xpi in-  
 cipiendo ab Adam  
 Alius Rotulus similis  
 Apocalipssis B. Iohis Apostoli po-  
 stillatus.  
 Plutarcus de vita XVIII. Illustriss.

914 INVENT. LIB. D. IORDANI CARD. VRSINI :

- |   |  |
|---|--|
| Virorum in uno volumine                                       | Liber Serapionis de simplicibus et<br>aliis tractatibus              |
| Lectura de Jo. de Sanctuciis super<br>decreto                 | Egidius de regimine principum  |
| Juvenalis Satirus   | Lancantius poeta super statum  |
| De Jurisdictione imperii et aucto-<br>ritate papali, et aliis | Franciscus Petrarcha de vita solita-<br>ria, et alia opera           |
| Breviarium parvi voluminis                                    | Franciscus Petrarcha de remediis<br>utriusq: fortunae                |
| Regestrum B. Gregorii Pape                                    | Albertus Magnus de mineralibus                                       |
| Tacuinus in medicina de simplici-<br>bus et naturis           | Sinonima Magistri Simonis Januen.                                    |
| Oratius in poetica  | Agustinus pulcer de trinitat.  |
| Liber de privilegiis Regni Sicilie ,<br>et alia opera .       | Agustinus de doctrina Christiana ,<br>et multi alii tractatus ejusd. |
| Didimus de Spiritu Sancto                                     | Magist. de proprietatibus Rerum                                      |
| Rotulus in pergameno ubi est pic-<br>tura mappamundi .        | Ovidius metamorphoseon   |
| Liber de situ Orient. et de Maccho-<br>necto                  | Concilium Constantinopolitanum<br>sextum                             |
| Moralia B. Gregorii in magno vo-<br>lumine                    | et principium libri Ambrosiani                                       |
|   | Epistole B. Ignatii ad diversos et                                   |
|   | Epistole B. Antonii  |

*Desunt cetera.*

LOHSINCS PP. XII. ANNO. D[omi]NI. DCCCCCLX



V. p. 787, et 1799

INDEX LIBRORVM MSS.  
ARCHIVII BASILICAE S. PETRI  
A CL. V. LVCA HOLSTENIO DICESTVS.

## A

<b>Ambrosius</b>		Augustini
De Officiis , super Lucam;		Echiridion , et diversa Opuscula
Exameron , et alia		De libero arbitrio .
Exameron , et alia Opuscula		De Trinitate retractationes , et de haeresibus
Super Epistola Pauli ad Romanos		De consensu Evangelistarum
De Sacramentis		Homiliae
De Vnitate Trinitatis , et laudibus ejusdem		Milleloquium Tomus prior , et po- sterior
Ammiani Marcellini rerum gestarum incipit a lib. xiiii.		De Civitate Dei
Liber Corio rubro coopertus in Per- gameno folio manuscriptus cum insignibus Cardinalis Vrsini , in pº. folio continens		De Fide Catholica , et definitione dogmatum , et alii opusc.
Ammiani Marcellini rerum gesta- rum libros incipien. a tempori- bus Constantini Imperatoris		Contra Epistolam Parmeniani .
Liber xiiii. fol.	1	Contra Academicos , et alia diversa.
Liber xv.	19	Epistolae , et alia diversa ejusdem .
Liber xvi.	34	Speculum in supradicto libro .
Liber xvii.	51	Augustini Epi Anglorum interroga- tio dubiorum .
Liber xviii.	68	ad Gregorium P. Pontificem .
Liber xix.	79	Apocalypse cum annotationibus .
Liber xx.	92	Augustini de Roma Ord. Eremi- tarum .
Liber xxi.	101	Super Verbis Apocalypsis etc.
Liber xxii.	146	Andreae Poenitentiarii Bibliae Con- cordantiae .
Liber xxiii.	161	Alvarus de Planctu Ecclesiae Tom. duo .
Liber xxiiii.	164	Andreae Didaci Hispani Lumen Pa- nitientiariorum .
Liber xxv.	189	

- Azzonis summa super Codice .  
 Azzonis summa super Codice , et  
     eiusdem lectura , ac summa etc.  
 Accursius super Authentica .  
 Aristotelis Ethica .  
 Avicenna de curationibus aegritudi-  
     num etc.  
 Arithmetica Boetii , et alia opuscula.  
 Almanach Perpetuum incipiens ab  
     anno 1300.  
 Asconius Pedianus in Orationes Ci-  
     ceronis .  
 Aurora Petri Righae duplicita .  
 Alexandri Regis Macedonum cum  
     Poro , et aliis de Bello .  
 Angeli Rocchae de Imagine S. Gre-  
     gorii PP. , et Scolia in librum  
     Sacramentorum . (*impressus*)  
 Antonii de Butrio super Decreta-  
     libus . (*impressus* 1473.)  
 Articuli , et quaestiones Theolo-  
     gicae .  
 Alanus contra Haereticos , Iudeos ,  
     et Paganos .  
 Angelus Pientinus de anno Iubi-  
     lai 1575. (*impressus*)  
 Alberti Magni Compendium Theo-  
     logiae veritatis  
 Apocalypsis expositio .  
 Angeli Rocchae Commentarius iti-  
     neris Clementis VII. ad Fer-  
     rariam . (*impressus*)  
 Acta Apostolorum cum quatuor  
     Evangelii in (Codex pulcherri-  
     me scriptus ) Graeco a Pio V.  
     donata .
- Alfonsi Ciacconi de Vitis Pontifi-  
     cum et Cardinalium (*impressus*)  
 Archieple Cardinalis Paleotti (*im-  
     pressus*)  
 Anastasii Bibliothecarii de Vitis Pont.  
     (*impressus*)  
 Anselmi Lucensis Epi Decretum .  
 Antonii Petri Diarium ab anno 1404.  
     ad 1417.  
 Angeli de Pas Expositiones in Sym-  
     bolum Apostolor. (*impressus*)  
 Aristophanis Commediae , et Gen-  
     nadii de Fide Xpnor ad Turcas  
 Abraham Brovii de Pauli V. Bur-  
     ghesii prosapia . (*impressus*)
- B
- Biblia Sacra .  
 Biblia a Parabolis Salom. ad Apo-  
     calypsim .  
 Biblia in folio Bambacino impressa  
     a primo Regum ad Psalterium  
     (*impressus*)  
 Bedae Scintillarum (*impressus*)  
 Bede super Actis Apostolorum  
 Beda de die Iudicii Carmen  
 Beda super Historia veteris Testa-  
     menti etc.  
 Basili Oratio de recto usu saecu-  
     larium disciplinarum .  
 Blondi Roma instaurata. (*impressus*)  
 Boncore de Sancta Victoria Hymni  
 Breviaria diversa .  
 Bernardus super Canticis duplicat.  
 Bernardi Epistolae .

- Bernardi Vita, et alia diversa.
- Bernardi de considerat. cum epla  
Cirilli ad Abbatem Ioachim etc.
- Bernardus de Consideratione (*im-  
pressus*)
- Benedictus Canonicus S. Petri de  
dignitate Rom. Pont., et Card.,  
et de Ecc. Officio totius anni.
- Benedicti Perrerii in Danielem .  
Item adversus superstitiones artes ,  
etc. (*impressus*)
- Bonifatii Noni regnum plurium  
Bullarum .
- S. Bruno Eps Signiensis Sermones

C

- Callisti secundi Papae de Vita S. Ia-  
cobi Zebedei .
- Clementis Papae, et Mart. Itine-  
rarium .
- Collationes Patrum .
- Chrysostomus super Matthaeum ,  
ac de Poenitentia etc.
- Chrysostomus adversus vitae Mo-  
nasticae vituperatores
- Chrysostomi Homiliae super Gene-  
sim in Graeco .
- Chrysostomi , et aliorum expositio  
super Evangelia in Graeco .
- Chrysostomi de Poenitentia repa-  
ratione lapsi etc.
- Chrysostomi Opera omnia in To-  
mos quinque (*impressa*)
- Caecilii Cipriani liber. est in libro  
S. Leonis PP. fol. 136.

- Corvina super Decreto .
- Clementinae Glossatae ex Institu-  
tione Civili
- Codex Iustiniani .
- Commentaria D. Thomae de Aqui-  
no super Ethicam
- Critonis disputatio ad liberandum  
Socratem .
- Contentio Alexandri , Annibalis ,  
et Scipionis de exc. in armis .
- Custodia Sanitatis, Halibiem Medico  
Africano Auctore .
- Claudii Ptolomaei Cosmographia  
Orbis .
- Commentaria super p. Sententia-  
rum .

- Compendium Theologicae veritatis  
Alberti Magni , et summa Ca-  
suum .
- Commentarius de Canonizat. San-  
ctorum , Angelo Rocca Auctore  
( *impressus* )
- Concilium Lateranense sub Marti-  
no P.
- Concilium Tridentinum impressum ,  
et elucidationes ejusdem (*im-  
pressum* )
- Chrophori Gabreræ de cognoscen-  
do spum bonum a malo .

D

- De SS. Martyrum Cruciatibus Au-  
ctore Antonio Gallonio (*im-  
pressus* )
- De Vita claustral .

- Decretum Laborantis Cardinalis , et alia ejusdem opera .
- Decretum Iwonis duplicatum .
- Decretum Gratiani quadruplic .
- Decretalia glossata volum. duo
- Decretalium Sextus cum glossis Ioannis Andreae .
- Directorium Iuris
- Decretalium libri quinque
- Decisiones Rotae collectae per Guilielmum Horboth .
- Decisiones Rotae .
- Digesti pars I , et II. ( *impressae anno 1473.* )
- De Primatu Apostolicae Sedis , et potestate Papae , et aliis .
- Dialogus Petri , et Moysis .
- Dantis Cantica .
- De forma harum scholasticarum , et de aliis formationibus .
- Dialogus Christi , et Sponsae .
- Dialogus Jacobi de Altovitis de Schismate sedando .
- De origine , et prosapia S. Mariae Magdalena .
- De Medicina sine Auctoris nomine in charactere Longobardo etc .
- De morte , et vita , ac de vegetabilibus .
- De Virtutibus Doni Spiritus Sancti .
- De Censuris Ecclesiasticis .
- De Fidei articulis , Sacramentis , et virtutibus
- Dionysii Hierarchia
- Dionysii Pauli Lopis de quatuor Patriarchalium erectione ( *impress.* )
- De translatione Obelisci Vaticani . ( *impressus* )
- De ritibus , divinisq. Officiis , ac ministeriis Catholicae Ecclesiae .
- Eusebii Cesariensis historia Eccl. per S. Hieronymum translata .
- Exodus cum postillis triplicatus .
- Evangelium Matthei cum expositionibus .
- Expositiones in Apocalypsim .
- Eutropius de Gestis Romanorum .
- Expositiones sine nomine Authoris super Paulum volumina duo .
- Egesippi Historia Iudaica .
- Eusebii Caesariensis Chronica .
- Euclidis Geometria .
- Evangelistaria , et Epistolaria .
- Ephrem Syri Tomus 3. Item omnes tres . ( *impressi.* )
- F
- Francisci Petrarchae de vita solitaria sine nomine , et septem Psalmorum .
- Formularium Bullarum in lib. v. quorum primus de Summa Trinitate .
- Formularium Libellorum
- Formularium Testamentorum , Rolandino Authore .
- Francisci Blanchini Veronensis de Sac. Imaginib. musivi operis in Basilica Vaticana constructis .

## G

- Galeni Opera in Graeco .  
 Goffredi de Trano super Rubrica  
     Decretalium  
 Gottifredus de Alatrio super De-  
     cretis  
 Gerald Cambrensis de mirabilibus  
     Hiberniae .  
 Guillelmi Durantis speculum judi-  
     ciale cuin annotationibus Ioannis  
     Andreae vol. quatuor. ( *unus  
     impressus 1474.* )  
 Guillelmi Durantis Repertorium su-  
     per toto corpore Iuris ( *impres-  
     sus 1474.* )  
 Gregorii moralia volum. quin-  
     que .  
 Gregorius in Ezechielem  
 Gregorii Homiliae  
 Gregorii Dialogi  
 Gregorii Pastorale .  
 Gregorii Speculum , sive institutio  
     vitae spiritualis ex S. Gregorii  
     Operibus collecta , et per di-  
     versa Capitula digesta .  
 Gregorii Vita per Ioannem Diac.  
     vol. duo .  
 Gregorialis .  
 Gradualia diversa antiqua .  
 Gregorii registruin , et Canones  
     Apostolorum .  
 Garsiae Lonisae Collectio Conci-  
     liorum Hispaniae . ( *impres-  
     sus* )

## H

- Hieronymi expositio in Isaiam .  
 Hieronymi ordo vivendi circa Re-  
     gulam Sacrarum Virginum .  
 Hieronymus super Marcum .  
 Hieronymus super Isaiam .  
 Hieronymus Expositio Psalterii .  
 Hieronymus super libris Prophetarum incipien. ab Osea .  
 Hieronymus Epistolarum pars I.  
     et II. tom. duo ( *impressi 1474.* )  
 Hieronymus ad Tisiphontem ,  
     et ejusdem Dialogus  
 Hieronymi Testamentum  
 Hieronymi Eplae in uno volumine  
 Hieronymi in Cronicon Eusebii Cae-  
     sariensis translatio .  
 Hieronymus super Matthaeum , et  
     contra Elvidium de Virginitate .  
 Hieronymianum Opus compositum  
     per Ioannem Andream I. C.  
 Hilarius de Trinitate contra Ariani-  
     nos . ( *Codex admirandæ vetus-  
     tatis , scriptus anno Xpi DX , an-  
     tiquissimus annorum MCLXVI.* )  
 Hieremiae Montagnani Moralia .  
 Hymnarium postillatum , et Donati  
     Grammatica , et alia .  
 Halieben discipuli Aliemer Saraceni  
     Medici Africani famosissimi de  
     regali dispositione sanitatis hu-  
     manae etc .  
 Historia Ecclœ della Rivoluzione  
     dell'Inghilterra etc. ( *impressus* )

## I

- Ioannis Caldarini tabula auctorita-  
tatum , et sententiārum Bibliāe.  
Ioannis Petri Valeriani Hieroglifi-  
ca . (*impressus*)  
Iacoponi Tudertini Spiritualia col-  
loquia , et alia diversa .  
Ioannis Aegidii Artis Musicae .  
Ioannis de Ropellis summa de anima .  
Ioannis Theutonici Confessionale .  
Ioannis Lectoris summa .  
Ioannis de Sanduno quaestiones de  
Anima . (*impressus* 1480.)  
Ioannis Andreae Novella super Sc-  
xto .  
Ioannes Andreas super Clementi-  
nis , et quaestionibus Io. de  
Lungiano etc.  
Ionae Aurelianensis Episc. lib. ad  
Pippinum Regem (*non editus*).  
Iacobi de Viterbio Augustiniani  
Sermones  
Iacobi Diaconi Card. S. Georgii  
de Stephanescis nuncupat. de  
Centesimo , seu Iubileo  
Ioannis Boccacci de Casibus Viro-  
rum illustrium  
Ioannis Villani Cronicon.  
Ioannis de Ianua summa Catholicon.  
Iosephi Antiquitatis Iudaicae du-  
plicat.  
Iulii Herculani Beneficiati S. Petri  
de Primatu Basilicae Vaticanae.  
Iustini Historia.  
Isidori Ethimologiarum .

- Isidori Hispalensis , et Bedae super  
historia Veteris Testamenti  
Isidori Officiorum divinorum libri.  
Innocentii Papae II. Sermones .  
Ioachimi Abbatis Concordantiae no-  
vi , et veteris Testamenti .  
Ildeberti Episc. Turonensis Episto-  
lae , et alia .  
Isidori Opuscula super dictando  
prosiace etc.  
Inventarium speculi Iudicialis Guill.  
Durantis , et Repertorium Baldi.  
Iuliani Toletani Prognosticon .  
Iacobi de Stefanescis Diaconi Car-  
dinalis , de miraculis , et mar-  
tyrio Sancti Georgii Martiris ,  
miniatus manu Iotti Pictoris  
eximii .  
Icones Piscium Hippolyti Salviani  
( *impressus* )  
Ioannis Stephani Durantis de Rit-  
ibus Ecclesiae .

## L

- Laborantis Cardinalis Decretorum  
compilatio etc.  
Lactantius Firmianus  
Leonis Papae I. Sermones .  
Lectionaria passionum Sanct. vo-  
lum. viiI.  
Leonardi Aretini Commentaria belli  
punici , Simonis , et Luculli ,  
Dionis , Bruti de liberis edu-  
candis , Eumonis , et Themysto-  
clis Vitarum ex Plutarcho .

- Legendarium SS. duplicatum autho-  
re fratre Iacobo de Voragine.
- Leborini Diaconi de Translatione,  
et invent. S̄mī Crucifixi Lu-  
censis.
- Lucani Opera.
- Liber sententiarum de diversis vo-  
luminibus coaptatus , et alia etc.
- Liber de re Vxoria ad Laurentium  
Medicum.
- Liber de locis venerandis solemni-  
bus feriis X̄nis oblationibus .
- Libri Prophetarum .
- Liber de mensibus , diebus , horis ,  
et punctis Solis et Lunae etc.
- M
- Marinus de Cuolo Innoc. 4. Vi-  
ceanc. formularium Bullar.
- Martini Poenitentiarii definitiones  
super Decretis .
- Monitio Physici Phylosophi ad Tul-  
lum .
- Martyrologium Bedae , et alia di-  
versa Opuscula .
- Martyrologium Cardinalis Baronii .  
(impress.)
- Missalia diversa n. 35.
- Magistri Sententiarum volum. duo .
- Mauritii definitiones .
- Michaelis Carmelitae distinctiones  
Lrarum A. et C.
- Mareschia Equorum .
- Maffei Vegii de Praestantia Basilicæ  
S. Petri .
- Meditationes super vii. Psalmis cha-  
ractere Longobardico .
- Martyrologia Benefactorum Basilic.
- Mutii Ricerii in Argenteam P. Ma-  
gni Epi , et Mart. Panegiris.
- N
- Nicolai de Lira .
- Nicolai de Lira Postilla super E-  
vangelia Quadragesimæ .
- De Lira Postillæ super Genesī ,  
Exodo , Levitico
- De lira Postillæ a lib. Numeri ad  
lib. Ester.
- De Lira Postillæ a p. Regum ad  
lib. Nehemias .
- De Lira Postillæ a lib. Proverbio-  
rum ad Ecclicum
- Nicolai de Lira Postillæ super lib.  
Prophetarum vol. 2.
- De Lira Postillæ super Psalmis .
- De Lira Postillæ super lib. Novi  
Testamenti
- De Lira Quaestio contra Iudaeum .
- De Lira de differentia Irae haebrai-  
cae a translatione nra
- De Lira tractatus de visione Divi-  
nae essentiae .
- Nicolai Bonajuti in fig. Paradisi ,  
et quatuor virtutibus .
- Nicolai Bonaiuti Carmen Basilicæ
- Nicolai Bonaiuti Carmen S. Hieru-  
salem
- Nicolai Bonaiuti Eplarum . Item in  
fig. Romanae Cathedra .

- Orosii Cronicou .  
Honuphrii Panvinii Augustiniani de Praestantia Basilicae volum. tria,  
cum alio lib. parvo in f.
- O
- Orationalia  
Origenis Periarchon lib. 4. et alia diversa .  
Porphyrii Isagoge , praedicamenta , et alia pro Dialecticis .  
Pomponii Melae Cosmographia , cum Vitis Alex. et Caesaris ex Plutarcho .  
Postillae a lib. Genesis ad lib. Sapientiae sine authoris nomine .
- P
- Palladius de Agricultura  
Petrus Crescentius Ruralium Commodorum .  
Petri Damiani Opera . Item Vita S. Bernardi .  
Psalterium postillatum .  
Psalterium cum exposit. ad usum Cleri Bas. S. Petri .  
Psalterium , et Hymnarium ad usum Basilicae .  
Plutarchus de Vitis 14. Illustrum .  
Pompeii Magni , et M. Antonii Vitae ex Plutarcho .  
Plinii Junioris naturalis historiae  
Praefationes Ambrosianae Petri Archiepi Mediolanen. qui postea Alexander V. PP. fuit
- Psalteria diversa .  
Prisciani Grammatica .  
Petri Comnestonii historia a lib. Genesis ad Ascensionem Dñi .  
Platonis Timeus , et alia diversa .  
Platonis de Rethorica , et de immortalitate animae .  
Persii Poetae Satyrae antiquissimae vetustatis .  
Petri Mallii Can. S. Petri Opusculum hist. Sacrae super antiquitatibus Basil. S. Petri .  
Profacii Iudaei Aimanach perpetuum incipien. ab anno 1300 .  
Petri Lombardi Psalterium cum glossis .  
Pontificale Romanum antiquum .

## Q

- Quatuor Evangelia in Graeco a Pio V. donata .  
Quintiliani Opera .  
Quinarius lib. super Ecclicis officiis .  
Quaestiones de Anima D-Augustini .  
Quatuor Evangelia .

## R


- S. Raymundi Ord. Praedic. Greg. ex Poenitentiarii Summa  
Rationale divinorum Offorum duplcat.  
Regum libri quatuor .  
Roberti Palebardi Card. Summaria in lib. de Civitate Dei .

Riccardi de Mediavilla super señ- tias	Simonis de Cassia Expositio Evan- gelii.
Relatio Canonizationis S. Didaci (impressus)	Summa de Titulis decretalium Ar- chiep. Ebred.
Rolandini Nōtii Rom. flos. super testam. Donat.	Summa Ostiensis impressa 1474.
Romualdi Archiepi Salernitani cro- nicon usque ad tempus Alexan- dri III.	Summa Altisiodorensis.
S	Symphoriani Camperii de quadru- plici vita.
Sermones diversi antiquo Armeno- charactere conscripti.	Enchiridion Sixti Pitagorici, Isocra- tis Oratio, Silvae medicinales, et quaedam ex Plinio jun. Tro- phaeum Gallorum.
Summa casuum conscientiae fratris Raymundi	Summa Veritatis Theologicae, Iti- nerarium Verbi Dei, et alia etc.
Summa casuum sine nomine au- thoris.	Sixti Senensis Bibliotheca Sancta.
T	
Simplicii Magni Scholia in praedi- cam. Arlis	Thomae de Aquino super Ethicam.
Statii Thebaidos	Thomae de Aquino summa contra Gentiles.
Senecae Tragediae.	Thomae de Aquino Summae pars 2. secundi libri.
Senecae Epistolae	Testamentum novum.
Senecae de Consolatione	Testamentum Vetus a Genesi usque ad Iosue
Speculum historiale fratris Vincentii pars 1. 2. 3. 4.	Tabula super libris de Civitate Dei,
Speculum naturale ejusdem pars 2.	Moralium Gregorii, Auctorita- tibus Bibliae, et Magistri sen- tentiarum compilata per Michae- lem de Bononia Carmelitam.
Sermones Arboris ad Status Cleri- corum, Laicor. etc.	Tabula señiarum Bibliae Ioannis Caldarini
Sermones de Paradiso, et aliis sine nomine etc.	Terentii Comediae antiquissimae.
Sermones diversi sine authoris no- mine.	Terentii Comediae cum postul- lis.
Sermones diversi etiam sine authoris nomine.	
Strabi expositio difficultium nomi- num utriusque Testam.	

924 INDEX LIB. MSS. ARCHIVII BAS. S. PETRI.

- |  |  |
|--|--|
| Tullii Philippicarum antiquissimus<br>Codex ( <i>ex hoc codice restituit<br/>M. Ant. Muretus Philippicas<br/>editas Lutetiae</i> ) | Vegetius Renatus de re militari<br>Vgonis de S. Victore Speculum Ecc.<br>Vguitonis derivationum liber.<br>Vincentii Speculum historiale pars<br>p. 2. 3. 4.            |
| Tullii Orationes.  | Vincentii Speculum naturale pars 2.  |
| Tullius de finibus bonorum, et ma-<br>lorum  | Vita S. Magni Archiep. Tranensis<br>Martyris.  |
| Tullii Rheticor. de Amicitia, et<br>senectute  | Z  |
| Tullius de Officiis, et de Tuscula-<br>nis quaest. etc.  | Zacchariae Chrysopolitae Concor-<br>dia Evangelistar. ec.  |
| Tullii Catilinariae.   | Zenonis Episc. Veronensis de pudici-<br>tia, Resurrectione ec.   |
| Thomae Cardinalis de Capua Sum-<br>ma dictaminis.  | Zabbarellae Card. Tractatus de ho-<br>ris Canonicais ec.   |
| Titi Livii historiarum pars p.   | Libri diversi informationum, De-<br>cisionum , repertorium relict<br>a q. Julio Guisano Archivo Va-<br>ticanae Bas. anno 1631. prout<br>in ejus testamento etc. videl. |
| Tiberii Alpharani de praestantia<br>Basilicae  | Lib. informationum manuscripti n.14.   |
| Tertullianus ( <i>impressus</i> )  | Libri manuscripti Decis. n. 23.  |
|  | Libri manuscripti Repertorium n.13.  |
| V  |  |
| Vocabularium Papiae  |  |
| Vocabularium Eccliticum  |  |
| Vitruvius de Architectura.   |  |

EXPLICIT LIBER DE SECRETARIIS  
VETERIS BASILICAE VATICANAEE.



D E C I R C O  
C A I I E T N E R O N I S  
A C D E  
T E M P L O R O T V N D O  
S. P E T R O N I L L A E



DE CIRCO CAII ET NERONIS  
AC DE TEMPLO ROTVNDO  
S. PETRONILLAE.

**A**ntequam de *Secretariis novae Basilicae Vaticanae* disputationi initium facio, operae pretium erit, si nonnulla cum Lectoribus meis communicem de *Circo*, deque *Hortis*, et *Naumachia Neronis*, ubi Templa duo, figure orbicularis, quorum unum in *Sacrarii* usum postmodum cessit, ac nostris ipsimet oculis usurpavimus, erecta esse comperimus. Quumque alterum Templum *S. Petronillae* dicatum, Paullo III. imperante, una cum superiori veteris Bas. parte, ut nova, ampliorque exstrueretur, solo dejectum fuerit, de eodem in primis a me disserendum, veramque ejus originem, ac vices sedulo indagandas, ac persequendas esse duco. Aequum est enim, ut quum tanto ante, hoc idem quam simillimum, maximeque geminum *D. N. Mariae Febrifugiae* Templum, de medio sublatum fuerit, ejus prius, quam hujus memoriae conservandae operam navemus, ut si minus ejus adspectus, quod amplius non potest, recordatio certe apud Posteros vigeat. Quod si cuiquam longius, quam par sit, repetita res esse videatur, is si parum nobis patientiae praestet, deprehendet profecto, haec ad rei ipsius illustrationem quam maxime conducere; ac propterea, quum, quem in corpore caput, eumdem illa in hoc opere locum obtineant, nullo modo a me fuisse praetermittenda, non invitus fatebitur. Ipse enim locus, in quo versamur, tacite quodammodo nos admonet, ut nonnulla verba de eo faciamus.

## C A P V T I.

*De Circo Caij, et Neronis, ac de Hortis, et Naumachia iis adjecta.*

§. I.

*De Circo Neroniano.*

Quod Nardinius<sup>1</sup>, Bonannius<sup>2</sup>, Sindonius<sup>3</sup>, quum de Circo Neroniano agerent, praemittendum sibi esse existimarent, idem a me praestandum omnino esse arbitror. Quapropter eorum vestigiis insistens, in medium profaram Jac. Grimaldi verba, qui totum Circum ita nobis graphice descriptsit. Anno, inquit<sup>4</sup>, MDCXVI, dum Scalae S. Petri amoventur, apparuerunt muri antiqui reticulati crassi, qui videbantur fuisse e ruinis turrium Circi; ibi repertus fuit aereus numus Agrippinae Aug. Dum fundaretur haec altera Vaticani Templi pars sub Paullo V, inspectum est, Circi longitudinem fuisse palm. DCCXX. roman. latitudinem CD. area, ubi ludi edebantur, lata palm. CCXXX. Incipiebat ab insimis gradibus Basilicae, desinebat, ubi nunc est Ecclesia S. Marthae, retro absidam, ad occasum. Obeliscus erat in medio, qui locus nunc est retro Sacellum Chori. Extremus Basilicae paries, et duplex columnatum SS. Crucifixi, et S. Andreae, fundatum erat supra tres magnos parietes Circi Caij, et Neronis supradicti. Similis erat Circo Caracallae, qui hodie pro majori parte exstat, altis utrinque parietibus cinctus erat, ternis ab una parte, super quibus exstabant, dictae naves Crucifixi, et S. Andreae, et ternis ab altera, ubi nunc est Coemeterium Campi S., qui se in longum trahentes lateritii sustinebant olim arcuatos fornices, in quibus

<sup>1</sup> in Rom. ant. l. vii. cap. xxi. p. 1307. <sup>2</sup> p. 22. <sup>3</sup> p. 82. <sup>4</sup> fol. MSS. 116.

sedilia exstabant pro spectatoribus. Inter utrumque parietem spatium latum p. XLII. semis erat; A capite ad pedes nullum impedimentum, sed tamquam tabulationes, et curritoria e ruinis ipsis conspiciebantur. Horum parietum postremum in Circum respicientem, dum terra fundamenti Chori egereretur, mensurandum curavi. Altus erat paries ipse ab area palmis XXXI. semis, latus p. XIV. fundatus p. XXX. Antiquae Bas. Vat. a Constantino Max. fabrefactae facies exterior, apsis, et muri extremi, ac illi super columnis surgentes, qui tecta gravi pondere sustinebant, e laterum trophorumque fragmentis, Circo, adjacentibusque aedificiis eversis, celeri opera, rudique arte aedificati fuerant. Basilicam ipsam brevi tempore a Constantino acceleratam fuisse, fides oculata testatur. Capitella partim absoluta, partim imperfecta, bases multae columnis assimiles; fenestellae arcuatae, lateritiae primum, germanico opere marmoreae effectae. Limina ex magnis marmbris, quae ablata esse ex Circo, vel alterius aedificii ruinis, pars inferior terra obruta indicabat, quum sub uno ex his modice arcuato Rosae sculptae erant, in altero literae legebantur CVM SPECVLATOR, quas judicatum est, arcum, seu locum speculatorum ipsius forsitan Circi significasse.

Huic narrationi, cui certe ab omnibus subscribendum esse, nemo non videt, (quippe quae in dejectione veteris Basilicae, auctoritate publica exarata fuit a Grimaldo ad hoc muneric adlecto, ac constituto,) adversatur tamen Karolus Fontana<sup>1</sup>, Pyrrhi Ligorii auctoritate deceptus. Hic enim affirmat<sup>2</sup>, Circum hunc, usque ad eum locum, ubi nunc Templum Deiparae trans Pontem Aelium, pervenisse. Quare Fontana ejus sententiae adhaerens, asserere non dubitavit, *Carceres* ejusdem Circi in

<sup>1</sup> lib. I. cap. VI.

<sup>2</sup> de Roma ant. p. 3.

parte orientali , atque in occidentali partem ejus circularem esse collocandam , ejusque longitudinem protendi usque ad Rusticucciana domicilia , ubi jam ad exstructum recens Theatrum patet accessus , quoniam ab eo ultra Divam Martham aequum capit intervallum ad necessariam ludorum in eodem Circo dispositionem .

Haec isti ; cuius erroris caussam Ferdinandus Karolus apud Severanum <sup>1</sup> , aperte , ni fallor , detexit . Quum enim Ligorius , prope domum Rusticuccianam , sive ad contiguam B. Virginis aedem , nonnulla Circi vestigia observasset , iccirco illic Circi Neroniani finem extitisse sibi persuasit . Quod longe secus esse , Ferd. Karolus palam facit . Duos enim Circos in Campo Vaticano ab se repertos fuisse testatur , uti quidem ex Panvinio etiam constat , qui *Regione XIV.* describit *Circum Vaticanum* , in quo *Obeliscus pedum LXXII* , et *Circum Domitiae in pratis* , et ubi agit de ludis Circensibus , primum disserit de *Circo Vaticano* , ac deinde de *Circo Neronis* <sup>2</sup> .

Quapropter Dom. Georgii sententia repudianda omnino est , qui <sup>3</sup> in Domitiae Hortis , Circum minime admittendum esse censuit , ac Baronium , qui <sup>4</sup> aliter senserat , a Panvinio in errorem inductum esse affirmavit . Ut enim sit de P. Victoris silentio , apud quem Horti Domitiae tantum occurrunt , qui a Capitolino <sup>5</sup> , Dione <sup>6</sup> , Suetonio <sup>7</sup> , Flavio Vopisco <sup>8</sup> sub eodem *Hortorum* nomine tantummodo memorantur , quisnam refragari poterit Ferd. Karoli observationibus , qui rem , ut ita dicam , manu

<sup>1</sup> lib. I. cap. vi.

num. viiI. , et in Martyrologio p. 481.

<sup>2</sup> in Tom. ix. Thesauri Graevii pag. 240,  
et 241.

<sup>5</sup> in Antonino Pio cap. v.

<sup>3</sup> in Martyrologio Adonis p. 504.

<sup>6</sup> in Hadriano

<sup>4</sup> ad ann. 140. num. 11. et ad ann. 531.

<sup>7</sup> in Neronis vita cap. 34.

<sup>8</sup> in Aureliani vita c. 49.

tetigit, ac Panvinii, Baronii, Donati<sup>1</sup> sententiam mirifice comprobavit.

Ex his porro Circis, illum a Cajo coeptum, et Augusto dicatum, Nero seu perfecit, seu exornavit, seu potius frequentibus ludis, ceterisque spectaculis Circensibus edendis celebravit. Hunc autem lateri Collis innixum ad meridiem, pone viam triumphalem, idem Karolus collocavit, non minus ex detectis ipsius vestigiis, quam ex compertae sibi rei, veterumque monumentorum fide, ubi postea Constantinus Basilicam excitavit. Alterum vero exstisset tradit ad boreales montis radices in Domitia, Neronis Amitae, Hortis, qui deinde Neroniani ab ejusdem scelestissimi Principis nomine cognominati sunt. Ex quibus patet, Cajanum Circum eo situ, ac positu fuisse, ut Carceres quidem solem occidentem spectarent, Porta maxima ortum intueretur; contra autem Neroniani Carceres ad ortum, Porta maxima ad occasum verteretur. Nam Metae in Circo binae erant, infra, supraque. Ita autem propinqui, ac dispositi invicem erant, ut inter utrumque Circum triumphalis ager extenderetur, ad Flumen usque productus, et utraque utriusque Circi Porta, ita sese respiceret, ut linea recta in longitudinem stadii, inter utrumque deducta, in utramque etiam desineret.

Quae quidem etiamsi Ligorii, et Fontanae opinionem aperte revincant, haec tamen aliis etiam argumentis improbari posset. Nam, ut recte Bonannius<sup>2</sup> animadvertisit, si Obeliscus in Circi meditullio collocatus fuit, ut ex Grimaldo, et omnibus monumentis certo constat, profecto istius longitudinem adeo productam fuisse, ne-

<sup>1</sup> Rom. vet. ac rec. p.451.

<sup>2</sup> pag. 25.

mo sibi persuaserit , ut a Porta ad Carceres , palmi interfuerint DCLXXX , a metis vero , et Spina ad Euripum , vel gradus , dumtaxat CLX , etsi Circus figurae ellipticae longior esset , quam latior .

His adde , quod Nardinius <sup>1</sup> Circi extremitatem in parte occidentali ad locum , ubi primum Apostolorum Principi Anacletus Pontifex memoriam excitavit , minime pervenisse putat . Quod etiamsi demus , non ita esse , illud tamen inficiari nemo poterit , Circum ulterius extendi minime potuisse , ob impendentis Vaticani montis impedimentum . Diserte enim Tacitus <sup>2</sup> spatium , in quo equos Nero haud promiscuo spectaculo regeret , clausum valle Vaticana fuisse testatur .

Quocirca amplectenda quidem est Ferd. Karoli descriptio , quam Matthaeo Radero , ex epistola ad Allatium , adeo arrisisse deprehendimus , ut nihil illustrius fieri posse judicaverit . Haec autem , cum altera Iac . Grimaldi , quam supra audivimus , circa longitudinem apprime consonat , ac tantum de latitudine , et de arenae spatio aliquantulum discrepat . Hic idem locus ab Anastasio in vita Gregorii III. Neronis Campus nominatur , ubi <sup>3</sup> , narrat , Muratorio <sup>4</sup> necquicquam contra Baronium <sup>5</sup> refragante , Liutprandi in Vrbem hostilitates . *Hujus temporibus concussa est Provincia Romanorum , ditioni subjecta nefandorum Langobardorum , seu et Regi eorum Liutprando , veniensque Romam , in Campo Neronis tentoria tetendit , depraedataque Campania , multos Nobiles de Romanis , more Langobardorum , totondit , atque vestivit .*

Atque haec de Circo <sup>6</sup> praefanda erant , quod et

<sup>1</sup> cap. XII. p. 307.

<sup>4</sup> in Annal. Ital.

<sup>2</sup> lib. XIV.

<sup>5</sup> in Annal. Eccles.

<sup>3</sup> T. II. §. XIV. p. 55:

<sup>6</sup> V. Pitiscum in Circo Neronis .

frequentior infra de eodem redibit sermo , iisque , de quibus postea disseremus , major inde lux oborietur . Nunc ad *Hortos* , Circo conterminos , parumper oculos convertamus .

## §. II.

*De Hortis Circo Vaticano conterminis .*

**H**ortos Vaticanos Cajus item possedit , ab Agrippina Matre , Germanici Vxsore sibi relictos ; de quo est illud Senecae <sup>1</sup> . *Deinde adeo impatiens fuit differendae voluptatis , ut in xysto maternorum Hortorum , qui porticum a ripa separat , inambulans , quosdam ex illis cum Matronis , atque aliis Senatoribus ad lucernam decollaret .*

Iure igitur Marlianus <sup>2</sup> , Donatus <sup>3</sup> , et cum iis Nardinius <sup>4</sup> , Borrichius <sup>5</sup> , et Pitiscus <sup>6</sup> observant , Xystum , Porticum , Hortosque , ripam Tiberis cum Circo conjungentes , id spatii occupasse , quod intra Pontis triumphalis rudera , Molemque Adrianam intercedit , usque ad Vaticanam Basilicam , quodque nunc *veteris* , et *novi Burgi* appellatione distinguitur . Hoc idem luculenter designavit Philo de *Legatione ad Cajum* , ubi ait . *Excipiens enim nos in Campo ad Tiberim , primum quum exiret de maternis Hortis ; quibus hortis postea potita est altera Agrippina , Caii Soror , et Neronis Mater . Quare constat , Circum Neronianum , hortis , et viae insedisse , quae a Ponte triumphali ad Vaticanum deducebat . Sed de his satis . Horret enim , ac refugit animus , diutius heic immorari , ob feralem illam Christianorum cladem , quam*

<sup>1</sup> lib. XII. de ira cap. 18.

<sup>2</sup> in Vrbis Romae Topographia.

<sup>3</sup> in Roma vet. ac. rec.

<sup>4</sup> c. xxii. de antiqu. Roman. Hortis p. 450.

<sup>5</sup> in ant. Vrb. fac. c. xvi. §. 111.

<sup>6</sup> in Lexico in Hortis Agrippinae.

ibidem, veluti ludicram quamdam exercitationem, immannissimus Imperator populo exhibuit <sup>1</sup>.

§. III.

*De Naumachia Vaticana.*

Nunc de *Naumachia* dicendum est, quam Romanorum antiquitatum scientissimi F. Albertinus <sup>2</sup>, Andreas Fulvius, Marlianus, et L. Faunus, in Vaticano sitam fuisse tradiderunt, vetustiorum scriptorum testimonio innixi, etsi Baronius, quem sequuti sunt Donatus <sup>3</sup>, et Boissardus <sup>4</sup>, Hortis Neronis *Naumachiae* nomen appositum fuisse contendat, pro situ indicando, ubi Euripus erat ad ludorum navalium usum. Praeterea quum una ex pluribus, quae in Vrbe erant, ad navalium praeliorum celebrandam speciem, in Transtiberina regione, ad radices Ianiculi, exstructa esset, ex hoc plerique argumentati sunt, ibidem Principem Apostolorum supremum diem obiisse. Hanc porro opinionem alia etiam tuerunt rationum momenta, quae opportunius paullo infra expendemus. Quid enim haec iis posset suffragari? Numquid una tantum *Naumachia* in Vrbe fuit? Atqui plures a P. Victore in ipsa reg. xv. recensentur.

Quid, quod ipsa B. Petri acta, etsi falso sub Lini <sup>5</sup> nomine circumferuntur, totam Vaticanam planitiem, *Naumachia*

<sup>1</sup> Tacit. Annal. lib. xv. Sueton. in Neron. Tillemont. Hist. Eccl. T. I. et Hist. des Emper. T. I. Bolland. acta SS. Iunii T. iv. p. 807. Martyrolog. Rom. die xxiv. Iunii.

<sup>2</sup> fol. xiv. et xxix. de Mirab. Vr. Rom.

<sup>3</sup> de Vrbe Roma l. iii. c. xxxii.

<sup>4</sup> Topogr. Vrb. Romae T. I. p. 9. V. Pittiscum in *Naumachia*.

<sup>5</sup> Jac. Faber ad calcem commentar. in epistolas Pauli. Paris 1652. fol. Laur. Barre

in Hist. Chtist. veterum PP. Paris 1583. fol. p. 51. B. Lini de Passione Petri, et Pauli Libri duo. Exst. in Bibl. PP. Lugd. T. II. p. 67. Acta S. Petri S. Lino ejus discipulo, et successori supposita, cum notis Godofr. Henschenii. V. Acta SS. T. v. Junii p. 424. Nicol. Nourrii dissertation. in duos Libros B. Lini de passione Petri, et Pauli. in apparatu ad Bibl. PP. Parisiens. T. I. p. 71.

*machiam* fuisse nuncupatam , ac Petrum Crucis adfixum aperte demonstant , juxta Neronis Obeliscum , qui pone dejectum *Sacrarium* exstebat ? Siquidem haec habet Aringhius , qui eorumdem Actorum verba e graeco in latinum sermonem convertit <sup>1</sup>. *Pervenit denique una cum Apostolo , et apparitoribus Populus infinitus ad locum , qui appellatur Naumachia , juxta Obeliscum Neronis in monte . Itemque paullo supra , deducitur , inquit , Petrus in eam partem montis Vaticani , quae superne arborem Terebinthum habet , et inferne in subjecta planicie Naumachiam . . . . Su stulerunt Corpus S. Petri clam , et posuerunt illud sub Terebintho prope Naumachiam in loco , qui dicitur Vaticanus .*

Verum etiam ex Anastasio , *Naumachiam* in Vaticano exstitisse liquet , qui in vita S. Leonis III. bis , et in Paschalis I. vita semel eam nobis , disertissime designavit . Alter ex Leonis III. gestis locus sic habet <sup>2</sup> . *In Oratorio S. Peregrini , quod ponitur in Hospitali Dominico ad Naumachiam , fecit canistrum ex argento pensantem libras v , et unciam unam . Alter est hujusmodi <sup>3</sup> . Hic autem praeclarus Antistes divinitus inspiratus , Hospitale B. Petro Apostolo in loco , qui Naumachia ( alii Codd. legunt Nummentia ) a fundamentis noviter construens , diversa illic domorum aedificia decoravit , atque Ecclesiam in honorem B. Principis Apostolorum de novo construxit . Recte igitur Blondus Flavius memoriae tradidit , quod <sup>4</sup> in vita B. Petri habetur , Ecclesiam S. Petri exstructam fuisse apud Naumachiam , pariterque hospitale , quod Leo Papa III. aedificavit , e regione Ecclesiae S. Andreae a Symmacho Papa I. dedicatae , et S. Petronellae , qua Templum Apollinis in Obeliscum vergit , Nau-*

<sup>1</sup> T. I. Rom. Subt. p. 226.

<sup>2</sup> T. I. §. LXXXI. p. 295.

<sup>3</sup> ibid. §. xc. p. 301.

<sup>4</sup> Rom. Inst. T. I. p. 430.

machia *appellatum est*. Tertium denique Anastasii locum de Naumachia *Vaticana*, habemus in vita Paschalis I, ubi memorat<sup>1</sup> *Hospitale S. Peregrini positum ad B. Petrum Apostolum, in loco, qui vocatur Naumachia, quod idem praedecessor suus construxerat.*

Item Aedem S. Peregrini, eique adjunctum ad S. Petri limina proficiscentium Hospitium, et *Naumachiam*, inter bona Monasterii S. *Stephani Majoris*, (quod unum olim fuisse, ex domiciliis Vaticanae Basil. inservientium, suo loco videbimus), S. Leo ix. percenset in suo diplomate<sup>2</sup>, ubi tamen vel latini idiomatis corruptione, vel librariorum oscitatione, aut imperitia, *Dalmachia* pro *Naumachia* legitur. Verum id mirum non est, quum idem vocabulum in *Nummentiam*, uti vidimus apud Anastasium, et in *Almachiam*, teste Ferd. Karolo apud Severanum<sup>3</sup>, degeneraverit.

Neque illud omittam, Sanctam Zoen, S. Nicostrati uxorem, ut B. Sebastiani M. acta<sup>4</sup> testantur, quum ad B. Petri sepulcrum impensis oraret, captam a Paganis, et ad regionis *Naumachiae* Patronum, confestim fuisse perductam.

Quamobrem locum, qui *Naumachia* dicebatur, in area Circi ad radices Collis Vaticani, ubi Nero spectacula edebat, post absidem Templi, Aedem versus S. Peregrini, quae, ut tradunt Bull. Vat. editores<sup>5</sup>, exstabat post *Palatium Pontificio Vaticanum*, prope *Vrbis Portam*, quae *Angelica* vocatur, fuisse, nemo inficias iverit. Quae quidem *Naumachia*, quam, ut ait Vegius<sup>6</sup>, proximam *Circo Nero*

<sup>1</sup> T. II. §. xvii. p. 332.

p. 16. T. I. *Sabbatinum* T. I. p. 130, et

<sup>2</sup> T. I. Bull. Vat. p. 28. et apud Aringum T. II. Rom. Subter. I. II. c. xvi.

Bolland. T. II. Januar. p. 276, et T. II. Julii p. 221.

<sup>3</sup> de vi. Eccl. p. 286.

<sup>5</sup> T. I. p. 29.

<sup>4</sup> apud Mazochium in Kalend. Neapol.

<sup>6</sup> T. VI. Junii Boll. p. 26.

*statuit*, usque ad Romuli sepulcrum, seu *Memoriam*, uti vocat Benedictus Canonicus<sup>1</sup>, pone Aedem S. M. trans Pontem Aelium, ex insignibus locis Anonymi de *Mirabilibus Romae*, et P. Mallii, quae sequenti capite afferemus, pervenisse videtur.

Evidem scio, Baronium<sup>2</sup>, et Donatum<sup>3</sup> in ea fuisse sententia, ut Circum ipsum, *Naumachiam* appellatum fuisse sibi persuaserint, quod nimurum Euripus ibidem esset, ex quo aqua in arenam effundi posset ad ludos navales. At tantum aquae arena capere non poterat, quantum opus erat, ut naves agi possent. Adde vero et veterum Scriptorum silentium, apud quos de *Naumachia Neroniana* in eodem Circo, ne verbum quidem. Sed haec nihil moror; neque enim haec disputatio ad me quidquam attinet, de qua, adi sis, Franciscum Modium<sup>4</sup>.

Verum ne longius, quam res postulat, haec progre- di videatur disputatio, satietati occurrentum, claudam- que jam plane tandem hoc caput; quod tamen, que- madmodum duorum Templorum, de quibus acturi sumus, Circus fuit, ita totius erit argumentationis nostrae, ve- luti basis, ac fundamentum.

<sup>1</sup> T. II. Mus. Ital. in Ord. XI. p. 126.

<sup>2</sup> T. I. Annal. ad an. LXIX.

<sup>3</sup> Cap. XXII. de antiquis Romanorum hortis p. 451.

<sup>4</sup> de Triumphis, Ludis, et Spectaculis Veterum in Pandectis Triumphalibus. Francofurti 1586. fol. et in Tom. XI. Thesauri Gronov.



## C A P V T I I.

*De Templo, vulgo Apollinis.*

Quod non pauci Scriptores testati sunt, duo in *Circo Neroniano* Templia fuerunt, quae non multum a se invicem recedebant, alterum *Apollini*, alterum *Marti* sacrum, quorum illud insequitis temporibus in Aedem S. *Petronillae*, hoc in D. N. *Mariae Febrifugiae* conversum fuisse, plerique, ac recentiores praesertim sibi persuaserunt. Qui omnes tamen a veritate, toto, ut dicitur, caelo aberrarunt; quod ut planum fiat, eorum verba recitare praestabit, ne quidquam falso illis adfingere videamur.

Jam vero, qui de Templo Vaticano, locisque ei annexis, itemque de Templo *Apollinis*, de quo modo nobis sermo est, pro re nata disseruerunt, eorum quidem tantus est numerus, ut paene copia, ac multitudine obrui videamur. Quare non leviter insudandum fuit, ut singulas scriptorum, quotquot in manus venire potuerunt, ( incredibili autem diligentia eos conquisivimus, ac perlustravimus ) opiniones expiscaremur. Neque vero quisquam me in iis recensendis multum fuisse, jure reprehendat: fidenter enim dicam, horum omnium Scriptorum, quibus pro indiciis, ac testibus, in faciendo, dandoque judicio de hujusmodi Templo, ad hanc usque diem usi sumus, loca, et verba expendi necessario omnino oportere.

Atque, ut ab antiquioribus, ut par est, exordiamur, in primis Petrum Mallium audiamus, qui <sup>1</sup> haec habet. *Infra Palatium vero Neronis, est Templum Apollinis, quod nunc vocatur S. Petronilla, in quo est reconditum Corpus*

<sup>1</sup> T. vI. Junii p. 40.

*eiusdem Virginis*. Huic succenturiatur Scriptor Anonymus de *mirabilibus Romae*, qui Sec. plus minus XIII. flo- ruisse perhibetur, Chronico MS. Romualdi Arch. Salernitani praemissus, et in *Diario Italico* a Montfauconio editus, qui ita ait<sup>1</sup>. *Infra Palatum Neronianum est Tem- plum Apollinis*, quod dicitur *S. Petronillae*, in *Basilica S. Petri*, ante quod est *Basilica*, quae vocatur *Vaticanicum*, quia *Vates*, id est *Sacerdotes cane- bant ibi sua officia ante Tem- plum Apollinis*. Quod item Maphaeus Vegius diserte con- ffirmat. *Quoniam vero, inquit<sup>2</sup>, mentionem fecimus Altaris S. Petronillae, sciendum est, Templum illud, ubi situm est, fuisse antiquum, nobile, magna- que impensa, et miro cultu, sicut adhuc reliquiae ostendunt, elab- oratum, ac Apol- lini quidem.*

Horum auctoritatem, magnam certe, et in primis gravem, ceteri auctores gregatim sequuti sunt. Albertinus enim in opusculo de *mirabilibus Vrbis Romae*<sup>3</sup>, *Tem- plum Apollinis in Vaticano*, ubi nunc est *Oratorium S. Pe- tronillae*, conjunctum *Ecclesiae S. Petri* fuisse scribit. L. Fau- nus de *antiquitatibus Vrbis Romae*, in *Vaticano*, inquit<sup>4</sup>, *Apollinis Templum erectum volunt, ibique fuit, ubi nunc Sacellum S. Petronillae*. Item L. Maurus<sup>5</sup> prope *D. Petri Aedem*, *Apollinis Templum fuisse tradit, ubi nunc Eccl. S. Pe- tronillae*. Hisce adjungendi sunt Laurentius Schraderus<sup>6</sup>, et Jacobus Boissardus<sup>7</sup>, quorum primum pronunciasse refert Andreas Schottus<sup>8</sup>, *S. Petronella in Vaticano*, olim *Apollinis Vaticani*; alterum vero, *Templo S. Petri adjaceat Sacellum S. Petronillae, quod fuit olim Apollini sacrum*.

<sup>1</sup> p. 287. et 290.

<sup>5</sup> p. 112.

<sup>2</sup> l. iv. num. 127.

<sup>6</sup> in *Monumentorum Italiae lib. II.*

<sup>3</sup> p. 34.

<sup>7</sup> in *Topographia Vrbis Romae*

<sup>4</sup> p. 125.

<sup>8</sup> in *Itinerario Italiae* p. 336. et 357.

Idem etiam scripsit Marlianus ad hunc modum<sup>1</sup>. *Apollinis Templum eo in loco statuunt, ubi nunc Sacellum S. Petronillae.* In eamdem sententiam pedibus iverat Poggius Florentinus in opere de *Fortunae varietate Vrbis Romae*, et de *ruina ejusdem*. Ait enim<sup>2</sup>. *Templum Apollinis in Vaticano juxta Basilicam B. Petri, translatum in Dei cultum sacravit Relligio nostra.* Cui concinit Georgius Fabricius de *Tempis Gentilium in Templa Divorum mutatis*. *Templum*, inquit<sup>3</sup>, *Apollinis Vaticani, nunc S. Petronillae, juxta viam olim Triumphalem*. Quod et a Marangonio<sup>4</sup>, iisdem fere verbis confirmatur. Ac denique, ne nimius sim, iis album calculum adjecerunt Alpharanus<sup>5</sup>, Grimaldus<sup>6</sup>, Pancirolus<sup>7</sup>, Severanus<sup>8</sup>, Aloysius Contarenus<sup>9</sup>, Joh. Bapt. Vaccondius<sup>10</sup>, Ciampinius<sup>11</sup>, Ficoronus<sup>12</sup>, Bottarius<sup>13</sup>, nec non Paullus Aringhius, cujus verba prae ceteris heic lubet afferre, quae sunt hujusmodi<sup>14</sup>. *Apud Vaticanum quo tempore vana Gentilium superstitione vigebat, duo insignia, ac nobilissima Templa numerabantur, Apollinis videlicet, ac Martis, ipsomet sita loco, ubi nunc Beati Apostoli Petri Basilica magnificentissimo ambitu exaedificata consurgit.* *Quae quidem superstitionis gentilitiae Templa Romani subinde Pontifices ab impio, profanoque cultu expurga ta, ac pro Relligionis Christianae ritu consecrata, in veri, aeternique Dei honorem, ac cultum sanctissime transtulerunt.* At vero Apollinis *Templum*, cujus in gestis B. Petri Damasus

<sup>1</sup> cap. 127. p. 159.<sup>8</sup> p. 95.<sup>2</sup> in T. J. Thesauri Sallengr. p. 506.<sup>9</sup> p. 86.<sup>3</sup> in descript. Vrb. Romae c. ix. p. 424.<sup>10</sup> Notizie Istoriche delle V. Basiliche di Roma. p. 106.<sup>4</sup> apud Graevium T. III.<sup>11</sup> p. 28. et 139.<sup>5</sup> Delle cose Gentilesche c. LII. p. 161.<sup>12</sup> in Vestig. Rom. lib. II: c. I. p. 10.<sup>6</sup> MSS. p. 37.<sup>13</sup> T. J. Romae Subter p. 24.<sup>7</sup> MSS. p. 39.<sup>14</sup> T. J. Rom. Subter. p. 213.<sup>7</sup> in abd. Thes. p. 519.

meminit, uti veteres perhibent, insigne quoddam fuit circulari forma Sacellum, et postmodum B. Petronillae Virgini dicatum, quod olim, priusquam antiquum ejusdem Apostoli Templum instaurandi gratia, demolitum esset, ad dextram majoris areae partem conspiciebatur.

## §. I.

*Rationum momenta, quae Templum B. Petronillae, nunquam Apollini dicatum fuisse declarant.*

Quamquam isthaec tot, tantorumque Scriptorum animis opinio insedit, hoc aedificium, quod figurae orbicularis erat, instar Panthei, *Apollinis Delubrum* fuisse, non defuere tamen ex iis quidam, quibus aliqua veritatis lux, veluti per rimam, affulsit. Suspiciunt enim sunt, hoc sane veritati consentaneum non esse, idque ex ipsis loci adspectu, qui tacitus quodammodo clamabat, si tam grandia aedificia in ipsis Circi meditullio Nero construxisset, equorum, et quadrigarum cursum, aliaque id genus spectacula, quibus obeundis libere Circus patere debebat, ad circumstantis Populi oblectationem, fuisse penitus impeditura.

Atque id primus omnium, quos equidem legi, olfescisse videtur Maph. Vegius, qui ait<sup>1</sup>. *Quo tempore extrectum, nihil unquam, quod certe constet, reperi. Nam Neronis illud opus fuisse, quod vulgo jactatur, procul dubio vanum est; quoniam non simile vero videtur, in eo loco Templum illud fuisse, ubi Circenses ille ludos insanius exercebat, quod impedimentum magis spectaculorum, et libidinis ejus existisset.* Verum is, etsi hoc Templum a Nerone constructum fuisse, improbabile visum sibi fuit, posteriori ta-

<sup>1</sup> T. VI. Junii lib. IV. n. 127.

men tempore aedificatum , atque *Apollini* certe , ab Ethniciis dicatum fuisse contendit . Quare nihil , aut paullum ejus conjecturae nostris quadrare possunt , qui hoc opus , vigente superstitione , a Romanis nullo modo constructum fuisse judicamus .

Sed prius , hoc Templum a Nerone minime aedificatum fuisse , firmius etiam , quam Vegius fecit , probandum est . Quod Karolus Fontana solidis argumentis evincere <sup>1</sup> conatus est . Ac quum idem prae ceteris , quantum equidem sciam , inquisitus rem pertractaverit , atque discusserit , et *Apollinis* , *Martisque* Delubra alibi existisse , fuse demonstraverit , ex eo delibanda esse reor , quae ad hanc opinionem penitus constabiliendam , facilius conducere possunt . Non enim omnia apposite ad rem protulisse , mihi quidem videtur ; pluraque haud minoris momenti omisit , quae suis ego locis interseram ; certe meliori ordine , styloque minus rudi , atque praefracto , opinionem suam prodere potuisset .

Ac primo quidem , suae assertionis veluti testem appellat Obeliscum , qui quum in medio Circi erectus , Circum ipsum bifariam divideret , satis aperte declarat , tantas Temporum moles ex utraque parte minime erigi potuisse , quae ludorum celebrationi , ut cum Vegio nuper monuimus , impedimento fuissent . Secundo animadvertisit , aliam *Apollini* aedium structuram , aliam *Marti* convenisse ; quod ex Vitruvio manifestum est , qui Architectis sanctas hujusmodi leges praescripsit <sup>2</sup> . *Minervae* , *Marti* , et *Herculi* aedes Doricae fient . His enim Deis propter virtutem , sine deliciis aedifica constitui decet . *Veneri* , *Florae* , *Proserpinae* , fontium *Nymphis* , *Corinthio* genere constitutae ,

<sup>1</sup> Lib. II. Descr. Templi Vatic. c. viii.

<sup>2</sup> Arch. Lib. I. cap. II.

aptas videbuntur habere proprietates, quod his Deis propter teneritatem graciliora, et florida, foliisque, et volutis ornata opera facta angere videbuntur justum decorum. Iunoni, Libero Patri, ceterisque Diis, qui eadem sunt similitudine, si aedes Jonicae constituentur, habita erit ratio mediocritatis, quod ab severo more Doricorum, et a teneritate Corinthiorum temperabitur earum proprietatis institutio. Quare quum utrumque Templum, etsi diversi ordiñis Numinibus dicatum, ejusdem formae fuisse constet, id etiam argumento est, longe sequiorum temporum opus esse judicandum. Praeterea, ut ait Marlianus<sup>1</sup>, *Apollinis Templum apud Sophoclem, Martis vero apud Apollonium Subdalia fuisse legimus. Quod ejusdem Vitruvii praecēptis de aedificiorum decore consentaneum est, qui eorum Deorum, quorum species, et effectus in aperto Mundo, atque lucenti videmus, Templa sub dio constituenda esse praecepit.* Verum quum hoc Vitruvii praecēptum perpetuo observatum non fuerit, mirandum non est, Templum, de quo sermo est, Subdiale nequaquam fuisse. Illud igitur potius animadverte, quod parietibus consueto priscorum ornatu, ut infra declarabitur, destitutis, antiquae magnificentiae ne minimum quidem vestigium ibidem inerat. Quamobrem dicendum est, ex Circi ruderibus, Christiana gravitate, qualis non satis adultam decebat Ecclesiam, fuisse illa a Pontificibus condita.

Quod ipsum praeterea non tam aedificiorum structura, quam eorum pavimentum, aperte declarabat. Nam si haec eidem Circo aequalia fuissent, atque ante Constantini aetatem, substructamque ab eo Petri Basilicam erecta, non dubium est, quin eorumdem solum, Circi

<sup>1</sup> in Topographia Vrb. Romae lib. v. c. viii. in T. III. Thes. Graevii p. 235.

solo adamussim respondere debuisset; quod tamen multo magis subsidens, depresso sumque repertum est.

Et sane, plurium seculorum intervallo, sensim elato viarum solo, seu pulvere deciduo, seu decurrente ex alto, semperque luti aliquid relinquente aqua pluvia, seu, quod etiam probabilius videtur, veterum aedificiorum ruinis, compertum est, uti refert Mercatus<sup>1</sup>, ac luculentius Ludovicus Demontiosus<sup>2</sup>, et Gamuccius<sup>3</sup>, qui Obelisci Cajani<sup>4</sup> dejecto *Sacrario innixi ectypon aere sculptum* exhibent, non minus stereobata, quam Obelisci stylobata alte sub aggesta humo immersa delituisse, usque ad priscam Caij inscriptionem, quae exsculpta hodieque legitur in imo saxo.

Hinc autem evenit, ut ea vulgi opinio invaluerit, saxum hoc mirae magnitudinis, quattuor aeneis leonibus fuisse innixum, et sustentatum; adeo ut non solum Petrarcam<sup>5</sup>, sed Manettum<sup>6</sup> etiam, Vgonium, Ciampinium<sup>7</sup>, et Fontaninium<sup>8</sup> deceperit. Quod tamen, egesta humo, quae Obelisci basim occultabat, falsum omnino esse, deprehensum est. Astraguli enim tantum, Leonum loco reperti fuerunt, ut Fontana, et Mercatus ipse<sup>9</sup> perhibent, quem Ciampinius, quum, quod ne minimam quidem de hujusmodi Leonibus mentionem fecerat, insimulasset, palinodiam<sup>10</sup> deinde cecinit; quod nuperus editor Romae Ant. Nardinii<sup>11</sup> non animadvertisit. Quod vero ad nos attinet, utriusque Templi pavimenta, quasi

<sup>1</sup> de Obeliscis fol. 366.

<sup>7</sup> in Par. I. veter. Monum. cap. 111.

<sup>2</sup> in Gallo Romae hospite p. 10.

<sup>8</sup> apud Zenuni in Dissert. Vossian. T. I.

<sup>3</sup> in antiq. Rom. p. 195.

<sup>9</sup> pag. 177.

<sup>4</sup> V. Pitiscum in Lexico.

<sup>10</sup> cap. xxxix.

<sup>5</sup> lib. vi. ep. LXXXVIII.

<sup>11</sup> de S. Aedif. p. 90. cap. iv.

<sup>6</sup> in vita Nic. V.

<sup>12</sup> P. II. I. p. 1305.

demensa, et paria, Basi Obelisci respondere debuissent. Verum unusquisque longe secus esse, tunc temporis suis met oculis usurpare potuit, quum ad complures palmos distantia procurreret, inter humiliorem Circi, ac Basis Obelisci, et hujusmodi Templorum situm, qui multo sublimior, ac ferme veteri Bas. Vat. aequalis quum esset, Christianorum illa opus esse, luculentissime demonstrabat.

Quum autem, ut novae, et ampliori Basilicae locus pateret, funditus eversum est, de quo agimus, Templum, nullas in ejus effosione inscriptiones, nulla reticulati operis vestigia, signa nulla, marmora, numismata, aliaque id genus reperta ibi esse, certo scimus, quae *Apollinis* Fanum, vel levi indicio, olim illic fuisse testarentur.

Quod tamen allatos Scriptores in errorem induxit, id ipsum potissimum videtur esse, quod nempe *Circo Nero-niano* propinquum fuisse Templus *Apollinis*, non minus ex veteribus Vrbis Topographiis, quam ex antiquis auctori-bus compertum sit. Quum enim ad Circorum viciniam, *Apollini* Templa dedicare, veteres in more haberent, si-cut de Circo Flaminio, et Circo Maximo notum est, qui propterea et *Apollinares*<sup>1</sup> dicti sunt, multo magis opinandum esse videbatur, prope *Circum Neronianum* Tem- plum *Apollinis* exstisset, cuius Numinis erat Nero stu- diosissimus; quippe qui, ut ait Suetonius<sup>2</sup>, *Apollinem cantu, Solem aurigando aequiparare* contenderet. Quocir- ca Nardinius, Flavii Blondi auctoritatem adducens, in- ficiari neminem posse affirmat<sup>3</sup>, vel in Circo Nero-niano, vel prope eundem *Apollinis* Templus fuisse, quum

<sup>1</sup> Liv. lib. XII. cap. LXIII.

<sup>2</sup> in ejus vita cap. LIII.

<sup>3</sup> T. II. c. XII. p. 1310. In hanc rem Alph.

haec tradidit. In questo medesimo luogo

*facile sit, Neronem musices amantissimum prope Hortos suos illud aedificasse. Ceterum et ipse demum in Circo exstructum fuisse, probari minime posse fatetur.*

## §. II.

*Templi Apollinis situs.*

*Apollinis Templum nusquam in Circi area, ubi Aedes S. Petronillae, sed in eo ipso loco, ubi Petrus tumulatus est, nimirum prope Circum Neronianum, exstructum fuisse, ex ipso Anastasio evincitur. Hic enim ait in vita S. Petri<sup>1</sup>. Sepultus est via Aurelia, in Templo Apollinis, juxta locum, ubi crucifixus est, secus Palatium Neronianum, in Vaticano, juxta Territorium Triumphale, III. Kal. Iulias. Id autem acta S. Petri, quae Lino inscribuntur, S. Marcellum praestitisse ferunt; ni potius Graecorum Menologiis, Maeneis, et Synaxario a Godefrido Henschenio<sup>2</sup> prolatis fidem habeamus, quae Petrum a piis*

S. Anacleto, fece fare una Chiesa in onore de S. Pietro, dove li Christiani convenivano alli Oratorj, Sacrificii, Communioni, et Predicationi; qui anno concesse indulgentie plenissime, a chi visitava limina Apostolorum, et legitur in vita B. Cleti visitatio liminum Apostolorum, plusquam jejunium duorum annorum habet. in historia Martini Poloni. Quivi anche aveva ordinato la sepoltura delli successori di S. Pietro, quali furno sepolti juxta corpus B. Petri. Dieci Pontefici della primitiva Chiesa successivamente dopo S. Pietro, vid. Linus, Cletus, Anacletus, Evaristus, Sixtus, Thesforus, Iginus, Pius, Eleutherius, et Victor, qui fuit a Petro quintusdeimus Pontifex. Dopo ruinata questa Chiesa di S. Pietro da Eliogabalo Im-

peratore per la sua tirannide, et per l'impeditamento, che gli dava per gli giochi al Cerchio, Callisto Pontefice successore a Vittorio trasportò li gloriosi Corpi de S. Pietro con quello de S. Paolo alli Catacumbi, dove poi li Christiani se congregavano, et officiavano, come facevano prima qui in Vaticano. Li similmente si sepelivano li Pontefici, li stavano occulti nelle grotte per il timore della persecuzione. Passati circa 30. anni Cornelio Papa assieme con Lucina restituirono li gloriosi Corpi al pristino luogo, et prima il Corpo de S. Pietro portò Cornelio Papa in Vaticano, et posuit infra Corpor. Summorum Pontificum.

1 T. I. §. vi. p. 8.

2 ap. Surium p. 178. et in T. I. Apr. p. 372.

Mulieribus Basilissa, et Anastasia ejus discipulis, quarum festum celebramus die xv. Aprilis<sup>1</sup>, sepultum fuisse tradunt. Ibidem Anacletus, qui a Petro fere post annos duodeviginti Pontificatum gessit, *memoriam ejusdem*, sepulcrum scilicet, sive Oratorium, Anastasio teste, *construxit, et composuit*. Deinde Cornelius P. eō rursus Petri Corpus deduxit e Catacumbis, quō S. Zephyrinus, ut nonnulli putant, propter Elagabali metum, seu potius, ut Vignolius<sup>2</sup>, Petro Moretto<sup>3</sup>, et Iosepho Blanchinio<sup>4</sup> approbantibus, conjectit, Callixtus ipse in sui nonnis Coemeterium, ab se ampliatum, ad quod Catacumbae pertinent, una cum aliorum Decessorum suorum, quos in veteri Catalogo Romanorum Pontificum usque ad Zephyrinum *in Vaticano ad Corpus B. Petri tumulatos* fuisse legimus, exuviis e Vaticano transtulerat, et tamquam in tutiori loco condiderat. Nam Anastasius, quae in vita S. Petri scripserat, iisdem fere verbis confirmat in vita Sancti Cornelii<sup>5</sup>. *B. Petri Corpus*, inquit, accepit B. Cornelius Episcopus, et posuit *juxta locum, ubi crucifixus est, inter corpora SS. Episcoporum, in Templo Apollinis, in Monte Aurelio, in Vaticano Palatii Neroniani III. Kal. Iul.*

Quae quidem Anastasii verba, a Mallio<sup>6</sup>, et Anonymo confirmata, satis aperte, meo quidem judicio, *Apollinis*

<sup>1</sup> Baron. in notis ad Martyr. xv. April. et apud Surium ex Menologio Graecorum d. xv. apr. p. 128. God. Henschenii de iisdem brevis notitia. T. I. April. p. 372.

<sup>2</sup> T. I. in vita Cornelii p. 48.

<sup>3</sup> in Appendice de Translatione Corporum BB. Apostolorum Petri, et Pauli ad Catacumbas, adjecta Operi de S. Callixto P. et M. ejusque Basilica S. M. trans Tiberim. V. T. vii. hist. Litt. Ital.

p. 524. Petr. Lazeruni de sacra veterum Christianorum Rom. peregrinatione p. 3. et Franc. Ant. Zaccaria dell'anno Santo. Roma 1775. P. II. p. 152.

<sup>4</sup> in demonstratione Historiae Ecclesiasticae quadripartitae par. II. Tom. I. p. 360. et sequ.

<sup>5</sup> ibid. §. iv. p. 48. et T. I. Conc. epist. I. col. 669.

<sup>6</sup> T. vii. Jun. c. I. p. 37.

Templum exstisisse probant, juxta Circum Neronianum, ubi Petrus, seu quod eorum religionem propagare studeret, quos Nero incendii Vrbis insimulatos exquisitis suppliciis excruciaverat, ut scripsit L. Caecilius<sup>1</sup>, seu quod Simonis Magi aerem volatu tentantis confidentiam, et improbitatem represserit, ut S. Maximus<sup>2</sup> putavit, seu demum, quod pellices, quarum pudicitiae Nero insidiabatur, ad meliorem frugem reduxisset, ut placuit Ambrosio<sup>3</sup>, et Chrysostomo<sup>4</sup>, et cum Cyrillo Alexandrino<sup>5</sup> confirmat Graecus Commentarius a Papebrochio<sup>6</sup> in lucem editus, inversis vestigiis<sup>7</sup>, funibus ligatus, ut scribit Tertullianus<sup>8</sup>, aut clavis affixus, quemadmodum Augustinus<sup>9</sup>, Theodoretus<sup>10</sup>, aliique tradiderunt, e cruce pependit.

Quaeso enim, cur Circum Anastasius nominare praetermisisset, si *Templum Apollinis*, ubi Petrum sepultum fuisse narrat, non *juxta Circum*, sed in ipso Circo exstisisset, atque illud idem prorsus fuisse contendunt? Nonne autem sola ejusdem Circi denominatio, locum rectius designasset, quam cetera descriptio, quam adeo accurate, ac prolixe factam ab Anastasio videmus? Hinc itaque Nardinii conjecturam facile amplectar, qui Circi extremitum ambitum usque ad locum, ubi Petrus sepultus fuit, non pervenisse opinatus est. Nunquam enim mihi persuadeam, secus ab Anastasio memorandum non fuisse.

<sup>1</sup> lib. c.

<sup>5</sup> in Ioh. lib. xii. c. xxii.

<sup>2</sup> in Serm. v. de Natali SS. Apost.

<sup>6</sup> ad d. xxix. Junii num. xiiii. p. 416. et

<sup>3</sup> Serm. LXVIII. contra Auxentium T. II.

n. xxvii. p. 423.

epp. p. 866. nov. edit.

<sup>7</sup> Vide Auctores ab Aloysio Cuccagnio

<sup>4</sup> Hom. XLVI. lib. I. adv. oppugn. vit.

citatus in Par. II. Vitae S. Petri p. 215.

mon. T. I. p. 78. in op. II. ad Timoth.

<sup>8</sup> Scorpac. c. xv. <sup>9</sup> Serm. CCLIII.

hom. III. T. II. 673.

<sup>10</sup> Serm. de charitate de Praesc. i. p. c. xxxvi.

Nihilominus quamplures Scriptores<sup>1</sup>, Petrum in ea Montis parte cruci suffixum contendunt, quae *Ianiculi* nomen hodie retinet, ubi Cella rotunda xvi. columnis sustentata, a peritissimo Bramante Architecto erecta fuit, Sec. xvi. ineunte, cum hac inscriptione, quae ibidem etiamnum legitur.

B. PETRI. APOSTOLORVM  
PRINCIPIS  
MARTYRO. SACRVM  
FERDINANDVS. REX  
HISPANIARVM  
ET. ELISABETHA. REGINA  
CATHOLICI  
POST. ERECTAM. AB. EIS  
AEDEM. POSVERE  
ANNO. SALVTIS. MDII.

Atque haec opinio ita obtinuerat, ut ad eam B. Petri crucifixio, non solum tabulae marmoreae, quae in veteri Ciborio, principi arae Bas. Vat. olim imminente visebatur, opere anaglyptico insculpta fuerit, ut apud Dionysium<sup>2</sup> videre est, sed etiam valvis aeneis Templi Vaticani sub Eugenio IV. magnifice fabrefactis<sup>3</sup>, quarum

<sup>1</sup> Vegius. lib. II. c. 11. p. 69. Massutius, Giacconius. T. II. in Anast. p. 20. Oldoinius, Paullus Aemilius Sanctarius, Valerius Doricus, Ioh. Lupardus, Andr. Fulvius, Bapr. Paulianus, Steph. Chamillardus, Marlianus, Turrigius, de Cryptis Vaticanis, ac de Sacris Thophaeis Rom. c. VII. Mabillonius. T. I. It. Ital. p. 48.

<sup>2</sup> p. 192.

<sup>3</sup> Alph. in MSS. Eugenio IV. la rifece di

tavole di metallo scolpito il Salvatore, et la Madre V.M. et più già S. Pietro, et più basso le historia, quando vennero li Etiopi, et Armeni in Roma al Concilio Florentino, et quando ha coronato Sigismondo Imperatore, et poco più già il martirio di S. Pietro, e di S. Paolo, quantunque habbino male interpretato il loco del martirio di Pietro, qual fu già in Vaticano, inter duas metas Circi Caui Neronis.

ectypum Ciampinius<sup>1</sup> repreaesentavit, hodieque cernitur. Hujus autem piae traditionis vindex acerrimus Baronius<sup>2</sup> prae ceteris, communem hanc opinionem de loco crucifixionis Petri inter duas metas, cum ea conciliare adnusus est.

Neque is ego sum, qui piam hanc traditionem revertere, et Fidelium pietati, qui Janiculum adeuntes, locum crucifixione Principis Apostolorum, ut ipsi putant, consecratum, religiose venerantur, quasi frigidam superfundere velim; contra quam fecisse video Bened. XIV, nunquam periturae memoriae Pontificem, qui inter Aedes, in quibus, singulis infra Octavam Apostolorum Vrbis Propugnatorum diebus, mane sacrum sollemni ritu fieri jussit, convenientibus per vices singulis Romanorum Praesulum Ordinibus, S. Petri Templum, *Montis aurei* titulo insignitum<sup>3</sup> recensuit.

Verum, quum heic res eruditiois tantum, non pietatis, et religionis caussa, in disceptationem veniat, gravissimis rationum momentis, quae in hanc rem longe gravissimi Scriptores jam attulerunt<sup>4</sup>, liceat mihi pau-

<sup>1</sup> Tab. xix. p. 45. <sup>2</sup> an. LXIX. n. xvI.  
<sup>3</sup> in Opp. T. v. p. 467. et in Bull. Rom. p. 270. et in Bull. Vat. T. II. p. 314.

<sup>4</sup> Eusebius. Hist. Eccl. lib. II. c. xxv. Hieronymus. de Vir. Illustr. et contra Vigilantium. Prudentius. in lib. περὶ σεφαγῶν hym. xii. Rufinus. lib. II. Hist. Eccl. c. xxxii. Joh. Chrysostomus. Hom. xxxii. in Epist. ad Rom. Libellus Apologeticus Ennodii Ticinensis pro Symmacho Pont. Grimaldus. MSS. p. 30. Bl. Flavius. Rom. Inst. libr. I. n. 45. Panvinius. de vii. Eccl. p. 18. et 19. et T. I. MSS. p. 56. 66. et 131. Alpharanus. MSS. c. I. et II. Ferd. Karolus. apud Severanum

p. 80. Severanus. de vii. Eccl. p. 15. Bonius. Rom. Subt. I. II. c. 11. Aringhius. ibid. c. v. Franc. Blanchinius. in T. II. Anast. p. 15. Marangonius. c. XLIII. p. 207. Petrus Franc. Fogginus. de Romano D. Petri itinere Exerc. xvii. Mamachius. Antiqu. Christ. T. I. p. 32. et T. v. p. 588. Editores Bull. Vat. T. II. p. 316. Phil. Dionysius. p. 192. Vinc. Alex. Constantius. in App. Monum. ad Cortesii libr. de Rom. itinere D. Petri cap. x. de Eccl. S. Petri in monte aureo p. 345. Borgia. de Confess. B. Petri p. 81. ad 88. Aloysius Cuccagnius. in vita S. Petri Part. III. c. xi. p. 212.

ca etiam adjicere , quibus manifestius porro fiat , Petrum in Vaticano Martyrii palmam consequatum fuisse .

Haec autem ultro nobis offerunt redditum jam Anastasii verba , quae satis mea quidem sententia , clare ostendunt , locum , ubi Princeps Apostolorum passus est , Neronis *Circum* in Valle Vaticana fuisse , *juxtaque* eum , ubi primum ab Anacleto sepultus fuit , *Apollinis Templum* exstitisse . Ibi enim in persecutione , quae in Christianos incensae Vrbis , ut insimulabantur , auctores , ac reos C. Lecanio Basso , M. Lucinio Crasso Coss , primum excitata fuit , quamque plures copiose descripserunt <sup>1</sup> , plures alios vehementissimis tormentis , atque ipso crucifixionis supplicio afflictos a Nerone fuisse , auctor est Tacitus , qui rem sic enarrat <sup>2</sup> . *Primo correpti , qui fatebantur , donec indicio eorum multitudo ingens haud perinde in crimen incendii , qnam odio humani generis convicti sunt . Pereuntibus addita ludibria , ut ferarum tergis contecti ; lanianatu canum interirent , aut crucibus affixi , aut flammanti , aut ubi defecisset dies , in usu nocturni luminis urerentur . Hortos suos ei spectaculo Nero obtulerat , et circense ludicrum edebat habitu aurigae , permixtus plebi , vel circulo insistens .*

Hinc factum est , ut antiquitus via , in Vrbis adjectione , quae *Borgo vecchio* modo dicitur , *Via Martyrum* ,

<sup>1</sup> Christ. Cellarius . Diss. de Neronis in Remp. et Eccles. saevitia . Exst. in ejus Diss. Accad. p. 602. Lipsiae 1712. Alphonsus Vignolius . Diss. touchant le tems précis de la persecution suscitée contre les Chrétiens par l'Empereur Neron. dans l'Hist. crit. de la Rep. des Lettres T. viiiI. p. 74. ix. p. 172. X. p. 328. Dan. Papebrochii de SS. plurimis MM. Romiae sub Nerone , per calumniam incendii necatis Commentarius historicus . in T. iv.

Iunii d. 807. Campegius Vitringa de Statu Eccl. Christianae a Nerone ad Trajanum . in Observ. Sacris p. 961. Franequer. 1711. 4. Io. Thomas Rainaldus . de persecutionibus , quibus primo , et secundo aerae Christianae seculo Ecclesia exagitata est . Exst. T. iiiI. Disc. Pop. Dei p. 34. Petrus Lazerus . de persecutionibus in Ecclesiam excitatis aevo Apostoli:o. Exst. T. iiiI. Disc. Pop. Dei p. 22.  
<sup>2</sup> lib. xiv. Annal. c. XLIV.

*Via Sancta*, *Via Sacra*, et *Carraria Sancta* nuncuparetur, quod per eam primitiae Martyrum, ut habet Martyrologium Romanum<sup>1</sup>, ad supplicium, et caedem in eam Vaticani partem, quae Neronis Hortos, Circumque completebatur, ducerentur, uti Turrigius<sup>2</sup> pluribus documentis demonstrat. Quumque inter hanc, et alteram, quae *Borgo S. Angelo* appellatur a Mole Adriana, Xysto IV. Pontifice annis MCDLXXIV, et MCDLXXV.<sup>3</sup> ad aedes Vaticanas perducta, nulla alia exstaret via, quae recta duceret ad Templum Vaticanum, Alexander VI. anno MCDXCIX. aliam ampliorem aperuit, quae *Alexandrina* ab ejus nomine olim dicta, hodie vulgo appellatur *Borgo nuovo*. Ac propterea marmoreum aedificium ab arce Adriana non longe dissitum, quod *Meta*<sup>4</sup> vocabatur, ubi nunc prostat Fons a Paullo derivatus, et exornatus, excisum fuit, quemadmodum Franc. Albertinus<sup>5</sup> ( floruit autem is Julio II. Pontifice, qui eamdem viam anno MDV. lateribus sternendam curavit ), Turrigius<sup>6</sup>, aliquie tradiderunt.

Hanc vero metam, quam ceteroqui Acron<sup>7</sup>, et Marlianus<sup>8</sup>, a Nardinio<sup>9</sup> refutati *Scipionis Africani sepulcrum*, Turrigius<sup>10</sup> vero *Neronis Terebinthum* ab hujus nominis arbore, quae prope virebat, esse judicarunt, ita describit Anonymus apud Montfauconium<sup>11</sup>. In Nauma-

<sup>1</sup> VIII. Kal. Jul.

<sup>2</sup> Grotte Vaticane p. 138. e nell'Hist. di S. Giac. in Borgo p. 11.

<sup>3</sup> in Diar. Jac. Volaterr. apud Muratori T. xxII. Rer. Ital p. 117.

<sup>4</sup> T. I. Bull. Vat. p. 131.

<sup>5</sup> in Cap. de Obelisco. et Metis.

<sup>6</sup> p. 346.

<sup>7</sup> in Schol. ad Horat. Epop. Od. ix.

<sup>8</sup> lib. v. c. 22.

<sup>9</sup> lib. viii. c. xii. V. Falconerii Diss. de Pyram. C. Cestii. in T. iv. Graevii p. 1464. Aringh. Rom. Subt. lib. II. c. II. xvii. Demontiosum par. I. p. 7. Bergierii de viis militaribus lib. II. T. xxxvi. Pitiscum in Pyramus in Vaticano.

<sup>10</sup> c. iv. p. 2.

<sup>11</sup> in Diar. Ital. p. 291.

chia est Sepulcrum Romuli , quod vocatur Meda , quae fuit miro lapide tabulata , ex quibus factum est pavimentum Paradisi , et graduum S. Petri : habuit circa se plateam Tiburtinam xx. pedum cum cloaca , et florali suo . Circa se habuit Tiburtinum Neronis , tantae altitudinis , quantum Castellum Hadriani , miro lapide tabulatum : ex quibus opus graduum , et paradisi peractum fuit , quod aedificium rotundum fuit duobus gironibus , si castra , quorum labia erant cooperta tabulis lapideis pro stillicidiis , juxta quod fuit crucifixus B. Petrus Apostolus . Haec autem a Petro Mallio mutuatum fuisse constat , qui hunc eumdem locum ita descripsit <sup>1</sup> . In Naumachia , inquit , juxta Ecclesiam S. Mariae in Transpadina est sepulcrum Remuli , quod vocatur Meta , quae fuit miro lapide tabulata . . . . Habuit circa se plateam Tiburtinam viginti pedum cum cloaca , et floribus suis . Habuit quoque circa se , terebinthum Neronis tantae altitudinis , quantum est Castellum Hadriani Imperatoris , miro lapide tabulatum , quod aedificium rotundum fuit cum duobus geronibus , sicut Castellum , quorum labia erant cooperta tabulis lapideis pro stillicidiis , et juxta hoc aedificium crucifixus fuit B. Petrus Apostolus .

Hanc Vegius , unam ex duabus metis , quas inter Petrum in monte aureo cruci suffixum fuisse , vetus traditio erat , seu potius Circi Obeliscum fuisse opinatus est ; alteram vero Cestiani sepulcri Pyramidem propter Montem Aventinum . Neque defuit , qui unam ex iis , ipsam Adriani molem fuisse contenderet , quos inter Blondus Flavius <sup>2</sup> numerandus est . Verum a nobis allata Circi Neroniani descriptio , hujusmodi opinionum vanitatem sat satis coarguit , quam aut cum Francisco Blanchinio <sup>3</sup> sen-

<sup>1</sup> T. vI. Junii n. 130. <sup>2</sup> Rom. inst. lib. I. n. XLIX. <sup>3</sup> T. II. Anastasii p. 15.

tiendum sit, binas metas, quas inter Petrum passum esse affirmant, duo extrema spinae Circi Vaticani fuisse, aut certe Ferd. Karolo subscribendum, qui illum inter supremas Circorum Cajani, et Neroniani binas metas, in Crucem actum fuisse asseverat.

Sed, ut ad Anastasium redeamus, si quis Viam Aureliam per Ianiculum transiisse, ibidemque iccirco crucifixum, et sepultum Petrum fuisse propugnaret, animadvertis, velim, Anastasii verba secus omnino esse accipienda. Iis enim tantummodo innuit Biographus, in ea Vaticani parte sepultum fuisse, quae inter Viam Aureliam, et viam Triumphalem intercedebat. Quod aequem dicendum est de Monte Aurelio, qui exinde *aureus* etiam est appellatus. Hoc enim nomine Mons etiam ipse Vaticanus, qui pars erat Janiculi, non *honoris caussa*, ob *nobilem Petri triumphum*, ut Baronius<sup>1</sup> conjectit, neque a flavis arenis, ut alii existimarunt, sed a via Aurelia ei contermina, indigitari quandoque consuevit.

Hoc autem ex multis aliis locis, quae ab Anastasio indicantur, quaeque Neronis Circus, minime vero Janiculo convenire possunt, aperte desumitur. Quid enim sibi vellent ea verba, *secus Palatum Neronianum, in Vaticano, juxta territorium triumphale*, ac rursus alia illa, *in Vaticano Palatii Neroniani*?

Atqui Jac. Grimaldus<sup>2</sup> testatum reliquit, Circum Neronis, *Palatum* appellatum fuisse, ex rudiorum infimae latinitatis scriptorum consuetudine, qui ingentia, quae supererant, antiquae Vrbis aedificiorum vestigia, *Palatia* nominare solebant, ut egregie multis ostendit Joh. Balth. Beyschlagius<sup>3</sup>. Circus vero idem Neronis, ut jam supra

<sup>1</sup> ad ann. LXIX, n. 16.    <sup>2</sup> e. II. p. 31.    <sup>3</sup> in Diss. de Palatiis. Vitemb. 1690. 4.

observavimus, *incipiebat*, eodem Grimaldo designante, ab infimis gradibus Basilicae S. Petri; *desinebat*, ubi nunc est Ecclesia S. Marthae, retro absidam ad occasum. Obeliscus erat in medio. Verum omnis dubitationis ansa praeciditur a Panvinio, ubi ait<sup>1</sup>. In eodem Monte, et Circo Aediculam Apollinis fuisse referunt Damasus, et Bibliothecarius. Qui Neronis quoque Palatum, sive amplam domum ibidem fuisse affirmant, Circum pro Palatio haud dubie intelligentes, cui multa cubicula, et conclavia in angulis inerant. Certe Corn. Tacitus eo loci Neronis hortos fuisse commemorat, quos affligendis Christianis obtulisse tradit. Si vero horti ibidem fuere, profecto non sine insigni aedificio eos consitos fuisse existimandum. Quocirca quum cetera, quae ab Anastasio memorantur, in hunc tantum locum convenire exploratum sit, minime dubitandum est, ( quidquid contra aliis Scriptoribus visum est, apud quos hujusce traditionis fides esto ), quin Petrus in Circo Neroniano, potius quam in Ianiculo passus sit, ac prope eum primitus sepultus. Nam, ut cetera praeteream argumenta, quum Romanis sollempne esset, extra Vrbis moenia in reos, ac sonentes animadvertere, ne sacrae, et divinae imagines suppliciorum adspectu polluerentur, ut tradunt Gisbertus Cuperus<sup>2</sup>, Valesius<sup>3</sup>. et Lipsius<sup>4</sup>, quis unquam credat, Petrum Crucis patibulum subiisse in Janiculo, qui jam inde ab Anco Martio, IV. Romanorum Rege, intra Pomoerium inclusus fuerat, potius quam in Vaticano, qui nonnisi a Leone IV. muris circumdatus, intra Vrbem inclusus fuit?

Verum hoc, ipsa Templi *Apollinis*, quod in Ianiculo

<sup>1</sup> T. I. MSS. p. 97.

<sup>2</sup> lib. vi. Observat. xix.

<sup>3</sup> ad Ammianum xxviii. §. iv. p. 527.

<sup>4</sup> ad Tacitum p. 98.

nemo unquam exstisset somniavit , Anastasiana indicatio aperte , meo quidem judicio , comprobaret . Quum enim hoc ne in Circo quidem Neroniano exstisset ostendimus , consequens est , proximum certe huic esse debuisse ex veterum more , qui , ut diximus , prope Circorum viciniam huic Numini Templa aedificabant , atque eo nimis loco , ubi primum Anacletus *memoriam B. Petri construxit , et composuit* , postque Constantinus M. sacram Aedem excitandam curavit ; cui , ut maximae loci dignitati , aedificii majestas , ac pulcritudo responderent , Bernardus Franciscus Monachus , suum ad loca sancta iter sub extrema Nicolai I. Pontificis tempora susceptum describens <sup>1</sup> , *nullam fuisse similem in magnitudine Ecclesiam in universa terra testatus est.*

Quae quidem , ut a pientissimo Imperatore praestari possent , falsorumque Numinum oblivio induceretur , non solum potior Circi pars , uti jam cum Grimaldo animadvertisimus , sed etiam multo magis *Apollinis Templum ei contiguum dejiciendum fuit*. Legimus enim apud Anastasium in *Silvestri vita* <sup>2</sup> . *Constantinus Aug. fecit Basiliacam B. Petro Apostolo ex rogatu S. Silvestri Episcopi in Templo Apollinis , in quo loco Corpus ejusdem mirifice collocavit*. Quae quidem excepit Beda <sup>3</sup> , quem Ado Viennensis <sup>4</sup> sequutus est , ubi ait . *Constantinus fecit Romae ... Basiliacam B. Petro in Templo Apollinis* . Verum quomodo novam in *Templo Apollinis* Basilicam excitare potuisset , ni prius idem Templum funditus evertisset , ut una opera et fabulosi Numinis superstitionem deleret , et amplioram novae Basilicae aream explicaret ?

<sup>1</sup> apud Mabill. in Act. SS. Ord. S. Bened. Sec. III. par. II. p. 515. et Ann. Bened. lib. xxxvii. n. 13. ann. 870.

<sup>2</sup> T. I. p. 91.

<sup>3</sup> de vi. Aet. Mundi ad ann. 4259.

<sup>4</sup> T. xvi. Bibl. PP.

Quae quum ita sint, si inficiari nequit, Petrum in *Templo Apollinis* pridem sepultum, illud profecto dicendum esset, aut Petrum in Templo, de quo disputamus, *Petronillae* deinde sacro, sepultum fuisse, quod nemini adhuc in mentem venit; vel duo in Vaticano, *Apollinis* Templia exstisset; quod etiam omnium plane scriptorum testimonio adversatur, unum omnino *Apollinis* Templum in regione XIV. agnoscentium. Hoc enim tantum abest, ut potius nonnulli fuerint, qui ne hoc ipsum quidem in ea exstisset opinati sunt, quemadmodum Bencinius<sup>1</sup>, et Vignolius<sup>2</sup>; qui, ut suam fulciret sententiam, praeterea adjunxit, hoc a Panvinio inter aedificia regionis XIII. recenseri. Quod tamen perperam ab eo affirmatur, quum illud Panvinius in regione XIV, quae Vaticanum complectebatur, numerarit, nec ullam contra in regione XIIII, nempe in Aventino, *Apollinis* aedem memoraverit. Itaque si unum dumtaxat Templum *Apollini* sacrum ibidem fuit, quod certo deprehenditur, tum ex allatis scriptorum testimoniis, tum ex ipsa Anastasii auctoritate, qui semel, iterum, ac tertio illud nominat, sentiendum omnino est, extra Circum Neronianum eo loco fuisse, ubi Petri Confessionem, seu Martyrion veneramur. Recte igitur Marlianus, cui Severanus, et Marangonius<sup>3</sup> subscripsere, *Apollinis*, et *Martis* Templia, quae in Vaticano fuisse prohibentur, in sua veteris Romae Ichnographia, supra Circum delineavit; ac perverse ceteri autores in ipso Circo collocarunt, ubi B. *Petronillae*, et D. N. M. *Febrifugiae* Templia exstabant.

Verum prae ceteris acu rem tetigisse videtur Tibe-

<sup>1</sup> T. I. Anast. Blanch. p. 6.

<sup>2</sup> T. I. in vita S. Petri p. 8.

<sup>3</sup> nel divoto Pellegrino guidato, ed istruito nella visita delle IV. Bas. p. 148.

rius Alpharanus, qui <sup>1</sup> designat *Templum, olim Apollinis,*  
*postea S. Petri.* Quod item pluries <sup>2</sup> confirmavit in alte-  
 ro opere toties a nobis memorato, ad cuius calcem pro-  
 lixum auctorum elenchum adtexuit, ex quibus constat,  
*Petrum Romae in Vaticano crucifixum, et ibidem sepultum.*  
 Ait enim. *Venerandam B. Petri Confessionem, quae est ante,*  
*et sub dicto Altari majori juxta locum, ubi mortem pro*  
*Christo Domino crucifixus oppetiit, totam laminis argen-*  
*teis exornarunt.* Atque alibi. *L'Altar Maggiore di S. Pie-*  
*tro, posto, siccome per authorità amplissime, et dignissime*  
*se po confirmare, nel med. luogo, dove S. Pietro fu croci-*  
*fisso, et sepolto.* Et perciò sotto questo Altare se chiama Con-  
 fessione, quasi dicat, locus Martyrii, ubi Petrus confes-  
 sus est fidem Christi, et pro ea, Capite verso, fuit  
 Cruci affixus, ibique animam Deo reddidit, et sepultus.  
 Ac rursus in eamdem sententiam alio loco. *Questa Ba-*  
*silica con bellissime colonne, et marmi, pitture, ornamenti,*  
*et doni fu condecorata, che senza questa ragione non haverebbe*  
*avuta causa de hedificare qui l'Ecclesia ad honor de S. Pie-*  
*tro, se non per la dignità potissima del luogo.*

<sup>1</sup> MSS. Alb. de Sacros. Vatic. Basil. descriptione, lit. d. ichnographiae.  
 tam veteris, quam novae structuræ <sup>2</sup> MSS. p. 6. et 16.



## C A P V T I I I.

*De Templo rotundo S. Petronillae.*

Jam ex his , quae hactenus adscripsimus , satis , opinor , intelligitur , Templum , de quo nunc agitur , nusquam *Apollini* sacrum fuisse . Videndum nunc est , quo tempore erectum fuerit , cuique Coeliti dicatum . Nam licet , quae hactenus exposita sunt , verum *Apollinis* Templum alibi exstisset demonstrant , tamen hoc , de quo disputamus , a Pontificibus fuisse constructum , uti generatim asserit Fontana , minime probant .

Nam reponi cum Vegio posset , *Apollini* dicatum fuisse , inseguutis temporibus , quibus Circus ludorum spectaculis inservire desueverat ; vel si minus *Apollini* , alteri cuidam fabuloso Numini fuisse postmodum ab Ethniciis consecratum . Quapropter illud quidem argumentum a Fontana praetermissum est , quod unum prae ceteris valuisse , ad refellendam eorum opinionem , qui hoc Templum *Apollini* sacrum fuisse , memoriae mandarunt . Etenim si demonstrasset , a quo , quaue aetate revera constructum fuerit , tunc omnia profecto evertisset argumenta , quibus contraria poterat fulciri sententia . Quocirca , quum ab eodem frustra suppetias me hac in re exspectare agnovissem , ceteros scriptores consulendos esse duxi . Hoc autem a multis tentatum , neminem adhuc plane assequutum comperi ; ut planum fiet , si omnium sententias audiamus .



## §. I.

*Templi Conditor inquiritur.*

**A**c, qui hoc Templum Christianorum opus fuisse judicarunt, hos duas velut in classes partiri possemus. Non nulli enim fuerunt, qui hujusce Templi constructionem Constantino tribuerunt, quos inter praecipue numerandus est Turrigius, qui ex nescio quo Vaticani Tabularii mss. haec refert<sup>1</sup>. *Templum rotundum, instar Sacristiae, a Constantino aedificatum, et sub Iulio II. demolitum, in quo Corpus ejusdem Virginis Petronillae quiescebat, et a Regibus Francorum dotatum.* Cui quidem sententiae ita ipse subscripsit, ut tamen continenter adseruerit<sup>2</sup>, Apollinis *Templum fuisse, postea in sacrum Dei cultum conversum.*

Communis ceterorum Scriptorum opinio est, hoc Templum a *Paullo I. Pontifice e fundamentis excitatum. Ita Severanus*<sup>3</sup>. *Ecclesiam S. Petronillae Paullus I. aedificavit anno DCCLVII, eoque transtulit sequenti anno ejusdem Corpus ex ejus coemeterio in via Ardeatina.* Id etiam protulit Joh. Bapt. Costagutus hujusmodi verbis<sup>4</sup>. *Paolo I. vi edificò anch' egli il Tempio, che fu dedicato a S. M. della Febbre, con l'altro consacrato a S. Petronilla, benchè da alcuni si dica, che facesse solamente trasportare il suo Corpo dalla via Ostiense nel Tempio d' Apollo, che a lei dedicò, e che a S. M. della Febbre dedicasse il Tempio di Marte, contro ciò, che scrive Anastasio, che questi Tempj fossero fatti demolire da Costantino.* Verum Ciampinius<sup>5</sup>, *Apollinis Templum postea a Paullo I. SS. Pontifice in divini cultus honorem consecratum, esse scripsit; atque alibi*<sup>6</sup>. *Templum*

<sup>1</sup> p. 149. <sup>2</sup> p. 146. <sup>3</sup> p. 92.

<sup>5</sup> c. xvi. p. 139.

<sup>4</sup> Architet. della Bas. di S. Pietro p. viii.

<sup>6</sup> §. xi. p. 88.

hoc a S. Paullo I. *egregie ornatum*, *dedicatumque* S. Petronillae *Virgini* fuisse confirmavit. Post haec, quis sibi persuaserit, eum ipsum paullo ante, alio loco, illud nec Templum *Apollinis*, neque a Paullo I. Petronillae dedicatum agnovisse? En ejus verba<sup>1</sup>. *Templum* S. Petronillae *dicatum*, *extra formae orbicularis*, *intus vero formae octangularis*, ab Honorio I. *Summo Pontifice exstructum*, *ut in Pontificali*, ac *eiusdem Pontificis vita*.

Ciampinii vestigiis inhaerens Bonannius ait<sup>2</sup>. *Templum* S. Petronillae *sacrum*, *formam orbicularem in muris exterioribus habens*, *intus vero octangularem*. A Paullo I. *factum* ait Alpharanus litt. d. Tab. *Ichnogr. cum Anastasio*. *Ciampinus* sub num. 153. cap. IV. sect. 12. *asseritque exstructum ab Honorio*. Quod autem Bonannius in Ciampino observavit, Janningi diligentiam fugit, qui asserit<sup>3</sup>, *Severanum*, et *Ciampinium ex Alpharano et Baronio facere Ecclesiae fundatorem S. Paullum I*; quod quidem de Severano vere dictum, haud ita vero de Ciampinio, qui, ut vidimus, Honorio etiam, *Templi constructionem assignat*. Praeterea quum Alpharani, et Baronii verba diligenter contulisset, ut animadverterem, an Severanus, et Ciampinius eorum auctoritati innixi, *Paullum I. hujusce Templi conditorem recte statuissent*, unum Baronium hoc affirmasse reperi, qui hujusce rei testem Anastasium appellat. Nam Alpharanus a Paullo I. *Templum exornatum*, minime vero *aedificatum* pronuntiat. Qua de re iterum in errorem lapsum Janningum deprehendi, unaque cum eo Bonannum, quippe qui ab Alpharano *Paullum I. hujus Templi conditorem habitum fuisse pronuntiant*. Quod ut Lectoribus aperte constet, ejusdem

<sup>1</sup> p. 93.<sup>2</sup> p. 30.<sup>3</sup> Sect. vi. n. 388. p. 156.

Alpharani verba , cum aliorum auctorum sententiis , qui itidem hujusce Templi ortum a *Paullo I.* repetunt , paullo infra opportunius subjungam . Interea Baronii locus in medium afferendus est .

Itaque ad annum DCCLVIII. haec habet<sup>1</sup>. Petronillae autem memoriam apud S. Petri Basilicam in Vaticano fuisse Anastasius inferius in eodem Paullo , dum agit de Oratorio illi ab ipso constructo , his verbis meminit . Ac proinde Anastasii verba subjicit , quae nostra , ac lectoris intererit audire<sup>2</sup> . Infra Ecclesiam B. Petri Apostoli , foris muros hujus Civitatis Romanae , noviter Oraculum in S. Dei Genitricis honorem construxit juxta Oraculum B. Leonis Papae , secus fores introitus B. Petronillae , atque B. Andreae Apostoli , musivo , et diversis metallis illud adornans , ubi et effigiem S. Dei Genitricis in Statua ex argento deaurato , quae pensat libras centum , constituit , in quo oraculo et sepulturam sibi construit . Incredibile dictu est , quam multos scriptores hic Anastasii locus deceperit , quem veluti suae de *Paullo I.* hujus Templi Conditore opinonis fundamentum protulerunt . Si tamen eum diligenter excutias , inde unum illud extundes , *Paullum I.* noviter Oraculum , sive Oratorium infra Ecclesiam B. Petri , quae nondum Vrbis Pomoerio inclusa erat , in honorem S. Dei Genitricis exstruxisse , quod musivo opere , variisque metallis ornatum , Canonicus Romanus<sup>3</sup> complurium SS. exuviiis decoratum , Mulieribus impervium , aeneisque cancellis munitum , ac propterea titulo S. M. de Cancellis , sive de Oratorio , postmodum venisse tradit . Verum nihil unquam certe ex eo erues , quo probari possit , *Paullum I.* Oratorium S. Petronillae aedificasse .

<sup>1</sup> n. r. ad ann. DCCLVIII.    <sup>2</sup> in vita S. Pauli T. II. §. vi. p. 130.    <sup>3</sup> tit. xiiii.

Ex ipsis enim Anastasii verbis, ( quae indiligerent, atque incuriose Fr. Blanchinius, aliquique explanatores ab eo prolati praeterierunt ), luculenter apparet, uti recte Janningus <sup>1</sup> animadvertisit, illud exstisset, priusquam Paulus I. alterum Deiparae sacrum aedificaret. Siquidem hoc *juxta Oratorium S. Leonis Papae* ex una parte, et *secus*, seu *juxta fores introitus S. Petronillae*, *atque B. Andreae* ex alia parte, constructum fuisse narrat. Quae quidem manifeste probant, tria isthaec Oratoria, eretta prius fuisse; quum enim id aliunde constet de *Oratorio S. Leonis*, non minus, quam de illo *S. Andreae*, tum de hoc altero *S. Petronillae* tenendum est, quod et illa ipsa verba *secus fores introitus S. Petronillae*, per se sese satis aperte significant. Verum quum fortasse quispiam suspicari posset, primum a Paullo I. *S. Petronillae* Templum, ac deinde *Oratorium B. V.* exstructum, alia etiam ad hujus loci illustrationem opportuna reservamus, quae inferius proferentur.

Jam vero inquirendum est, num *Honorius I*, quod placuit Ciampinio, idem Templum a fundamentis erexerit? Hanc autem Ciampinii opinionem, quam sibi repugnans, sectatus est etiam Joh. Bapt. Vaccondius <sup>2</sup>, qui alibi <sup>3</sup> *Templum Apollini* sacrum putavit, Bonanno tantum innotuisse, non item Janningo, et Bull. Vat. editoribus, ex eo palam fit, quod de ea ne verbum quidem apud utrosque. Janningus enim, postquam *Paululum* I. ejusdem conditorem fuisse improbavit, haec tantum subnectit <sup>4</sup>. *Quis porro hoc construxerit, ignorare prorsus malo, quam operose in tenebris indagare.* Bullarii vero

<sup>1</sup> T. VI. Junii p. 157.

di Roma 4700. 12. p. 114. <sup>3</sup> ib. p. 106.

<sup>2</sup> Notizie Istoriche delle IV. Basiliche

<sup>4</sup> T. VI. Junii p. 150.

Vaticani editores, quo loco Innocentii II. diploma illustrant, haec habent<sup>1</sup>. Splendidum sane Templum a Paullo I. P. ejusdem S. Virginis nomine, et exuviosis D. O. M. dicatum, quod nonnulli Principes, et Galliarum Reges aliquot, ac praesertim Romani Antistites, ut apud Anastasium Bibliothecarium videre est, quamplurimis donis cumularunt. Atque alibi. Duo, inquiunt<sup>2</sup>, erant Templa ejusdem structurae, orbicularis exterius, interius vero octangularis, quorum formam, et situm habemus in Tabula Ichnographica Alpharani. Horum primum, quod S. Petronillae Virgini S. Paullus I. dedicarat, excisum fuit, ubi novae Basilicae jacta sunt fundamenta. Ac paullo infra haec addunt<sup>3</sup>. De S. Petronillae Oratorio Anastasius Bibl. loquitur in Sanctissimi Hadriani, Leonis III, et Leonis IV. vita, Basiliacam, Mausoleum, et Ecclesiam appellans, quod animadvertisit etiam Martinellus<sup>4</sup>, ubi tradit cum Grimaldo fuisse rotundum illud Templum perquam simillimum alterius S. M. de Febris, ac postea excisum, sui tantum vestigia reliquisse, ubi nunc est Absis australis Bas. Vat., seu SS. Simonis, et Iudae Altare. Apollinis olim Templum fuisse, Antiquarii omnes tenent. Nardinus<sup>5</sup> id probari non posse admonet. Utcumque sit, Petrus Mallius, Vegius, Panvinius, Alpharanus, et prae aliis Baronius<sup>6</sup> a S. Paullo I. huc translatum volunt S. Corpus S. Petronillae, ac tum coepisse ita nuncupari. Quum autem Anastasius in Paulli ejusdem vita loquatur de Oratorio S. M. V. ab eo Pontifice exstructo juxta Oratorium S. Leonis Papae, secus fores introitus S. Petronillae, haud obscure innuit majorem antiquitatem. Quam hactenus incompertam perinde mihi, atque aliis omnibus

<sup>1</sup> T. I. p. 41.<sup>4</sup> p. 384.<sup>2</sup> T. II. p. 201.<sup>5</sup> reg. XIV. c. xiiii.<sup>3</sup> ibid. p. 259.<sup>6</sup> anno DCCLVIII. num. I.

fuisse, non diffiteor. *Quia scilicet de ipso Templo Apollinis in S. Petronillae converso, parum constat inter Scriptores, tum veteres, tum recentes.*

Verum est, quod Scriptorum, ceteroqui doctissimorum, constantiam desiderem. Hujusce enim ingenuae confessionis oblii alibi sententiam suam ita produnt<sup>1</sup>. Sanctae Petronillae *Corpus pro temporum vicibus in varia Bas. Vat. loca translatum est.* *Iulii II. aetate, disjecto celeberrimo Templo, quod Paullus Papa I. excitandum curaverat, in Sacrario ejusdem Basilicae aliquandiu stetit.* Atque hujusmodi opinionem eam profecto esse, quae iis magis arrisit, ex pluribus ejusdem Bullarii locis perspicue constat. Vbi enim Templorum numerum recensent, quae Vaticanam Basilicam circumstabant, ajunt<sup>2</sup>. Petronillae rotundum *Templum prope Basilicam a S. Paullo I. aedificatum.* Ac rursus sub nomine *Paulli I.*<sup>3</sup> *Paullus I. Fundator magnificus Ecclesiae S. Petronillae.* Ac denique, ubi texunt elenchum sacrarum Aedium, juris Basilicae, haec adjiciunt<sup>4</sup>. *S. Petronillae rotunda, juxta veterem Basilicam, nunc apsis brachii dexteri augusti Templi Vaticani, ubi SS. Simonis, et Iudae Corpora servantur, a S. Paullo I. magnifice aedificata.* Qua in re non gravate, ut arbitror, quisque mihi assentietur, doctos hosce Viros, non sibi semper, ut porro debebant, constitisse, nec satis dictorum pugnam, et inconstantiam cavisse. Horum tamen sententiae quasi nefas esset repugnare, imo vero decreter omnino acquiescere, ceteri auctores subscribendum putarunt. Concinunt enim his Sindonius<sup>1</sup>, et Joh. Pe-

<sup>1</sup> T. II. p. 205.

<sup>2</sup> in Indice T. II.

<sup>3</sup> ibid.

<sup>4</sup> ibid.

<sup>5</sup> Presj della Basilica Vaticana  
pag. 132.

trus Chattard<sup>1</sup>, qui omnium postremus Templi Vaticani descriptionem aggressus est.

Quae quidem quum ego pervolutassem, ac memor sane essem, ipsum Maph. Vegium usque a Sec. xv. ingenue pronunciasse, quo tempore Aedes S. Petronillae fuisse constructa, *nihil* unquam, quod certum constaret, ab se repertum esse, parum abfuit, quin paene animum de hujus Templi adsequenda origine desponderem. Non enim adeo mihi blandiebar, ut quum nemini tantorum Virorum sim, neque ingenio, neque eruditione comparandus, quod eorum aciem fugit, in meam tanto hebetorem, ac tardiorum incurreret. Ac quum attente Honorii I. vitam semel, atque iterum perlustrassem, ne ullum quidem verbum inveni, quod doceret, ab eo Templum S. Petronillae erectum fuisse; ac sane miratus sum Ciampinii confidentiam, qui libri Pontificalis auctoritate fultus, id asserere non dubitaverit, quod falsum omnino esse constat.

Verum, qui Anastasii vitas libentissime percurrere suetus sum, quod in iis illustria maximorum Pontificum gesta, omnium laudibus, et admiratione dignissima, tamquam in speculo, luculenter intueri liceat, recordatus repente sum, quiddam olim de S. Petronillae Templo in vita Stephani II. me offendisse. Quumque librum pervolutare accepisset, magnopere laetus sum, operam me non lusisse, ingentemque laboris mei fructum reportasse. In eo enim reperi veram, aliisque inobservatam celeberrimi Templi originem, quae graviter hallucinatos esse demonstrat, qui vel fabuloso Numini a Romanis erectum, vel a Constantino, seu potius ab Ho-

<sup>1</sup> T. I. c. xviL p. 19.

norio , aut a *Paullo I.* aedificatum fuisse , praefracte contendebant . En autem ipsa *Anastasii* verba , ex Cod. *Alexand.* II. Sec. XI. accepta , quae *Templi* originem *Stephano II.* , seu III, ( quod cum *Baronio* volunt eruditiores <sup>1</sup> ), deberi produnt in ejus Pontificis vita <sup>2</sup> , quaeque mihi gemmis , auroque contra cara fuisse non diffitebor . Fecit et *juxta Basilicam B. Petri Apostoli* , et ab alia parte *B. Andreea Apostoli* , in loco , qui *Mosileos* appellatur , *Basilicam in honorem S. Petronillae* , quia in *Francia* spoponderat , ut *B. Petronillae Corpus ibidem collocarent* , ubi posuit canistra argentea multa , et alia plurima ornamenta , quae ibidem dedicavit . Quid hujusmodi verbis disertius esse poterat ? quid ad rem nostram accommodatius ? Itaque , quis. unquam sibi persuaserit , non dicam *Baronium* , sed ipsos nostrae aetatis scriptores , *Anastasii* testimonium protulisse ad *Templi* hujus aedificationem *Paullo I.* asserendam , quum contra *Anastasius* perspicuis verbis affirmet , *Stephanum II.* , qui *Paullo I.* antecessit , ejus Conditorem fuisse ? Ita , quod in *Anastasio* scriptum nusquam erat , quamplures videre sibi visi sunt ; quod scriptum erat , suaque veluti sponte sese in oculos ingerebat , hactenus vidi nemo . Sed accidit saepe numero , ut quae vel oculis exposita sunt , atque patent , non videamus , dum illud inquirimus , quod haud quidem re , sed in speciem dumtaxat existit .

Constat igitur , anno DCCLVI . *Stephanum II.* , ut Regi Pippino ejusdem *S. Virginis* studiosissimo gratificaretur , *Templum* in ejus honorem a fundamentis excitas-

<sup>1</sup> Joh. Mabillonii observatio de *S. Gregorio II.* ubi de *Zacharia* , *Stephano II.* , &c; II. in *Actis SS. Bened.* sec. III. P. I.

p. 521. Steph. Bonafaccia de X. Stephanis

Pontificeibus , ac simul de omnibus illustribus Viris , qui Stephani nomen habuerunt . 4.

<sup>2</sup> T. II. p. 124. edit. Vignol. §. LII.

se , ad partem australem veteris Basilicae , ut eodem sacras Petronillae exuvias transferret . Sane enim decebat , ut , quemadmodum M. Attilius Serranus pie animadvertit <sup>1</sup> , quam a Patre vitae sanctitate minime degenerasse cognovimus , una cum illo communem sepulturae locum habentem veneraremur .

§. I.

*De B. Petronillae ad hoc Templum translatione  
e Coemeterio Viae Ardeatinae .*

Quod Stephanus inopina morte sublatus , praestare minime potuit , Paullus I. perfecit , cui consilii sui absolvendi gloriam reliquit . Ut enim praeter Baronium <sup>2</sup> , Ciacconius <sup>3</sup> refert , Paullus in Coemeterio antiquo in sepulcro marmoreo invenit Corpus B. Petronillae Filiae B. Petri , his litteris praenotato .

AVREAE PETRONILLAE FILIAE DIGNISSIMAE .

quod argentea capsa inclusum , congregato Clero , universoque Pop. Rom , ex via Appia in Vaticanum detulit . Quae in Chronico Sigeberti Gemblacensis , usque ad annum mcxii . deducto , confirmantur , ubi ad annum DCCLVIII , commutato indicatae inscriptionis verbo , legitur . *Corpus S. Petronillae Petri Apost. Filiae a Paullo Papa transponitur , in cuius marmoreo sarcophago ipsius Apostoli Petri manus sculptum legebatur . . . . Haec eadem quamplures alii memoriae consignarunt . Sed praeterire non possum , quae de eadem translatione tradidit Petrus de Natalibus , qui ,*

<sup>1</sup> de vii. Ecc. p. 28.

<sup>2</sup> anno DCCVIII. n. I.

<sup>3</sup> T. I. col. 533.

4 M. Vegius . p. 82. Romusldus Archiep. Salernitanus in Chronico , a Grimaldo . fol. 38. prolatus . Panvinius . T. II. p. 30.

Alpharanus . Platina in Paulli vita . Thomas Wegelinus in Oratione de V. Paullis Romanis , per diversa temporum interolla , Pontificibus , eorum vitam , et res gestas breviter complectent . Argentor. 1609. Boldettus de Coemeteriis SS.

ut jure notat Daniel Papebrochius<sup>1</sup> in *Commentario praevio*, *notis*, et *analectis ad acta Paulli Pontificis*, plura de ejus vita memoriae consignavit. Ait enim. *Hic constituit divina officia celebrari in Quadragesima ante Sextam.* *Hic congregatis Sacerdotibus, et Clero, ac Populo universae Vrbis, Corpus B. Petronillae de loco, ubi quiescebat extra portam, Via Appia, abstulit, una cum Sarcophago marmoreo, in quo legebatur titulus, manu propria B. Petri Apostoli sculptus.*

AVREAE PETRONILLAE DVLCISSIMAE FILIAE.  
quod *plaustro impositum intra Vrbem in B. Petri Eccl. collocavit.*

Verum licet ab Anastasio id aperte desumi nequiret, argui tamen ex eo etiam facile posset ubi sacros Martyrum cineres sollemni pompa in Templa e cryptis a Paullo translata fuisse tradit. Ita enim in ejusdem *Paulli vita*<sup>2</sup>. *Hic BB. Pontifex cum omnibus spiritualibus suis studiis magnam sollicitudinis curam erga SS. Coemeteria indesinenter gerebat.* *Vnde cernens plurima eorumdem SS. Coemeteriorum loca neglectu, ac desidia, antiquitatis maxima demolitione, atque jam vicina ruinae posita, protinus eadem SS. Corpora, de ipsis dirutis abstulit Coemeteriis.* *Quae cum hymnis, et canticis spiritualibus infra hanc Civitatem Romanam introducens, alia eorum per Titulos, ac Diaconias, seu Monasteria, et reliquas Ecclesias cum condecorati studuit recondi honore.* Id autem de B. Petronillae exuvii potissimum praestitisse *Paullus* dicendus est, ut in illud Templum inferret, quod haud ita pridem constructum fuerat, atque exornatum a Stephano Fratre, qui *Dei vocatione*

Martyrum. lib. II. c. xvii. p. 551. Georgius in Scholiis ad Adonis Martyrologium. d. xxxi. Maii p. 241. Janningus in Historico Commentario de S. Petronilla. T. vii. Maji

p. 421., et Cennius in notis ad Epistolam Paulli I. ad Pippinum in Codice Carolino.

<sup>1</sup> T. V. Junii p. 378.

<sup>2</sup> T. I. §. iv. p. 128.

*vitam finiens ad aeternam migravit requiem , quin voti sui compos esse potuerit . Qua de re factum esse arbitror , ut omnes Templi erectionem , cum S. Petronillae Corporis translatione confundentes , utramque uni Paullo tribuerint .*

Quamquam quid agimus conjecturis ? quum ex insperato mihi datum sit , hoc idem ex ipso Anastasio certissime confirmare ? Nimirum hoc ille abunde testatur apud Fabrottum , qui Velserianam editionem Libri Pontificalis , variis lectionibus mirifice supplevit , ex per vetusto Codice Marquardi Freheri desumptis . Ibi autem in vita S. Paulli ita res diserte narratur<sup>1</sup> . *Paullus operabatur in Coemeterio , ubi prius B. Petronilla sita quiescebat , foris Porta Appia , milliario Vrbe Roma secundo , et exinde ejus venerabile , ac sanctum Corpus cum sarcophago marmoreo , in quo reeonditum inerat , abstulit sculptum litteris ita*

#### AVREAE PETRONILLAE FILIAE DVLCISSIMAE .

*Vnde non dubium est , quin sculptura illa litterarum , propria B. Petri Apostoli manu designata dignoscitur ob amorem suae dulcissimae Natae , ipsumque sanctum Corpus cum praefato sarcophago , posito supra plaustrum novum , in Ecclesiam Beati Petri Apostoli cum hymnis , et canticis spiritualibus ejus Beatus deportavit , et in Mausoleo , juxta Ecclesiam B. Andreae Apostoli , quod praefatus BB. Stephanus Papa ejus Germanus , dum adhuc superstes erat , Ecclesiam in honorem ipsius Sanctae Christi Martyris Petronillae , picturae miro de core illustravit .*

Quis autem non miretur , hujusmodi rem , quam in vita Stephani II. luculenter Anastasius tradit , in altera Paulli I. diserte confirmat , adhuc a nemine detectam fuisse ? Ceterum , ut dicam , quod est , Boldetto , et Cen-

<sup>1</sup> p. 248. T. II.

nio , qui vitae *Stephani* II. locum non animadverterunt , haud aeque ignota fuerunt Freheriani Codicis verba , quae non minus veram originem , ac situm Templi *S. Petronillae* , quam sacri ejusdem Corporis translationem declarant . Nihilominus non satis constat , num iis omnem Boldettus omnino fidem tribuerit ; certe hanc rem prorsus silentio praeteriit . Constat vero , quod multo minus exspectandum erat , Cennium iis minime persuasum fuisse , ac in sua haeresi quodammodo perseverasse . Fuit enim is unus ex Bullarii Vaticani editoribus ; neque tamen illustres socios , quibus de hoc Templo , multoties , uti vidimus , disserendum fuit , de Anastasio hujusmodi loco admonuit , atque in Indice totius operis ab se concinnato , ubi sese omnia simul collegisse , manuque lectorem ad suas , ac sociorum adnotaciones adeundas , ducere gloriatur , *Paullum* I. Templi conditorem pluries , ut jam ostendimus , enunciavit . Quare statuere jure possumus , Templi *S. Petronillae* origines , licet ab Anastasio memoriae traditas , et in Codice Freheriano enucleatus confirmatas , nunc primum liquido patere .

## g. III.

*De Templo B. Petronillae in via Ardeatina .*

Sed , ut eô , unde evagati sumus , regrediamur , *Paullus* I. ex antiquo Coemeterio in via Ardeatina ( erat illud *Flaviae Domitillae* sacrum , in cuius praedio ad II. extra Vrbem miliare ad Thermas Antoninianas constitutum fuit , et *SS. Nereos* , et *Achillei* , quod ibidem sepulti essent , nuncupatum ) *S. Virginis* exuvias argentea capsæ inclusas , omnis ordinis Viris principibus comitantibus , et plaudentibus , densaque populi multitudine undique cir-

cumfusa, sollempni pompa in Templum a Germano Fratre aedificatum transtulit. Alia enim exstitit aedes, ejus memoriae antiquitus consecrata, quae supra idem Coemeterium exstructa fuerat. Mitto Eccardum<sup>1</sup>, Albertinum<sup>2</sup>, Aringhium<sup>3</sup>, Boldettum<sup>4</sup>, Petrum Morestelum<sup>5</sup>, aliosque, quorum testimoniis quid opus est, quum multo suppetant vetustiora? Templum S. Petronillae via Ardeatina exstitisse constat ex *notitia Ecclesiarum Vrbis*, quae Alcuino inscribitur, ubi legimus<sup>6</sup>. *Iuxta viam Ardeatinam, Ecclesia est S. Petronellae, ibi quoque Sanctus Nereus, et S. Achilleus sunt, et ipsa Petronella sepulti.* Hoc item liquet ex altera *Notitia Vrbis Romae* apud Willielmum Malmesburiensem, ubi haec occurunt<sup>7</sup>. *Inter viam Appiam, et viam Ostiensem, est via Ardeatina, ubi sunt Marcus, et Marcellianus, et ibi jacet Damasus Papa in sua Ecclesia, et non longe S. Petronilla, et Nereus, et Achilleus, et alii.* Adde Anonymum Sec. ix. apud Montfauconum<sup>8</sup>, Mabillonum<sup>9</sup>, et Blanchini<sup>10</sup>, qui describens iter a Bas. S. Paulli, via Ostiensi, ad Sebastiani via Appia ad Mill. II. ait. *Vsque ad S. Paullum Apostolum. Inde ad S. Felicem, et Adauctum, et Emeritam. Deinde ad Sanctam Petronellam, et Nereum, et Achilleum.*

Quid? quod antequam inde *Paullus I. Petronillae Corpus transferret*, Gregorius III. ibi stationem instituit? Audi Anastasium in ejus vita<sup>11</sup>. In Coemeterio S. Petronillae stationem annuam instituit, ubi obtulit coronam auream,

<sup>1</sup> de Reb. Franciae.

<sup>6</sup> T. II. Par. II. in Append. II. ejusd.

<sup>2</sup> de mirab. Vrb. Rom.

Opp. edit. Froben. p. 599.

<sup>3</sup> lib. II. c. xviii. p. 481.

<sup>7</sup> lib. IV. de reb. gest. Reg. Anglor. in

<sup>4</sup> lib. II. c. xviii.

Willielmo II. <sup>8</sup> in Diar. Ital. p. 145.

<sup>5</sup> Pompa Feralis, sive Iusta Funebria Veterum.

<sup>9</sup> T. IV. veterum Analect. p. 502. 513.

lib. IV. c. xii. Paris. 1648. 8. et

<sup>10</sup> T. II. Anast. p. cxvii.

in T. XI. Thes. Graevii p. 1422.

<sup>11</sup> T. II. p. 54.

*calicem, et patenam argenteam, seu et alia diversa ad ornamentum Ecclesiae pertinentia. Quo ex loco facili negotio Muratorii<sup>1</sup>, et Galliciolii<sup>2</sup> errorem deprehendemus.*

Indiculus SS. Martyrum LXIV, quorum *Olea Sancta* Gregorius M. ad Theodelindam<sup>3</sup> Langobardorum Reginam Lagunculis transmisit, ex ipso autographo in papyro aegyptiaca exaratus, ac Mediolani a Mabillonio<sup>4</sup> descriptus, deinde a Ruinartio<sup>5</sup>, Muratorio<sup>6</sup>, et Gallicolio<sup>7</sup> in lucem editus, cuius apographum exstat nunc in novo Tabulario *Sacrarii Vaticani*, exhibet *Oleum S. Petronillae Filiae S. Petri Apostoli*. Ruinartius<sup>8</sup> hujusmodi *Olea* de lycnis, quae Romae ad *Martyrum in corpore quiescentium* sepulcra ardebant, desumpta fuisse conjectit. Sed quum locus perquam insignis vetustissimi Caeremonialis apud Macrum<sup>9</sup> doceat, *Acolythum in eodem Stationis die ex Ecclesia, ubi celebrabatur, deferre Papae frustillum elychnii oleo lampadis ejusdem Ecclesiae intinctum*, siccirco Duo viri eruditissimi Muratorius, et Gallicolius in eodem Indice, *Oleorum nomine, elychnia illa stationaria intelligere maluerunt*. Quae quidem elychnia in lucernis, et cereis adhibita veteres *Papyrus* vocasse, pluribus Mabilnius<sup>10</sup>, et Cangius demonstrant, ac praesestim Benedicti Canonici auctoritate, cuius illa sunt verba<sup>11</sup>. *Finita Missa, Acolythus debet tollere papyrus, et intingere in Oleo candelae, et diligenter extergere, et portare ad Pala-*

<sup>1</sup> Anecd. T. II. p. 191.

<sup>4</sup> in Epist. de cultu SS. ignotorum p. 120.

<sup>2</sup> T. ix. opp. Greg. in Isag. Liturg. c. XIV.  
pag. 293.

<sup>5</sup> ad Acta MM. p. 540.

<sup>3</sup> I. Ant. Dinovart Observation sur les huiles des Saints Martyr, envoyées par S. Gregoire le Grand a Theodolinde, et sur ce qu'on appelloit Brandea. T. XII. du Journ. Eccl. p. 284.

<sup>6</sup> loc. cit. <sup>7</sup> loc. cit.

<sup>8</sup> loc. cit.

<sup>9</sup> in Hierolexico p. 580.

<sup>10</sup> in T. iv. Act. SS. Ord. S. Benedicti in Vita S. Othmari p. 152.

<sup>11</sup> T. II. Mus. Ital. in Ord. XI. p. 134.

tium ante Pontificem dicens . Jube domne benedicere . Pontifex benedit . Ille vero dicit , hodie fuit Statio ad Sanctam Sabinam , quae salutat te . Pontifex respondet . Deo gratias . Acolythus repraesentat ei papyrus , qui osculatur eum pro devotione Sanctae , et dat eum Cubiculario . Cubicularius reponit , et diligenter observat usque ad mortem Pontificis . Et sic fit in omnibus stationibus . Ad mortem facit ex eis pulvillum , et ponit sub capite ejus in sepulchro . Quae quidem fortasse cuidam in mentem revocabunt , quae tradit Festus de Struppis , sive fasciculis de verbenis , qui pro Deorum capitibus in pulvinaribus ponebantur . Sed , ut profana deseramus , Galliciolius suspicatus est <sup>1</sup> , non modo veteris consuetudinis , indicandae Stationis in sacro sollemni vestigium aliquod superesse in hodierno more publicandi Indulgentias , verum etiam alterius usus afferendi elychnia intacta Oleo ex lampade Eccl. Stationis ad Pontificem , quamdam veluti imaginem superesse , penes nonnullos Monachos , qui nonnihil olei <sup>2</sup> ex lampade aliquujus Sancti , piis Mulieribus , Virisque solent impertiri .

Verum , ut in *Onomastico rituali* adnotavit nunquam sine laude nominandus Franciscus Ant. Zaccaria , etsi de multis , quod Muratorio , et Galliciolio placuisse vidimus , sine veritatis dispendio concedi potest , generatim tamen falsum est , ipsaque *Olei S. Petronillae* mentio in Indiculo facta , clarissime ostendit . Qum enim *Gregorius III.* primus stationis in Sanctae illius Ecclesia auctor fuerit , qui stationaria ejus Aedis elychnia designare Indiculus poterit , a *S. Gregorio M.* confectus ?

Ad translationem redeamus . Eam a *Paullo I.* fere

<sup>1</sup> in Isagoge Liturgica p. 295.

<sup>2</sup> V. Mabillonum de extrema unctione

in praef. ad Acta SS. Ord. Ben. Sec. I.

p. 47.e: in T. I. Disc. Pop. Dei Fleury p. 33.

sub sui Pontificatus initia , curatam crediderim , anno scilicet DCCLVII , quo ix. Maii Pontifex renunciatus fuerat . In Capitulari Evangeliorum Thomasiano <sup>1</sup> , quod Galliciolius <sup>2</sup> recudit , ix. Octobris notatur *Translatio Corporis Sanctae Petronillae* ; uti etiam in vetusto Lucensi Capitulari Evangeliorum , quod Fr. Ant. Zaccaria <sup>3</sup> recens edidit . Doctissimus Card. Thomasius , cui calculum adjectit Galliciolius , haec ad Stationem a Gregorio III , ut diximus , institutam spectare , subtimide suspicatus est . Verum , postquam a Paullo I. e cryptis translatum scimus Petronillae Corpus , cui tam violenta interpretatio adrideat ? Statuamus igitur potius , *Paulum* an. DCCLVII , ix. Octobris , translationem illam peregisse , qua die in Vrbe olim hujusmodi translationis memoriam celebratam fuisse , compertum est .

Cur autem in Inscriptione in ejus loculo inventa , *Petri Filia* appellata fuerit , idque utrum de spirituali adoptione accipiendum sit , quemadmodum ipse Petrus <sup>4</sup> et Filium suum Marcum vocavit , ex Bedae sententia <sup>5</sup> , et in actis S. Thome , Pelagia Virgo , ejusdem Thome Filia nuncupatur , si cui minus explorata res est , is praetermissis Joh. Friderici Mayeri <sup>6</sup> , Joh. Andreae Schmidii <sup>7</sup> , et S. Kirchmayeri <sup>8</sup> dissertationibus , adeat Baronium <sup>9</sup> , et Tillemontium <sup>10</sup> , ac praecipue Bollandianos <sup>11</sup> , apud quos multa de hac controversia erudite disputata reperiet , quae quidem missa faciam , ne extra aleam vag-

<sup>1</sup> T. v. p. 500.

<sup>7</sup> De Conjugio Apostolorum . Rotemburgi 1697.

<sup>2</sup> T. xI. Ven. edit. S. Greg. M. p. 412.

<sup>8</sup> de Petri Apostoli Conjugio . Wittemb. 1684. et ibid. 1713.

<sup>3</sup> T. I. Bibl. ritual. p. 221.

<sup>9</sup> T. I. num. xxiI. et xxiv. ad ann. LXIX.

<sup>4</sup> c. v. 13.

<sup>10</sup> T. I. p. 189.

<sup>5</sup> in Cap. v. epist. I. Petri .

<sup>11</sup> T. viI. Maii p. 421. et T. iv. Oct. p. 2.

<sup>6</sup> de Apostolis uxoratis. Helmstadii 1704.

et Witteber. 1734.

ri , et actum agere videar . Qua de caussa nihil aequ dicam de Petronillae <sup>1</sup> historia febris laborantis , intercessione Discipulorum cum Petro discubentium a Parente sanatae , et ob hanc caussam a febricitantibus invocatae , ac de actis SS. Nereos , et Achillei supra indicatis , ubi multa de Petronilla Filia , paralysis morbo a Petro liberata occurunt ; quippe quae S. Augustinus in apocryphis Manichaeorum scriptis notata deprehendit , ac praeterea iisdem actis , quibus parum fudit Baronius , omnem prorsus fidem resignarunt Tillemontius , Sollerius <sup>2</sup> , de Vitry <sup>3</sup> , Zaccaria , aliique , quidquid contra Marangonio visum sit .

## §. IV.

*De situ novae Basilicae Vaticanae , in quo vetus  
B. Petronillae Templum exstebat .*

Age vero , quoniam hujus Templi originem deteximus , situm etiam , si fieri potest , proprius ostendamus . Idem ita indicatur in notitia Ecclesiarum Vrbis apud Alcuinum . Egrediente vero accipiet Sanctus te Martinus , et deducet ad S. Petronellam . Ibi te primo accipiet Salvator Mundi , adsignatque Sanctae Anastasiae , et illa Sanctissimae Genetrici Dei , quae te commendat Sanctae Petronellae , ut te deducat ad Filium suum Salvatorem Mundi , qui te per B. Theodorum mittit ad Sanctum Michaelem Archangelum . . . Curre ad praesepem Sanctae Mariae , eoque osculato , perge ad Porticum Petronellae . Verum quum haec obscura sint , et ambigua , nonnulla indigent explanatione . Nemo autem , ut Martinellum praeteream , cujus verba jam supra recitavimus , Grimaldo clarius , Templi positum de-

<sup>1</sup> apud Hospitianum de origine Festorum p. 87.

<sup>2</sup> in not. ad Martyr. Vsuardi.  
<sup>3</sup> in Tumul. T. Flavii Clementis .

signavit . Refert enim<sup>1</sup>, Julium II, quum Templi Vaticani aedificium a fundamentis excitare ingenti ausu aggressus esset, priusquam, adstante Purpuratorum Patrum Senatu, comitantibus Romanae Curiae ordinibus, sollempni ritu, ac pompa, anno MDVI. xvi. Kal. Majas, lapidem sacrum auspicalem tantorum operum suis manibus collocaret, processionem habuisse ab Ara maxima per Cappellam S. Petronillae, quae erat in loco, ubi nunc Sacellum SS. Apostolorum Simonis, et Iudee ad Aegyptum . Hic locus est platea lapidarum, et Ecclesia S. Stephani Majoris retro apsidam Basilicae, quam incolunt Mauri Abyssini, ex concessione Capituli, forte Aegyptus, ob Mauros ipsos, vel Aegyptios ibi habitantes . Idem etiam alibi confirmat hujusmodi verbis<sup>2</sup> . Templum rotundum sub nomine Sanctae Petronillae Virginis, olim inani cultu Apollini dicatum, situm tum erat in dextera Vaticanae Basilicae parte, in loco, ubi nunc est Sacellum Apostolorum Simonis, et Iudee in apsida novi Templi, quae ad meridiem vergit, Mausoleum S. Petronillae a Scriptoribus appellatum, quod ob parietum crassitudinem, et firmissimam e lateribus structuram, sumptuosum sane, et insigne opus fuit .

S. v.

*Templi formae, atque Altarium descriptio .*

Post haec, de Templi structura, deque ejus Altaribus, et ornamentis disserendum est, ac denique nonnihil de rebus memorabilibus ibidem gestis, ac de ejus demolitione adjungendum, ut omnes ejus vices complectamus . Interea, dum hoc praestabimus, datam etiam fidem

<sup>1</sup> in MSS. de Sacros. Sudario f. 97., et apud Bonannium p. 56.

<sup>2</sup> in lib. Instrum. fol. 37. et apud 8indoniu[m] de Altaribus, et Reliquiis B. V.

solvemus. Quum enim pollicitus sim, me Alpharani verba allaturum, qui latius de hac Basilica pertractavit, modo, ut par est, promissum impleo. Itaque de ea in hunc modum disseruit<sup>1</sup>. Sed ad S. Petronillae Templum ingrediamur a S. Paullo magnificentissime exornatum, ejusdemque Virginis honori dicatum, quod quidem octangulare, atque rotundum erat, et rotunda testudine, sive fornice, instar tholi, operiebatur, eratque longitudinis, et latitudinis ab intra per diametrum palmorum 75. altitudinis vero palmarum 55. in quo etiam intra parietum crassitudinem octo Sacella per circuitum erant; in unoquoque angulo Sacellum unum, et singula Sacella aequalia erant; latitudine, et longitudine palmarum 20, et singula habebant Altaria diversis Sanctis dicata, quae a nonnullis Pontificibus, et S. R. E. Cardinalibus erant magnificentissime exornata, atque dotata, quae omnia in dissectione dicti Templi, et Basilicae exoleverunt. Quae quidem in suum opus paene ad verbum transtulit Ciampinius<sup>2</sup>, qui cum Alpharano perperam affirmavit, octo Cellas ibidem fuisse, etsi sex tantum fuerant suis Altaribus instructae, quum aliarum locum duo tantum aditus occcuparent, quorum unus ad Altare S. Andreae vulgo attributum, atque inde in Basilicam Vatic. alter ad Aedem rotundam S. Mariae a febris, de quibus paullo infra disseremus, transitum pandebant. Idque de Alpharano Bonannius<sup>3</sup> etiam notavit, non item de Ciampinio, etsi hujus verba paullo ante retulisset.

Qualia vero fuerint Altaria, et quibus sacra, praestat modo indagare. Sed quum Severanus in sua ichnographia nullam heic Cellam, aut Altare nominatim desi-

<sup>1</sup> MSS. c. xii. p. 59. et apud Sindonium  
de Altaribus, et Reliquiis Bas. Vat. p. 34.

<sup>2</sup> p. 30  
<sup>3</sup> p. 88.

gnet, ex Alpharano singula eorum nomina indicabimus. In primis, inquit<sup>1</sup>, a dextra parte hujus primi Sacelli, per quod est transitus<sup>2</sup>, et introitus ad dictum Templum, sequebatur aliud Sacellum<sup>3</sup> contra Aquilonem, et Occidentem positum, cum Altari S. Salvatoris de Abundantia nuncupatum, quod quidem Dominus Neapolio de Domo Vrsinorum, Manupelli Comes, eo quod Antiqui de Domo sua erexerant, et dotaverant, aliquantulum exsordescens, mandavit in testamento Io. Comiti Manupelli ejus Filio elegantius restitui, et magnificentius dotari. Et ita factum fuit post mortem ejus; et denique ex humanis decedens, cum suis majoribus, et cum D. Thoma de Vrsinis Rom. de Manupello S. R. E. Diac. Card. S. M. in Dominica, honorificentissimo tumulo positus fuit. Eadem a Paullo de Angelis, Ciampinio<sup>4</sup>, et Janningo<sup>5</sup> notantur, et confirmantur in MS. apud Turgium, ubi legitur<sup>6</sup>. In eodem Templo S. Petronillae erat quoddam Sacellum magnae devotionis, et optime dotatum sub invocatione S. Salvatoris de Abundantia, a Neapolione Comite Manupelli, ut in libro beneficiorum, ubi haec legas<sup>7</sup>. In nom. D. amen. Anno D. Millesimo ccclxix. Pontificatus Dñi Vrbani PP. V. Obiit bo. me. magnificus vir D. Neapoleo de domo Vrsinor. Comes Manupelli pro cuius anima magnificus vir Dñs Iohannes Comes Manupelli Filius suus, juxta mandatum dicti Comitis sui factum in testamento suo emit Basilice nostre duas partes Castri Podii S. Petri, positi extra Portam Salariam, ut suis finibus terminantur pro XII.<sup>c</sup> I. flor. de quibus ipse Dñs Iohannes Filius d. Comitis solvit mille flor. auri. Reliqui II.<sup>c</sup> I. soluti fuerunt de pecunia Executoris bo. me. Rñi in Christo Prioris, et Dñi Dñi Annibaldi Episcopi Tusculani S. R. E. Cardinalis Archipresbyteri

<sup>1</sup> ms. p. 60. <sup>2</sup> n. 156. <sup>3</sup> n. 157. <sup>4</sup> p. 88. <sup>5</sup> p. 157. <sup>6</sup> p. 393. <sup>7</sup> p. 283.

supradicte Basilice ; ita quod fuit ordinatum per Capitulum , quod fiat anniversarium pro anima sua , in Capella Salvatoris de abundantia , sita in S. Petronilla etc. Eamdem Cellam Antonius Petri ita memorat <sup>1</sup> in *Diario Romano* ex MS. Codice Bibl. Esthensis a Muratorio in lucem edito . Die Sabbati 15. Novembris 1410. obiit de bona morte magnificus vir Golinus de Domo Vrsinorum , in domo olim Nardi Maxii , et nunc Pauli de Vrsinis in Regione Arenulae . In die Dominico 16. dicti mensis , fuit factum exsequium dicti Golini , cum maximo honore , et sepultus in Basilica S. Petri , in Cappella S. Salvatoris de Abundantia .

Altera Cella <sup>2</sup> B. M. Annuntiatae titulo decorabatur , quam Maria de Comitibus vetustate , ac senio fatiscentem restituit , atque dotavit . Sed lubet heic addere , quae de hoc Altari memoriae consignavit Alpharanus . Iuxta d. Sacellum , inquit <sup>3</sup> , et Altare per circuitum sequebatur aliud Sacellum <sup>4</sup> cum Altari S. M. V. sub invocatione Annunciationis ad Occidentem , quod quidem Maria de Comitibus , paullo ante nostra tempora , restituerat elegantissime , optimeque dotaverat , instituens Capellanum , qui esset semper de gremio Beneficiatorum Basilicae pro salute animae suae , et Viri sui Simonetti de Graffignanis Armorum Ductoris , et Petri Francisci ejus Filii , juxta dictum Sacellum sepulchorum ; post quod Sacellum , quando Basilicae novae fundamentum operiebatur , fovea magna , quae ibi aderat , impleta fuit ossibus defunctorum innumerabilibus , e sepulcris dicti Templi S. Petronillae erutorum .

Neque omittendum est , quod in Necrologio Vat. <sup>5</sup> occurrit . xvII. Kal. Dec. In nomine D. Amen MCCCCCLXX.

<sup>1</sup> T. xxiv. rer. Ital. col. 1021.

<sup>3</sup> ms. p. 60. et in T. 1I. Bull. Vat. p. 336.

<sup>2</sup> lit. K.

<sup>4</sup> num. 158.

<sup>5</sup> p. 162.

Obiit magnificus vir D. Simonettus de Graffignanis Armor. Ductor, et magnificus Vir Patronus Frañcus ejus Filius pro quor. animab. magnifica Dña Maria de Comitibus Vxor Dñi Simonetti, et Mater dicti Dñi Petri Frañci construxit unam Cappellam sitam infra Cappellam S. Petronillae ad honorem D. Marie, sub vocabulo Annuntiationis ejusdem etc. In qua corpora prefator. dñor. requiescunt etc. Item de hoc ipso Altari sunt accipienda, quae legimus in eodem Necrologio<sup>1</sup>. xiiii. Kal. Aug: Isto die Sancte Margarite dñs Iohannes Vvete, filius Guillelmi, et Margarite de Anglia Presbyter Novvincens. Dyoc. pro devotione, et reverentia dicte S. Margarite donavit nobis viginti ducatos aureos, pro reparatione domorum d. Basilice, cum promissione, quod Vicarius, Prior, Canonici, et Capitulum dicte Basilice teneantur solvere annuatim in primis Vesperis, et Missa d. festi, Bolognenos quadraginta inter Canonicos, Beneficiatos, et Clericos prefate Basilice, et Mansionariis pro pulsatione Campanarum P. vii, et fiat officium B. Margarite in Cappella, que constructa est sub vocabulo Annuntiationis B. Marie Virginis prope Sacristiam, ubi depicta est immago Sancte Margarite predicte.

Deinde, pergit Alpharanus, sequebatur aliud Sacellum<sup>2</sup> ad Occidentem, et Meridiem respiciens cum Altari; cui vero dicatum fuerit, et a quo etiam dotatum, exolevit. Sequebatur Sacellum, ut ait Paullus de Angelis<sup>3</sup>, olim S. Petronillae V. Filiae S. Petri, a Ludovico Rege Francorum dotatum, ubi erant sepulta Agnes Henrici II, et Maria Thermantia Honorii Imperatorum Vxores. Huic contiguum fuisse tradit Alpharanus<sup>4</sup> Sacellum ad Orientem aliorum superadictorum simile, per quod erat<sup>5</sup> transitus ad Templum

<sup>1</sup> 101.<sup>2</sup> num. 159.<sup>3</sup> p. 90.<sup>4</sup> ms. n. 161.<sup>5</sup> num. 162.

Martis , postea nuncupatum Templum S. M. de febris , per quem transitum connectebantur dicta duo Tempa , a cuius sinistra parte , ante ingressum dicti Sacelli a sinistris , inter Orientem , et Boream , intra dictum S. Petri Templum , sequebatur aliud Sacellum <sup>1</sup> cum Altari , cuius consecratio , et fundatio nos latet .

Sed libet paullo diutius in Cella principe hujus Tem- pli immorari , quam Alpharanus graphice depingit , cuius verba exscripsit Ciampinius <sup>2</sup> tacito , ut solet , ejus no- nomine , a Sindonio item evulgata <sup>3</sup>. Iuxta hoc Sacellum , inquit <sup>4</sup> , sequebatur aliud Sacellum vetustissimum , et longe praestantissimum ad meridiem cum Altari , in honorem Sanctae Petronillae Virginis B. Petri Apostolorum Principis Filiae consecrato , quod e regione respondet Altari S. Andree Apostoli ad Aquilonem , quod erat ante introitum dicti Tem- pli ; quod quidem Altare S. Petronillae , simul ac Templum elegantissime exornaverat Paullus I , ibique sub Altari ejusdem Petronillae Virginis Corpus ex via Ardeatina , sollemni processione translatum in nobili marmoreo labro condiderat , cum hac inscriptione marmori insculpta

AVREAE PETRONILLAE DVLCISSIMAE FILIAE  
ut ex P. Mallio , et reliquis antiquis Ecclesiasticis scriptori- bus collegimus , et nos propriis oculis labrum marmoreum has inscriptione insculptum vidimus , et contrectavimus , postquam dictum Corpus intra Basilicam translatum fuit ad Altare SS. Crucifixi . Quae quidem ab eo fortasse desumpta ex M. Vegio conjicio , qui ait <sup>5</sup> . Nec vero omittendum est id , quod antiqua monumenta , ceterique auctores tradiderunt , in Altari Petronillae Corpus ejus , ac pretioso quidem in sarcophago translatum , reconditumque fuisse a Paullo Papa ,

<sup>1</sup> n. 163.<sup>2</sup> p. 88.<sup>3</sup> p. 34.<sup>4</sup> n. 160.<sup>5</sup> c. iv. n. 127. p. 182.

*cujus ante meminimus, cum titulo simul, quem B. Petrus eidem addiderat, hujuscemodi*

## AVREAE PETRONILLAE DILECTISSIMAE FILIAE

Ac demum audias Panvinium haec eadem ita enarrantem<sup>1</sup>. *Templum S. Petronillae dextera Basilicae parte fuit, parum infra transversam Basilicae Crucem, antiquum admodum, nobili, magnaque impensa, et miro cultu elaboratum, in quo Altare ejusdem Sanctae fuit, sub quo ipsius Corpus jacuit pretioso sarcophago, translatum ibidem ex Coemeterio Viae Appiae, ac reconditum a Paullo Papa, qui illud invenit cum ejusmodi titulo*

## AVREAE PETRONILLAE DVLCISSIMAE FILIAE

§. VI.

*Dona eidem Templo a Pontificibus collata.*

Hanc Basilicam toto Orbe celeberrimam, ( sic enim ipsum hoc Petronillae Templum vocabant ) praecipuo honore a Romanis Antistitibus cultam fuisse, luculenter demonstrat Anastasius. Narrat enim, Stephanum II,<sup>2</sup> qui Basilicam in ejus honore construxit, ibidem posuisse canistra argentea multa, lampades nimirum, instar canistri, quibus lampadarium ipsum instruebatur, et alia plurima ornamenta, quae ibidem dedicavit ad Petronillae exuvias in Aedem ab se excitatam, sollemni apparatu excipiendas. Quid vero Adrianus I, postquam eaedem in nova hac sede relligiosissime colebantur? Fecit in Basilica B. Petronillae, Anastasius<sup>3</sup> reponit, ad B. Petrum Apostolum arcus argenteos vi. pensantes libras L. Hic tamen, ut infra ex M. Vego<sup>4</sup> observabimus, hoc idem Templum, una cum al-

<sup>1</sup> ms. c. xvI. p. 26.

<sup>2</sup> T. II. §. LII. p. 125.

<sup>3</sup> T. II. §. LXXVIII. p. 222.

<sup>4</sup> n. 114. p. 80.

tero S. Stephani Minoris , Monasterio S. Stephani Majoris  
subjicit .

Sed levia haec fortasse , et vulgaria , si cum iis ,  
quae de Leone III. tradidit Anastasius , conferantur . Nam <sup>1</sup>  
*in Altare B. Petronillae posuit vestem de stauraci unam ha-*  
*bentem paraclysim de blattis , seu chrysoclavo . Praeterea <sup>2</sup>*  
*in Altare B. Petronillae fecit vestem albam holosericam cum*  
*tabulis de chrysoclavo , et Cruce , et ibidem Presbyterium ex*  
*marmoribus sculptis decoravit ; fecit et columnas argenteas sex ,*  
*et regulares duos pensantes simul libras LXXX. Nec satis . Su-*  
*per <sup>3</sup> Altare B. Petronillae , ubi supra , fecit regnum aureum*  
*cum gemmis pretiosissimis pensans libras II , et uncias III.*  
Adde , quod fecit <sup>4</sup> Venerabilis , et paeclarus Pontifex su-  
*per Altare B. Petronillae Ciborium cum columnis porphyre-*  
*ticis ex argento purissimo mirae magnitudinis decoratum , pen-*  
*sans libras trecentas quadraginta , et octo , atque imaginem ar-*  
*genteam stantem sub arca de ipso ciborio , pensantem libras de-*  
*cem , et semis . Nam Ciboria , sive umbracula columnis*  
*quattuor innixa attollebantur , et in fastigiatam formam*  
*educta totum Altare congebant , quemadmodum pluribus*  
*demonstravit Cl. Paciaudus <sup>5</sup> . Verum non his con-*  
*tentus Pontifex munificentissimus , alia quoque , plena*  
*manu , adjunxit ornamenta . Pergit enim Anastasius in ejus*  
*vita <sup>6</sup> . Investivit Altare B. Petronillae ex argento purissimo*  
*deaurato diversis ornatum picturis undique , pensans libras CLXII,*  
*et uncias VIII. Ac paullo infra <sup>7</sup> . Et in Musileo B. Petro-*  
*nillae , quod ponitur ad B. Petrum Apostolum , fecit coronam*  
*ex argento pensantem libras XX. Quae quidem coronae mo-*

<sup>1</sup> T. I. §. VIII. p. 241.

bellae gestatione Comentarius . cap. IX.

<sup>2</sup> ibid. §. XXXV. p. 261.

Romae 1752.

<sup>3</sup> ib. §. LV. p. 274. <sup>4</sup> ib. §. LX. p. 277.

<sup>6</sup> T. I. §. LXVIII. p. 282.

<sup>5</sup> ΣΚΙΑΔΙΟΦΩΦΗΜΑ , sive de Vm-

<sup>7</sup> ibid. §. LXXII. p. 285.

do aureae , modo argenteae , per catenulas Templorum laquearibus supra sacram mensam appendebantur , ut prolati exemplis docent Bulengerius <sup>1</sup> Ioh. Marnavitius <sup>2</sup> , et Fontaninius <sup>3</sup> . Ac rursus in eadem vita <sup>4</sup> . In Musileo B. Petronillae , quod ponitur ad B. Petrum Apostolum , fecit vela alba majora , tria minora , octo ornata in circuitu de quadrapulo , et cortinam majorem albam unam ornatam in circuitu de fundato . Ac demum <sup>5</sup> . Super Altare B. Petronillae fecit vestem albam holosericam rosatam , habentem in medio Crucem de chrysoclavo , et in circuitu ornatam de Tyrio . Ex quibus patet , Leonem III. singulari erga Petronillam pietate incensum fuisse , qui praeterea , teste eodem Anastasio <sup>6</sup> , in Basilica B. Petri Apostoli , ( cui refert Grimaldus apud Turrigium <sup>7</sup> , donasse in auro , argento , et aliis , scuta monetae Papalis ducenta triginta septem millia , et eo amplius ) deorsum ubi sacratissimum Corpus ipsius Principis Apostolorum requiescit , renovavit imaginem auream habentem vultum Salvatoris D. N. I. C. , ac S. Dei Genitricis Mariae D. N. et BB. Apostolorum Petri , et Paulli , atque Andreae , nec non et B. Petronillae Martyris , ubi et addidit auri obrixi libras XXI , et uncias III. Iure igitur si Gregorius II. Leonem Isauricum incusavit , quod <sup>8</sup> Ecclesias Dei denudarit , quas Sancti Patres convestierant , et ornarant , omni commendatione prosequendus est Leo III , qui tam lauta , ac magnifica supellectile Petronillae Aedem instruxit ,

<sup>1</sup> De Donariis Pontificum lib. II. c. vii.  
Lugduni 1631.

<sup>2</sup> Diss. pro sacris Ecclesiarum ornamentiis , et Donariis , contra eorum detractores . Romae 1635. 8.

<sup>3</sup> de Corona Ferrea Langobardorum . cap. ix. Romae 1717.

<sup>4</sup> T. II. §. LXXXVI. p. 299.

<sup>5</sup> ibid. §. cl. p. 309.

<sup>6</sup> ibid. §. cx. p. 314.

<sup>7</sup> p. 486. Dan. Papebrochii de S. Leone Papa III. Commentarius historicus . in T. II. Iunii p. 572. Ioh. Gottl. Fabri Dissertatione historica de Leone III. Pont. Rom. Tubingae 1748. 4.

<sup>8</sup> Epist. I. Labbi Conc. Collect. T. vii.

adversus Rodulphi Hospiniani <sup>1</sup>, ejusque sectatorum criminationes, qui donaria, atque anathemata a Templis eliminanda esse, nefarie arbitrantur.

Verum alii etiam Pontifices Leonis III. religionem in *S. Petronillam* sunt aemulati, ac illius *Templum opulentis donariis cumularunt*. *Leo* enim IV, ut Anastasius <sup>2</sup> testatur, *vestem fulgidae visionis in Basilica S. Petronillae perfecit, habentem rotam, aquilamque cum Cruce de chrysocavo, et gammadiis unam*. Quem Anastasii locum perperam, mea quidem sententia, *Vgolinus de Aede*, quam *B. Petronillae* sacram fuisse vidimus in *Via Ardeatina*, in *Coemeterio Domitillae*, interpretatus est. Nam praeterquamquod eidem nusquam *Basilicae* titulum datum fuisse animadvertisimus, contra quam de Templo, in quo versamur, factum novimus, quisnam sibi persuadeat, *Leonenem* IV. veterem *B. Petronillae* Ecclesiam ornare maluisse, quam novam, ubi sacrae ejusdem Virginis exuviae colebantur? Quapropter ad hoc etiam *Templum referendum esse arbitror* alium Anastasii locum in ejusdem Pontificis vita, ubi ait <sup>3</sup>. In Ecclesia *B. Petronillae* fecit vestes de fundato tres, et vela duodecim, quattuor quidem de fundato, et tres de spanisco, et linea quinque.

Haec autem, aliaque etiam inferius proferenda, iis addi velim, quae cc. vv. *Franciscus Baertius*, et *Conradus Ianningus* <sup>4</sup> in *historico Commentario de S. Petronillae Virginis Romanae obitu, spirituali Patre S. Petro, cultu, reliquiis, quarum variae aliarum synonimarum sunt*, hanc in rem adnotarunt. Nam quae ad *Leonem* III. tan-

<sup>1</sup> in *Historia Sacramentorum*. lib. I. c. I.

et seq. Tiguri 1598.

<sup>2</sup> T. III. §. xxxvI. p. 89.

<sup>3</sup> ibid. §. LXXXVI. p. 124.

<sup>4</sup> T. viI. Mzji p. 421.

tum pertinent", protulisse eos reperi, quibus exceptis, ne ullum quidem verbum adjiciunt de hoc Templo sane celeberrimo, de quo pauca tantum Ianningus inseruit<sup>1</sup>, ubi de Basilica S. Petri, iisque adjunctis Sacellis erudite disputavit.

## §. vii.

*De variis ejusdem Templi nominibus.*

Jam vero vidimus, hoc Templum ab Anastasio, Ecclesiam, Basilicam, Mosileum, et Musileum indistincte appellatum esse. Si quis autem haereret ad postrema hujusmodi verba, is facilis negotio eorum intelligentiam assequetur, dummodo haec pro Mausoleo frequenter usurpata, ex Ducangii doctrina accipiat. Nam Musilei vocem, ut eruditus Fabrettus<sup>2</sup> animadvertisit, tamquam amanuensis mendam in Anastasio corrigendam, perperam existimavit Alteserra. Siquidem eamdem ex recta Mausolei voce derivatam, et corruptione non unius seculi, pluribus modis detortam demonstrat istiusmodi exemplis. Apud Gruterum<sup>3</sup> occurrit MAESOLEVM quoddam Nemausi<sup>4</sup>, MESOLEVM Paulli Militis Tarragonensis<sup>5</sup>, MESOLVM . M. SELI . ORCILI . via Flaminia ad laevam inter miliar. II, et III, nec non MOESILEA apud Frontinum de *limitibus*, quo in loco Rigaltius in explanationibus MVSILEVM adducit. Ac demum inter tot verbi hujusce depravationes, MAVSOLEI vestigium reperiri, Fabrettus conjecit in denominatione ISILEO, cuiusdam insigni sepulcrali rotundae formae monumento, tunc temporis inhaerente ad XI. lapidem veteris yiae Tus-

<sup>1</sup> Sect. F p. 157. T. vi. Iunii.<sup>3</sup> p. CDXCVI. 7.<sup>2</sup> in Synt. de Colum. Trajani c. viii. p. 252.<sup>4</sup> p. DLVI. 2.<sup>5</sup> p. DCVII. 1.

culanae. Quibus , praeter alia duo *Musilei* exempla , in Leonis III. vita nuper a nobis redditā , illud etiam MO-SILEOS in vita *Stephani* II. a Fabretto adjici poterat .

E quidem scio , eximium Virum Scipionem Massejum in artis Criticae Lapidariae fragmentis , quae Donatus edidit<sup>1</sup> , vocem MESOLAEVM inter spurias , ac rejecticias adnumerasse . Tot tamen monumenta , in quibus hoc nomen , ac similia occurrunt , falsitatis arguere , nonne perniciosissimi exempli facinus videri possit ?

At unde nam huic Templo *Mausolei* nomen? Cave , Vignolii sententiae subscribas , qui hoc Templum *Mosileos* vocatum fuisse arbitratus est , quod esset aedificium rotundum , alteri , quod ei proximum erat , non absimile . Hoc enim verbum non satis recte ab eo explicatur ; quum constet , nuper dejectum *Sacrarium* , etiamsi ejusdem fuerit formae , atque structurae , nusquam tamen *Mosileos* nomine venisse . Neque vero audiendi sunt ii , qui potius hoc Templum *Musileum* fortasse nuncupari consuevisse , opinati sunt , vel quia octogonae esset figurae in modum Hemisphaerii assurgens ; vel ex eo quod ejus parietes marmoribus , et opere musivo circum undique ornati essent , etsi postremae huic opinioni locus favere videtur apud Anastasium , qui ita habet<sup>2</sup> . Et ingresso Silverio cum Vigilio solo in *Musileum* , ubi Antonina Patricia jacebat in Lecto , et Belisarius Patricius sedebat ad pedes ejus .

Verum recte Barpholemaeus Plaza<sup>3</sup> arbitratus est ,

<sup>1</sup> p. 196.

Comment. praeivium ejus vitae in T. IV.

<sup>2</sup> T. I. §. VIII. p. 211. in vita S. Silverii.

Iunii pag. 13. et Gottl. Wernsdorfi

V. Dan. Papebrochii Diss. de ordinatione,

Dissert. de Silverio , et Vigilio . Wit-

et abdicatione S. Silverii , atque Vigilii

teb. 1739. 4.

subrogatione . in Propyleo Maii p. 80. et

3 de vii. Eccl. p. 51.

usurpata omnino esse, in aliis Anastasii locis *Musilei*, et *Mosileos* vocabula, quod illustriores in eo defuncti se peliebantur, quemadmodum paullo infra demonstrabimus. Nam, teste Pausania<sup>1</sup>, qui de Sepulcro, quod *Mausoleus* Halicarnassi habebat, septem Orbis miraculis adnumeratum<sup>2</sup>, edisserit, Romani rei miraculo adducti, non solum magnificentissima quaeque apud se monumenta, Mausolea appellarunt, sed etiam communia, ut supra vidi mus, fuseque demonstrant Bellorius<sup>3</sup>, et Ficoronus<sup>4</sup>, privatorum hominum sepulcra, hoc titulo donata fuerunt. Profecto, quae ad B. Petronillae *Mausoleum* pertinent, Ducangius pro loculo, in quo reconditum erat S. Virginis Corpus, accipienda esse scripsit, eademque notione exemplis vitarum S. Godebertae<sup>5</sup>, S. Johannis Abatis Parmensis<sup>6</sup>, S. Raymundi Episcopi<sup>7</sup>, et Harmeri<sup>8</sup>, *Mausolei*, et *Musilei* voces usurpatas esse probavit.

Quae quidem Panvinium hallucinatum fuisse demonstrant, qui<sup>9</sup> hoc nomen ad unum *Augusti Mausoleum* pertinuisse scripsit, cui iccirco referendam esse docuit

<sup>1</sup> in Arcad. l. viii. c. xvii.

<sup>2</sup> V. Leonem Allatum. in notis ad Phylonem Byzantium. Cuperum. de Apotheosi Homeri pag. 236. et Baylum. in Diction. Historico-Crit. Ioh. Terrini. Dissertation sur deux Medailles grecques l'une de Mausole, et l'autre de Pixodarus, Rois de Carie. Exst. in Diario Sapient. Amst. Febr. 1685. pag. 62. Ioh. Christophorum Avenarium. in Dissert. de Artemisia, et Mausoleo. Lipsiae 1714. Loescherium. Reflexions sur une Medaille d'Artemise Reine de Carie, et de son Mausolee. Potsdam 1748. 8. Aulysium de Gymnasi constructione, et de Musolaci Architectura. Neap. 1693. in T. vii. Sallengre p. 889. Com. de Caylus Dissert.

sur le Tombeau de Mausole. dans le T. xxvi. de l' Hist. de l' Acad. des Inscr. pag. 267.

<sup>3</sup> Veterum sepulcra, seu Mausolea Romanorum. Romae 1699. fol. Lugd. Batav. 1728. et in T. xi. Thes. Gronov.

<sup>4</sup> in Diss. Italica de Bulla aurea Pueror. Nobil. Rom. 1732. 4.p.29.V. Sarnelli del Musaico, o Musivo. in T. ix. Liter. Eccl. pag. 29.

<sup>5</sup> T. ii. SS. Aprilis Boll. p. 36.

<sup>6</sup> T. v. Maji p. 183.

<sup>7</sup> T. iv. Iunii p. 133.

<sup>8</sup> de Miraculis S. Namilii Epise. Andegavensis.

<sup>9</sup> in Comment. Rom. Reip. lib. i. ad Reg. ix. p. 201.

M. Vlpii Aegli Trajani Liberti *Mausolei Procuratoris* Inscriptiōnem a Grutero<sup>1</sup>, et Fabretto<sup>2</sup> evulgatam, ac recens a Steph. Ant. Morcellio<sup>3</sup> scite admodum illustratam. Quamquam Panvinii errorem alia sunt, quae redarguant. Nam praeterea non solum ejusdemmodi nomine *Adriani* sepulcrum, sed *Heleneae Augustae* Basilica donata fuit, quam in Cod. Vrbin. MISILEVM pro MAVSOLEVM vulgo nuncupatam esse notat Vignolius<sup>4</sup>, nec non Sanctae Constantiae Templum in via Numentana, ut infra observabimus.

## §. viii.

*De rebus memorabilibus ibidem gestis.*

Plurima in promptu habemus argumenta, quibus evincamus, Templum hoc jam inde a primordiis summa relligione, omniq[ue] aetate, et ab omni fere natione fuisse cultum. Ut enim Pipinus Rex, Templum rotundum S. Virgini a Stephano aedificatum, et a Paullo dicatum fuisse intellexit, Filiam, quam ex Bertrada Vxsoretum suscepérat, mirabili pietatis exemplo, Romam deferri jussit, ut a Pontifice sacro regenerationis lavacro in eadem S. Petronillae Aede ablueretur. Quod incredibili caeremonia a Paullo I. eodem modo, quo Stephanus Frater sibi<sup>5</sup> Pipinum Regem cum duobus Filiis Lutetiae Parisiorum adsciverat, praestitum est. Illam enim e sacro fonte, tamquam Regiam Filiam suscepit, Gislanæ, seu, ut aliis placet, Giselae nomine imposito, Compatrio[n]que inde in posterum Pipinum appellavit, ut a

<sup>1</sup> p. CLXXV. 9.<sup>2</sup> de Col. Traj. p. 251.<sup>3</sup> de Stilo Inscr. Latin. p. 155.<sup>4</sup> T. I. §. xxvI. p. 100. in vita S. Silvestri.<sup>5</sup> Mabillon. ad Acta SS. Ord. S. Bened.

T. II. col. 524.

Belforestio<sup>1</sup>, et Arnoldo<sup>2</sup> accepimus, imo et ab ipsius Paulli epistola xxvII. in Cod. Karolino, cujus verba praestat heic subjicere<sup>3</sup>.

*Interea, Christianissime, Dei providentia Victor Rex, gemina festivitatis peregimus gaudia, in eo quod optata cordis adepti desideria, in vinculo spiritalis foederis, pariter sumus adnexi; praefatus nempe sodalitatis vestrae illustris Missus, (nimirum Wlfardus Abbas Martinianensis apud Turonos, de quo consule Mabillonum<sup>4</sup>), pretiosissimum nobis supernae gratiae munus attulit, Sabanum videlicet, in quo nostra dulcissima, atque amantissima spiritalis Filia sacratissimo lavacro abluta, suscepta est, quam et cum magna jucunditate, aggregata populi cohorte, infra Auram sacrati Corporis auxiliatricis vestrae B. Petronillae, quae pro laude aeterna memoriae nominis vestri nunc dedicata dinoscitur, celebrantes Missarum sollemnia cum magno gaudio suscepimus, et per allatum eumdem Sabanum, eam tamquam praesentialiter nos suscepisse gaudemus. Quae quidem, si cui forte obscura videntur, is consulat, moneo, doctissimas Cajetani Cennii adnotationes, qui tamen ad eas ita ingenue praefatus est<sup>5</sup>. Codex membranaceus, quo usi sumus, vetustus quidem est, et satis vetusto charactere exaratus, sed vitiosissime; ita ut minor forsitan labor esset stabulum Augiae expurgare, quam omnia exemplaris hujus menda tollere, quae emendet, qui in meliorem codicem inciderit. Nos interim arbitrati sumus, satius esse, Paulli Pont. epistolas qualicunque modo in luce versari, quam diutius in tenebris delitescere, et obsolescere.*

<sup>1</sup> iib. II. cap. iv.

<sup>2</sup> lib. iv. c. xxix. V. Turrigium Grotte Vaticane p. 148.

<sup>3</sup> Tom. I. p. 136, et apud Duchesne in

Hist. Franc. Script. T. III, et Muratorium in T. II. Rer. Ital.

<sup>4</sup> T. II. Ann. Ord. Bened. p. 168.

<sup>5</sup> T. I. Cod. Car. p. 1.

Illud tamen aperte patet , Regium hoc Templum , quod heic *Aulae* nomine designatur , ( ita enim pro *Aura* , quam posuit somniculosus scriba , legendum esse , cui dubium erit , quum sacras Aedes saepe ita nuncupatas fuisse plura doceant exempla <sup>1?</sup> ) pro laude , aeternaque memoria nominis Pipini a Paullo I. fuisse consecratum . Quae potissima caussa fuit , licet , ut Nic. Alemannus <sup>2</sup> animadvertisit , a doctis Viris ignorata , cur hanc Basilicam ceteri Francorum Reges , tam sancte deinde coluerint , ut infra declarabimus .

Quid vero hujusmodi exemplo illustrius , ac luculentius proferri potest ad probandum Patrinorum usum <sup>3</sup> ab *Hygino* institutum , a *Stephano* , et *Paullo* confirmatum , nullaque interruptione per omnes deinceps aetates conservatum? Ac praeterea , quod ad rem nostram magis interest , ac aeternae hujus Templi gloriae cessurum puto , hinc liquido constabit , a *Stephano* primum , alibi incoptam hujusmodi consuetudinem , Romae hoc loco a *Paullo* Fratre sollemnius confirmatam fuisse , ut Romani Pontifices Francorum Regum Liberos ad sacrum regenerationis lavacrum , in Filiorum locum susciperent .

<sup>1</sup> in Histor. Episc. Antissiod. in Diario Trevoltino anni 1714. p. 1976. et ibidem ex Caeremoniali Eccl. Girundensis . in vita S. Medardi Epis. Noviom. T. viii. Spicil. Acher. p. 405. et 409. T. iii. Annal. Benedict. p. 15. in descript. Cantuariens. Eccl. apud Gervasium Daobernensem , et lib. vi. Historiar. Eadmeri p. 141.

<sup>2</sup> de Parietinis Lateranensis p. 101. et in Thes. ant. Ital. Graevii T. viii. P. iv.

<sup>3</sup> Ioh. Georgius Simon de Patrinis, Guil. Saldenus , et A. Schuler de Susceptoribus, Sam. Wilchins. de Patrinis , Matrinisque ,

Gnil. Wilchius . de Fidejussoribus in Ecclesia veteri. Isaac Jundt. de Susceptoribus baptismalium origine . Gerhardus Van Mastricht. in Schediasmate de Susceptoribus infantum ex baptismo . Gottlob Ang. Jenichen. in prolusione de Patrinis, eorumque origine , numero , et sexu ; ceterique hujusmodi ritus Scriptores a Fabricio , Binghamo , et Zaccaria . T. ii. T. i. Bibl. Liturg. p. 423. et in Tom. I. de discipl. Pop. Dei Fleury Venet. 1782.4. p. 58. et in praemissa Bibliographia sacrar. Antiquit. memorati.

Sed nihilo minoris faciendum est, quod Karolus M. erga eamdem Virginem *Petronillam*, in eodem Templo praestitit. Quum enim Romam ad sollemnia Paschae cum Liberis venisset anno **DCCLXXXI**, ab Adriano efflagitavit, ut e sacro fonte in eadem Basilica Karlomanum Filium suum susciperet. Quod Pontifex, ut tradit Regino<sup>1</sup>, libentissime concessit, ablutumque Infantem a Pipino Karoli Patre nominavit, et Italiae Regem inunxit. Id autem Karolo M. pientissimo Imperatori, adeo gratum accidit, ut nullo non tempore gloriatus fuerit, se Romanum Pontificem *Compatrem* habere, atque hunc titulum apud ipsos Orientis Imper. de se<sup>2</sup> praedicaverit.

Verum Turrigio adsentire non possum, qui non multo post, Constantimum Graecorum Imperatorem, et Rotrundam Karoli M., et Ildegardae primae Vxoris Filiam matrimonio ibidem ab eodem Pontifice conjunctam fuisse tradidit. Nam ex Eginardo liquet in vita Karoli<sup>3</sup>, et ex ipso Codice Karolino<sup>4</sup>, eam innuptam permansisse.

## §. IX.

*Hagne Augusta ibidem sepulta.*

**Q**uid plura? quum e Germania Romam venit Hagne Augusta, Guillelmi Pictaviensis Filia, Henrici II. Vxoris, ut ex praescripto Alexandri II. privatam in Vrbe vitam sancte transigeret, magnam etiam diei partem, ante SS. Virginis exuvias moris habuit insumere, nec divelli ab ea, nisi aegerrime patiebatur. Quod quidem fortasse Mabillonio fraudi fuit, ut sibi persuaserit<sup>5</sup>, Hagne-

<sup>1</sup> in Collectione Schartii p. 28. V. Turrigium Grotte Vat. p. 148.

<sup>2</sup> in ep. Synod. ad Constant. et Iren.

<sup>3</sup> T. I. p. 351. et 383.

<sup>4</sup> T. I. p. 136. et seq. V. Pichler in Augusta V. Carolorum Hist. lib. I. P. I.n.25, et Maurinos Art de verifier les Dates.

<sup>5</sup> T. v. Annal. Ben. n.xxI. p.10. ad a.1068.

tem in *Monasterio S. Petronillae* fuisse versatam. Atqui compertum est, eam, quo usque Romae vixit, in Aedibus Lateranensibus commoratam, ibidem occubuisse. Praeterea nullum aliud ex priscis monumentis appetat Monasterium, *S. Petronillae* titulo insignitum, quam quod ab eodem Mabillonio<sup>1</sup> indicatur apud Plumbariolam, in Territorio Aquinensi prope Casinum, a Thasia Ratchii Ducis Vxsore, et Filia eorum Ratrude constructum, seu instauratum, de quo plura habemus apud Leonem Marsicanum<sup>2</sup>, et Anastasium<sup>3</sup>, ac praesertim apud eumdem Mabillonum in observationibus ad Libri Diurni Romanorum Pontificum supplementum<sup>4</sup>.

Ea vero erat Hagnae erga *Petronillam* studii praeconcepta opinio, ut, quum ea Germaniam deinde revertisset, Petrus Damianus Cardinalis, his eam inter cetera verbis compellandam duxit, quae Romam facilius revocarent. Revertere ergo, inquit<sup>5</sup>, *Domina mi, revertere, teque lugentibus festivam redde laetitiam, qui rutilantem caeli gemmam de capite Mundi Roma, quodammodo ploramus avulsam.* Ingerat tibi nauseam *Aula regalis Imperii*; sola tuis manibus sagena redoleat *Piscatoris*; illic cum Petro-

<sup>1</sup> ibid. T. I. n. xiv. p. 54.

<sup>2</sup> in Chron. Casinensi lib. I. c. viii.

<sup>3</sup> T. II. §. xxii. p. 80. in S. Zacharie Vita.

<sup>4</sup> Mus. Ital. T. I. p. 35.

<sup>5</sup> ep. viii. p. 32S. ejus vita a Ioh. Monacho, et discipulo conscripta. apud Surium die 22. Febr. p. 174. et cum P. Damiani epistolis. Paris. 1610. 4. Eadem cum Comm. praevio, et notis Henschenii. in T. II. Febr. Boll. p. 406. Eadem cum observationibus praeviis, et notis in Mabillonii actis SS. Ben. Sec. VI. P. II. p. 244.

Ieh. Laderchii vita S. Petri Damiani S. R. E. Card. Episc. Ostiersis in xl. libros distributa. Tom. III. Romae 1702. 4. in cap. xxi. i-a inscripto. In Germaniam revertitur Agnes Augusta, quae deinde ad limina Apostolorum a Petro Damiani iterum revocatur. Ejusdem Augustae redditus, gesta, et obitus. T. II. pag. 225. Casim. Oudini Diss. de Scriptis Petri Damiani. in T. II. de Script. Eccl. pag. 686. Lips. 1722. fol. Vita di S. Pier Damiano Camaldoiese, Card. e Vescovo d'Ostia. Venezia 1729. 8.

nilla simul habere te libeat sepulturam , ut insignis ille Pater geminam juxta se , carnis videlicet , ut spiritus , gaudeat requiescere Filiam . Quae adeo piam Imperatricem moverunt verba relligionis plenissima , ut Romam denuo reversa sit , illudque , quod , dum vita suppeditavit , in votis maxime habuerat , consequuta demum sit , ut etiam mortua in B. Virginis Petronillae Basilica conquiesceret , prope Templum Vaticanum , ubi anno **mxlvI.** una cum Henrico Aug. insignia Imperii , primo die honoris Clemens II , suscepisse demonstravimus . Etsi enim , ut Rassponius <sup>1</sup> affirmavit , primum sepulta fuit in Lateranensi Basilica , pone quam diem supremum obiit , deinde ad Aedem S. Petronillae translata fuit <sup>2</sup> . Id autem post dies **xxII.** ab ejus obitu contigisse scripsit Laderchius .

Epitaphium , quod ejus sepulcro erat insculptum , temporis longinquitas nobis invidit , ut eruditissimus Philippus Dionysius testatur , inquiens <sup>3</sup> . Quaerenti vero Agnetis Imperatricis epitaphium , quod cum sepulchro ejus exstebat , Maphaeo Vegio in vivis agente , scilicet xv. Ecclesiae saeculo , in Vaticano , juxta Altare S. Petronillae , marmoreum hunc titulum ostendere nequeo . Verum quum illum M. Vegius historiae suae <sup>4</sup> intexuerit , ab se descriptum , aequre ac praestitit Dionysius , heic subjiciam .

<sup>1</sup> p. 199.

<sup>2</sup> V. D. Vaissette Hist. Gen. de Langue-  
doc. T. **III.** p. 243.

<sup>3</sup> in Praefat. Operis de Cryptis Vatic.

pag. **xiv.**

<sup>4</sup> c. **III.** p. 76.

ANNO M. LXXVII.

AB INCARNATIONE DOMINI NOSTRI IESV CHRISTI  
 INDICIONE PRIMA ANNO V. PONTIFICATVS  
 DOMINI GREGORII PAPAE VII.  
 AGNES IMPERATRIX AVG VSTA  
 POST MORTEM VIRI SVI HENRICI IMPERATORIS SECUNDI  
 ANNO XXII. XXIII. DIE MENSIS DECEMBRIS  
 ANIMAM BONIS OPERIBVS FOECVN DAM  
 LATERANIS SALVATORI SVO  
 ATQVE OMNIVM BONORVM DEO REDDIDIT  
 ET HIC VBI ANTEA IMPERAVERAT  
 CLAVIGERO COELI PRO CVIVS AMORE  
 IBIDE PEGREGRINATA FVERAT  
 V. DIE MENSIS IANVARII  
 EXSPECTANS SPEM BEATAE RESVRRECTIONIS  
 ET ADVENTVM GLORIAE MAGNI DEI  
 MEMBRA CARNIS COMMENDAVIT IN PACE. AMEN.

Hanc inscriptionem legimus etiam apud Grimaldum<sup>1</sup>, Aringhium<sup>2</sup>, et Ciampinium<sup>3</sup>. Sed eam multo ante retulerant Abbas Vespergensis, et Constantiniensis Bertoldus, scriptor Sec. XI. apud Baronium<sup>4</sup>, qui legit militaverat, pro imperaverat. His addatur Alpharanus, qui haec adjunxit<sup>5</sup>. Intra vero hoc Sacellum, juxta Altare (ejusdem Virginis Petronillae) erat sepulcrum Agnetis Imperatricis, Vxoris Henrici II. Imperatoris, quae quam nimia erga Basilicam devotione fuerit affecta, quantum illam ceteris omnibus praetulerit, et dilexerit, ex humanis decedens, mirifice ostendit. Nam in Lateranensi Palatio vita functa, juxta Petrum Christi Vicarium, Caeli Clavigerum in Vaticano, et Petri Filiam, pro quorum amore peregrinata fuerat,

<sup>1</sup> in lib. instr. fol. 39.<sup>4</sup> an. 1077. n. 63.<sup>2</sup> p. 270.<sup>3</sup> p. 88.<sup>5</sup> ms. num. 160. p. 161.

*spem beatae resurrectionis exspectans , carnis membra commen-  
davit in pace , ut ex epitaphio marmore insculpto , supraque  
ejus sepulcrum affixo liquet .*

## §. x.

*De Mariae , et Thermantiae Sororum Augg. Honorii  
Vxsorum Sepulcro ibidem detecto .*

Verum aliis etiam Imperatricibus , prope Virginis Petronillae exuvias diu quiescere licuit . Praeter ea , quae supra audivimus a Paullo de Angelis , testimonio est idem Alpharanus , qui haec habet<sup>1</sup> . Erat etiam heic et alterius Imperatricis aliud marmoreum Sepulcrum nobilissimum in Sacelli penetralibus conditum , praedicto Sepulcro longe distius , Mariae Honorii Imperatoris Vxsoris , quae in Vrbe e vita migrans , etiam juxta Clavigerum Coeli , ejusque Filiam diem resurrectionis expectans , sepeliri mandavit ; quin etiam sepulta fuit juxta eam Thermantia Augusta ejus Soror , quae postea etiam ipsa fuit dicti Honorii Imperatoris Vxsor . Nam Honorius Imperator , haud obvio inter Christianos exem-

<sup>1</sup> ibid. in Cappella S. Petronillae diruta , fuit inventum Sepulchrum marmoreum juxta Altare S. Petronillae . Adi 4. Febraro 1544. nel Pontificato de Paulo PP. III. fu scoperto un sepolcro appresso l'Altare di S. Petronilla . Era un gran pilo de marmo tutto d'un pezzo , longo pal. 14. et largo pal. 11. alto pal. ... coperto con una pietra di marmo simile di longhezza , et larghezza , et grossa pal. 1. , et tre quarti . Dentro il quale pilo era il Corpo di Maria Moglie d'Onorio Xmo Imp. di Constantinopoli . Il qual Corpo era vestito d'una veste d'oro tirato , et in testa un panno d'oro con più avolti , et un altro disteso sopra al viso , et il petto , il

quale oro fuso pesò libre 35. la lega era de 24. carate . Dal lato haveva una scatola d'argento piena de diversi vasi de Cristallo , d'Agata , et de altre pietre , et similmente de diversi animali , con alcuni ornamenti d'oro , et appresso a questa una cassetta coperta d'argento in dorato , con alcuni ornamenti di teste di chiodetti d'argento , in la quale erano molti anelli d'oro , tutti con pietre preziose , passavano il numero di 150. alcune collane , et catenette con pendenti , et altri lavori con gioje , et alcuni lavori d'oro , quale cose tutte hebbe il d. Papa Paulo III.

plo, duas hasce Filias Stiliconis, et Serenae, unam post alteram matrimonio duxit, quae inopinata morte sublatas, adhuc Virgines, ex hac luce migrasse, tradiderunt Paullus Diaconus, Ammianus Marcellinus, Zozimus, et Sozomenus<sup>1</sup>.

Hujus autem sepulcri magnificentiam licet dignoscere, ex iis, quae idem Alpharanus subjungit. *Hoc quidem, inquit, Mariae Sepulcrum, auro, argento, pretiosissime margaritis refertum sub Paullo III. P. M. die IV. Februarii 1544, quum novae Basilicae fundamenta jacerentur, repertum fuit, et adhuc etiam superest marmoreum labium admirabile, parvulae aulae instar, in quo praedictae Imperatricis Corpus, simul cum dicto thesauro inventum fuit.*

Verum haec etiam Grimaldus recenset ex Kalendario Jac. Herculani Canonici S. Petri, quod in Basilicae Archivo asservatur, ac nonnulla exhibet scitu digna, unde mos veteris aetatis agnoscitur in humandis Principum, et illustrium Virorum, ac Feminarum Corporibus, quorum caput aureo panno spiris compluribus circumdabant, alterumque ab eo distinctum, vultui, ac pectori imponebant. Quapropter non abs re, puto, erit, ipsa Herculani verba cum Lectoribus communicare, quae ita habent<sup>2</sup>. *Memoria, quod die III. Februarii MDXXXIIII. detectum fuit Sepulcrum in Sancto Petro in Cappella, quae dicebatur, Sancta Petronilla, alias Regum Francorum, quum novae fabricae fundamentum foderetur. Quod sepulcrum erat magnum pilum marmoreum coopertum tabula simili crassitudinis palni unius quarti, 3. longitud. palm. XIIII. latitud.*

<sup>1</sup> lib. v. V. Marlianum in Top. Vrb. I. Hist. général de Languedoc T. IIJ. p. 243.  
v. xxI. Pitiscum in Lexico ad Honorium. ad an. 1213.

Petr. Baylum in Lexico. Vaissatum.

<sup>2</sup> fol. 45.

palm. XI, in quo erat Corpus Mariae Vxoris Honori Imperatoris Constantinopolis. Quod Corpus indutum erat veste ex auro, ut vulgo dicimus, oro tirato. In capite habebat panum aureum plures indutum, et aliud extensum supra faciem, et pectus. Quod aurum in forma panis fusum, ponderavit libras triginta quinque. Franciscus Blanchinius<sup>1</sup>, recitatis his ipsis Herculani verbis, addit eumdem alia etiam ornamenta cum his reperta descriptsse, quae ab se tamen praetermittebantur, quum de velis tantum capiti injectis, et circumductis, sermo sibi esset, quorum usus in tumulandis Procerum Corporibus vigebat, aetate Leonis Magni. Quod tamen multo remotiori etiam aevio in more positum fuit, quum Christifideles, ex Aegyptiorum, et Judaeorum, usu hominum Cadavera, non modo linteis, sed fasciis etiam, Puerorum Infantum instar in cunis, obducere consueverint, ut constat ex variis sarcophagis ab Aringhio prolatis, ubi Lazarus ita representatur, et ex veteri monumento a Dionysio illustrato<sup>2</sup>.

Sed, quod in Blanchinio desideramus, Lectoribus minime invidendum esse duco. Ac propterea, quod in Jac. Herculani descriptione reliquum est, ex ipso Grimaldi codice, unde cetera summis Blanchinius, placet heic attexere. Pergit itaque Herculanus<sup>3</sup>. *Aurum in forma panis fusum ponderavit libras xxxv. liga continebat vingtiquatuor caratas. Ad latus habebat capsulam argenteam plenam diversis vasis ex chrystallo, agatha, et aliis lapidi-*

<sup>1</sup> in T. II. edit. Anastas. p. 160.

<sup>2</sup> p. 6. V. Joh. Nardum. in notis ad Lucretium p. 646. Thomam Alghisium. T. VI. Diarii Italici p. 171. Octavium Ferrarium. Elect. II. 20. Gisbertum Cuperum. II. 9. observat. Ioh. Jac. Chiffletum. in Crisi

Historica de Linteis sepulchralibus. Antwerpiae 1624. 4. Dupinium. Tom. XVII. p. 271. Salomonem Deylingum. Part. III. Observat. Sacrar. p. 275. Sarnellium. de Tesori trovati ne' sepolcri. in T. x. Lit. Eccl. p. 156. 3. fol. 45.

bus, ac similiter diversorum animalium. Et apud hanc erat alia capsula, argento inaurato tecta, cum nonnullis ornatis ad usum capitum, claviculis argenteis, multis annulis aureis, omnibus cum preciosis gemmis, ultra numerum centum quinquaginta, cum aliquibus torqueis, et catenulis aureis, cum armillis aurum, et aliis operibus gemmatis, et aliquibus aureis. Quae omnia habuit Paullus Papa Tertius. Hisce vero Grimaldus de suo haec adjecit. Corpus Imperatricis illatum fuit in commune Conditorum versus Altare majus, Polyandrium appellatum. Quae quidem aperte demonstrant Maragonii lapsum, qui Mariae Sepulcrum detectum fuisse scripsit<sup>1</sup>, quum Probi Templum dejectum fuit, quod, ut loco suo adnotabimus, a Nicolao V. solo aequatum fuisse scimus.

Neque praetereundus Lucius Faunus, qui singillatim hujus Sepulcri aperitionem describit, atque omnia cimelia, quae ibidem reperta sunt, veluti ob oculos ponit. In Cella, inquit<sup>2</sup>, Galliae Regis, quae in B. Petri

<sup>1</sup> pag. 390.

<sup>2</sup> de antiquis. Vrb. Rom. lib. V. pag. 125. Sed italicam quoque ejusdem Scriptoris narrationem in lib. v. c. x. p. 153. ad illustrandam referri thesauri historiam valde accomodatam, etsi paullo prolixiorum, praetermittendam minime esse censeo, ac propterea keic eam subjecere, non alienum existimo. Nel Mese di Febbraro, del XLIII, nella Cappella del Re di Francia, che in S. Pietro si edifica secondo il nuovo modello, che Papa Giulio II. disegnò, si è ritrovata, cavandosi una arca di marmo, che da le cose, che vi sono state ritrovate dentro, si è chiaramente conosciuto, che fosse questo un sepolcro di Maria Moglie de l'Imperatore Honorio: del Corpo morto

non vi avanzava altro, che i denti, i capelli, e le duo ossa delle gambe. De la vesta, che era un panno di seta, e di oro, si cavò funderdosì da XL. libre d'oro finissimo. Vi era dentro l'arca una scatola d'argento rotta in tre, o quattro pezzi, et era lunga un piede, e mezzo, et alta da un palmo con molte cose dentro, che noi particolarmente diremo. Vi erano vasi, e diversi pezzi di cristallo, fra grandi, e piccoli xxx. fra li quali vi erano come due tazze non molto grandi, l'una ritonda, l'altra di figura ovale, con figurette di mezzo cavo bellissime: et una lumaca pure di cristallo acconcia in una lucerna con oro fino, del quale n'è prima coperta la bocca de la lumaca, restandovi solo un buco

est, quum eam formam aedificando sequerentur, quam Iulius Pont. proposuerat, excavando, marmorea arca inventa est, quam ut ex iis, quae in ea reperta sunt, perspicue constat, sepulcrum fuisse Mariae Honorii Imperatoris Conjugis. Cadaveris illius nihil reliquum erat, dentibus, comis, tibiisque exceptis; ex veste autem, quoniam auro intertexta esset, multae auri librae, dum in ignem esset posita, exceptae sunt. Capsula argentea pedis, ac dimidiī longitudine, palmi unius altitudine, multaque insuper vasa chrystillina, atque ex materia, quam agatham vocant, summa arte perfecta, inventa sunt. Annuli XL. aurei praeterea variis ornati gemmis reperti. In iis smaragdus caput habens incisum. Honorii putatur fuisse, ac quingentorum Coronatorum aureorum aestimatione. Accedebat bulla gemmis intertexta, has litteras circum-

in mezzo da porvi l'oglio: a lato al qual buco si vede con un chiodo confitta una mosca d'oro mobile, che cuopre, e discuopre il buco. Vi è poi medesimamente di oro la punta col pippio da porvi lo stoppino, tirato in lungo, et acuto con bellissima gratia, et in modo col cristallo attaccato, che vi pare nato insieme. E così è anco ben fatto il coverchio di sopra. La forma de la lumaca è come un conchiglio grosso marino girato intorno con le sue punte per tutto, le quali in questo vaso sono liscie, e dolcissime, per essere il cristallo ben lavorato. Vi erano anche vasi, e diversi pezzi di Agata con certi animaletti, fra tutti VIII, e fra loro duo vasi bellissimi, l'uno, come una di quelle ampolle di vetro grandi, e piatte, da tenervi oglio, o altro simile liquore, in modo fatta, e così bella, e sottile, che è una maraviglia a mirarla; l'altro è fatto a

guisa d' una di quelle schiumarole col suo manico in su lungo, che usano di rame in Roma per cavare l'acqua da le bittine, e vogliono, che fosse un vaso, che usavano gli antichi ne' sacrificii. Appresso vi erano quattro vasetti d'oro di diverse sorti: et un altro vasetto d'oro di forma ovale col suo coverchio con gioje a torno: un core d'oro picciolo, che fu un pendente con sei gioiette incassate; un fermaglio di oro con cinque gioje di diverse sorti con varie gioje incassate in essi. E XLVIII. fra anelli, e verghette d'oro di diverse maniere, et un di loro di osso rosso con diverse pietre. E tre animaletti di osso rosso. Vi erano ancho duo pendenti da orecchie di smeraldo, o plasma con duo hiacinti. Quattro crocette con pietre rosse, e verdi: Vn pendente in forma di un grappo di uva, fatto di pietre paonazze: otto altri pendenti piccioli di oro di

continens MARIA DOMINA FLORENTISSIMA . Laminula  
item aurea cum iis verbis graece scriptis  
MICHAEL , GABRIEL , RAPHAEL , VRIEL .

Inter reliquias inaures , monilia , ac similia ornamenta muliebria , quae in ea capsula inerant , quidam ceu nodus smaragdorum , variarumque gemmarum fuit , atque ex puro auro ornamentum , quod rizzam vocant . Praeterea palmi prope longitudine ex uno latere has notas habens DOMINO NOSTRO HONORIO , ex alio DOMINA NOSTRA MARIA . Sorex ex coelidonia . Conchula insuper , ac patera ex chrystallo . Aurea pila rotunda , persimilis lusoriae , quae aperiri facile poterat , quum in duas partes esset , in nucis morem , divisa . Aliae gemmae innumerabiles fere , quae tametsi majori ex parte vetustate corruptae essent , nonnullae tamen quasi recentes , ac novae veterem nitorem servabant .

diverse sorti, con varie pietre inchiastrate: tre altre crocette di oro con certi smeraldi incassati: un pezzo di una collana picciola sottile con certe pietre verde infilzate: un'altra collanina d'oro con xxii. paternostri di plasma: Vn'altra collanina con ix. paternostri di zaffiri tagliati a mandorle: un'altra collanina d'oro tirato raccolto, rotta in quattro pezzi: duo bottoniri di oro: quattordici magliette di oro . Tre altre crocette con certi smeraldi: et un tondo di oro, come uno Agnus Dei, con queste lettere intorno STILICO VIVAT. Duo manichi di oro con certe pietre verdi , e rosse : due agucchie grosse , o stiletti per rizzafra , l'uno di oro lungo, presso a un palmo, con queste parole scritte DOMINVS HONORIVS . DOMINA MARIA . L'altro di argento senza lettere . Vi erano parecchi fragmenti di smeraldi , e di altre pietre .

Vi erano chiodi d'argento , parte piani , parte di rilevo , che inchiodavano un coverchio d' argento sopra una cassetta : vi era una laminetta d'oro con queste parole scritte , anzi scalpite in greco MICHAEL . GABRIEL . RAPHAEL . VRIEL . Habbiamo particolarmente descritte tutte queste cose , perchè Claudio Poeta di quel tempo accerna , che fossero a la Imperatrice Maria da l'Imp. Honorio suo Sposo mandati rari duoni : che potrebbono per avveniura essere stati la maggior parte di queste cose . V. luculentissimam , ac plane regiam editionem recens adornatam ab eruditissimo Francisco Danieli de' Regali Sepolcri del Duomo di Palermo , riconosciuti , e illustrati . Napoli 1584. fol. pag. 82. in descriptione Sepolcri Constantiae II. Reginae Siciliae , Vxoris Friderici , et Filiae Regis Aragonum .

Quum autem Claudianus scripserit, Honorium *Mariae* Augustae Conjugi suae, dona quantivis pretii dedisse, facile se adductum fuisse profitetur L. Faunus<sup>1</sup>, ut crederet (quod item Bosius, et Aringhius<sup>2</sup> opinati sunt, probante Joh. Jacobo Chiffletio<sup>3</sup>) haec eadem fuisse, quae in ejus sepulcro reperta sunt. Cecinit enim Claudianus de Nuptiis Honorii<sup>4</sup>.

..... *jam munera Nuptae*  
*Praeparat, et pulcros, Mariae sed luce minores*  
*Eligit ornatus, quidquid venerabilis olim*  
*Livia, Divorumque Nurus gessere superbae.*

Ceterum de Liviae Mundo muliebri sic Claudianum loqui non puto, ut velit, eodem ornatam ab Honorio *Mariam* Aug. sed nihil huic defuisse ex eo ornamentorum genere, quae Livia, et reliquae Augustae olim gestaverant, quaeque Rudolphus a Bunau<sup>5</sup> erudite descriptis. Quis autem ignorat studium singulare Matronarum Romanarum, ut una secum pretiosiora quaeque conderentur, quae, dum viverent, in usu, ac deliciis habuerant? Id enim diserte testatur IC. Scaevola, apud quem legimus<sup>6</sup>. *Funerari me arbitrio Viri mei volo, et inferri mihi, quae- cumque sepulturae meae caussa feram, ex ornamentis lineas duas ex margaritis, et viriolas, ex smeragdis.* Praeterea illa etiam deinde obtinuit consuetudo, ut nobiliores Matronae Lectum quoque suum omnibus ornamentis instructum sacris Aedibus, relinquenter, ubi una cum pretiosa supellectile tumulandae essent, Virorum instar, qui haud

<sup>1</sup> lib. v. c. ix. p. 153.

<sup>2</sup> T. I. Rom. subt. p. 270.

<sup>3</sup> in Anastasi Childeriana p. 17.

<sup>4</sup> in Epithalamio Honorii Aug. et Mariae

v. 10. p. 241.

<sup>5</sup> de Ornamentis, et Honoribus Augustarum liber singularis. Lipsiae 1733. 4.

<sup>6</sup> Digest. lib. xxxiv. tit. II. de Aur. leg.

1. 40. Medico §. 2. Mulier.

<sup>7</sup> V. Ducange in Lexico.

raro Equum<sup>1</sup>, arma, aliaque bellica instrumenta Temporis largiebantur.

## §. XI.

*De Vrielis nomine, una cum aliis trium Archangelorum,  
in laminula aurea reperto, inter Cimelia  
Sepulcri Mariae Aug.*

Nolim, quemquam offendat, *Vrielis* nomen aureae laminulae in descripto Conditorio repertae inscriptum, quem proinde cum tribus aliis Archangelis *Mariam* coluisse constat. Plura enim sunt, quae, suo praesertim aevo, haud plane rejectum demonstant. Sed quum Bollandistae, neque ubi agunt de *S. Gabriele Archangelo*<sup>2</sup>, neque in locupletissimo Commentario de *S. Michaeli*, et omnibus *Angelis*<sup>3</sup>, quaestionem de nomine, ac cultu *Vrielis*, aliorumque Archangelorum attigerint, quam peculiariter dumtaxat a doctissimis Nic. Serario<sup>4</sup>, et Andrea Victorello<sup>5</sup>, paucis pertractatam esse novi, iccirco non alienum puto, studiose, ac diligenter, quidquid eam illustrare poterit, in medium proferre.

Pluries in libris Apocryphis veteris Instrumenti *Vrielis* mentio occurrit. Nam inter fragmenta Enochii haec legimus<sup>6</sup>. *Anno Enochii CLXV. a Mundi conditu MCCLXXXVI.*

<sup>1</sup> V. Carpentier in Heriotum.

<sup>2</sup> in T. II. Martii p. 607.

<sup>3</sup> in T. VIII. Septembr. p. 7.

<sup>4</sup> Quaestiuncula, possit ne *Vrielis* nomen aliquo modo retineri? in lib. Tobias c. XII. p. 187.

<sup>5</sup> De Angelorum Custodia. Patavii 1605. 4. lib. I. §. IV. p. 40. Se gli altri quattro di questi sette Angeli habbino nomi? c. xv p 270. nel libro de' Ministerj, et Operazioni Angeliche. Vicenza 1611. 8.

<sup>6</sup> V. Mich. Syncellum p. 33. Cod. Pseudoep. Fabricii in l. Egregor. Enoch p. 199. Salmarium de Annis Climatericis c. XVI. et l. x. c. XVI. Calmet. Dissert. intorno al Libro di Enoch p. 369. nel T. I. del Tesoro di Ant. Sacre, e Profane. Luca 1732. 4. et in T. I. Comment. S. Script. p. LX. in Disquis. Chron. Aegypt. Graecor. Joh. Drusi Henoch, sive de Patriarcha Henoch, ejusque raptu, et libro, e quo Judas Apostolus testimonium profert,

*Conditoris omnium Dei nutu , quid Mensis , quid Solis conversio , quid Annus , Archangelus Vriel Astris praepositus , Enoch revelavit , ut in libro ipsius Enoch habetur . Atque hinc Vrieli stationem inter sidera adsignatam fuisse tradidit Michael Glycas , ubi ait <sup>1</sup>. Perhibetur etiam , divinum Angelum Vrielum , cuius est inter astra Statio , descendisse ad Sethum , et Enochum , eosque de temporum , anni , mensium , conversionum , ipsorumque annorum adeo discriminibus erudiisse . Praeterea in eodem libro Enoch , haec de Vriele narrantur <sup>2</sup> . Quattuor Archangeli magni , Michael , Vriel , Raphael , et Gabriel de sanctis Coeli prospexerunt , in terram . Et viso plurimo sanguine super terram effuso , et universa impietate , et iniuritate cognita , regressi dixerunt ad invicem . Ac paullo infra <sup>3</sup> . Respondit Altissimus , et Sanctus Excelsus loquutus est , et misit Vriel ad Filium Lamech dicens .*

Item in libro Ioseph , haud una vice Vriel memoratur , Ibi enim traditur <sup>4</sup> . *Quod quidem Corpore ministrans recognoscit , in memoriam revocante , ipsumque submonente Vriel Archangelo . Ac rursus , paucis interjectis <sup>5</sup> . Quum vero ego venissem a Mesopotamia Syriae , exivit Vriel Angelus Dei , et dicit , se descendisse ad terram , et habitasse inter homines , et quod vocatus fuisset nomine Iacob , aemulatusque est , et pugnavit tecum , et luctatus est , mihi dicens , suum nomen pri-*

ubi et de libris in Scriptura memoratis , qui nunc intercederunt . in T. viI. Critic. Sacr. p. 2029. Francofurti 1696. fol. Aug. Pfeifferi Exercitation. philologicam de Henoch ad Genes. iv. 12. Witteb. 1683. 4. in T. I. Opp. Ultrag. 1704. 4. p. 519. et in ejusd. Dubiis vexat. Scripturar. pag. 972. Dresd. et Lips. 1713. 4. Frid. Jac. Firnhaberi Diss. II. selectas de Henoch quae-

stiones continent. Vitemb. 1716. 4. Franc. Fabricii Diss. de Patriarca Enoch . in lib. inscr. Christus unicum Eccl. fundamentum . Lugd. Bat. 1717. 4. p. 429.

<sup>1</sup> p. 121.

<sup>2</sup> in Cod. Pseudep. p. 187.

<sup>3</sup> ibid. p. 190. <sup>4</sup> ibid. p. 364.

<sup>5</sup> p. 765 , et apud Origenem Tom. v. in Joh. p. 77.

*mas habere supra nomen meum , et ante omnem Angelorum : Interrogavique eum de nomine suo , et quotus esset inter Filios Dei . Nonne tu es Vriel , octavus a me , et ego Israel Archangelus , Potentia Domini , et Princeps Tribunus Militum inter Filios Dei ? Nonne ego Israel , in persona Dei , Minister primus , et invocavi nomine inextinguibili Deum meum ?*

Verum haec fortasse minus nota , ac per vulgata . Illa non item , quae in lib. iv. Esdrae de *Vriele* habentur . Ibi enim semel , iterum , ac tertio ita nominatur <sup>1</sup> . Et respondit ad me *Angelus* , qui missus est ad me , cui nomen *Vriel* . Itemque alibi <sup>2</sup> . Et ego jejunaui diebus septem ululans , et plorans , sicut mihi mandavit *Vriel Angelus* . Ac rursus <sup>3</sup> . *Vbi* est *Vriel Angelus* , qui a principio venit ad me ? quoniam ipse me fecit venire in multitudine in excessu mentis hujus , et factus est finis meus in corruptionem , et oratio mea in improperium . Et quum essem loquens ego haec , ecce venit ad me , et vidit me .

Post haec audienda sunt Carmina Sibyllae Erithreae , quae inter vaticinandum haec de *Vriele* cecinit <sup>4</sup> .

*Tum vero aeterni Genii Patris immortalis  
Ηεαρ' επομήνα , Vriel , Saniel , Azaelque ,  
Quae mala quisque hominum patraverit ante , scientes ,  
E tetricis animas tenebris caliginis omnes  
Iudicio sistent ad formidabile Patris  
Magni , immortalis solium : nam solus , et unus  
Conditor omnipotens rerum non interit unquam ,  
Iuraque dicturus mortalibus aequa sedebit .*

<sup>1</sup> in lib. iv. c. iv. n. I. et in Vol. II. Cod. Pseudoep. Fabricii p. 207.

<sup>2</sup> ibid. cap. v. n. 21. et apud Fabricium p. 216.

<sup>3</sup> ibid. c. x. n. 28. p. 19. et apud Fabricium p. 265. ibid. p. 1153.9. CCXXXIII.

Libri Esdrae II. et IV. Cod. Apocr. N. T. , et T. III. Eibl. Graecae c xxix. p. 747.

<sup>4</sup> Lib. II. vers. 215. edit. Gallaei Amst. 1688. 4. et in T. I. Bibl. PP. edit. Galland. p. 351. et in Hist. Religionis Th. Hyde. Oxonii 1700. 4.

SEPVLCR MARIAE AVG. DETECTO C. III. 1005

*Et tunc infernis animas , flatumque , sonumque  
Caelestis tribuet , compactaque convenienter  
Artibus ossa suis , carnem , nervosque repatos ,  
Et venas , pellemque priorem , caesariemque .  
Sic conjuncta suis terrestria corpora rite  
Membris , una dies reddet vitalibus auris .  
Tunc ferratarum Portarum Ditis avari  
Clastra immania , duriusque , infractique adamantis ,  
Ingens ingenti Vriel convulsa ruina  
Perrumpet Genius : per lugubresque figuram  
Omnes judicio sistet ; simulacra vetusta  
Titanum in primis , monstrosorumque Gigantum :  
Tum quas diluvium , tum quas maris unda profundo  
Absumisit : nec non quas serpentesque , feraeque  
Faucibus hauserunt avidis , volucresque vocabit  
Ad solium cunctas : nec non quas igneus ardor  
Absorpsit flammis , ad judiciale tribunal  
Coget adesse Dei , collectas undique in unum .*

Ex his veterem *Vrielis* denominationem increbruisse , dubitandum minime est . Nunquam enim ejus mentionem fecit Prophetica , aut Evangelica Scriptura . Siquidem qui in lib. II. Paralipomenon c. XIII. *Vriel* appellatur , Angelus non est , sed homo , Maacha , sive Michai , Matris Abiam Regis Juda Pater , in lib. III. Regum c. xv. *Abessalon* nuncupatus . Verum praecipue repetenda esse videtur ex quarto Esdrae libro . Hunc enim , aequem ac tertium , plures SS. Patres <sup>1</sup> , instar primi , et secundi nominarunt , quos inter in primis adnumerandus est Am-

<sup>1</sup> Athanas. Serm. III. contra Arianos. Cyprianus adversus Demetrianum . August. I.

III. de Civ. Dei c. xxxvi. Clemens Alexander. L. I. Stromatum .

brosius <sup>1</sup>, qui ejus auctoritatem sequutus est, ubi scripsit <sup>2</sup>, non moritur Gabriel, non moritur Raphael, non moritur Vriel. Ac licet extrema haec verba in nonnullis MSS. desint, nihil tamen prohibet, quin ab eodem S. Doctore profecta esse arbitremur. Neque vero doctissimi Maurini <sup>3</sup> Thiersio <sup>4</sup> adsentiendum putant, qui ibidem *Vrielem* reprobis Angelis forte adnumeratum fuisse suspicatur. Id enim ab ejus mente prorsus alienum esse demonstrant, qui eo loco immortalitatem naturalem a participata sapienter distinguit, ac prima uni Deo concessa, ac reservata, alteram Angelis dumtaxat adtribuit.

Neque tamen solus Ambrosius *Vrielem* nominavit. Ejusdem meminit etiam Isidorus, qui postquam docuit <sup>5</sup>, sciendum esse, quod quandocumque nominantur *Angeli*, ex officiorum proprietate, quando ad homines veniunt, sumpsere vocabula, quia illa supernorum Civium summa societas propriis nominibus non indigit, alibi *Vrielis* nomen ita explicandum putavit <sup>6</sup>. *Vriel* interpretatur ignis Dei, sicut legimus apparuisse ignem in Rubo. Legimus etiam ignem missum desuper, et implesse, quod praceptorum est. Quae quidem verba Thiersio <sup>7</sup>, ceteroqui eruditissimo, incomperta fuerunt, qui Isidorum nullibi de *Vriele* verba fecisse affirmavit. Sic etiam Beda, ubi Angelorum opem, ac praec-

<sup>1</sup> in Epist. de natura animae Horontiano. in lib. de bono mortis c. x., et xi. in lib. Comm. ad Lucam. V. Jac. Bonfrerii Praeoloquia in totam S. Scripturam c. v. de Scripturis Apocryphis.

<sup>2</sup> in lib. II. de Fide Tom. II. P. I. pag. 499.

<sup>3</sup> ibid. in adnotat.

<sup>4</sup> in epist. nuncupatoria ad Dacherium de retinenda in Eccles. libris voce Para-

clitus. Lugduni 1669. 12.

<sup>5</sup> in c. II. l. II. de ordine Creaturarum.

<sup>6</sup> in l. vii. Origin. c. v. p. 127. V. Franc. Moncae Historiam apparitionum divinarum duarum, ejus, quae de Rubo, et proximae, quae in Aegyptum revertenti in Diversorio Mosi facta. Paris. 1587. Harr. 1592. 1597. 4. et in Crenii Opusc. Fascic. ix. Roter. 1699. 12. p. 257.

<sup>7</sup> in epist. cit.

sidium exposcit, *Gabriel*, inquit<sup>1</sup>, *esto mibi Lorica*, *Michael Baltheus*, *Raphael Scutum*, *Vriel Protector*, *Rumiel Defensor*, *Paniel Salus*.

Verum Sec. VIII. *Vrielis* nomen diserte rejectum fuit. Nam *Zacharias* Pont. reverentissimo, et SS. Fratri Bonifacio Coepiscopo scribens de duobus Pseudoprophetis in Francia deprehensis, *Aldeberto*, et *Clemente*, qui in Synodo Suessionensi, quam alii vocant Conc. Germanicum 111<sup>2</sup>, anno DCCXLV. damnati fuerant, de horum primo haec memorat<sup>3</sup>. *Ex quibus unum quidem novum Simonem* juxta tenorem tuarum syllabarum reperimus, qui et Sacerdotium sibi vindicabat, et a luxuria minime se continebat, seducens populum, et inania praedicans: non solum suam animam juri Diaboli tradens, sed et populorum corda in interitum demergens, et ab Ecclesia Dei eos seductionibus suis abstrahens, et Cruces in campis statuens, et Oratoriola ad seducendum populum instituens, publicasque, et antiquas Ecclesias relinquens, et Sanctitatis nomine se vocari faciens, et in suo nomine Ecclesias consecrans, nomina etiam Angelorum, imo magis Daemoniorum se scire affirmans... Quae omnia haec detestabilia, et scelestia judicamus.

Et sane idem *Zacharias*, eosdem Haereticos *Aldebertum*, et *Clementem*, qui rursus in altera Synodo habita in Majoratu Karlomanni, anno DCCXLVI. damnati fuerant, in Patriarchio Lateranensi, in Basilica, quae appellabatur, *Theodori*, eodem anno condemnavit. Hujusmodi Synodus tribus Secretariis absoluta fuit, nimirum, ut supra animadvertisimus, tribus sessionibus, quemad-

<sup>1</sup> in collect.

<sup>2</sup> T. 111. Conc. p. 1933.

<sup>3</sup> T. 111. Conc. p. 1886. V. S. Zachariae vitam ex Anastasio, et cum Comm. prae-

vio, et notis in Tom. II. Martii Boll.

p. 406. et Ioh. Mabillonii Observationem de Zacharia Papa. in Actis SS. Ord. Ben. Sec. 111. P. I. p. 521.

modum quinque *Secretariis* celebratum fuerat alterum Conc. Lateranense sub Martino I , anno DCXLIX. Loci enim nomen , in quo fiebat , ipse conventus accepit ; praeterquamquod translatus ejusdem vocabuli sensus , quo usus est etiam Augustinus <sup>1</sup> , vocans cogitationes *Secretaria mentis* , Conciliorum congregationibus , ubi secreta animi sensa depromebantur , apte quadrabat . Quamobrem mihi imperare non possum , quin aliquanto fusius , quam alibi , de eadem Synodo pertractem , quum non modo res , quam illustrandam suscepimus , quam ipse locus , ubi transacta fuit , quodammodo nos moneant , ut paullo diutius heic immoremur .

Itaque Bonifacii epistola adversus eosdem Haereticos per Denaardum Presbyterum Romam perlata , qui *Secretaria ingredi postulavit* <sup>2</sup> , perfecta fuit a Theophanio Notario regionario , et Sacellario . Deinde SS. ac BB. Papa Zacharias dixit <sup>3</sup> . *Quia hodie jam tardior hora est , venturo Secretario , relictis iterum vita eorum , et actibus , communi consensu , mediante Deo , quid fieri debeat , pertractandum est . Actione II. Denaardum Secretarium ingressum , ita Zacharias alloquutus est* <sup>4</sup> . *Actus illius nefandissimi Aldeberti , sive cetera , quae de eo sunt scripta , quae praeterito Secretario p[re]ae omnibus gerebas , coram praesente Concilio , porrige legenda . Et accipiens Theophanius Not. regionarius , et Sacellarius , relegit vitam illius . Verum SS. PP. sententiam in utrosque promulgandam ad act. III. distulerunt . Dixit enim Zacharias* <sup>5</sup> . *Non ut nobis solum visum fuerit , sed pariter cum Sanctitate vestra est pertractandum , sed si Domino placuerit , in futuro Secretario ,*

<sup>1</sup> Comm. in Psalm. 65.

<sup>2</sup> T. III. Conc. p. 1936.

<sup>3</sup> ibid. p. 1938. 4 p. 180.

<sup>5</sup> ibid. p. 1939.

quod rectum visum fuerit, et Dominus suis famulis adminis-  
traverit, ex omnibus ejus actis promulgabitur sententia. Ita-  
que act. III. secundum quod praeceptum fuerat in praeterito  
Secretario, Denaeardus orationem, quam sibi Aldeber-  
tus componere natus fuerat, a Theophanio perlegendam in  
medium protulit. Quumque per ordinem legeretur, ven-  
tum est ad locum, ubi dicebat. *Precor vos, et conjuro*  
*vos, et supplico me ad vos, Angele Vriel, Angele Raguel,*  
*Angele Tubuel, Angele Michael, Angele Inias<sup>1</sup>, Angele Tu-*  
*buas, Angele Sabaoc, Angele Simiel.* Dum vero haec Oratio  
sacrilega usque in finem perlecta fuisset, Zacharias SS. ac  
BB. Papa dixit. *Quid ad haec SS. Fratres respondetis?* SS. Episcopi, et venerabiles Presbyteri responderunt. *Quid*  
aliud agendum est, nisi ut omnia, quae nobis relecta sunt,  
igni concrementur, Auctores vero eorum anathematis vinculo  
percellantur? Non enim nomina Angelorum, praeter no-  
men Michaelis, sed nomina Doemonum sunt, quae in  
suis orationibus invocavit, ad praestandum auxilium  
sibi. Nos autem, ut vestro sancto Apostolatu edoce-  
mur, et divina tradit auctoritas, non plus quam trium  
Angelorum nomina cognoscimus, id est, Michael, Ga-  
briel, Raphael; alioqui de mysterio, sub obtentu Ange-  
lorum, Doemonum nomina introduxit. Pontifex senten-  
tiam tulit; sed judicium Synodi quoad acta emendavit,  
quae in Scriniis Eccl. conservanda sanxit, ut ex his constat.  
SS. ac BB. Papa dixit. Optime provisum est a vestra San-  
ctitate, ut scripta illius omnia igne cremen-  
tur. Sed opportu-  
num est, ut in scrinio nostro ad reprobationem, et ad perpetuam  
confusionem ejus serventur. Synodo post Zachariam sub-  
cripserunt vI. Episcopi, ac xvi. Presbyteri S. R. E. et

<sup>1</sup> in edit. Gretseriana epistolarum S. Bonifacii est Adinus, et mox Sinuet.

1010 DE VRIELIS NOMINE IN LAMINVLA

Gemmulus Diaconus Romanus<sup>1</sup>, ejusdem Synodi acta in epistola ad Bonifacium retulit<sup>2</sup>.

Sed haec nimis multa putaverit nonnemo; aliis tamen, ut fit, (non enim *omnes eadem mirantur, amantque*), pergrata accident, nec vitio mihi vertent, quod haec, quae proprium quasi locum desiderare videbantur, cogitate hoc reservanda esse duxerim. Nunc ad alia properemus.

Verum multo ante Zachariam, ad insanam eorum superstitionem reprimendam, qui varia Angelorum nomina confingebant, et comminiscebantur, Concilium Laodicenum Can. xxxv. praescripserat, *quod non oportet Christianos, derelicta Ecclesia Dei, abire, et Angelos nomi-*

<sup>1</sup> in T. vI. Conc. p. 1776. Cointe T. v. p. 156. Pagi ad an. DCCXLV. pag. 267. Baronius ad ann. DCCXLV. n. 36. Serarius in not. ad Epist. S. Bonifacii. Binius in notis ejusd. Conc. Tom. vi. Gastaldus de Angelis T. I. dist. II. Quaest. II. Art. iv. Alberghinius in Man. Inquis. cap. xviii. §. II. n. iv. Th. Hurtado Tract. v. c. v. Resol. 71. Martin. del Rio lib. tI. Disquis. c. iv. quaest. 4. Ioh. de S. Thoma. Granada. Araux de Angelis. Card. Albitius de inconstantia in fide c. XI. p. 527.

<sup>2</sup> in T. vI. Conc. Labbe p. 1564. V. S. Bonifacii Ep. Moguntini vitam auct. Willibaldo ipsius discipulo. in Georg. Wirelli Hagiologio p. 155. Mogunt. 1541. fol. et in Surii Vitis SS. d. 19. Jun. pag. 48, et cum notis Henr. Canisii, Ioh. Mabillonii, et Jac. Basnagii. in Canisii Lect. Ant. ex edit. Basnagii T. I. P. I. p. 227. Amst. 1725. fol. et cum observationibus praeviis, et notis Mabillonii. in Act. SS. Ord. Bened. Sec. II. Par. II. p. 1. et cum Commentario praevio, et notis God. Henschenii in T. I. Junii p. 42. aliam auctore S. Ludgero. in ejusd. Ludgeri Vita S. Gregorii.

in Broveri Sideribus SS. Germaniae, et in T. I. Junii Boll. p. 483. aliam auctore Othlono Mon. Benedict. apud Surium loc. p. 57. et in Serarii reb. Moguntin. p. 325. Moguntiae 1624. 4. et cum notis, et appendice Ioh. Mabillonii in Act. SS. Bened. Sec. II. P. II. p. 28. et cum Georg. Crist. Iohannis notis. in ejusd. Script. Mogunt. T. I. p. 201. Francof. ad Moen. 1722. fol. aliam auct. Presb. S. Martini Ultrajecti. in T. I. Jun. p. 477. Aliam auct. forsitan Monasteriensi, cum not. Henschenii. ibid. p. 481. ejusd. Henschenii analecta Bonifaciana. ibid. pag. 487. Partem Legendaee S. Bonifacii cum notis Will. Ern. Tentzelii. in ejusd. Suppl. II. Hist. Goth. p. 344. Ienae 1701. et in Menckenii Script. rer. German. T. I. p. 834. Lips. 1728. fol. Ioh. Letzneri Histor. S. Bonifacii. Hildes. 1602. 4. et Erfordiae 1603. 4. et in Gasp. Sagittarii Antiqu. Gentilismi, et Christian. Thuring. p. 117. Ienae 1685. 8. Just. Christ. Boehmeri Dissert. historico-theologicam de Bonifacio Germanoruni Apostolo. Helm. 1720. 4. et Henr. Phil. Gudenii Diss. eod. loco, et anno.

nare , et Congregationes facere . Quae omnia interdicta sunt . Quicumque autem inventus fuerit , occulte huic idolatriae vacans , anathema sit , quoniam derelinquens D. N. I. C. Filium Dei , accessit ad Idola . Atque hinc Capitularia Karoli M. hujusce Concilii sanctionem ita confirmarunt <sup>1</sup> . In eodem Concilio praecipitur , ut ignota Angelorum nomina nec fingantur , nec nominentur , nisi illorum , quos habemus in auctoritate . Ii sunt , Michael , Gabriel , Raphael . Haec eadem exceptit Herardus Arch. Turonensis , qui xvii. Kal. Junii , anno DCCCLVI II. edicto cavit <sup>2</sup> , de ignotis Angelorum , aliorumque SS. nominibus ut non recitentur . Sic etiam Capitulare Aquisgranense jussit <sup>3</sup> , nec falsa Angelorum nomina colantur , sed ea tantum , quae prophetica , et evangelica docet Scriptura , id est Michael , Gabriel , Raphael . Paria sunt illa ab Aythone Basil. Episcopo <sup>4</sup> , et a Conc. Aurelianensi <sup>5</sup> praecripta . Atque in hanc sententiam , Psellus Vrielis nomen tribus aliis in Ecclesia acceptis , et usurpati minime accensemendum esse docet . De eo enim haec Mich. Glycas literis consignavit <sup>6</sup> . Hoc ipsum autem Raphaeli nomen ex hac de Tobaeo narratione cognitum scilicet habes . Verum appellatio Vrieli , quemadmodum Vir reapse sapiens Psellus scripsit , nec prisci foederis libris , nec novis continetur ; sed exstat in libro quodam Hebraico , qui vulgo non est notus , habens inscriptionem Precationis Jo-

<sup>1</sup> in ejusd. Imperatoris Constit. editis  
a Vito Amerpachio 1545. pag. 14 , et in  
T. I. Capitul. Reg. Francor. edit. Paris .  
Balutii 1677. p. 220. 515. 837 , et novae  
edit. ibid. 2n. 1780.

<sup>2</sup> ibid. p. 1287 , et in T. v. Conc. Hard.  
pag. 450.

<sup>3</sup> in T. I. Capitul. Balut. pag. 707. apud  
Ivonenm P. II. c. II. c. CCL , et in

edit. Lovan. lib. II. c. LXXXIII.

<sup>4</sup> apud Burcard. lib. v. c. CXCVIII. in  
T. vi. Spicil. Dacherii p. 696 , et in T. iv.  
Cone. Hard. p. 1243.

<sup>5</sup> apud Burcard. Wormaltiens. Episc. I. II.  
Decret. cap. cxviii , et in T. vi. Cone.  
Labbè p. 1564.

<sup>6</sup> p. 171. Ann. P. II. , et in Cod. Pseu-  
doep. Vet. Testam. p. 768.

sephi: quo in libro Iosephi Pater Iacobus hoc cum Angelo colloquens inducitur. Liber ipse apud Hebraeos, ut alii quoque Apocryphi, pro rejectitio ducitur, et nihil auctoritatis habet.

Nihilominus Trithemius<sup>1</sup> ex Jos. Hebraei<sup>2</sup> auctoritate, refert Essenos nonnulla Archangelorum nomina habuisse, et Joh. Alb. Fabricius<sup>3</sup> quattuor Archangelorum nomina etiamnum celebria apud Judaeos ex Menassehben Israelis libro de *Creatione*, aliisque eorum scriptis fuisse docet. Haec inter satis sit commemorare *litaneuticas supplicaciones*, et *Angelorum invocationes*, quas R. Eliezer Hakalir, Poeta insignis elucubravit. Nam in latina earum interpretatione ex Cod. Vat. desumpta legitur<sup>4</sup>. *Chauriel Princeps da gloriam Deo propter nos. Contra magnum Dominum impie egimus, et ipse auxiliatus est nostri, ut notam faceret filiis hominum gloriam regni sui. Benedicta sit memoria ejus in generationem Sanctitatis ejus.*

Verum non modo apud Hebraeos, sed etiam apud Aethiopes, et Graecos *Vriel* praecipuo honore cultus fuit. Nam in universali Canone Aethiopum haec legitur precatiuncula<sup>5</sup>. *Custodi, Domine, Populum tuum per preces majorum Angelorum splendentium Michaelis, Gabrielis, ac Raphaelis, et Vrielis, et quattuor animalium sine carne, de quibus loquitur Apocalypsis*<sup>6</sup>. Item apud Ludolphum in Hagiologio Habessianorum ad xv. Julii<sup>7</sup> *Vriel Archan-*

<sup>1</sup> c. iv. p. 212. Arbael.

<sup>2</sup> lib. xiI. Ant. v. Nic. Serarii Trihaereum, seu de tribus Pharisacorum, Saducaeorum, et Essenorum sectis, contra Ioh. Drusii libellum de Hasidaeis. Mogenunt. 1604. 8. Calmet in T. viII. Comment. S. Script. p. 349.

<sup>3</sup> in Codic. Pseudoep. in not. ad lib. Enoch. p. 187.

<sup>4</sup> Bartolocci Bibl. Rabbin. T. I. p. 192, et 195. Basnagius in lib. iv. Histoir. des Juifs chap. 9. Calmet in Praef. ad S. Luc. in Diss. sur les bons, et les mauv. Anges p. 47, et in T. viII. Comment. S. Script. p. 351, et 359.

<sup>5</sup> in T. iv. Bibl. PP. fol. 120.

<sup>6</sup> c. iv. n. 5.

<sup>7</sup> V. T. viII. Sept. Boll. p. 7.

*gelus* memoratur. Id etiam nominis exhibet liber precum graeco-latinarum<sup>1</sup>, ubi *Aye Oupina* invocatur.

Quid vero apud Latinos? Audi Joh. Steph. Durantum, qui ait.<sup>2</sup> *Sunt et alii praeter Michaelem Archangeli, quorum nomina, seu potius agnominata ad nos pervenerunt, Gabriel, Raphael, Vriel.* Item S. Orihel una cum alteris *Ragubelis*, et *Tobielis* nominibus occurrit in *Litaniis*, quas Mabillonius edit, et *Karolinas* vocavit<sup>3</sup>. Sic etiam Nic. Serarius in *Kalendario Germanico*<sup>4</sup>, octo Angelorum nomina obversari testatur, scilicet *Michael*, *Gabriel*, *Raphael*, *Vriel*, *Maltheil*, *Zadkiel*, *Peliel*, *Raziel*. Ac denique idem Thiersius Dacherio scripsit<sup>5</sup>. *Quoties ex officii mei ratione, statas quasdam super infirmis orationes, seu Litanias, ut appellant, effundere necesse habeo, ita scriptum invenio. S. Vriel ora pro eo, vel pro ea.*

Itaque, quum tot de *Vrielis* cultu, ubique gentium propagato suppetant exempla, nil mirum, si, praeter Mariam Aug. Honorii Conjugem, alteram pientissimam Imperatricem eidem impense favisse constet. Hujus rei luculentum praebet exemplum B. Rhenanus, qui ubi *Templum Basileense describit*, quod Sec. XI. S. Henricus Imperator magnifice restauravit, donisque plurimis decoravit, haec memoriae consignavit<sup>6</sup>. *Eminet lamina illa aurea, ligneae tabulae adhaerens, septem millibus florinorum aestimata, qua ipse privatim in Larario suo, quum*

<sup>1</sup> apud Hier. de Marnef anno 1580.

<sup>2</sup> in lib. II. cap. II. de rit. Eccl. Cath. c. xxxI. §. xxII.

<sup>3</sup> T. II. Analect. p. 682., et in T. IV. Act. SS. Ord. S. Ben. p. 59. Vandale p. 135. Thiers de retinenda in Eccl. libris voce Paraclitus, et in T. I. des superstitions p. 118. et in II. p. 117. Iac. Longueval

T. IV. Hist. Gall. I. II. p. 311. Ben. XIV. de Seiv. Dei Beat. et Can. lib. IV. P. II. c. xxx. p. 886.

<sup>4</sup> Qnaest. x. quomodo viI. hi Angeli a quibusdam vocentur? in lib. Tobiae p. 282.

<sup>5</sup> in epist. cit.

<sup>6</sup> in lib. II. rer. German. fol. 140. in Serm. de S. Luca.

viveret, usus est. Vnde et tutelares Divos refert, quos ille praecipue coluit, nempe quattuor Angelos Michaelem, Raphaelem, Vrielem, et Benedictum, ac in horum medio stantem Christum, cuius pedibus ipse cum uxore Cunigunda<sup>1</sup> advolvitur. Vnde vero haec iisdem relligio, et sententia, nisi ab iis, qui eorum aevo divinarum rerum interpres florebant, quique vel privatim, vel publice, e Gymnasiorum, et Templorum exedris *Vrielis* etiam cultum docere non dubitabant?

Ita sane, posterioribus etiam seculis doctos, piosque Viros sensisse, exploratum est. Enim vero S. Bonaventura *Vrielis* mentionem fieri affirmat in III. lib. Esdrae. Quum autem ibi nusquam ejus nomen occurrat, sed tantum in IV, uti supra demonstravimus, de hoc eodem libro Bonaventuram loquutum fuisse puto. Nam Esdrae liber, qui apud nos est tertius, in graecis Codicibus est primus; ac qui apud nos pro duobus diversis libris habentur primus, et secundus, in graecis Codicibus in unum compinguntur, et secundum Esdrae librum efficiunt. Atque iccirco IV. liber pro tertio haberri potuit. Itaque versionem LXX. Interpretum sequutus fuisse videtur Bonaventura, ubi de *Vriele* loquutus est in hunc modum<sup>2</sup>. Item *Vriel*, qui interpretatur lucens Deo, sive apparens Deo, vel ignis Dei, aut incendium Dei: quae duplex interpretatio innuit, quod per ejus ministerium illustramur in veritate, et inflammamur in charitate. Mittuntur enim Angeli, ad illuminandum nostrum intellectum, et inflammandum nostrum affectum, et si non effective, saltem dispo-

<sup>1</sup> S. Cunigundis vita. apud Surium d. III.  
Martii p. 42, et in T. x. Opp. Gretseri.  
Ratisb. 1737. p. 551, et in T. I. Martii  
Boll. p. 266. et apud Mabillon. in Actis

SS. Ord. Bened. sec. vI. P. I. p. 451.

<sup>2</sup> in Centiloquii Part. III. §. xviii. de  
Custodia Hominum per Angelos T.v. P.I.  
edit. Ven. 1754. p. 149.

sitive. De hoc nomine Vriel legitur in tertio Esdrae, quia missus est iste Angelus ad consolationem Populi Dei, qui ab alienigenis premebatur. Pari modo Albertus M. in sua, quam Wiceliana proferunt exercitamenta<sup>1</sup>, litania, *Vriel* inter Angelos precatur.

Praeterea Petrus Galatinus<sup>2</sup>, et Corn. a Lapide<sup>3</sup> ex Chronicis Ord. S. Francisci<sup>4</sup>, atque Aedis S. M. Angelorum ad Thermas Diocletianas, *Vrielis* nomen una cum aliis Archangelorum, divinitus declaratum fuisse testantur *Beato Amadeo*<sup>5</sup>, Viro sanctitate, miraculis, et prophetiis illustri, qui Dei amore incensus, spretis opibus, ac vitae illecebris, S. Francisci Ordinem amplexus est, ejusque observantiorem disciplinam, quae *Amadaeorum* vocatur, instituit. Vnde a Lusitanis *B. Amator*, ab Italib. *B. Amadaeus* vocatur, ac Xysto IV. ad Ecclesiae clavum sedente, cuius confessiones excipiebat, in Monte aureo Monasterium sui Ordinis exstruxit. Haec autem nomina ita ab eodem fuerunt interpretata. *Michael*, quis ut Deus? *Gabriel*, *Fortitudo Dei*. *Raphael*, *Medicina Dei*. *Vriel*, *Lux Dei*. *Barachiel*, *Benedictio Dei*. *Salathiel*, *Petitio Dei*. *Iehudiel* *Laus*, et *Confessio Dei*. Atque hinc, ni fallor, fortasse repetendus est singularis usus Fratrum Franciscalium, qui viguit ad nostra haec usque tempora, *Vriel* commemorandi, festa die S. Gabrielis Archangeli. Nam in viii, ut vocant, responsorio haec legebantur<sup>6</sup>.

*Ecce vir unus Gabriel in veste figurali,*

*Sicut prospexit Daniel, fulgore prophetali,*

*Cui subvenit Michael facto divinali,*

<sup>1</sup> Lugduni 1651.

<sup>2</sup> lib. II. in Apoc. c. viii.

<sup>3</sup> in Apoc. c. I. p. 17.

<sup>4</sup> P. II. lib. c. xxx.

<sup>5</sup> Acta B. Amadei Conf. ex Ord. S. Franc.

cum Comm. praevio, et notis Guil. Cu-  
peri. in T. II. Aug. p. 572.

<sup>6</sup> ad d. xxiv. Martii p. 759.

*Et suam medelam Raphael affert, quam confert Vriel pro  
grege rationali.*

Ac paullo infra in Antiphona *Benedictus* :

*Tunc Virginis Corpusculum, Sensus, et Cor perterritur,  
dum arcanum detegitur, quod pariet Emmanuel, qui illu-  
minet in tenebris eentes, et in semitam pacis regat, et per-  
ditam viam collustret Vriel. Quae tamen omnia in nupe-  
ra diurnarum precum Codicis editione penitus expuncta  
sunt. Nam, quum interpolata sint Chronaca, ubi B. Ama-  
daei revelationes narrantur, quae ab Ecclesia minime pro-  
batae sunt, ejusque Apocalypsim multis somniis scatentem  
judicaverint Mabillonius<sup>1</sup>, aliquique<sup>2</sup>, iccirco ex his nul-  
lo modo statui potest, nomina illa Angelorum esse ad-  
mittenda.*

Idem profecto sentendum esse docet Card. Albitius de revelatione nominis Angeli Custodis, quam Hurtado evenisse docet Johanni de la Cruz, qui eum Lauriel appellari tradidit<sup>3</sup>. Non enim Angelos, qui S. Caeciliae apparuerunt, nec Custodes SS. Franciscæ, et Theresiae nomen aliquod peculiare habuisse constat. Quin imo, quum de suis nominibus sciscitati fuerint, eadem ut plurimum enunciare noluerunt. Nonne, quum luctantem secum Angelum interrogavit Jacob<sup>4</sup>, dic mibi, quo appellaris nomine? respondit, cur quaeris nomen meum? Itemque, quum Angelus Patri Samsonis apparuerit, eum ita percontatus est<sup>5</sup>. *Quod est tibi nomen, ut si sermo tuus  
fuerit expletus, honoremus te?* Cui ille respondit. *Cur quaeris nomen meum, quod est mirabile?*

<sup>1</sup> in T. I. Mus. Italici p. 47.

de irconstantia in Fide cap. XI. p. 527.

<sup>2</sup> Araux in fine Tractatus de Angelis Gestald. de Angelis p. 594. Card. Albitius

<sup>3</sup> ibid. p. 528.

<sup>4</sup> Genes. xxii. v. 29.

<sup>5</sup> Iudic. xiiii. v. 17.

Quis itaque ferat Basilidianorum insaniam, qui quum proprium, ac peculiare nomen singulis Virtutibus affixissent, quas ad numerum usque **ccclxv.** totidem anni diebus praeesse somniabant, inter **vii.** Angelorum, **vii.** Caelorum Praesidum nomina, quae in hanc rem confinxerant, *Vrielis* etiam nomen <sup>1</sup> gemmis Abraxeis insculpebant? Verum, quum magnam virtutem istiusmodi Angelorum nominibus tribuerent, non secus ac **ii**, qui, ut narrat Arnobius <sup>2</sup>, Servatorem nostrum calumniabantur, quod *Aegyptiorum ex adytis, Angelorum potentium nomina, et remotas furatus esset disciplinas*, superstitiosi homines, magicis carminibus, atque incantationibus impense studentes <sup>3</sup>, monstrosa Angelorum nomina frequenter cudebant. Porro Cornelius Agrippa <sup>4</sup>, priusquam numeret **xxviii.** *Angelos*, qui dominantur in totidem mansionibus Lunaee, inter Angelos, quos **xii.** Caeli signis praeesse contendit, *Murielam* nominat, quem alibi *Surielem* appellat. Paria commentus est Trithemius in *Steganographia* <sup>5</sup>, ubi Solis Angelum *Michaelem* esse docet, cui parent, ac subditi sunt *Laniel*, *Palael*, *Vaariel*. Eō usque vero effraenata novarum hujusmodi nomenclationum libido, atque intemperantia progressae sunt, ut bonorum, malorumque hominum spiritus, eodem artificio nominandos existimaverint. Hinc Agrippa affirmare ausus est <sup>6</sup>,

<sup>1</sup> Origenes lib. vi. adv. Celsum. Irenaeus lib. i. cap. xxii. et lib. ii. cap. LVIII. Epiphanius haer. xxii. I. xxv. Theodoreetus de Basiliidianis. Augustinus lib. x. Confess. c. XLII. adv. Nicolaitas. Nicetas lib. v. Thes. Orth. Fidei. Fi. H. de Halteserre a Salvaison in not. ad Fulg. Ferrand. in T. I. Thes. Meermannii p. 101. Montfauconius in Palaeogr. Graeca p. 177. et in T. II. Antiq. explic. Kircher in Par. II.

Oed. Aegypt. Class. II. c. vi. Chiffletius in Commentario in Gemmas Abraxeas pag. 75. 125. 140.

<sup>2</sup> lib. I. contra Gent. n. xxvi.

<sup>3</sup> Delrio Disquis. Magic. I. I. c. iv. p. 55.

<sup>4</sup> lib. II. occult. Philos. c. xxiv.

<sup>5</sup> Ars per occultam Scripturam animi sui voluntatem absentibus aperiendi certa. Darmbstadii 1621, et Vlm. 1767. 4.

<sup>6</sup> lib. II. c. xxviii.

cum, qui apud Esdram<sup>1</sup> vocatur *Ieremiel*, Jeremiae Prophetae spiritum, Zachariae vero *Zacharielem*, Vriae Prophetae, quem interfecit Joachim, *Vrielem* fuisse. Praeterea, ut immane quantum hisce nominibus abuteretur, novis etiam argumentis ostenderet, Esdram cum *Vriele* familiarem consuetudinem habuisse adjecit<sup>2</sup>. Quid vero dicam de formula superstitionis a Martino Arelatensi damnata<sup>3</sup>, ubi *Vriel*, *Vriel*, aliaque id genus nomina ad calamitates averruncandas proferebantur? Quid de altera superstitione, qua Thiersius memorat<sup>4</sup>, nonnullos invocasse, *du côté de l' Orient, l' Ange Vriel, qui est le premier de l' Orient, et qu' on invoque pour cette science, pour trouver or, argent, et thresors caches en terre*, quique in precibus ineptissimis, primus inter Seraphim appellatur? Quid attinet commemorare *Heptameron, sive Elementa Magica Petri de Abano*<sup>5</sup>, ubi *Vriel*, inter barbara Angelorum nomina horis praefectorum memoratur? Apage a nobis tantam dementiam, atque hominum fuitatem, ac deliramenta deploremus.

Nunc, ut ad institutum, a quo nonnihil defleximus, redeamus, etsi *Vrielis*, et *Sociorum* cultus vestigia singulis fere aetatibus offendimus, tamen praesertim, Sec. xvi. ineunte, studium vii. Archangelos nominatim colendi exarsisse constat. Qualis vero fuerit singularis hujusce studii fons, atque origo, te, puto, non pigebit audire. Panormi vetus Templum exstat, in honorem S. Angeli Presbyteri Ord. Carmelitani, Leocatae in Sicilia, dicatum. Ibidem forte contigit, ut anno MDXVI. detegeren-

<sup>1</sup> lib. iv. c. iv. v. 36.

<sup>4</sup> Traité des superstitions T.I. p. 187. 191.

<sup>2</sup> lib. II. c. XLVIII.

<sup>5</sup> apud Ioh. Wier de Praestigiis Doe-

<sup>3</sup> in Tract. de superst.

monum lib. II. cap. v.

tur imagines VII. Angelorum parieti depictae, quarum singulis eorum nomina inscripta erant, hoc modo<sup>1</sup>. *Michael Victoriosus. Gabriel Nuncius. Raphael Medicus. Vriel fortis Socius. Ichudiel remunerator. Barachiel adjutor. Seal-tiel Orator.* Praeterea unusquisque eorum emblemata sibi propria praeseferebat, quae Cornelius a Lapide ita describit<sup>2</sup>. *Michael pedibus calcans Luciferum, laeva virentem palmam gestabat, dextera lanceam, in cuius summo vexillum candidum, rubra cruce intertexta, se hastae convolvebat. Gabriel faculam laternae inclusam dextera gerebat, sinistra speculum ex viridi jaspide rubris maculis immixtis. Raphael sublata sinistra pyxidem sustinebat, puerum Tobiam dextera manu dicens, piscem ex ore prehensum gestantem. Barachiel in sinu pallii albentes ferebat rosas. Iehudiel dextera coronam ex auro praeferebat, sinistra flagellum tribus nigris funiculis distinctum. Sealtiel vultu, oculisque demissis, et palmis ad pectus nexis, precantis speciem exhibebat. Vriel dextera eductum gladium stringebat ante pectus transversum; a laeva prope pedes flamma collucebat. Atque hinc fortasse Octavius Pancirolus<sup>3</sup>, Cherubim, qui e Paradiso terrestri Protoplastos expulit<sup>4</sup>, *Vrielem* nun-*

<sup>1</sup> Vita S. Angeli Ord. Carmel. auctore, ut fertur, D. Enoch Patriarcha Hierosolymitano, per Th. Bellorosium in capita digesta cum not. Dan. a Virgine Maria. in ejus speculo Carmelitano T. II. P. iv. p. 347. Eadem notis illustrata a Dan. Papetrochio, et cum alis vitis ejusdem S. in T. II. Maii p. 798. Corn. a Lapide in Apocalyps. c. I. p. 13. Spinelli. de Templ. Deiparae p. 690.

<sup>2</sup> Galatinus in expositione in Apocalyps. Blas. Viega in cap. xiI. Apocal. §. xvII. Laur. Masellius. lib. III. de Virgine c. v. Salmeron in Tract. II. de Angelo Ga-

briele. p. 19. Andreas Vittorelli in lib. I. de Custodia Angelorum. pag. 40. et in opere dei ministerij, et operationi Angeliche. Vicenza 1611. 8. Octavius Panciroli Tesori nascosti p. 307. Alberghinus in Man. c. xvII. §. III. Card. Albitius de inconstancia in fide cap. XL p. 527.

<sup>3</sup> Tesori nascosti p. 310.

<sup>4</sup> V. Ioh. Fromme de Cherubim, et gladio flammando. Witteb. 1670. 4 in T. I. Thes. Theol. Phil. p. 120. Ios. Passinum de mulcta Evaee, et Adam. interdiss. in Pentateuchum. Aug. Taurin. 1722. Ioh. Theodori Heinsonii diss. de Para-

cupatum fuisse arbitratus est. Haec eadem vii. Angelorum symbola hinc, ut videtur, expressa exhibet imago Antuerpiae ab Hieronymo Wierix aeri incisa. Tunc igitur Templum vii. Angelorum vulgo nuncupari, ac eorum festum sollemini pompa celebrari coepit, tertia die festi Paschatis. Post haec pergit idem Cornelius. *Quo circa hisce tam priscis septem Angelorum, piisque Schematibus excitatus Hector Pignattellus, Comes Montis Leonis, Siciliae nomine, Karoli V. Imperatoris Prorex, Templum hoc instaurans, ornansque anno MDXXIII, in eo e Senatu Panormitanus, ac plenisque e prima nobilitate Civibus Sodalitium, quod Imperatorum dictum est, septem hisce Angelorum Principibus instituit, cuius ipse patrocinium pro Karolo V. volens lubensque suscepit, ut eorum ope, ac patrocinio fultus Imperator, tum pace, tum bello, Panormitanam Vrbem, adeoque Siciliam universam bene, feliciterque moderaretur. Ac demum biennio post, hoc idem Templum annua xxx. aurearum uncianarum, uti vocant, dote locupletavit.*

Hujus Templi curae praepositus fuit *Antonius del Duca*, pius Sacerdos Cephaludensis <sup>1</sup>, qui vii. *Principum Angelorum* studio mirifice incensus, eorum cultum augere, enixe curavit. Quumque id unice cogitaret, atque in votis haberet, instinctu Divinitatis, anno MDXXVII. in Vrbem se contulit, ut in domicilio, ac Sede Catholicae Religionis, vii. *Angelorum* cultum statueret, ac eorum honori sacram Aedem dicaret.

diso, ejusque amissione, et custodia. Helmst. 1698. 4. Ioh. Vdalr. Tresenreuteri diss. de Paradiso igne deleto. Altorf. 1735. 4. et in ejusd. Opusc. p. 164. Norimb. 1745. 4. Ioh. Franc. Budeum in T. x. Obser. Halens. Obs. xl.

<sup>1</sup> V. Historia breve delle Therme Dio-

cleiane cangiate in Tempio di S. Maria degli Angioli, presa dal mss. componimento del Sacerd. Michele Catalano, fu domestico di Antonio del Duca. p. 268. nel libro de' Ministerj, et Operazioni Angeliche di Andrea Vittorelli. Vicenza. 1611. 8.

Sed, quum arduam, atque operosam rem esse, probe intelligeret, quae haud parum cunctationis, et morae habitura esse videbatur; ut diutius, ac minori impendio in Vrbe versari posset, sibi Capellani munus adscivit apud Antonium de Monte Cardinalem, cui statim suscepti itineris caussam, et consilium suum aperuit, ejusque opem, ac praesidium imploravit. Cardinalis humanissime Antonii precibus auscultavit, et sese, quae vellet, omnia libenter facturum spopondit; quin imo, ut alacriori esset animo, ac bene de re tam sancta omnaretur, eadem vii. *Angelorum* nomina, in Panormi Aede reperta, B. *Amadaeo* per quietem olim divinitus indicata fuisse, renuntiavit. Verum, septennio post, Hero amantissimo vita functo, omniq[ue] conatu irrito, pro *Missae* vii. *Angelorum*, quam, eo suadente, adornaverat, adprobatione, anno MDXXXV, re prorsus infecta, Panormum se retulit.

Ceterum, biennio post, Vrbem redivit, ac in Aede Domus S. Virginis, quae apud Picentes in Loreto apparuit, ad Columnam Trajanam, Capellani munus adeptus est. Interim id unum mente volvebat, atque in hanc partem, curamque incumbebat, ut sollemnem vii. *Angelis* cultum in Vrbe conciliaret. Quumque dormientibus nobis species earum rerum facillime objiciantur, de quibus vigiles diu, multumque cogitavimus, an. MDXLI. per somnum, Thermas Diocletianas in Templum vii. *Angelis* sacrum convertendas esse praevidit, ut idem sancte testatur in hujusce ostenti historia, Venetiis edita anno MDLII, ac in Vrbe, anno MDLV. recusa. Itaque vix dum lucebat, ad Thermas sibi caelitus commonstratas, veluti contento ad metam cursu, advolavit. Statim

ac eas vidit, obstupuit, ac nullum aptiorem in Vrbe locum esse posse cognovit ad vii. *Angelorum* cultum facilius, citiusque statuendum. Ibi enim, praeter solidissima fundamenta, altissimosque parietes, xiv. veluti Cellas in promptu esse comperit<sup>1</sup>; ac statim, ingenti gaudio perfusus, vii. ex iis, versus Solem Orientem, totidem *Angelis* adsignavit, singulorum nomen, literis minio illitis, in singulis earum, proximisque Columnis describens. Deinde septem alias illustrioribus Martyribus Cyriaco, Largo, Smaragdo<sup>2</sup>, Sisinnio, Saturnino, Marcello Pont.<sup>3</sup>, et Thrasoni, qui eas sudoribus, et sanguine irrigaverant, dicandas constituit.

Mirum autem, quantum praeconceptus Antonii ardor erga vii. *Angelorum* caelestium cultum, velut novo subjecto hoc igne, incaluerit! Is certe nihil intentatum reliquit, ut Paullus iII. Thermas ab omni superstitionis labe purgatas, *Angelorum*, et *Martyrum* cultui, sacris legitimis dedicaret. Verum nihil aliud obtinere potuit, quam veniam Altare erigendi in honorem vii. *Angelorum* in Aede S. Stephani de Cloaca.

Interea, quum sese Romam semel, atque iterum haud auspicato venisse cognosceret, solum vertere cogitavit; ac proinde Venetias se contulit, ubi forte, nihil tale cogitans, in Aede D. Marci, musivo expressam invenit S. Dei Parentis imaginem a vii. *Angelis* stipatae. Itaque statim eam coloribus accurate adumbrandam, ibi-

<sup>1</sup> Thermae Diocletianae a Iac. Cock aere incisae, ac in Tab. xxvi. divisae. Antuerpiae 1558. fol. Serlius in lib. iII. Archit. Leonard. Bufalini Topogr. Vrbis. Romae 1551. Pyrr. Ligori in Top. Vrbis. Pomp. Laetus l. ii. hits. Rom. Ovverbech in reliq. vet. Romae. Titi Pitt., e Scult. etc.

Roma 1763. p. 286. Bottari Dial. dell' arte del dis. p. 56. Nard. Rom. Ant. T. iI. p. 510.  
<sup>2</sup> Guil. Cuperi de SS. Cyriaco, Largo, Smaragdo, et Sociis MM. Romae Comm. Historicus. in T. iI. Aug. pag. 327.  
<sup>3</sup> Gesta S. Marcelli P. in vitis SS. Surii Men. Ianuar., et in T. iI. Jan. Boll. p. 5.

demque typis edendam curavit *Missam Angelorum*, una cum eorum iconibus aere caelatis.

Post haec, additis veluti calcaribus jam sua sponte currenti, Romam reversus, Orphanotrophii curam suscepit ad S. Mariae in Campo, ubi Equiria fiebant; ac quotidie magis instare, ac rem vehementius urgere coepit, ut tandem aliquando voti compos fieret. Verum unam dumtaxat Thermarum partem consequi potuit. Nam anno MDXLVII, Paullo III. annuente, continenti Calidario, quod deinde *Bernardo* dicatum fuit, potitus est; ibique Sacerdotum Collegium instituere cogitabat, qui Templo, serius, ocyus, aliquando quidem certe, in Thermis in propinquo positis construendo, possent inservire. Neque tamen pio homini licuit consilium suum profligare, atque ad optatum exitum perducere, male feriatis hominibus vehementer tum contra adnitentibus. Itaque spe frustratus, eo uno contentus esse debuit, ut sese quotidie ad Theras conferret, eoque saepe etiam duceret Orphanorum gregem, ad hymnum in honorem Angelorum ab se adornatum, ibidem pie concinendum, qui de *Vriele* praesertim haec habebat<sup>1</sup>.

*Vriel fortis socius bonorum,  
Doemonum vires gladio retundit,  
Claritas cuius superat piorum  
Vota precantum.*

Sed tandem beata illa dies illuxit, qua Iulius III. Antonii precibus morem gerere constituit. Ejus enim ius<sup>2</sup> suu<sup>2</sup>, anno MDL. Philippus Archintus, vice sacra Antistes Religionum Vrbis, die x. Augusti, Episcopo Sebastensi

<sup>1</sup> V. Ant. Duca vii. Principum Angelorum Orat. cum antiq. imag. Neap. 1609. §.

<sup>2</sup> Ant. Spinelli de Festis, et Templis Deiparae p. 691.

Suffraganeo suo curam commisit , in honorem *Virginis Sanctae*, et VII. electorum *Principum Angelorum* Thermas Dicletianas consecrandi , quarum custodiam recens erecto Sodalitio SS. Trinitatis , sub titulo *Subsidii*<sup>1</sup> commendavit.

Quis vero Antonii , qui totius rei auctor fuerat , laetitiam , ac triumphum verbis assequi possit ? Itaque Philippi Nerii , memoratae Societatis institutoris<sup>2</sup> , auxilio fretus , eō rem perduxit , ut festa die B. V. sideribus receptae , omnia in promptu essent . Nam duobus ibidem Altaribus , opere subitario , erectis , quorum unum imaginem *Deiparae Angelis* stipatae , Venetiis depictam , alterum *Angelos* Panormi repertos praeferebat , Sebastensis Antistes Thermas sollemni ritu expiavit , maximaque caeremonia , *Deiparae* , et *Angelorum* honori dedicavit .

Sed non diu industriae suaे gratulari , et laborum suorum fructu , optimo Viro frui licuit . Ecce enim perditorum hominum manus , qui illuc antea quotidie convenire solebant ad ludos , aleas , comessationes , et Equiria , inter Romuli foecem , ac ruderum illorum latebras , libere péragenda , impetu repente facto , omnia sacrilego ausu subvertit ; ac locus per summum nefas , omni relligione spoliatus , Antonio , aliisque piis hominibus frustra reluctantibus , rursus consuetis oblectationibus , atque spectaculis patere coepit .

Itaque Antonius , non sine lacrymis , Thermas relin-

<sup>1</sup> Lib. Decretorum , seu Constitutionum Societatis , seu Fraternitatis SS. Trinitatis de subsidio cognomento dictae . Romae 1554.8. Decreti , ovvero Costituzioni della Compagnia , e Fraternità della SS. Trinità . Roma 1554. 8. Statuti della Ven. Archiconfraternita della SS. Trinità de' Pellegrini et Convalescenti . Roma 1558. 4.

Giac. Laderchi Fondazione dell'Archiconfr. della SS. Trinità de' Pellegrini , e Convalescenti . Roma 1730. 4.

<sup>2</sup> Bacci vita di S. Filippo Neri . Roma 1645. 4. lib. 11. cap. 11. ant. Galionio vita B. Philippi Nerii . Moguntiae 1607. 8. et in Tom. vi. Maij Bollandiani pag. 460. et 524.

quere , atque hinc *Deiparae* , et *Angelorum* imagines , una cum sacra supellectile , auferre coactus fuit , quas in proximo Calidario recondidit . Quumque , intimi doloris sui aliqua ex parte leniendi caussa , ad Thermas identidem Orphanos una secum deferret , ut a tenera , atque innocentia puerorum aetatula , castae , ac purae laudum veluti hostiae vii. *Angelis* offerrentur , id etiam improbi homines aegre admodum ferentes , malis artibus Orphano-trophii praefecturam ei adimendam curarunt .

Ceterum Antonius nullis adversitatibus fractus , nunquam animum despondit ; quin imo continentis quinquennii spatio , omnem lapidem movere non destitit , ut res tandem e sententia cederet . Interea anno MDLV , dum rei divinae operaretur , videre sibi visus est *Archangelum Vrielem* clarissima in luce refulgenter , qui bono animo esse jubet , eidemque Thermas rursus in honorem *Angelorum* conversas demonstrat .

Neque tum vanum fuit ejus augurium , nec sua eum spes fefellit . Nam anno MDLX , postquam renuntiatus fuit Pontifex Pius IV , inopinate ad optatissimam curarum suarum metam pervenit . Quum enim Pontifex a meridie sese contulisset ad Portam Nomentanam contemplandam , quam opere sumptuoso , a Bonarota exstruendam curabat , magnopere laudavit quamdam majoris moduli larvam , affabre exsculptam , atque oris rictu mirifice expresso ibi prostantem . Sed Michael Angelus Pontifici ingenue fassus est , id opus esse *Iacobi del Duca*<sup>1</sup> . Id nominis statim in mentem Pontifici revocavit alterum Antonii , de quo multa persaepe audierat , sermone hominum

<sup>1</sup> Baglioni Vite de' Pittori , Scultori etc. fol. 54. Pellegrino Antonio Orlan- di Abcedario Pittorico . Bologna 1704. 4. pag. 178.

praedicari . Quocirca , quum Mich. Angelum percontatus esset , num forte egregio Sculptori aliqua cum Antonio necessitudo intercederet , eum Pronepotem esse rescivit . Conticuit ad haec Pontifex ; ac paullo post viam relegens , eumdem Antonium offendit , qui more suo ad Thermas invisendas , Angelosque ibidem exorandos , moestus , ac dolens sese conferebat . Pontifex singulari benignitate subridens , eum fausta precatione lustravit , statimque jussit , postridie ejus diei , ad se compellari .

Itaque Antonius Pontificem adiit , rerum omnium seriem evolvit ; labores innumeros exantlatos , devoratas injurias , et contumelias ; in suscepto proposito xxxiv. annorum perseverantiam enarrat ; sese semel , atque iterum de Thermis in honorem *Angelorum* convertendis divinitus admonitum fuisse testatur ; ac demum vehementer obsecrat , ut id ipse , qui *Angeli* nomen praesefebat , ac insigni Architecto , cui *Michaelis Angeli* nomen , utebatur , sollemni ritu perficiat .

Non diu exorari passus est Pontifex , ac nihil cunctandum ratus , Bonarotae negotium dedit , ut Thermas in Templum commutaret , ac statim manus opèri admoveret . Interea , dum Pontifex circumspiciebat , quos novo Templo Custodes addiceret , divinique cultus , et saecorum Ministros , gestiens Antonius , quod sese tandem aliquando pretium laborum , ac vigiliarum , et tam diurnae in hac Vrbe commorationis fecisse perspiceret , rem Jacobo Pronepoti communicavit . Atque is , quum paullo ante pro Altari Monasterii S. Barptholemai Carthusianorum in agro Romano , Anaglyphum insculpsisset , ab uno e Monachis forte edoctus fuerat de quodam di-

plomate ab Vrbano V. Avenione dato , anno MCCCLXII<sup>1</sup>, quo Nicolao Comiti Nolano , et Neapoleoni Comiti Manupelli , Familiae Vrsinorum , concesserat potestatem erigendi Monasterium Ordinis Carthusiani , in Thermis Diocletianis , *sub appellatione SS. Leonis , et Nicolai Confessorum*<sup>2</sup>. Id tamen Comes Manupelli , morte intercep-tus , praestare non potuit . Quumque Comes Nolanus superstes consilium mutasset , idem Pontifex , altero diplo-mate , dato apud Montem Faliscum , x. Kal. Aug. an. VIII. sui Pontificatus<sup>3</sup> , Neapoleonis voluntati testamento re-lictae derogavit ; ac una cum ejus bonis , ac latifundiis , Monasterium pro Carthusianis in Aede Sessoriana erigen-di facultatem Comiti Nolano impertivit . His auditis , omnia confestim Antonius Pontifici renuntiavit , qui sum-mopere laetus , quod Deus sibi hujusmodi provinciam reservasset , indicto Patrum Cardinalium Collegio , die v. Augusti , qua die aedes S. Mariae in Templo Liberiano prodigiali nive dedicata est , anno MDLXI , magno Prae-sulum , Procerumque comitatu , atque incredibili populi frequentia , Thermas in honorem S. Mariae Angelorum , sanctissimis caeremoniis dedicavit ; et sacrae Aedis Titu-lo Cardinalitio exornatae custodiam Carthusianis illuc ex Coenobio Bas. Sessoriana translati demandavit<sup>4</sup> . Atque

1 Vgonio Stazioni di Roma pag. 192 , et 210. Besozzi Storia di S. Croce in Gerusalemme p. 185.

2 Panvinius de vii. Eccl. p. 270.

3 Besozzi ibid. p. 186.

4 V. Bullar. Cherubin. p. 551. Cost. LV. Raynald. Annal. Eccl. T. iij. ad an. 1562. num. 129. Bacci de Thermis lib. vii. c. iiij. pag. 562. Venet. 1571. fol. ibid. 1588. Romae 1622. et Venet. 1712. fol. et in

T. xiI. Thes. Graevii. Spinellum de Fest. et Templis Deiparae pag. 690. Panciroli Tesori nascosti pag. 411. Vittorelli de' Ministerj, et Operazioni Angeliche p. 286. Corn. a Lapide in Apocal. cap. I. p. 16. Besozzi loc. cit. p. 189. Piazza Gerarchia Cardinalizia pag. 618. Marangoni delle Terme , e Bagni de' Gentili , e d' altri luoghi immondi convertiti in Chiese . cap. LVI. delle cose Gentilesche ad uso

utinam id aliquando fieret de Thermis Antoninianis , quae licet in modum Provinciarum exstructae , senio , ac squatore obsitae fatiscunt quotidie magis , ac satis diu manus auxiliatrices efflagitare videntur !

Tunc igitur effigies *Virginis Sanctae , Reginae Angelorum Caelitum* , ex proximo Calidario , ubi abhinc decennium delituerat , quodque eadem honori *Bernardi*<sup>1</sup> , sui cultus studiosissimi , quodammodo cessisse , ac reservasse videtur , egressa , veluti postlimonio , in Thermae rediit , ubi in Ara maxima , tamquam in solio , relligiosissime collocata fuit . Haec eadem illa est imago , quam Venetiis Antonius ad vivum exprimendam curavit ex archetypo musivo aedis S. Marci . Trini Angeli dextra , ac totidem laeva Mariam venerantur ; septimus sub ejus pedibus pronus adstat , hoc modo . Laeva parte , horum primus in pectore *Michael* inscribitur , *paratus ad animas suscipiendas* . II. *Raphael* dicitur , de se proferens , *Viatores comitor* , *infirmos medico* . Tertii nomen deletum est , ac tantum legitur , *Deum laudantibus , proemia retribuo* . Quarti nomen item obliteratum est , ac sub pedibus Deiparae inquit , *Oro supplex , et acclinis* . Dexteriore vero parte , *Gabriel* visitur , extrito tamen , atque eluto nomine , Virginis praenuntians , *Spiritus S. descendet in Te* . Secundi nomen , quem *Vrielem* puto , expunctum est . Haec tamen inculcat . *Flammescat igne charitas* . Tertius vero in veste adhuc exhibet *Barachiel* , literarum vesti-

delle Chiese pag. 291. Tromby Bened. Istoria Critico-Cronologica Diplomatica del Patriarca S. Brunone , e del suo Ord. Cartusiano . Napoli 1773. T. x fol p.272.  
1 Piazza Gerarchia Cardinalizia p. 684.

Ant. M. Lupi Dissert. postuma intorno a' Battisterj antichi pag. 99. e nelle note , e continuazione di Franc. Ant. Zaccaria . p. 106. Montfauconii Diarium Italicum . p. 206. Mabillonii Museum Ital. T. I.

giis, poene tamen fugientibus, ac detritis, adjecta prece, *Adjutor, ne derelinquas me.*

Verum, etsi neque Philippus Archintus, neque Pius IV, tum in prima, tum in secunda Thermarum consecratione, *Angelos* singillatim nominaverint, sed tantum generatim Thermas BB. *Virgini omnium Angelorum, et Martyrum*, dicandas esse pronuntiaverint, tamen eorum nomina minime delenda curarunt, quae ibidem reliquit Antonius del Duca, diem suum functus anno MDLXXIV.<sup>1</sup> Quin imo eadem ibidem exstisset constat, unius ferme seculi spatio. Nam descriptae liturae, non Cardinalibus Bellarmino, et Baronio tribuendae sunt, ut perhibet Vittorellus<sup>2</sup>, sed Cardinali Francisco Albitio, qui id se praestitisse aperte testatur, ubi narrat<sup>3</sup>. *Curavi ego tamen, ut delerentur dicta nomina.* Et sane eodem an. MDLXI, Ferrantes Ruis, domo Navarra, qui, ubi nunc ad Aedes Bergomatum colitur Barptolemaeus Apostolus, e solo condidit Aedem B. V. a Pietate nuncupatam ad Columnam Antoninam, adjecto Dementium valetudinario, ad viam Longam postea translato<sup>4</sup>, in Ara depingendum curavit D. N. J. C. in Templum Hierosolymorum a Parentibus deductum, devotumque, ac vii. *Angelos*, singulorum nominibus appositis, *Michael, Gabriel, Raphael, Vriel, Scaltiel, Iehudiel, Barachiel.* Sed, ut hinc etiam

<sup>1</sup> in Templi pavimento ante Altare principis sepultus fuit, hoc epitaphio. Antonii de Duca Siculi Presbyt. Cephaludensis, qui has Diocletiani Thermas ante annos fere triginta Virg. Angelorum, ut extat, Templum fore divinitus praevidit, hic osia quiescunt. Vix. ann. LXXXIII. m. iv. d. xv. obiit xxx. Oct. MDLXXIV. Jacobus de Duca Pronepos ex Testamento haeres

posuit. V. Martinellum Rom. ex ethn. sacr. pap. 181. Panciroli Tesori nascosti p. 310. Vgonio Stazioni di Roma p. 200. Piazza Gerarchia Cardinal. p. 621.

<sup>2</sup> op. cit. p. 275.

<sup>3</sup> de inconstantia in Fide c. XL. p. 527.

<sup>4</sup> Martinelli Roma ex ethnico sacra p. 180. Ottavio Panciroli Tesori nascosti p. 411.

eadem nomina delerentur, Clementi XI. auctor fuit Franciscus Blanchinius <sup>1</sup>. Nam viri doctissimi trium dumtaxat Archangelorum nomina retinenda esse propugnarunt, qui in sacris literis nominantur, etsi vii. Angelorum <sup>2</sup> cultum minime improbandum esse duxerint. Frequens enim eorum mentio fit apud Patres, et sacrarum litterarum volumina. Siquidem, ut alios praeteream, Clemens Alexandrinus <sup>3</sup> numeri septenarii Angelorum Dei assistentium dotes explicans, ait <sup>4</sup>. vii. quidem sunt, quorum est maxima potentia, primogeniti Angelorum Principes. Cum iis Johannes loquitur, quum gratiam precatur a Deo <sup>5</sup>, et a vii. Spiritibus, qui in conspectu throni ejus sunt, eosque mitti in omnem terram <sup>6</sup>, et ex illis unum ad se missum esse scribit. Idem Zacharias Propheta confirmat, quem Spiritus vii. oculorum nomine adumbrasse censuit Hieronymus <sup>7</sup>; ac diserte Raphael Angelus Tobiae dixit <sup>8</sup>, ego sum unus ex vii, qui adstamus ante Dominum.

<sup>1</sup> Lettera sopra alcuni nomi di vii. Angeli esposti in un Quadro d'Altare della Chiesa di S. Maria della Pietà di Roma. nel T. II. de'suo Opusc. p. 17.  
<sup>2</sup> De vii. Angelis Principibus, aut Archangelis, praeter Interpretes Apocalypses, et SS. Michaelis Syncelli Laudationem in Sanctos Dei Archangelos, Angelosque, ac universas Caelestes virtutes. in Auctar. Combeffisi p. 1526. vide Petavium de Angelis p. 128. Martinum Roa in singularibus S. Scripturae T. II. p. 444. Joh. Lud. de la Cerda de excellentia caelestium Spirituum. Paris 1631. 8. Quis enim suadere poterit, ut consulas Grotium ad Matthei xviiiij. 10. Christ. Sandium in probiemate paradoxo de Spiritu S. p. 10. et contra Sandium. Schomerum p. 92. et Wittichium p. 156. Dorscheum in Pentadecade p. 516. Schmidum in my-

sterio Gratiae divinae p. 550. Abr. Hinkelmannum in detect. fundamenti Bohmiani p. 18. contra Fluddum c. vii. microcosmi, et Jac. Boehmum. Joh. Galileum ad Jamillichum de Mysteriis Aegypt. p. 205. Gerard. Mejerum in paradoxo de Archangelis en hymeniate Hamb. 1695. 4. Dan. Pfeffingeri Disquis. de cultu Angelorum. Argent. 1708. 4. Joh. Job. Majorum de natura, et cultu Angelorum. Jenae 1653. 4. Hackspanium de Angelorum, Doemonumque nominibus. in Sylloge p. 234. 242. 252?

<sup>3</sup> vi. Strom. p. 493.

<sup>4</sup> in iv. Apoc.

<sup>5</sup> ibid. c. v. vi. et vi.

<sup>6</sup> ibid. cap. xvii. V. etiam Apocalypsis I. 1. 4. v. 6. viii. 2. xv. 1.

<sup>7</sup> cap. iv.

<sup>8</sup> cap. xi. 15.

Verum, quum quae in apocryphis occurrunt, auctoritatem licet non habeant, interdum tamen mala non sint, ac nonnullis eorum sententiis utatur Ecclesia, putandum est, eamdem *Vrielis* nomen usurpari, et Christianis in sacro regenerationis lavacro<sup>1</sup>, identidem imponi, tolerasse, pari fere modo, quo noluit eosdem libros Apocryphos prorsus deletos; etsi eos in Canonem, sive syllabum sacrorum Codicum communi Ecclesiae judicio receptorum minime recensendos, nec publice legendos, sed tantum, utpote haud satis exploratae originis, ac fidei, vel dubiae auctoritatis, seorsim cudentos praescripsit. Quumque plus III, et IV. Esdrae libro, quos minori chartere, post volumina divina, et Canonica ad calcem Bibliorum reponi permisit, quam ceteris scriptis apocryphis dederit auctoritatis, ita plus etiam *Vrielis* nomini ibidem memorato, et a nonnullis Patribus, vel post Synodum Rom., aliquando usurpato, prae tribus aliis VII. Archangelorum, tribuisse videtur, atque in eorum gratiam tolerasse, ut apud Christianos circumferretur. Ceterum quivis sanus cum Thiersio pronunciaverit<sup>2</sup>, multo tutius esse cum Ecclesia Catholica tres tantum Angelos Michaelem, Gabrielem, Raphaelem in sui patrocinium advocare, quam Vrielem ipsis cum Aldeberto Haeretico adjungere, ejusque opem implorare.

<sup>1</sup> V. Nicol. Serarium in libro Tobiae.  
pag. 188.

<sup>2</sup> de retinenda in Ecclesiae libris voce  
*Paraclitus*.



## §. XII.

*Mariae Sepulcri Cimeliorum descriptio continuatur.*

Jam vero ad *Mariae Sepulcri Cemeliorum descriptionem* redeamus. Nam, quum ne magnos quidem Reges, Principesque Viros taedeat, quandoque, animi caussa, domesticas copias, et pretiosam supellectilem paullo curiosius inspicere, ac recognoscere, quis nos jure reprehendat, si diutius etiam inter aurum, gemmasque in nostro Templo repertas versari libeat? Itaque duplificem aequalium Auctorum narrationem latine exaratam heic etiam libenter attexam, quum plura maximi pretii in singulis occurrant, quae reperti thesauri divitias, atque opulentiam exactius recenseant, ac iccirco earum varietate Lectorum animos mirifice possint delectare. Ac primum Laurentii Surii Carthusiani referam testimonium, qui in Commentario rerum in Orbe gestarum ab anno MD, ad MDLXXIV, sub initium anni MDXLIV. mense, inquit, Februario, Romae in Vaticano, haud procul a Tibéri, quum in Sacello S. Petri fundamenta foderentur, inventa est marmorea arca longitudine pedum octo, et semis, latitudine quinque, et sex altitudine, in qua condita fuit Maria Honorii Imper. Conjux, quae virgo obiit, morte abrupta ante nuptias. In ea arca, Corpore absunto, aliquot tantum dentes supererant, capillique, ac tibiarum ossa duo: praeterea vestis, et pallium, quibus tantum auri fuit intentum, ut ex his combustis, auri pondo xxxvi. collecta sint. Erat insuper capsula argentea longa pedem unum, et semissem, latitudine digitorum XII. in qua vascula multa e chrystallo, nonnullaque ex achate perpulcre elaborata. Item annulli aurei XL. variis gemmis ornati. Erat et smaragdus au-

ro inclusus , in eoque sculptum caput , quod creditum est , ipsum Honorium referre . Is quingentis aureis , nempe ducatis , aestimatus est . Praeterea inaures , monilia , aliaque muliebria ornamenta ; in quibus una earum , quas hodie Agnus Dei vocant , per cuius ambitum insculptum erat

## MARIA FLORENTISSIMA

laminaque ex auro , et in ea haec nomina

MICHAEL . GABRIEL . RAPHAEL . VRIEL

graecis litteris . Item veluti racemus ex smaragdis , aliisque gemmis consertus , et discriminale longitudine XII. digitorum , inscriptum hinc

DOMINO NOSTRO HONORIO

hinc DOMINA NOSTRA MARIA .

Ad haec inerat Sorex ex chelidonio lapillo , cochleaque , et patera ex chrystallo . Item pila ex auro lusoriae similis , sed quae in duas partes dividi potuit . Innumerae pene aliae inerant gemmae ; quarum etsi plurimae vetustate corruptae , nonnullae tamen recentem , admirandamque pulcritudinem retinebant . Et haec omnia Stilico Filiae dedit pro dote .

Heic autem obiter notandum est , Bonardum <sup>1</sup> , Rasponium <sup>2</sup> , et Benedictum XIV. <sup>3</sup> ex hoc Agno Dei in Mariae tumulo reperto , ritus a Pontificibus cereos Agnos , et Sanctorum reliquias , insignioribus Christianae ditionis Principibus dono mittendi , vetustatem deduxisse , contra Sebastianum Munsterum , qui <sup>4</sup> ex inscriptionibus , quae in ejus ambitu notantur , secus sentiendum esse scripsit . Sed quum Gretserus <sup>5</sup> , imaginem quae a Surio Agnus Dei nuncupatur , auream fuisse , ac

<sup>1</sup> Discorso intorno agli Agnus Dei . et P. II. c. xx. n. 11. p. 2.

Romae . 1584. 1621. 1760. 1704.

<sup>4</sup> lib. II. Cosmographiae p. 148. edi-

<sup>2</sup> p. 145.

tionis Basileensis .

<sup>3</sup> de Beat. et Canon. lib. iv. P. I. c. v.

<sup>5</sup> de Benedict. lib. II. c. xxxviI.

tantum ovali figura cereis adsimilem contendat ; ac profecto ipse Bosius<sup>1</sup> hanc sententiam confirmet , ubi nominat in thesauri ejusdem descriptione , *un tondo d'oro* , come un Agnus Dei , con lettere attorno , che dicono , Maria domina nostra florentissima , e dall'altra parte Stilico vivat , iccirco eruditissimus Steph. Borgia<sup>2</sup> , aliis argumentis , post Honoratum de S. Maria<sup>3</sup> , et Phil. Dionysium<sup>4</sup> , ut porro facit , Agnorum Dei vetustatem probandam esse declarat , ut Card. Valesii opinionem tueatur , qui hunc usum , contraquam sensit Panvinius<sup>5</sup> , Sec. ix. assignans , Sec. v. ineunte , exortum putat<sup>6</sup> . Haud enim revera satis constat ex Surii , et Bosii descriptione , utrum Agnus ex cera esset , auro licet inclusus , an verius orbis ex auro elaboratus , Agni imaginem praesefterret ; quin imo ex L. Fauni descriptionibus neutrum ex his esse liquet , quum tantum *bullam gemmis intertextam* , cum inscriptione *Maria nostra florentissima* , nuncupaverit , ac disertius *un tondo d'oro* , come uno *Agnus Dei* , con queste lettere in-

<sup>1</sup> lib. II. c. viI. pag. 43.

<sup>2</sup> in praef. ad Aug. Card. Valerii opusculum de bened. Agnorum Dei p. viII.

<sup>3</sup> T. II. Diss. II. super regul. Critics

<sup>4</sup> pag. 88.

<sup>5</sup> in Baptismate Paschali , et origine consacrandi Agnos Dei cum corollario Io. M. Suaresii. Romae 1656. p. 188.

<sup>6</sup> V. Xysti V. Breve ad Pasch. Ciconiam Ducem Venet. ubi de more Pontificum benedicendi , et consecrandi Ceram , que Agnus Dei vocatur . in T. xvII. Diar. Literat. Ital. Venet. 1714. 4. p. 435. Ioh. Molanum de sacris picturis cap. LXV , et orat. I. de Agnus Dei. Sirmondum . in notis ad Ennodium pag. 73. Latinum Latinum T. II. Epistolar. p. 178. Raynau-

dum in Opere , cui titulus . Christianus Christi , et Matris Ecclesiae per Baptismum Filius , Cerei Agni a Christo Vicario consecrati symbolica imagine expressus . Gratianopoli 1642. 8. et in T. x. Opp. c. viII , et xII. Andream Victorelli ad Ciacconii Vitas Pontific. in Urbano V. Vicecomitem de Baptismi ritibus c. LI. Ant. Baldassarri de Agnis Dei. Venet. 1714. 8. Augustinum Castano de maxime super naturali Agni Dei virtute. Ven. 1669. Paschal. Copeti . delle pernottazioni , che i novelli Battezzati facevano , e dell' antica costumanza di dispensar gli Agnus Dei di Cera benedetta . ne' suoi Discorsi di Liturgia . Roma 1766. Mabillon. in T. II. Mus. Ital. p. 376.

torno Stilico vivat. Ceterum de ritu cereos Agnos, in Martyrum Conditoris praesertim includendi, post eruditissimam dissertationem Vestrinii *de Agnorum usu*<sup>1</sup>, consule Edwardi de Witry dissertationem in Tumulum T. Fl. Clementis Viri Consularis, et Martyris, et in eam Fr. Ant. Zachariae Paralipomena<sup>2</sup>.

Reliquum modo est, ut aliis, ne longum faciam, Marliani<sup>3</sup>, Joh. Bapt. Costaguti<sup>4</sup>, et Pompilii Totti<sup>5</sup> descriptionibus praetermissis, proferam Bullingeri epistolam Vadiano scriptam, quae exstat in *Centuria epistolarum philologicarum* a Goldasto editarum<sup>6</sup>. Anno Domini inquit, MDXLIIII. pridie Nonas Februarii a fossoribus, qui fulciendis fundamentis terram effodiunt novae Basilicae S. Petri a Iulio inchoatae, haud longe a mole quadam rotunda, ubi Mausoleum fuisse Honorii Caesaris nonnulli putant, nunc vero in Sacrarii usum cessit, repertum est sepulcrum marmoreum. Longum erat pedes x, latum vi, altum unum, et dimidium. Vas ipsum cuiusdam amplitudinis foris quadratum, intus obtusos habebat angulos. Sublato operculo, reperta sunt ossa duorum cadaverum, quorum alterum fuisse Mariae Sponsae Honorii, Filiae Fl. Stilichonis, ex certis inditiis colligitur; alterum quoque Thermantiae ejusdem Honorii sponsae, et ejusdem Stilichonis Filiae fuisse creditur. Quarum utrasque Virgines defunctas Historici tradunt, et regio habitu, simul cum dotibus sponsalibus, conditas esse ex iis ornamentis, quae apud ipsas inventa fuerunt, constat. Erant autem haec cadavera, pallis aureis involuta, ipsaeque calvariae

<sup>1</sup> Saggi dell' Accademia di Cortona. T. vi. Dissert. vii. Roma 1751.

et in T. II. Graevii p. 251.

<sup>2</sup> T. xxxix. Syll. Calog. et in Tom. I. Diss. Latin. Fulginiae editarum p. 84.

<sup>4</sup> Architet. della Bas. di S. Pietro p. XII.

<sup>3</sup> in Top. Vr. Rom. lib. v. c. xxi. p. 112.

<sup>5</sup> Ritratto di Roma antica p. 332.

<sup>6</sup> Francofurti 1610. 8. p. 232. et apud Martene T. II. de ant. Eccl. rit. p. 1033.

aureis cinctae diadematibus. Fila vero palliorum vetustate computruerant; externi vero limbi, ipsaque diademata ex auro ductili constabant. Quare ex iis aurum conservatum est: ossa adhuc cohaerentia simul cum vestibus statim ad attactum, sensumque aeris abierunt in pulverem. Aurum ex vestibus collectum, et purgatum, ponderabat libras circiter LXXX. In pectore alterius massa racemi specie dependebat, composita ex auro; adamante, smaragdo, atque aliis gemmis. Apposita erant et vasa aliquot perforata, forma clepsidrarum, odoris gratia concinnata. Margaritae grandiusculae LIII, sed squallore sic erant confectae, ut digitis dissiparentur. Annuli aurei plures C. quibus maxima gemmae per orbem, atque circumferentiam erant insertae, jaspides, carbunculi, adamantes, et reliqua. Cochlea aliquot aurea, calamistra aurea, sitella quaedam argentea mirabilis artificii, vasa aliquot crystallina, vas quoddam sine concha ex achate lapide. Item ornamentum quoddam, panis fere specie, constans ex duabus gemmis, quarum altera cornelius erat, altera topazius, quas connectebat circulus, sive zona aurea variis gemmis distincta, atque ornata. In lapidum superficie utrimque insculpta fuere nomina, hoc fere modo.

#### HONORIVS MARIA STILICHO VIVAT

Delata sunt mox omnia in Palatium vicinum ad Pont. Max. ubi nunc asservantur. In altero latere eadem legebantur HONORII AC STILICONIS, atque etiam haec nomina THERMANTIA SERENA. Vspergensis in Chronicis. Stilico Comes erat de perfida, et dolosa gente Wandalorum natus. Idem Socer erat Honorii. Cujus duae Filiae Maria, et Thermantia, altera post alteram, Principi Honorio despōnsae sunt. Sed utraeque Virgines obierunt. Hactenus Bullingerus, cuius descriptionem si cum ceteris supra allatis componas,

multo plura , ac pretiosiora in eodem sepulcro exstitis-  
se , ac Sororem *Thermantiam* , cui post *Mariam* , anno  
**cDVIII** , Honorius pari fato nupsit <sup>1</sup> , ibidem una cum Im-  
peratrice *Maria* conditam fuisse reperies .

Sed quum tam multa de hujusmodi sepulcro ante  
oculos posita sint , quid impedit , quin ea etiam sub-  
dam , quae Bosius , et Aringhius <sup>2</sup> memoriae prodiderunt ;  
nimirum Paullum III , ad quem integrum thesaurum de-  
latum fuisse vidimus , non solum omne aurum separatim  
conflari jussisse ad libras **XL** , ad novi Aedificii usum im-  
pensas , sed etiam , gemmis una collectis , Pontificiam Tia-  
ram triplici corona insignitam exornasse ? Quod etiam  
accepimus a Flaminio Vacca , qui ita rem enarrat apud  
Montfauconium <sup>3</sup> , qui ejus Schedas idiomate vernaculo  
conscriptas , uti jacent in postrema Nardinii <sup>4</sup> editione ,  
latine reddidit . *Postremis Paulli III. Papae annis* , ut aliis  
*narrantibus accepi* , detecta fuit in fundamentis *S. Petri Vati-*  
*cani urna grandior ex marmore granito rubro aegyptio* : quae  
*hodie visitur in veteri S. Petri Ecclesia proxime Altare Vul-*  
*tus Sancti* . Ibidec jacebat *Regina quaedam ceu ramentis au-*  
*reis vestita* . *Quum primum autem aeri exposita fuit* , et for-  
mam , et decus totum amisit . Ibidec deprehensa est gemma-  
rum , et lapillorum copia ingens , queis *Paullus III. ornanda* ,  
conficiendaque *coronae usus* est . Id sane ei pergratum fuisse  
nemo ambiget , qui decessores suos , ut ait Ciacco-  
nius in ejus vita <sup>5</sup> , in apparatu Pontificio superavit , coem-  
ptis undique , ac magnis pretiis , adamantis , sapphiris , smar-  
ragdis , chrysolithis , jaspidibus , unionibus , et quidquid gem-

<sup>1</sup> Claudiarus de laudibus Serenae p. 215.

Tillemont Memoires . T. xiiI. p. 467.

<sup>2</sup> T. I. lib. II. c. ix. num. II.

<sup>3</sup> in Diario Italico p. 276.

<sup>4</sup> T. IV. p. xxxiv.

<sup>5</sup> Ang. M. Quirini *Imago optimi , sa-*  
*pientissimique Pontificis expressa in gestis*  
*Paulli II. Farnesii. Brixiae 1745. 4.*

marum in pretio est. Erat tunc praefectus, harumque rerum curator, magnificus Iohannes Albertinus, qui praesens operi, margaritas aliquas sibi seposuit, aetate nimia labefactatas, ita ut instar coepe, in pelliculas solverentur. Haec, patre meo Ioh. Albertini amicissimo narrante, edidici. Sic observationes suas claudit Flaminius Vacca, pergit Montfauconius. Si porro ibidem memorata Regina formam a tot seculis sepulta servarat, res est sane nihil minus stupenda, quam quae superius <sup>1</sup> de Puella ad Viam Appiam, integro corpore, vivi-disque coloribus reperta diximus. Haec autem libenter persequutus sum, quod non inutiliter, nec nulla eorum, qui lecturi essent, voluptate, ab instituto me divertere animadverti, dum veterem usum, in Principum, et nobilium Virorum tumulis, anulos, gemmas, atque omne genus gazam, et jocalia, quibus vivi delectabantur, recondendi, hoc exemplo demonstrabam, aliis prae-termissis, quae a pluribus <sup>2</sup> erudite congesta reperiuntur.

Sed heic nonnemo, me in locum sane difficilem, ac salebrosum adductum esse putabit. Quid enim, inquiet, a Stephano II. S. Petronillae Templum a solo conditum putas, ubi Mariae Imperatricis, quae decessit an. cccxcviii <sup>3</sup>,


<sup>1</sup> C. ix. p. 157.

<sup>2</sup> S. Hieronymus lib. II. epist. I. S. Ambrosius lib. de Nabuhi. Lactantius l. II. de divin. Instit. c. iv. Gregorius Turon. lib. iv. Hist. c. XLV. XLVI. LIII. lib. vi. c. 46. Gesta Francorum c. xxxv. Monachus Engolism. c. xiv. Baldricus lib. I. Chron. Camer. cap. XII. lib. II. cap. xx. Baronius anno DCCCXXI, et MCIC. n. 3. 5. 15. Surius ad ann. MDXLIV. Filescus lib. I. select. cap. CCLXXVII. Viri docti ad Suidam. in δαράκη . et Vitruvium. iv. I. Stephanus ad Saxonem Grammaticum.

p. 96. Iac. Thomasius. Programma. LVII. Pet. Mullerus. diss. de jocalibus. Christ. Ehrenf. Seiffertus. Diatriba de numis in defunctorum ore repertis. Dresdae 1712.8. Will. Inst. Christ. Chrysander. Comment. de Naulo Charontis. Helmst. 1745. Iacob. Gutherus. de jure Manium c. XXI. quae in Sepulchris cum Corporibus conderentur, et in T. XI. Thes. Graevii p. 1246. Franc. Danieli. Regali Sepolcri del Duomo di Palermo riconosciuti, e illustrati. Napoli 1784. fol.

<sup>3</sup> Tillemont Memoires T. XI. p. 556.

sepulcrum exstisset constat? Verum, aut ego fallor, nil magis Templum, de quo agimus, Christianis esse accensendum demonstrat, quam hujusce Sepulcri detectio. Quis enim pientissimam Imperatricem in Templo inanibus Diis dicato sepultam fuisse putet? Apage tantam dementiam. At regeres, Templum jam ab omni superstitione expurgatum fuisse, quum eō illatum fuit ejus Cadaver. Quis tamen id sibi persuadeat, quum exploratum cuique sit, Sec. iv. nondum invaluisse usum cadavera in Templis sepeliendi? Praeterea, si re ipsa, ibidem sepulta fuisset, nonne ejus Mausoleum, loco eminenti, ac conspicuo exstisset? Atqui ibidem dumtaxat in Templi dejectione detectum fuit. Quod ferme omnes, qui ejus inventionem, literis consignarunt, declarasse vidimus. Nonne enim Alpharanus, *in Cappella diruta juxta Altare S. Petronillae*; Grimaldus, *quum novae Bas. fundamenta jacerentur*; Herculanus, *quum novae fabricae fundamentum foderetur*; Faunus, *excavando*; Surius, *quum fundamenta foderentur*; Flaminius Vacca, *in fundamentis S. Petri Vaticani*, Mariae sepulcrum repertum fuisse una voce tradiderunt? Itaque illud unum restat, Templum, in quo repertum est ejus Cadaver, longe post ejus obitum exstructum fuisse, ejusque Mausoleum, vel prope hanc Aedem Petronillae sacram situm fuisse, vel ab ipso Stephano II. in Templi constructione, intra ejus ambitum fuisse inclusum, ibique obiectum, ignoratumque exstisset, donec in Templi eversione detectum fuit.



*De Honorii Imperatoris Sepulcro.*

**Q**uod vivus Honorius, Theodosii M. Filius, assequi minime potuit, id mortuus obtinuit, post Vxsorum sibi carissimarum desiderium, atque dissidium, ut in utriusque Sororis, veluti sinum, ac complexum veniret, ac pone exsangues earum exsuvias perpetuo conquiesceret. Etsi enim Alpharanus<sup>1</sup> *Honorii Sepulcrum* designet *juxta parvulam aediculam*, itemque Othonem<sup>2</sup>, Placidum, Valentinianum<sup>3</sup>. Imperatores Augustos, ibi humatos fuisse scripserit, tamen temporis decursu, una cum Vxsorum sepulcro suum quoque in eodem S. Petronillae Templo inclusum fuisse, conjiciendum est. Hujuscce opinionis auctor est Paullus Diaconus<sup>4</sup>, cuius testimonio Severani<sup>5</sup>, Aringhii<sup>6</sup>, Baronii, Baldinii<sup>7</sup>, ac praecipue Grimaldi accedit auctoritas, qui in cod. ms. haec adnotavit. In hoc S. Petronillae Mausoleo aliquot maximorum Principum sepulcra existabant, inter quos, ut Onuphrius Panvinius<sup>8</sup> lib. vi. cap. ix. antiquitatum dictae Basilicae, qui MSS. in Bibliotheca prae-fatae Ecclesiae adservatur, scribit, primus omnium Imperatorum Honorius Augustus, Magni Theodosii Imperatoris Filius apud Vrbem Romam vita exemptus, xviii Kal. Septembbris, anno Christi CDXXI IIII. juxta B. Petri Apostoli Atrium, in Mausoleo sepultus est. Ita Paullus Diaconus in appendice Eutropii lib. XIII. Ejusdem Honorii Vxorem Mariam Stilico-

<sup>1</sup> ms. n. 120. p. 47. Alfarano descrizione ms. della Bas. Vatic. Appresso a questa Cappelletta a man destra, inanti che se entra detta Cappella, vi è il sepolcro de Ottone II. Imperatore, et de Honorio, et Valentiniano Imp. de marmo, et ce-perchio de porfido elegantissimo, siccome

narra Paolo Diacono in appendice Eutropii lib. XIII. et Procopio libro I. de bello gotico.

<sup>2</sup> in append. Eutropii l. iv.

<sup>3</sup> p. 92. <sup>4</sup> p. 268.

<sup>5</sup> T. II. Anast. in vita Leo. III. p. 285.

<sup>6</sup> T. II. c. IX. p. 80.

*nis Filiam sepultam fuisse in eadem Basilica ex eo liquet, quod ejus sepulcrum in nostro tempore ibidem inventum est. Haec Panvinius, qui tamen alibi haec habet<sup>1</sup>. Constantinus in Porticu Templi Apostolorum Constantinopoli, Honorius in Porticu Templi S. Petri Romae, ejus Vxor intra idem Templum sepulti sunt. Et sane Paullus Diaconus haec de Honorio tradidit. Apud Vrbem Romam vita exemptus est, Corpusque ejus juxta B. Petri Apostoli atrium, in Mausoleo sepultum est. Itaque quod tradit Bullingerus, ut supra vidimus, nonnullos opinatos fuisse, Honorii Mausoleum exstitisse in mole rotunda, quae in Sacrarii usum deinde cessit, falsum omnino esse constat. Praeterea illud etiam ex his conficitur, ut quisque noscat, falli Mabillo-nium<sup>2</sup>, qui utrumque sepulcrum in cryptis Vaticanis detectum fuisse scribit.*

## §. xiiii.

*De singulari Regum Francorum cultu erga idem Templum.*

**H**uic Templo ditior famae cumulus accessit ex singula-  
ri Gallorum pietate in *Petronillam*, ac praesertim ex ip-  
sorum Galliae Regum insigni liberalitate, ac munificen-  
tia. Nam iccirco *Cappella Regum Francorum*<sup>3</sup>, *Cella Gal-  
liae Regis*, *Templum Galliae Regum*, vulgo appellari con-  
suevit. Quae quidem denominations, loco, ubi hoc Tem-  
plum stetit, vel post ejus demolitionem adhaeserunt. To-  
tam enim Templi Vaticani aream ad meridiem positam,  
*Aream Regis Christianissimi*, sua aetate vocatam fuisse mo-  
net<sup>4</sup> Bonannius. Hoc idem Templum indicatum fuisse puto  
a Montfauconio, ubi post descriptionem Aedis rotundae

<sup>1</sup> de ritu sepeliendi mortuos.

<sup>2</sup> T. I. Mus. Ital. pag. 143.

<sup>3</sup> V. diploma Clem. viii. T. ii. B. V.

pag. 202.

<sup>4</sup> p. 114.

*Minervae Medicae*, haec adjecit. In Codice Anonymi cuiusdam Architecti, qui penes me est, dicitur in Eccl. olim Vaticana S. Petri, Capellam Imperatoris, quae cum veteri toto Templo Vaticani Aedificio, ad hodiernam excitandam Basilicam excisa fuit, ad hujusce Templi similitudinem fuisse constructam, quod itidem alii tradidere.

Peculiarem Francorum Regum Patronam B. Petronillam fuisse, Paullo I. docente, superius audivimus, qui pro laude, aeternaque memoria Pipini Templum ipsum in ejusdem Petronillae honorem consecrassae testatur. Quid igitur erga eamdem illustres Pipini Successores praestitisse putabimus?

Ludovicus XI. anno MCDLXXI, Templum hoc Petronillae dicatum, instaurari jussit, et dote amplissima locupletavit. Quod praeter Grimaldum<sup>1</sup> luculentissime testatur Clementis VIII. diploma, ubi legitur<sup>2</sup>. Deprehendimus ex dictae Basilicae Archivo, in quo libri rationum asservantur, comprobari cl. me. Ludovicum ejus nominis undecimum, Francorum Regem, circa annum Domini millesimum quadringentesimum septuagesimum primum, Cappellam ejusdem Sanctae Petronillae, quae tunc ad dexteram Altaris majoris dictae Basilicae partem constructa erat, restaurari fecisse, ac in mille, et ducentis scutis Capitulo ejusdem Basilicae ad eum finem erogatis dotasse. Et sane Edmundus Martene epistolam Xysti IV. Regi Franciae de detectione Corporis S. Petronillae inscriptam, ex schedis Mabillonii nobis servavit, quae, etsi desit in Bullario Vaticano, tamen singularem cl. Praesulis Stephani Borgiae, qui eam mihi perhumaniter indicavit, non fugit eruditionem. Itaque quum ex ea non solum Ludovici pietas, et munificentia, ve-

<sup>1</sup> fol. 39. ms.<sup>2</sup> T. II. Bull. Vat. p. 201.

rum etiam arcae marmoreae , ubi Petronillae Corpus exstaba<sup>t</sup>, descriptio appareat, rursus heic exhibemus<sup>1</sup>.

*Carissime in Christo Fili salutem. Nuper quum Capella B. Petronillae in Basilica Principis Apostolorum de Vrbe, munificentia tuae Majestatis exornaretur, arca marmorea, ubi venerabile ejus Corpus reconditum erat, inventa fuit, in cuius fronte haec verba insculpta cernuntur.* Divae Petronillae Filiae dulcissimae, quae a Beatissimo Apostolo Petro erudita esse pie credendum est. Exstant praeterea ab omnibus ipsius arcae capitibus Delphines quatuor, veluti custodes, et veneratores tam gloriosi sepulcri, de quibus conjecturam fecimus, non esse novam tui Christianissimi Sanguinis, ad hanc Sanctam Dei devotionem. *Quod ideo magis etiam Nobis placuit, quia in hac tua venerandi hujus sepulcri exoratione, Majorum tuorum religioni correspondere videris, si- cut praeclaris aliis virtutibus etiam eos imitaris.* Haec autem Majestati tuae significanda duximus, ut eo magis munificentia, et pietate tua in ipsam Sanctam laeteris, et intelligas nos ob amorem nostrum erga Te, magnam ex hac devotione tua cepisse consolationem. Datum die 25. Septembris an. 1474. an. 4. Pontificatus.

Atque heic unusquisque videt, *Delphinos* non esse insculptos ea de caussa, qua Aringus<sup>2</sup> a Christianis persaepe in Coemeteriis effictos fuisse censuit, nimirum, ut hoc piscis genere, quod purioribus aquis innatatur<sup>3</sup>, ac delectatur, significant, homines rerum terrenarum cupiditate non esse afficiendos. Ibi enim dumtaxat in-

<sup>1</sup> in Tom. II. Vet. Scriptor. et Monum-  
mentor. amplissimae Collectionis Pari-  
siis 1724. pag. 1470.

<sup>2</sup> l. VI. Rom. subt. p. 621. et Mamachius  
in T. III. Orig. Eccl. p. 94.

<sup>3</sup> V. Frid. Lebrecht Goetze de Piscium cultu. Lipsiae 1723, et Joach. Mejerum de claris Fischeris, nec non de Piscinibus, Piscibus, et Piscatoribus memorabilia quaedam. Gottingae 1695. 4.

sculpti sunt , pari modo , quo Guigonem VII. *Delphini* insigne stemmati gentilitio addidisse constat<sup>1</sup> , quo Comitum Viennensium signum indicaret .

Deinde vero Karolus VIII. Ludovici Filius , Patris pietatem erga *Petronillam* , hereditate veluti acceptam , aemulatus est . Nam duo Sacerdotia ab eo ibidem constituta , uberiorus dotavit , ac pro Patris expiatione , sacrum quotidie a duobus Sacerdotibus , alternis celebrari mandavit . Quae tamen sacra , fortasse ob imminutos redditus , ad minorum numerum postea redacta fuerunt . Nunc enim docent Bull. Vat. editores<sup>2</sup> , tribus tantum vicibus sacrum singulis hebdomadis fieri , ut pridem eundem Ludovicum praescripsisse constat ex veteri MSS. apud Turrigium<sup>3</sup> , ubi haec habentur . *Cappella S. Petronillae Virginis a Ludovico XI. Francorum Rege , circa annum Domini MCDLXXI. instaurata , atque dotata duobus Cappellanis de Iure Patronatus Regum Franciae , cum onere celebrandi tria Missarum sacrificia qualibet hebdomada .*

Quum autem hujusmodi Sacerdotiorum institutionis caussa , non omnibus satis nota , ac explorata , constet ex diplomate *Innocentii VIII* , relato ab iisdem editoribus Bull. Vat. , praestat eam Lectoribus aperire , ejusdemque diplomatici verba subjicere , quae sunt hujusmodi<sup>4</sup> . *Ludovicus XI. Francorum Rex , dum in humanis agebat , pro implemento cuiusdam voti ; per cl. me. Carlottam Reginam Franciae ejus Conjugem , ut meritis , et intercessione S. Petronillae consequeretur , ut sperabat , liberationem charissimi in Christo Filii nostri Karoli Francorum Regis , illustris ipsorum Conjugum Nati , tunc Delphini Viennen.* a

<sup>1</sup> in Historia Delphinatus T. I. p. 3.      <sup>3</sup> pag. 129.

<sup>2</sup> T. II. p. 202.

<sup>4</sup> T. II. p. 259.

certa aegritudine corporali, qua detinebatur, emissi, et ob singularem devotionis affectum, quem Conjuges ipsi gerebant ad ipsam S. Petronillam, Cappellam in ejusdem Sanctae honorem, et sub illius invocatione in Basilica Principis Apostolorum de Vrbe dudum constructam, multipliciter reformari fecit, et quod in eadem Cappella erigerentur duae perpetuae Cappellaniae, et dotarentur sufficientibus redditibus pro duobus Presbyteris, per quos alternis hebdomadis, vel alias, prout invicem concordarent, una Missa, qualibet die super Altare ejusdem Sanctae Petronillae devote ibidem celebraretur, ordinavit. Et sane Ludovicus XI. regnare orsus an. MCDLXI, et vita functus anno MCDLXXXIIII, unum Karolum VIII. post se superstitem reliquit ex tribus Filiis, quos suscep- perat e Karola Filia Ludovici Sabaudiae Ducis, quum nullum ex prima Vxsore Margarita, Filia Jacobi I. Sco- tiae Regis habuisset. Aegritudinem autem, et votum, quae in diplomate memorantur, Bull. Vat. editores non ante annum MCDLXX. contigisse conjiciunt, quod Karo- lus, decedente Patre, quartumdecimum agebat annum, ac infra idem tempus, regiam Basilicae S. Petronillae instauracionem, et Sacerdotiorum institutionem referen- dam esse arbitrantur.

Neque vero ad haec tantum Karoli Regis progressa pietas est. Jussit idem praeterea, quotannis ibidem pro Parentis sui expiatione anniversarium celebrari, uti liquet ex Turrigio, qui ex quodam Archivi Vaticani MS. haec nobis tradidit<sup>1</sup>. *Cappellano Regis Franciae, vel S. Petro- nillae in Basilica nostra, debent quolibet anno die ultima Augusti, qua fit Anniversarium Regis Galliae, carolenos 50. monetae, scut. 3. baj. 75.* Hoc autem luculentius edisci-

<sup>1</sup> p. 146.

mus e diplomate Clementis VIII, quo praeterea duo haec Sacerdotia Juris Patronatus regii declaravit, et Henrico IV, ejusque Successoribus asseruit, ubi haec occurrunt<sup>1</sup>. Beneficiati dictae Basilicae teneantur celebrare, prout revera celebrant, singulis annis dicta die ultima mensis Augusti, Anniversarium in expiationem, et refrigerium animae dicti Ludovici Regis, et ea ratione duo Cappellani Sanctae Petronillae hujusmodi illis summam septem scutorum monetae pendant. Quod etiamsi non aequa, ut ab initio, nostra hac aetate praestetur, quum S. Congregationis Concilii decreto plura coaluerint ex antiquis anniversariis, quae reducta appellantur, atque per majora jejunia celebrantur, nihilominus horum princeps adhuc est illud Ludovici XI. Galliarum Regis, pro cuius anima die xxx. Maji, vel alio die, si festum S. Petronillae transferendum sit, sollempni sacro absoluto, Deo O. M. supplicatur.

Sed, praeter ea, quae supra de Pipino memoravimus, longe antiquiorem Galliae Regum liberalitatem erga Basil. Vatic. ac forte in idem Petronillae Templum, fuisse constat ex Martyrologio Vat. quod haec memoriae assignavit. III. Non. Dec.<sup>2</sup> Fiat sollempnis Missa de Spiritu Sancto, pro serenissimo Principe Dño Karolo Illustrissimo Rege Francorum, et pro Filio suo primogenito Karolo, et pro Serenissima Domina Iohanna Vxore ejus, pro eo quod misit huic Sacros. Basilice ducentos florenos, de quibus centum fuerunt emissi in Fabrica de mandato Dñi nostri Pape, et centum in helemosina, sub anno Dñi m. trecentesimo LXVIII. mensis Martii die XXII. Itaque nil mirum, Galliae Reges, quoties in Vrbe versati sunt, hoc Templum tam-

<sup>1</sup> T. III. Bull. Vat. p. 202.

<sup>2</sup> p. 171.

quam suum , peculiari quodam jure spectasse . Ita enim legimus in Diario Alexandri VI. apud Turrigium<sup>1</sup> . Die xvi. Ianuarii . In mane Rex Franciae equitavit ad Basilicam S. Petri , ubi audita Missa in Cappella S. Petronillae , per unum e Cappellanis suis sine cantu celebrata , adscendit ad Palatium Papae ad Cameras novas pro eo paratas , ubi fecit prandium . Id manifesto etiam liquet ex quodam Ludovici Galliarum , ac Neapolis Regis Christianissimi privilegio , Papiae dato , die xx. Augusti , anno MDII. ex autographo Tabularii Vaticani descripto , apud eundem Turrigium<sup>2</sup> , ubi haec habentur . Attento maxime , quod ipse Rex in Basilica S. Petri habet Cappellam a praedecessoribus suis Regibus Christianissimis fundatam sub vocabulo S. Petronillae .

## §. xv.

*De Gallis illustribus ibidem sepultis .*

Incensum Galliae Regum studium erga B. Petronillam , quamplures Gallorum nobilissimi Viri certatim imitari studuerunt , quos , quum in Vrbe e vivis decesserint , in ejusdem Templo tumulatos esse , scimus . Ac primum recensendum est Sepulcrum nobilis cuiusdam Galli , ut docet lemma superpositum marmoreae tabulae sepulcrali , quae apud Dionysium aere delineata<sup>3</sup> occurrit . Turrigius ejusdem inscriptionem , quae modo longaevitate ferre attrita , atque oblitterata est , ita retulit<sup>4</sup> . Hic requiescit Corpus nobilis militis Ilicen. de Francia , qui obiit anno Domini MCCCXCVI. Ind. II. die VI. mense Februarii . Verumtamen Jac. Grimaldus<sup>5</sup> hujusmodi epigraphen in

<sup>1</sup> pag. 149.<sup>3</sup> Tab. LXVI. p. 168.    <sup>4</sup> p. 432.<sup>2</sup> pag. 490.<sup>5</sup> in lib. ms. Instrum.

hunc modum exscripsit. *Hic requiescit Corpus nobilis viri Illebisebel e Franc. .... anno Dom. MCCCLXXXIV. Ind. II. mense Februarii.* Atque hanc ex Alpharani Codice fortasse exscripsit, qui tamen nobilem hunc militem *Ilebischel* appellat, quem primitus pone Innocentii VII. sepulcrum tumulatum fuisse narrat, hujusmodi verbis. *Accanto a questo sepolcro de Inocentio VII, al pavimento innante il grado dell'Altare, seguita quest'altro sepolcro con questa iscrizione in marmorea tabula quasi exoleta.* Atque Alpharani, et Grimaldi lectioni standum (saltem quod ad annum spectat) Indictio II. suadet. Quarta enim, non secunda anno MCCCXCVI. decurrebat.

Praeterea memorandi sunt duo Cardinales amplissimi, quos nonnulli Scriptores in hoc Templo tumulatos fuisse contendunt. Horum primus, si Onuphrio Panvinio auscultamus, fuit Riccardus Oliverius de Ango Normannus, Gallus, Archipresbyter S. Petri, Episcopus Portuensis creatus a Callixto III. anno MCDLVI. Obiit Sutri xv. Kal. Sept. anno MCDLXX. *Corpus Romam translatum, sub Altari S. Petronillae sepultum est, ubi adhuc exstat haec inscriptio*

RICCARDVS EPISCOPVS PORTVENSIS  
CARD. CONSTANTIENSIS NORMANDIA ORIVNDVS  
HOC ALTARE VETVSTISSIMVM  
NOVA FACIE ET DOTE NOVA  
TESTAMENTO IVSSIT ORNARI  
VBI IN PACE REQVIESCIT  
MCCCCLX.

Et sane, si revera Card. Constantiensis sub Altari S. Petronillae anno MCDLXX. conditus fuisset, id tantum de

ejus Templo rotundo, intelligendum esset, ac numquam certe de aliis Altaribus, quae multo post intra Bas. Vat. ejus honori dicata fuerunt. Verum Panvinii sententia ceteris Scriptoribus adversatur.

Hanc eamdem inscriptionem proferunt Fratres Sammarthani<sup>1</sup>, quin tamen innuerint, qualenam esset Altare ab eo dotatum, et restauratum. Ceterum Alpharanus, cui Ciacconius<sup>2</sup> subscrispsit, de Altari SS. Processi, et Martiniani accipiendam esse, opinatus est. Ait enim post hujusce Altaris descriptionem<sup>3</sup>. Riccardus Oliverii de Ango Normannus, Episcopus Portuensis, Card. Constantien, hujus Sacros. Bas. Archipresbyter dignissimus, nimia devotione illectus, e marimore pario pulcherrimo praedictum exolescens Oratorium exornavit, optimeque dotavit, et juxta sibi sepulcrum elegit, in quo denique repositus requiescit. Quod quidem, verisimilius videtur ex eo, quod idem Pan-

<sup>1</sup> in Galliae Christ. Sammarth. T. XI.  
p. 894.

<sup>2</sup> T. XI. col. 995.

<sup>3</sup> ms. num. 20. p. 22. Sotto quest'organo fu trasferito l' Altare , et Corpi de S. Processo et Martiniano eretto in quel loco più nella Croce della Chiesa vecchia da Pasquale PP. primo sepolti in quello loco detti Corpi Santi Mart. et

de altri Martiri , et Pontefici , come dice Mallio fol. 9. restaurato già dalla bo. me. de Riccardo Card. Constantien l'anno del Sig. 1470. , come appare scritto attorno a d. Altare .... Era ancora in d. Cappella una memoria in tabula marmorea , quale ancora vi è un pezzo nel pavimento della Chiesa , dove fu scoperto novamente l'anno 1576. Il titolo è questo che segue

• . . . . . . . . . VS BASILICAB  
 • . . . . . . . . . CONSTANTIEN. QVI  
 • . . . . . SVAS VIRTUTES AC MERI  
 • . . . VENERANDOQUE SENATVI CARISSIMVS  
 • . . DE INSIGNI DE PATRIA ET ROMANAE ECCLESIAE  
 VIXIT ANNOS LXIII. M. VIII. D. I.  
 OBIIT ANNO SALVTIS  
 ( sic )  
 NOMEN RICCARDO PATRIA TOCA FVIT  
 DOCTIS PRESIDIUM SVB SIDIVM Q. BONIS

vinius alibi <sup>1</sup> sibi repugnans , Altare B. V. a Joto depictæ , ubi organum senis columnis porphyreticis suffultum exstabat , ab eodem Riccardo Card. Constantiensi centum annis ante restitutum , eoque perperam B. Petronillae Corpus ex ejus Sacello diruto translatum fuisse scripsit . Nam Templum B. Petronillae , cuius exuviae ad Altare S. Crucifixi translatae fuerunt , nonnisi sub Paullo III. solo aequatum fuisse , paullo infra demonstrabimus . Verum nullus hac de re superest dubitandi locus ex Grimaldi <sup>2</sup> testimonio , quem Turrigius <sup>3</sup> ita scriptum reliquisse tradidit . Cujus Riccardi Corpus in Sacello Sanctorum Processi , et Martiniani in veteri Basilica sito , et postmodum in remanente partem translato conditum fuit , ut stemmata gentilitia in base Statuae Principis Apostolorum antiquae ex aero imaginis , et inscriptio Altari sculpta indicabant . Quibus et illa addenda sunt , quae ex eodem Turrigio <sup>4</sup> depromsit Dionysius <sup>5</sup> . Cappella SS. Processi , et Martiniani Mart. a Riccardo Episc. Portuensi Card. Constantien. Archipresbytero Basilicae ornata , ac dotata anno Dom. MCCCCCLXX. cum onere , ut per duos Capellanos celebrentur singulis annis 120. Missae idest per quemlibet 60. Missae .

Alter vero Cardinalis , quem minime dubitandum est , in B. Petronillae Templo humatum fuisse , etsi secus senserit Alpharanus <sup>6</sup> , est Iohannes de Villiers , qui et de la Grolaje , seu Lagrolasius cognominatur , de quo ita Diarii fragmentum apud Turrigium <sup>7</sup> , et Ciacconium <sup>8</sup> . Die VI. Augusti MCCCCXCIX. Obiit Iohannes Tit. S. Sabinae Card. D. et delatus , et sepultus in Basilica S. Petri in Capella S. Pe-

<sup>1</sup> T. II. m. p. 138.

<sup>5</sup> p. 108.

<sup>2</sup> in Catalogo Archipresb. S. Petri .

<sup>6</sup> ms. p. 31.

<sup>3</sup> de Sac. Troph. Rom. p. 151.

<sup>7</sup> p. 430. et 578.

<sup>4</sup> p. 348.

<sup>8</sup> T. II. col. 168.

tronillae die VII. comitatus a Clero S. Petri, Fratribus M-  
nerviae, Aracaeli, S. Augustini, de Populo, Carmelitanis,  
et S. Marcelli, factis vigiliis ab XI. Cardinalibus, inter quos  
fuerunt Caesarinus, Borgia, Grimanus, et Senensis. Sepul-  
cralis inscriptio, quam Dionysius<sup>1</sup> jamdudum intercidisse,  
aut alicubi latere affirmavit<sup>2</sup>, in Cryptis Vaticanis in Cubi-  
culo, quod vocant, Agnesinae Columnae, cuius ello-  
gium supra<sup>3</sup> retulimus, adhuc servatur, nosque a men-  
dis expurgatam, quibus eam Turrigius<sup>3</sup>, Ciacconius<sup>4</sup>,  
Frates Sammarthani<sup>5</sup>, Bottarius<sup>6</sup>, atque idem Diony-  
sius<sup>7</sup> ex primorum exemplari edidere, heic ad Arche-  
typi marmoris fidem rursus accurate exhibemus.

IO. LAGROLASIO . GALLO . S.  
DIONYSII . ABBATI . EPO LVBA  
RIEN. PRAES. CAR. SACTISS.  
CAR. ALEXAN. ET . SENEN . ET . G....  
PERERI . ROTAE . AVDITOR. EXECV.....  
EX TEST. P. AN. D. MD. AETATIS . S. LXV....

<sup>1</sup> p. 169.

<sup>2</sup> p. 716. V. Alveri Roma in ogni Stato P. II. p. 201. Torrigio nelle Grotte Vas. p. 431. et Dionysium pag. 165. apud quos pompa, qua fuit elata, ex Diario mss. ita describitur. Die 29. Aprilis 1578. fuit funus Illustriss. D. Agnesinae Columnae Vxoris D. Honorati Caetani defunctae, ab ejus domo, quae in via sacra sita est, usque ad Bas. S. Petri, circuendo per Plateam S. Iacobi in Burgo. Comi-  
tatae fuerunt quamplurimae Societates Laicorum, et Ordines Religiosorum, Pueri Orphanorum, et S. Spiritus detulerunt funeralia 150. et ultra, praeter Candela-  
bra magna, quae per bajulos Sodalitatum

ferebantur. Feretrum, ubi Corpus de-  
functae jacebat, deferebatur per Viros  
nobiles, ejus familiares, lugubri ueste  
indutos; sequebatur D. Honoratus Caetanus  
ejus Vir inter Archiep. Rossanensem  
a sinistris, et Auditorem Camerae a de-  
xtris, et post eum Filii ejus, et Nepotes  
a dextris Praelatorum, quos officii caussa  
deduxerunt. Tum multi Cubicularii S.  
D. N. intimi, ac magna Civium, et Cu-  
rialium frequentia, et fuit pompa insignis.

<sup>3</sup> p. 430.

<sup>4</sup> T. II. col. 170.

<sup>5</sup> T. VII. col. 406.

<sup>6</sup> T. II. Vitar. Pictor. Vasari p. 202.

<sup>7</sup> loc. cit.

Heic tute vides *Titulum S. Sabinae* in Aventino, qui in allato Diarii fragmēto, et in aliis exemplaribus ολογραμματ̄ occurrit, notis dumtaxat initialibus praescriptum fuisse. Quod fortasse in caussa fuit, ut erroris visitandi gratia in apographo Alpharani plane decesset, qui Cardinales enumerans in Basilica Vaticana tumulatos ait<sup>1</sup>. Ioh. Lagrolasius *Gallus Abbas S. Dion. Ep. Lumbarien. Presb. Card. tt.* . . . . Hujusce Cardinalis marmorea sepulcralis effigies anaglypho opere exsculpta, superstes etiamnum visitur in Cryptis Vaticanis, quam laudatus *Dionysius*<sup>2</sup> aere expressam, eruditio commentario illustravit.

## §. xvi.

*De celeberrimo Pietatis simulacro a Bonarota insculpto,  
primo ibidem collocato.*

Sed, vel dum Cardinali Lagrolasio vita suppeditabat, ejus nomen, ac laudes in Aede S. Petronillae quodammodo resonabant, quam praeclaro ornamento auxit, atque illustravit. Ibi enim, insigne simulacrum Deiparae, exsanguine, ac cessans Filii Corpus e Cruce depositum, in sinu, gremioque gestantis, vulgo *Pietatis* nuncupatum, collocavit, quod aere suo, a Michaele Angelo Bonarota, nondum quintum aetatis suae lustrum praetergresso, elegan-  
tissime sculpendum curavit.

Id Ciacconius, praeter Turrigium<sup>3</sup>, testatum reliquit, ubi Cardinales ab Alexandro VI. renunciatos re-  
censens, haec de Cardinali Lagrolasio memoriae tradidit<sup>4</sup>. Romae agens, curavit fabricari a Michaele Angelo  
Bonarota adhuc adolescente, excellentissimam Iconem marmo-

<sup>1</sup> ms. p. 31. Vn Epitafio in una lapide grande, quale era innante la porta del Cancelllo dell' Altar maggiore, adesso posto non molto discosto da quel luogo.  
<sup>2</sup> p. 163. <sup>3</sup> p. 145. 531.  
<sup>4</sup> T. II. col. 168.

ream D. Mariae, et Filii mortui inter brachia materna jacentis, quam posuit in Cappella regia Franciae, in D. Petri ad Vaticanum Templo, deinde ob novam fabricam alio translatam, nunc in Canonicorum choro jacet . . . Post obitum in Vaticano, in Cappella Regum Franciae, quam picturis, aliisque ornamentis mirum in modum ornaverat, sepultus est<sup>1</sup>. Quapropter haud injuria Petrus Mariette<sup>2</sup> Ascanium Condivium<sup>3</sup>, et Georgium Vasarium<sup>3</sup> incusat, qui Cardinalem Rotomagensem, de eximio hoc simulacro insculpendo, Bonarotae auctorem fuisse, cum Bonanno<sup>4</sup> adfirmarunt. Cardinalis enim d'Amboise, Roanus vulgo nuncupatus, nonnisi anno MCDXCVIII. inter Patres Cardinales adlectus fuit.

Verum quis credit, non modo Turrigium, ac Bonannum, praeter allatos Scriptores, sed etiam Dominicum Mar. Mannium<sup>5</sup>, cui Mariette censura minime incompta esse debuisse, Benedicti Varchii sententiam in Mich. Ang. Bonarotae Epicedio<sup>6</sup> sequutum esse, qui *Giglielmo Brissonetto Cardinali Roano*, admirandum Bonarotae opus nos debere pronunciavit? Atqui, praeterquamquod nunquam Brissonettus *Roanus* appellatus fuit, ut recte animadvertisit Joh. Bottarius<sup>7</sup>, dum Bonarota hoc simulacrum sculperet, alia certe cogitare debuit Brissonetus. Quum enim praecipuus Pisani Conciliabuli auctor fuisset, Julius II. anno MDXI. die xxiv. Octobris, eum purpurae insignibus spoliari jussit, quae tantum a Leone X. fuerunt ei restituta.

Quid vero de Gorio<sup>8</sup> dicam, qui dum Bonarotae

<sup>1</sup> in Vita Bonarotae ab Ascanio Condivio  
descripta p. 69. edit. II. Flor.

<sup>2</sup> ibid. p. 20.

<sup>3</sup> p. 201. T. II. edit. Bottar. ap. Palearinos.

<sup>4</sup> p. 115.

<sup>5</sup> in observ. ad vitam Condiv. p. 83.

<sup>6</sup> p. 24. <sup>7</sup> T. II. ed Palear. p. 201.

<sup>8</sup> ad calcem vitae Condiv. p. 128.

vitam a Vasario conscriptam in epitomen redigit, omnia ejusdem errata videtur in se recepisse? Non solum enim Bonarotae sculpturam *Cardinali Roano* deberi, ut fecit etiam Anonymus Scriptor vitarum celebriorum Architectorum<sup>1</sup>, sed etiam in *Cella B. M. a febris in Templo Martis* primitus fuisse collocatam, cum eodem Vasario<sup>2</sup> affirmavit, contra quam fecerat alter aequalis vitae Bonarotae scriptor, Condivius, qui etsi *Pietatem*, uti vidimus, Roano *Cardinali* tribuit, tamen eam recte<sup>3</sup> in *Aede B. Petronillae*, *Cappella Regis Franciae*, statim ab initio sitam fuisse scripsit. Ceterum alter hic Vasarii, et Gorii error, ex eo fortasse manare potuit, quod postquam *S. Petronillae* aedes solo dejecta fuit, *Pietatis* simulacrum in *Templum D. N. M. Febrifugiae* translatum fuit, uti loco suo videbimus.

### §. xvII.

#### *De aliis Viris illustribus ibidem sepultis.*

**N**eque vero putas, velim, Gallos dumtaxat sepulcri honorem in Aede *S. Petronillae* habuisse. Ibi enim alios quoque illustres Viros tumulatos fuisse scimus. Hujus rei testem habemus Antonium Petri in *Diario Romano* apud Muratorium<sup>4</sup>, ubi narrat, Dominicum Sabbam de Muscianis, qui obiit mense Novembri anno MCCCCIV, sepultum fuisse in *S. Petronilla de nocte*. Hujus mentio fit in Necrologio Vat., ubi vel ipsa ejus obitus dies adnotatur. Haec enim habet<sup>5</sup>. Prid. Id. Novembr. obiit vener. Vir Dñus Sabbas de Muscianis frater, et Concanonicus noster, qui reliquit nostre Basilice omnes distributiones suas per

<sup>1</sup> p. 218. <sup>2</sup> T. II. edit. Pal. p. 202. <sup>4</sup> T. xxiv. rer. Ital. col. 975.

<sup>3</sup> in edit. II. Flor. p. xx.

<sup>5</sup> pag. 160.

eum lucratas in eadem Basilica in . . . amsis prox. praeteritis, vel circa, et certas distributiones grossorum adscendentibus ad summam, et quantitatem . . . florenor. auri, vel circa. Item certas expensas per eum factas in domo cum signo perfecti de Portica S. Petri, et Parrochie S. Marie in Transpadine, in qua idem Dñs Sabbas habitabat, ac etiam certos cofanos, et alias suas cassas donatas per executores pred. Dñi Sabbe ad usum Sacristie Bas. prelibate, adscendentibus ad summam, et quantitatem cum prefatis expensis viginti duator. auri vel circa. Item in eodem Antonii Petri Diaario memoriae proditum est<sup>3</sup>, quod mensis Septembris die Mercurii 23. hora Tertiarium, vel quasi, an. 1405. fuit interfactus Capitaneus, qui dicebatur Mostarda, et interfecit eum, uti dicebatur, Antonius de Vrsinis, vel familiares sui. Item sepultus fuit in Capella S. Petronillae, me Antonio vidente.

Praeterea constat, ibidem quievisse Franciscum de Suno, Bas. Vat. Beneficiarium, cuius epitaphium, quod parenti optimo (uxoratus enim antea fuerat, ut Epiphanium notasse scribit Grimaldus<sup>4</sup>) Filius adolescens posuit, prostat apud eumdem Grimaldum<sup>5</sup>, nosque ex Bull. Vat. editoribus<sup>6</sup> heic exhibemus, qui ita habent. Epitaphium Francisci de Suno Beneficiati S. Petri, sepulti olim in Templo S. Petronillae, juxta Basilicam, sed lapis sepulcralis adhibitus fuit postea in sternendo pavimento.

Hic enim post Templi dejectionem intra Bas. Vat. sepultus fuit, uti constat ex Alpharano<sup>1</sup>, cuius verba a Dionysio<sup>2</sup> relata, sunt hujusmodi. In novae Basilicae parietem, qui novam Basilicam a vetere intersecat, fuit translatum Sacellum cum Altare S. Luciae Virginis, ex Ecclesiae ruinis avulsum, intra quod idem Virginis brachium, sicuti

<sup>1</sup> ap. Murat. l. c. p. 977. <sup>2</sup> fol. 118. ; in l. Descend. Canonic. p. 300. <sup>4</sup> T. I. p. 174.

a Beato Gregorio in prima consecratione positum fuerat , hac nova consecratione , cum eadem theca honorifice collocatum est ; et ante dictum Altare S. Lucia sepultus fuit in pavimento Basilicae , sicuti marmore cernitur , Franciscus de Suno Literarum Apostolicarum Scriptor . Inscriptio haec praeferebat .

D. O. M.

FRANCISCHINO DE SENO

LITTERARVM APOSTOLICARVM SCRIPTORI  
ET REGESTI SACRI PALATII MAGISTRO  
TERTIVM RESCRIBENDARIO  
PRVDENTIA MODESTIA FIDEQVE CLARO  
PAVLVS FILIUS IMPVBES  
A POSTOLIC VS S C R I P T O R  
PATRI PIENTISSIMO POSVIT  
VIXIT ANN. LIII. MEN. X. DIES VII.  
OBIIT XIV. OCTOBRIS ANNO SAL. MCDLXXXIX.

Atque hoc loco transcribere non gravabor , quae occurunt in libro Beneficorum 3 , ubi haec habentur . V. Idus Mar. an. Dñi 1482. Obiit Ven. Vir Bonus Homo Conbeneficiatus , qui super domo sua posita in Parochia S. Simeonis de regione Pontis , ducatos quinque de Carlis perpetuo reliquit pro anniversario suo quolibet anno in una die Veneris , Mensis Martii in Cappella S. Petronillae celebrando , dividendo inter dominos Canonicos , Beneficiatos , et Clericos prefate Basilice .

<sup>1</sup> cap. viii. num. 103. et in MSS. italiano . Seguita la Cappella de S. Lucia V. e M. quale fu trasferita dalle ruine della parte della Chiesa , ma nel transverso di detta Chiesa , et consecrato con le medesime reliquie il braccio di S. Lucia l'anno 1544. Questa Cappella antica-

mente era dotata de Cappellaro , e sotto questo Altare è il braccio di S. Lucia , quale PP. Gregorio Primo haveva riposto ; innanzi a questo Altare fu sepolto un Scrittore Apostolico soprascrizione nel marmo .

<sup>2</sup> p. So.      <sup>3</sup> pag. 35.

§. xvii.

*De Templi cultu, et privilegiis.*

Ex superiorum rerum appositione, satis, opinor, perspicitur, quanto in honore, omni aetate habitum sit hoc Templum, ubi vel ab antiquissimis temporibus duas quotidie lampades colluxisse, memoriae tradidit P. Mallius<sup>1</sup>, et ex eo Panvinius<sup>2</sup>. Quotannis vero, insigni apparatu, ac pompa festum *B. Petronillae*, postrema die Maii celebratum fuisse liquet, ex vetustissimo Martyrologio Archivi S. Petri, ubi legitur apud Turrigium<sup>3</sup>. *Die ultima Maii, S. Petronillae Virginis. Habemus Corpus, et magnam Cappellam dotatam.*

Verum prae ceteris, Populi frequentiam, ad *Petronillae* opem in ejus Templo implorandam, luculenter demonstrat Innocentii II. diploma datum apud Lateranum x. Kal. Junii anno mcxxxviii<sup>4</sup>, quo Canonicis Bas. Vat. oblationum partem dimidiā largitus est, quae Altari *S. Petronillae* fiebant, ex veteri Christianorum instituto, cuius exempla quamplurima proferunt Phaebejus<sup>5</sup>, et Morettus<sup>6</sup>. Praeterea ad ejusdem Templi cultum *Mansionarios* etiam destinatos fuisse novimus ex Instrumento anni mcxxv. sub Honorio II, in quo legimus apud Turrigium<sup>7</sup>. *Iohannes Mansionarius S. Petronillae.*

Quod vero scripsit Barpth. Plazza<sup>8</sup>, Templum Sanctae *Petronillae* Canonicis Vaticanae Basilicae in Chori usum olim venisse, id a nemine memoriae proditum es-

<sup>1</sup> in Append. XI. Ord. Rom. T. II. Mus. Ital. p. 161. et in T. VI. Junii p. 89.

<sup>2</sup> de lampadibus, et luminariis Bas. Vat. p. xxxi. fol. 40. ms.

<sup>3</sup> p. 149.

<sup>4</sup> T. I. Bull. Vat. p. 46.

<sup>5</sup> de anno Jubilaei p. 90.

<sup>6</sup> de Presbyterio P. I. sect. IV.

<sup>7</sup> p. 149.

<sup>8</sup> in Eph. Vat. p. 316.

se comperi, ac proinde falsum omnino esse puto. Sed hoc Plazaee erratum ex eo fortasse ortum est, quod ad aram SS. Simonis, et Iudae, ubi prius Templum exstiterat S. Petronillae, Paullo V. imperante, Subseliarium temporarium erectum fuerit. Cujus quidem rei quum testem habeam Jac. Grimaldum, non alienum esse arbitror ejusdem locum lectoribus heic subjicere<sup>1</sup>.

## §. XVIII.

*De Templi eversione, ceterisque S. Petronillae translationibus.*

Quum novae Basilicae ambitus porrigi latius, atque explicari debuisset, ac S. Petronillae Templum designatae Cellae transversae molitioni, impedimento esset, Pauli tertii mandato, dejectum fuit, postea quam octo ferme seculorum intervallo steterat incolume, contra omnivori Temporis edacitatem quam longissime duraturum.

<sup>1</sup> De Choro temporaneo in nova Basil. A die xxvij. Septembbris 1605. usque ad 15. Novembbris 1609. horae Canonicae sunt in Choro Sixti IIII. celebratae, festis diebus aliquando ad apsidam vergentem ad occasum. In veteri Basilica, ultima verbi Dei Concio fuit ad Altare Apostolorum Simonis, et Iudae in eorum festo 1605, et Dominica prima Adventus dicti anni prima concio ad apsidam vergentem ad meridiem per quandam Verbi Dei Praedicatorem, Ordinis Sancti Dominici. In quadragesima in dicta Apsida ad meridiem, et in alia ad occasum habitae conciones; Majores Missae diebus festis dictis in locis. Temporaneus Chorus ad Aram SS. Simonis, et Iudae dispositus est tabulis ante clusus, et desuper tela ad arcenda frigora oper-

tus ex Caroli Maderni, rei ecclesiasticae ignari inventione. At SS. D. N. Paulus Quintus Pont. Max. tamquam benignissimus Pater, die lunae 27. Iulii 1609. venit ad Basilicam, et Chorum temporaneum vidit, iussitque Basilicanorum salute non tela, sed opimo laqueare operiri, fronte lignea cum suis ostiis picturatis claudi, tabulato sterni, subsellia Sixti IIII. collocari, et quae ibi necessaria forent exequi mandavit, sicutque optimi Principis clementia factum fuit. A die xv. Novembbris 1609. usque ad 20. Decembbris ejusdem anni in Sacrario divina officia perfecta sunt, praeterquam diebus festis. Dominica 4. Adventus 1609. 20. Ximbris primae horae Matutinales in d. Choro temporaneo, ibique postea div. rite sunt celebrata, et commode.

*Totum igitur, ut Alpharani<sup>1</sup> verbis utar, B. Petronillae Templum fuit solo aequatum, atque intra novam Bas. Vat. inclusum, totumque fornicibus pavimentum novae Bas. sustinentibus concameratum, et pro fidelium sepulcris accommodatum, sed in sepulcro in loco dicti Sacelli exstructo, ac concamerato multa ossa Christianorum ex pluribus loculis veteris Bas. et praecipue ea, quae fuerunt eruta ex Oratorio Sanctorum Processi, et Martiniani, et Eccl. Ambrosii, et Sanctorum Sosii, et Apollinaris, quae circa Basilicam ad Aquilonem olim erant, ut supra ostendimus.*

Quo quidem tempore, Corpus ejusdem Virginis, ut Grimaldus<sup>2</sup> testatur, in alterum Templum ei contiguum, quod in Sacrarii usum deinde conversum fuit, delatum, ac sub Altari reconditum fuit. Hinc autem amotum, anno MDLXXIV, Gregorii XIII. jussu, ut celebriori exstaret loco, non sub Organo, ut praepostere scripsit Panvinius<sup>3</sup>, ab Alpharano<sup>4</sup> emendatus, sed contra anteriores Basilicae partem, sub ara Crucifixi, quemadmodum docet diploma Clementis VII<sup>5</sup>, et cum eo Grimaldus<sup>6</sup>,

<sup>1</sup> ms. p. 61. In questo Altare del Crucifisso l'anno 1574. fu depositato il Corpo de S. Petronilla figlia di S. Pietro in pilo de marmo dentro federato de piombo, per ordine di Sua Beatitudine Gregorio XIII, essendo stato longo tempo in Sacristia dopo la ruina della Chiesa il pilo de marmore con quel titulo antico S. Petronillae dulcissimae Filiae. Fu posto presso al Sagramento nel medesimo pavimento nel pred. anno, quando si restaurava. Il Capo di d. S. Petronilla si conserva sopra la Cappella d'Innocenzo VIII. con le altre reliquie devotissime. A man destra, et sinistra di detto Altare del Crocefisso son li sepolcri di doi Architetti della Fabrica nuova di

S. Pietro. et apud Bonannum pag. 33.

<sup>2</sup> in lib. Instr. fol. 47.

<sup>3</sup> T. II. ms. p. 138.

<sup>4</sup> ms. p. 27.

<sup>5</sup> T. III. Bull. Vat. p. 202.

<sup>6</sup> loc. cit. fol. 49. atque in Catalogo reliquiarum. Sotto Paolo III. fu demolito il detto Tempio per la costruzione della nuova Basilica, per cui fu riposto il d. preziosissimo Corpo nella Sagrestia, dove stette, sino al tempo di Gregorio XIII. e l'anno 1574. per comando del d. Pontefice fu trasportato nell'altare del SS. Crocefisso della vecchia Basilica. In quella occasione fu separato il Capo dal Corpo, perchè si esponesse alla pubblica venerazione. Il d. Capo fu rac-

Vgonius<sup>1</sup>, Severanus<sup>2</sup>, et Ciampinius, repositum fuit, postquam ex ejus Corpore Caput avvulsum fuit, ut separatim una cum aliis Bas. reliquiis publico cultui prostatet. Idque usque ab anno MDL. statutum fuisse constat ex iis, quae scripsit Joh. Bapt. Paulianus<sup>3</sup>. In medio postmodum novae Bas. construendae in Cella quadam Apostolorum Corpora, cum parte Corporis B. Petronellae, et Sanctae Crucis. Sed ipsum Alpharanum hac de re disserentem praestat audire. Ex adverso, inquit<sup>4</sup>, hujus Altaris ( S. Martialis ) in facie alterius parastatis dextrae ejusdem minoris fornicis ad meridiem, fuit Altare<sup>5</sup> antiquum, nomine ignotum, sed inter hoc, et supradictum S. Martialis Altare, nostris temporibus, in absidula intra parastatam novae Bas. hoc loco fundatam, fuit erectum sepulcrum marmoreum eximium deauratum<sup>6</sup> cum statua aenea Paulli III. P. O. M.

chiuso a spese de' pii Fedeli in una Testa, e Busto in rilievo, disegno, e lavoro di Antonio Gentile Faentino, come ivi si legge  
**OPVS . ANT. GENTILIS. FAENTINI**  
 1589.

Li 10. Gennaro dell' anno 1606. essendo Pontefice Paolo V. fu rimosso, e tras-

portato con solenne Processione nel nuovo Tempio, e indi collocato nell' Altare dedicato alla medesima Vergine, dove presentemente si venera. L'anno 1643. il Canonico Paolo Bizoni fece fare la base a detto Busto, aggiungendovi altre reliquie della medesima Vergine, e vi è questa Iscrizione

**S. PETRONILLAE VIRG. CAPIT. HIC . INCLVSO  
 BASEM . ARGENTTEAM . EX . SVO . LEGATO . ADIVNXIT  
 PAVLVS . BIZONVS . ROM. OLIM . CANONICOR. DECANVS  
 PARTEM . FEMORIS . EIVSDEM VIRG. CONTINENTEM  
 ANNO DNI M. DC. XLIII.**

<sup>1</sup> p. 30.      <sup>2</sup> p. 136.

<sup>3</sup> de Jubileo, et Indulgentiis libri IIII.  
 Romae 1550. 8. p. 233.

<sup>4</sup> p. 63.      <sup>5</sup> num. 52.

<sup>6</sup> num. 53. Item in tempo de Pio V. l'anno 1569. fu cavato dentro la Cappella di S. Martiale antica, dove è adesso il

sepolcro di Paolo III.... A di più  
 di Sett. l'anno 1574. fu trasferito nella Chiesa nuova un Sepolcro elegantissimo deaurato appresso l'Altar magg. fatto fare dal Card. Alessandro Farnese suo Nepote con questo titolo  
**PAVLO III. FARNEST PONT.OPT.MAX.**

ab Alexandro Farnesio Romano Episc. Tusculano, postea Hostiensi, S. R. E. Vicecancellario; et hujus Basilicae Archipresbytero ejus Nepote, intra quod in nobilissima concha, ex nigro marmore pretiosissima, ejus Corpus positum fuit, ut supra retulimus. In medium vero hujus minoris navis ad parietem noviter erectum a dicto Paullo III, qui per transversum intersecat hanc navem, qui paries est inter XI. et XII. columnarum ordinem, fuit translatum Altare<sup>1</sup> cum Corpore B. Petronillae Virginis de priori loco, sive ejus Templo, et super Altare fuit collocatus Crucifixus magnus ligneus, qui erat in Altari SS. Apostolorum Simonis, et Iudei<sup>2</sup>. Sed

L'organo è grandissimo, e bellissimo tutto messo ad oro, et figure, con gli Armi d'Aless. VI. vel Callisto XI. Credo sia stato fatto in tempo di d. Pontefici. *De Organorum Artifice haec tradit Necrologium Bas. Vat. pag. 122. Prid. Kal. Sept. Obiit Magister Paulus Herrici dicti Wenchen de Civitate Thorum Coloniens. Dioc. de Alaniania, qui fabricavit, et composuit organa nostra pro salute anime sue, et parentum suorum, et in morte sua reliquit nostre Basilice ducentos florenos auri, ita quod fuit deliberatum per Capitulum, quod pro ejus Anniversario expendantur floreni auri quinque. que pecunia conversa fuit in reparatione domus cum signo Organorum, et domus cum signo montonis. Altaris vero Consecratio ibidem ita memoratur. pag. 41. De anno 1548. Consecratio Altaris Sanctorum Martirum Processi et Martiniani sub Organis, quorum Corpora in ipso sunt recondita, translata de primo antiquo Oratorio, propter disjectionem posterioris partis Basilice.*

<sup>1</sup> num. 54.

<sup>2</sup> In Necrologio Vat. p. 176. haec adnotata reperiuntur. Idib. Xibr. Eodem

die de anno M. D. LXXVI. consecratio Altaris ad honorem B. Mariae semper Virg. dicta de Pregnantibus, S. Johannis Baptiste, et S. Jacobi Mai. Apostoli positi juxta parietem novam, qui intersecat Basilicam veterem a nova in mediana navi Basilice, quod respicit e regione Portam Ravinianam cum Reliq. S. Sebastiani. Item Altaris ad honorem B. Petronille Virg. filiae S. Petri, S. Johannis Evangeliste, et S. Catarine Virg. et Mart. vocati SSmi Crucifixi in eod. pariete novo positi, sed in minore navi, quod e regione respicit portam Judicii, sub quo ejusd. B. Petronille Virg. corpus fuit positum, et Reliq. S. Cristofori. Item consecratio Altaris ad honorem S. Bonif. Mar. Sanctor. Angelorum, et S. Mathei Apostoli positi in angulo mediane Navis Basilice juxta Portam Ravinianam cum Reliq. ejusd. S. Bonifacii Martyris, et aliorum. Item Altaris mortuorum ad honorem Sanctorum Philippi, et Jacobi Apostolorum, et S. Hieronimi Presbiteri et Doct. positi inter dictam Portam Ravinianam, et Argenteam cum Reliquiis SS. Innocentii Thebeor. et XI. Mill. Virg. Item consecratio Altaris ad honorem S. Bar-

juxta hoc Altare hinc , et inde fuere sepulti duo ingeniosissimi , atque praestantissimi novae fabricae hujus sacrosanctae Basilicae Architecti , videlicet Antonius Sangallus , et Laurentius Florentinus .

Demum , Paullo V. imperante , quum eaedem sacrae exsviae in novum Templum adsportandae essent , III. Idus Januarii MDCVI. hoc etiam Altare excisum est . Quod utique Vignolium <sup>1</sup> , aliosque in errorem induxit , ut crederent , sub Paullo V. antiquum S. Petronillae Templum in novae Bas. constructionem defecisse , etsi ab eo dumtaxat dejectum fuit Altare SS. Crucifixi , quô translatum S. Virginis Corpus fuerat post Templi demolitionem a Paullo III. minime vero a Julio II. mandatam , ut perperam affirmarunt Bull. Vat. editores <sup>2</sup> , Martinettus <sup>3</sup> , et Chattardus <sup>4</sup> . Ac dehin submota Altaris tabula , quae lateritiae erat structurae , parva pila marmorea , duobus Angelis in facie ornata reperta est , in qua erat capsula plumbea cum inscriptione paullo post afferenda .

Quum autem rite coram testibus recognitum fuisse ejusdem S. Virginis Corpus XVII. Kal. Februarii anno MDLXXIX, e veteri in novam Basilicam translatum est ,

tolomei Apostoli , S. Herasmi Episcopi , et S. Venceslai Mar. Regis Boemior. positi in altero angulo medianae navis Basilice juxta Portam Romanam cum Reliq. SS. Valentini , Alexandri Confess. et Catharinae Virg. Item eodem die consecratio Altaris ad honorem Sanctor. Marci , et Lucae Evangelistar. et S. Ambrosii Episcopi , et Confess. positi in navi Sudarii juxta parietem versus Aquilarem inter sepulchra Nicolai PP. V. , et Pauli II. cum Reliq. S. Severi Archiep. Ravenn. , S. Sebastiani Mart. et aliorum Mar.

quorum Altarium tria fuere translata e Sacellis propriis propter disjectionem posterioris partis Basilice , vid. S. Mariae de Pregnantibus , S. Petronille Virg. et S. Marci Evang. reliqua vero tria fuerunt execrata anno Domini M. D. LXXIV. ut elegantius extruerentur , sub quibus eaedem Reliq. fuerunt recordite .

<sup>1</sup> T. I. edit. Anastas. p. 124.

<sup>2</sup> Tom. III. p. 202.

<sup>3</sup> Presi della Bas. Vat. I. II. p. 153.

<sup>4</sup> Nuova descrizione del Vatic. T. I. pag. 76.

ac super aram Cellae in ea Templi parte , cui unus e  
iv. Tholis imminet a Bonarota exstructis , ad Solis oc-  
casum , dextera Basilicam ingredientibus collocatum .  
Deinde Card. Evangelista Pallottus marmoreae arcae ,  
pontificalibus indumentis ornatus benedixit , et Canoni-  
cis adjuvantibus , sacra Lipsana clausit , supraque capsam  
cupressinam , inscriptionem laminac plumbeae insculptam  
ponendam curavit , quae mirum in modum sententiam  
nostram confirmat , a *Paullo I. S. Virginis Corpus* , in  
Templum translatum , Templum vero jampridem exstruc-  
ctum . Eam quoque refert Grimaldus , cujus verba mox  
dabimus . Ac denique idem Cardinalis pilam suo tegmi-  
ne marmoreo cooperiri mandavit .

Hoc autem Altare sollemni ritu consecratum est  
xv. Kal. Octobris MDCXXVII. a Iohanne Thoma Mallo-  
no Antistite Sabinensi , nullis inibi ( quod praecipuo  
S. Virginis honori datum est ) adjunctis aliorum Marty-  
rum reliquiis . Quod discimus a Raphaele Sindonio <sup>1</sup> , qui  
in congerendis recentiorom temporum monumentis accu-  
ratus fuit , non ita in antiquioribus indagandis . *Petronillae*  
historiam admirabili sane arte , et exquisito colorum leno-  
cinio expressit Franc. Barbieri , vulgo Guercinus nuncupat-  
tus , magni nominis Pictor , quae nunc Aedium Quirinalium  
aulam exornat . In ejus locum suffectum est opus ver-  
miculatum ab Equite Christophoro accuratissime expres-  
sum , qui deinde , Clementis XI. jussu , ut tradit Furiet-  
tus <sup>2</sup> , aliis etiam Altarium iconibus sublatis , novas ver-  
miculato opere tabulas , quas nunc admiramus , disci-  
pulorum ope collata , superaddere incoepit .

Verum quum harum omnium translationum historiam

Grimaldus diligentissime persequutus sit, quippe qui testis oculatus, ac Tabellio rogatus iisdem interfuit, ideo circa eamdem descriptam, et recognitam ex Codicem autographo Archivi Vaticani, ac nunquam antea editam subjicio, quam haud ingratam lectoribus futuram puto<sup>1</sup>.

1 Quum igitur ob novam fabricam, Templum hoc solo aequatum fuisset, Corpus S. Petronillae delatum fuit in Sacrum, et sub Altari reconditum. Quod ut celebriori exstaret loco, Gregorius XIII. inde amoveri, et sub Ara SS. Crucifixi, e conspectu anterioris Portae Basilicae, nunc S. Andreae, olim Judicii nuncupatae, in pariete, qui novam a veteri Basilica dividit, decenter repositum est. Demum Illius et Rm. D. Card. Cusentinus Archipresbyter, Pauli V. Pont. Max. jussu, sanctum ipsius Corpus in novum Templum illaturus, Aram SS. Crucifixi aperiri mandavit pro parandis, quae forent necessaria translationi. Hanc ob rem anno millesimo sexcentesimo sexto, die Martis decima Januarii. In mei etc. pates etc. personaliter constituti RR. PP. Dni Paulus Bizonus major Sacrista, Marcus Antonius de Magistris, et Paris Pallottus, Canonici memoratae Basilicae, qui apponentes manus elevationi superioris Mensae ejusdem Altaris, SSni Crucifixi, de ordine, ut assurerunt Illius Cardinalis Archipresbyteri, dissecrarunt ipsam aram, quae marmorea mensa longa erat palmis x. semis, lata palmis 111. cum 3 in cuius fronte hae litterae incisae sunt 2 ✕ CORPVS . S. PETRONILLAE . VIRGINIS . FILIAE . S. PETRI . ✕ Summota dicta tabula post hymnuni, Veni Creator etc. et orationem de Sancto Spiritu, ac S. Petronillae, iidem RR. DD. Paulus, et Marcus Antonius Can. stolis induiti descenderunt intus Altare, quod undique lateritiae erat structurae,

et aperuerunt parvum Pilum marmoreum, simili operculo tectum, longum palm. quinq. 3 latum palmo uno 3 alto palni.  
2 2

uno semis cum duobus Angelis in facie. Intus Pilum aderat capsia plumbea longa palmis duobus 3 lata palni. uno uncia  
2

una, alta palmo uno 1 cum literis in facie sculptis. CORPVS S. PETRONILLAE . VIRG. FILIAE . S. PETRI POS. TEMPORE DNI . GREGORII . PAPAE XIII. ANNO DNI. MDLXXIII. Aperta capsia plumbea fuerunt ab omnibus circumstantibus, et testibus infrascriptis, meq. Notario etc. visa ossa sacri Corporis S. Petronillae Virginis, praeter Caput, quod in Sacrario dictae Basilicae argentea theca clausum asservatur. Quae ossa serico velo tegebantur. His acris eadem Capsa, et Pilum, nil penitus amoto, clausa fuerunt, ibique sub Altari relicta. Et posita aera mensa lapidea, hora jam noctis tertia, quilibet domini petit. Super quibus etc.

pag. 42. Die Sabbati decima quarta Januarii, millesimo sexcentesimo sexto, hora noctis prima. In mei etc. pates, et personaliter constituti RR. PP. D. Marcus Antonius de Magistris, Marcellus Phylonardus, et Paris Pallottus Canonici Principis Apostolorum, de ordine Illius Card. Archipresbyteri, mandarunt aperiri Altare SS. Crucifixi, situm in veteri Basilica, ut superius narratur. Quo facto RR. DD. Mattheus Argenteus Beneficiatus, Andreas Amicus, Clericus Benef., et

Neque vero poenitet me , in persequenda , atque illu-stranda hujusce Templi rotundi descriptione paullo diu-nius , quam animo paeceperam , immoratum esse . Ne-

Ascanius Torrius , ad curam animarum Parochus , stolis induit ex ipso Altare ele-vantes arcam plumbeam , cum Corpore S. Petronillae , incluserunt illam intus ca-psam cypressinam novam benedictam a d. Illino Archipresb. dixeruntque Anti-phonam. *Veni Sponsa Christi.* ¶ et Ora-tionem. *Exaudi.* Et super thalamo , cum psalmis , et luminibus in Chorum Sixti detulerunt , ubi idem R. D. Marcus An-tonius , quatuor in locis , sigillis Illini Card. Archipresb. eandem Capsam mu-nivit. Stetit ibi nocte ipsa , cantatis Vi-giliis ab ipsismet Sacerdotibus nominatis in Instrum. S. Gregorii. In Aurora de-latum fuit supra Altare , unde fuerat ele-vatum , et expositum populi devotioni , ut plenariam consequeretur Indulgentiam , publicatam per Vrbem. Super quibus etc.

pag. 42. Die decima quinta Januarii MDCVI. Dominica secunda post Epiph. Illinus et Rmns Dns Evangelista Pallottus Card. Cusentinus Archipresby-ter , cum interventu Rni Antonii Victorii ejus Vicarii , totiusque Cleri ejusdem Basiliæ , multorumque Praelatorum , po-pulique maximo concursu , post solemnes Vesperas in Choro a Canonico hebdoma-dario decantatas , servatis caeremoniis , ut in aliis praenarratis translationibus dictum est , processionali pompa Corpus S. Petronillae Virg. ex Altare SS. Crucifixi , e veteri in novam Basilicam transtu-lit , ac super Aram Sacelli in capite Ec-clesiae , cui unus ex quatuor tholis im-minet ad occasum Solis , dextera ingre-diendo Basilicam , collocavit , cum publi-catione plenariae Indulgentiae per R. D. Marcellum Phylonardum Diaconum Ca-nonum in forma Ecclesiae consueta ,

solitis verbis . Canonici deferentes San-ctum Corpus hi fuerunt RR. DD.

Paulus Bizonus	Tiberius Mandosius
Marius Alterius	Angelus Cospius
Pomp. de Magistris	Evang. Corbonesius
Mar. A. de Magistris	Mar. Phylonard. Diac.
Tiber. Ricciardellus	Tiber. Cincius Subd.

Super quibus etc.

p. 43. Successive eadem , die decima quinta Januarii , Millesimo sexcentesimo sexto , hora noctis secunda . Illinus , et Rmns Dns Dns Evangelista Pallottus Card. Cusentinus , SSñctæ Vatçñae Basil. Archipresbyter , cum interventu RR. DD. Canonicorum dictæ Basilicae , Pauli Bi-zoni , Marci Antonii de Magistris , et Pa-ridis Pallotti , accessit ad Sacellum , ubi Sanctæ Petronillæ Corpus positum erat , et precibus Deo fusis induit amictum , stolam , et pluviale album , benedixitque e Pontificali marmoream arcam. Cantores dixerunt hymnum , *Iesu Corona Virginum* , Antiphonam *Veni Sponsa Christi* ¶ Diffusa est gratia , et Card. dixit orationem. Deinde aperiri jussit capsas sacri Cor-poris . Quo facto idem ex ossibus pre-fatae Sanctæ Virginis accepit partem foemoris , ut perpetuo in eadem Basil. inter sacras reliquias asservaretur , illam-que posuit in Vasculo argenteo , et velo cooperuit , deditque R. D. Paulo Bizonio majori Sacristæ pñti ibidem , qui ean-dem in *Sacrarium* deferret . Et his actis , clausit capsas cum sacro Corpore , mu-nivitque sigillis , ut erant prius . Dein apponens manum capsæ , adjuvantibus aliis Sacerdotibus , stolis induitis , Sanctæ Pe-tronillæ Virginis Corpus intra marmo-ream arcam , in Dei nomine , inclusit . Posita fuit supra cypressinam capsam

fas enim duxi, quae de tam vetusto, tamque sumptuoso aedificio, scitu digniora erant, praetermittere; idque eo magis, quod quum esset structurae, plane ge-

hujusmodi inscriptio lamina plumbea sculpta, et populo inibi praesenti per me

Notarium infrascriptum, alta voce lecta  
hujusmodi sub tenore:

CORPV . S. PETRONILLAE . VIRGINIS . EX . COEMETERIO . FORIS  
PORTAM . APPIAM . MILLARIO . AB . VRBE . SECVNDO . A . PAVLO  
PRIMO . SVMMO . PONTIFICE . IN . VETVS . TEMPLVM . ROTVNDVM  
PRIDEM . MAGNIFICE . EXTSRVCTVM . QVOD . VATICANAE . BASILICAE  
COHAEREBAT . INSIGNI . PROCESSIONIS . POMPA . DELATVM . QVO  
DEIN . OB . NOVAM . ECCLESIAE . STRVCTVRAM . EVERSO . IN  
SVPERSTITE . BASILICAE . PARTE . REPOSITVM . EA . COLLABENTE  
PAVLI . V. PONT. MAX. IVSSV . IN . NOVVM . TEMPLVM . HONORIFICE  
PERDVCTVM . HAC . SVB . ARA . RITV . SOLLEMNI . COLLOCAVIT  
EVANGELISTA . PALLOTTVS . TITVLI . S. LAVRENTII . IN . LVCINA  
CARDINALIS . CONSENTINVS . HVIVS . BASILICAE . ARCHIPRESBYTER  
ANNO . MDCVI. DIE . XV. IANVARII . DOMINICA . SECVNDA . POST  
EPIPHANIAM . EIVSDEM . PAVLI . PAPAE . V. ANNO . PRIMO

Tum idem Illius Card. mandavit  
claudi Pilum suo tegmine marmoreo, in  
quo sculptae sunt nuper hujusmodi litterae.  
CORPV . S. PETRONILLAE . VIRG.  
Clausar arca Card. expectavit, quo usque  
caementarii ponerent tabulam Altaris,  
eaque posita, se contulit in Sacrarium  
cum prefatis Canonicis. Super quibus etc.

pag. 44. Eodem die XV. Januarii  
MDCVI. Deinde, et incontinenti in Sa-  
crario, et Sacello Sancti Joannis Chri-  
sostomi, ubi insigni armario custodiun-  
tur Sacrae Reliquiae dictae Basilicae,  
coram d. Illmo Archip., ac RR. DD.  
Pomponio de Magistris Altarista, et Ca-  
nonico, ac Marco Antonio, et Paride  
suprannominatis, idem R. D. Paulus Bi-  
zonus partem foemoris S. Petronillae  
Virginis manibus propriis collocavit, intra  
quandam capsulam serico villoso rubro  
opertam, in qua servatur brachium Sancti  
Magni Archiepiscopi Tranensis Martyris,  
huius nota in membranis relecta. De


Foemore Sanctae Petronillae Virginis re-  
cepit etc. ex Corpore ipsius, ut publico  
patet instrumento per acta Iacobi Gri-  
maldi die xv. Jan. 1606. super quibus etc.

p. 74 Elevatio Reliquiarum ex sigillo  
Altaris Sanctae Petronillae.

Eadem die xxv. Jenuarii MDCVI. hora  
noctis 4. Deinde, et incontinenti R. D.  
Paulus Bizonus praedictus cum inter-  
ventu RR. DD. Canonicorum Pomponii  
de Magistris, Aloysii Raynaldusii, Joa-  
nis Baptista Bandini, Marcelli Phylo-  
nardi, et Paridis Pallotti, aperiri fecit  
sigillum in medio Mensae marmoreae  
Altaris S. Petronillae Virginis, et accepit  
inde vaseulum plumbeum cum litteris in  
bambacino scriptis. Altare SSni Crucifixi,  
S. Sebastiani, S. Christophori, et  
S. Jeronymi. Quod vasculum cum reli-  
quiis posuit in pollubro argenteo, et ope-  
ravit velo serico, quod ferebat R. D. As-  
canius Tonius Parochus ad curam ani-  
marum in dicta Basilica. Super quibus ec.

minaे alteri D. N. Mariae Febrifugiae Templo, quod ei continens erat, ac situm in eodem Circo Neroniano prope Obeliscum, si de eo tacuisse, reclamare quodammodo, et ex communi diurnae famae possessione dejici sese, ac deturbari, jure quodam suo conqueri posse, mihi visum esset. Quare ejus etiam perennitati consulendum fuit, vindicandumque ex oblivionis tenebris, una cum iis, quae ad aliud Templum pertinent, cum quo, tot seculorum spatio, Indigenarum, atque Advenarum pietati, et admirationi propositum fuit.

Praeterea haec ipsa argumenta, quae Templum S. Petronillae nusquam Apollini dicatum fuisse evincunt, probant etiam, Templum B. Mariae a febribus Marti sacrum esse minime potuisse. Verum priusquam idipsum luculentius confirmetur, ac de altero hoc Templo sermonem instituam, de dupli Aditu Templi S. Petronillae, quorum unus in Basilicam Vaticanam, alter ad Templum S. Mariae a febribus transmittebat, nonnulla praefanda mihi esse intelligo. Quae quidem disquisitio multo operosior est, quam cuiquam, prima, ut ajunt, fronte videri fortasse possit, quaeque si feliciter, uti confidimus, vertet, aditum profecto nobis etiam, viamque munibit, ad veram inoffenso pede assequendam originem, nomenque Templi D. Mariae a febribus detegendum.



## C A P V T IIII.

*De aditu Templi S. Petronillae ad Bas. Vat.*

**A**tque ut a priore exordiamur , hic sese exhibet ingredientibus e navi transversa per Portam , quae in medio ejus muro meridionali est , et intrantibus in locum oblongum c , quod proximi aedificii *S. Petronillae* vestibulum videri possit . Totum illud vero spatium occupabat , quod inter Templum *S. Petronillae* , parietesque Basilicae Vaticanae navim transversam in austrum claudentes , procurrebat .

Heic autem fuisse *Basilicam S. Andreae Apostolo a Symmacho* dicatam , omnes ferme scriptores tradiderunt ; quos , uti in aliis multis , a vero quam longissime abesse , demonstrare aggrediemur . Quod antequam facimus , eorum sententiae recitandae sunt , atque in medium aferendae .

## §. I.

*Num Basilica S. Andreae a Symmacho erecta  
ibidem sit statuenda ?*

**A**c primo P. Mallium ajunt , duobus in locis de Templo a Symmacho ibidem exstructo verba fecisse . Scripsit enim <sup>1</sup>. *Symmachus Papa fecit Basilicam S. Andreae Apostoli ad S. Petrum* . Ac circa finem cap. II. <sup>2</sup> . *Infra Palatum Neronis est Templum Apollinis , quod nunc vocatur S Petronillae , in quo est reconditum Corpus ejusdem Virginis , ante quod est Basilica S. Angeli , quae vocatur Vaticanum , mirifice mosibo laqueatum , auro , et vitro . Ideo vero dicitur Vaticanum , quia Vates , idest Sacerdotes antiquitus cane-*

<sup>1</sup> T. VI. Junii n. 42. p. 41.

<sup>2</sup> ibid. num. 25. p. 40.

bant ibi sua officia ante Templum Apollinis, et ideo tota illa pars dextra Basilicae B. Petronillae, qua itur per Poricum Pontificum, et usque ad Portam Argenteam, vocabant Vaticanum. Ibique est aliud Templum, quod fuit Vestiarium Neronis, quod modo vocatur S. Andreas. Haec Mallius: quorum quidem magnam partem ex eo delibavit Anonymus de Mirabilibus Romae, qui fere iisdem verbis eamdem rem ita narravit<sup>1</sup>. Infra Palatium Neronianum est Templum Apollinis, quod dicitur S. Petronilla, in Basilica S. Petri, ante quod est Basilica, quae vocatur Vaticanum, quia Vates, idest Sacerdotes canebant ibi sua officia ante Templum Apollinis, ibique aliud Templum, quod fuit Aerarium Neronis, ubi nunc est Ecclesia S. Andreae.

A Mallio, et Anonymo dissentire videtur Maph. Vadius, qui Vestiarium Neronis potius agnoscendum putavit, ubi ab iis Basilica, quae vocatur Vaticanum, designata fuit, etsi deinceps hujusmodi appellationem non probat. Ait enim<sup>2</sup>. Proinde, nec alium locum huic contiguum, ( nimirum Templo S. Petronillae ) ubi est Altare S. Andreae a Symmacho exstructum, magna semper apud omnes devotionis, et in quo Summos Pontifices consecrari solitos fuisse supra diximus, recte credendum est, Vestiarium Neronis existisse. Ceterum quia totus locus ipse, qui usque ad Altare S. Michaelis vetustum undique protenditur, Vestibulum fuit Templum Apollinis, quod S. Petronillae nomen accepit, credibilius videtur a Vestibulo, Vestiarium appellatum esse. Meminit pari modo ejusdem loci, quod Templum vocat, Panvinius, qui haec ait<sup>3</sup>. A dextro vero latere Templa S. Petronillae, ubi ejus Corpus diu quievit, S. Andreae a Symmacho Papa factum, ornamenti, et red-

<sup>1</sup> p. 29. in Diar. Italico.

<sup>2</sup> lib. iv. n. 127.

<sup>3</sup> de vii. Eccl. p. 47.

*ditibus auctum*, S. Michaelis Archangeli, et S. Mariae de Febre, in quo nunc Canonicorum Sacrarium est. Idemque alibi<sup>1</sup>. Paullo ante Templum S. Petronillae, et illi contiguum fuit Templum S. Andreae a Symmacho Papa factum, magnae semper apud omnes devotionis, in quo Romanos Pontifices solennia quaedam in sua Coronatione, vel Consecratione celebrare consuevisse, infra ostendam. Quae quidem Alpharanus pressius exponit in Codice Albano, ubi ait<sup>2</sup>. *Vestibulum Templi Apollinis, postea Eccl. S. Andreae.* Ac rursus. *A Basilicae parietibus, quae sunt in transversa navi ad meridiem, usque ad S. Petronillae Templum, fuit S. Andreae Apostoli Ecclesia, quam Symmachus Papa eleganter exornaverat, in qua Romani Pontifices solennia quaedam in sua coronatione, et consecratione celebrare consueverant.* Hunc locum fuisse Vestibulum Templi Apollinis, quod quidem Templum postea S. Petronillae nomen accepit, Mapb. Vegius ostendit, sed Petrus Mallius dicit fuisse Vestiarium Neronis mirifico musivo laqueatum, sed melius quadrare videtur, fuisse Vestibulum Templi Apollinis in medio Circi exstructum, ut tunc a Gentilibus fieri solebat. In hujus igitur Vestibili medio erat Altare S. Andreae a Symmacho erectum, sub quo dicti S. Andreae, et S. Lucae Brachia Gregorius M. Constantinopoli translata, magna veneratione recondidit. Totus hic locus oblongus fuit longitudinis palm. LXXVIII, ad mensuram latitudinis transversae partis Basilicae.

Ex his manifesto liquet, quam a vero aberraverint, non minus Mallius, Anonymus, et Vegius, quam Alpharanus, quum nemo non videat, neque *Vestiarium*, aut *Aerarium Neronis*, neque *Vestibulum*, quod commenti

<sup>1</sup> T. II. MSS. c. xvi. p. 26.

<sup>2</sup> MSS. c. x. p. 59. num. 153.

sunt, Templi *Apollinis* extare unquam heic potuisse, ubi patuit libera Circi area, multisque dumtaxat post seculis, *Templum S. Petronillae* a fundamentis erectum, ac dicatum stetit. Sed multo magis Vegius, et Panvinius cum Alpharano errarunt, quum *Templum S. Andreæ* a *Symmacho* postea erectum, in aditu Aedis Sanctae Petronillae stetisse dixerunt. Quum enim idem *Templum Anastasius*, quem pluries de eo loquutum esse, infra observabimus, *Basilicam* passim vocet, id ipsum monere homines debuisset, ne *B. Andreæ Apostoli Basilicam* heic quaererent, quam certe ampliore loco sitam esse oportuit, quam quem heic Ichnographia repraesentat. Quod etsi eruditissimus Janningus<sup>1</sup> subodoratus est, idem tamen non iccirco a communi aliorum Scriptorum opinione discessit, qui in hoc aditu, *S. Andreæ Basilicam* fuisse scripserunt.

Quamquam et aliae id caussae multo graviores, ut infra ostendam, falsum omnino esse produnt. Ita enim rem habere ex ipsis Mallii, et Anonymi verbis supra allatis, quae ipsi in medium adducunt, deprehendi potest, atque adeo, si quid recte video, debet; qui proinde dum ad ea nos provocant, vereor, ut satis considerate, circumspecteque faciant. Trium enim locorum mentionem Mallius injecit. I. *Templi S. Petronillae*, quod antea *Apollinis* fuisse, falso sibi persuasit. II. *Basilicae S. Angeli*. III. *Templi*, quod ipse *Vestarium*, seu *Vestiarium Neronis* appellat, in *Ecclesiam S. Andreæ*, postea conversum. Quum autem de situ *Templi S. Petronillae* ambigendum minime sit, quidquid superest quaestionis, *S. Angeli Basilicam* spectat, *Templumque S. Andreæ*.

Verum, oro, quo pacto clarius indicare Basilicam *S. Angeli* potuit, qui diserte scribit, eam fuisse, *ante Templum S. Petronillae*? Quare, si *ante* illud, nempe in *aditu*, de quo nunc disputamus, erat *Basilica S. Angeli*, fierine potuit, ut ibidem alterum *Templum* exstaret *Andreae Apostolo dicatum*? Quod quidem si Mallius illud idem fuisse ait, quod ab se *Vestiarium Neronis* vocatur, manifestum plane est, aliud hoc, aliud *Basilicam S. Angeli* esse. Quamobrem quis potius non putet, aliud heic innui *Templum, S. Petronillae Templo* finitimum, quod in *Sacrarium* postea conversum est; eoque magis, quod Mallius eadem *Templi* voce utitur, dum *Templum S. Petronillae* indicare vult, aliudque *S. Andreae*, contra quam facit de *S. Angeli Templo*, quod *Basilicam* minus proprie appellat? Hoc enim manifeste demonstrat, *Basilicam S. Angeli*, locum a *Templo S. Andreae* distinctum fuisse. Praeterea quis credat, Mallium, et *Anonymum S. Petronillae Templum*, aliosque locos ei continentes describere voluisse, numquam tamen alterum *Templum rotundum* ibi contiguum, quod nemo certe inficiabitur, jam tum ibidem exstitisse?

Verum quod magis me perculit, hanc eamdem dubitationem, quam etiam Paullus de Rubeis Vat. Beneficiarius movit, Ciampinius quum diligenter se fateatur excussisse, neque ab aliorum falsis opinionibus, neque a novis lapsibus satis caute declinavit. Nempe Vir, alioqui eruditissimus, ait<sup>1</sup>. *Quum diligentि attentione prae-allegatum Manlii locum ab Alpharano, aliisque Scriptoribus descriptum considerarem, situm observavi ante Apollinis Templum illummet fuisse, qui a Mallio describitur pro Vestario*

<sup>1</sup> Sect. XI. p. 86.

Neronis. Nam si attente istius auctoris vocem ibique perpendamus, cum dictis de Apollinis Templo connectenda sunt, quum Vestiarium locus sit, ubi asservantur vestes. In hoc igitur loco, quando Nero, dirus ille Imperator, in Circo aurigabat, ut Suetonius narrat, verisimiliter vestes, aliaque Imperialia deponebat ornamenta, quando nempe pro agitatore apparebat in Circo. Non obstat, quod Mallius locum istum Templum appellat, quum eadem utatur voce in ipso Apollinis aedificio, quod principale, et non pars est, ut istud Vestiarii. Quamobrem observo, Mallium de vocum electio-  
ne sollicitum minime esse, ut in hac eademmet narratione animadverte valet, quoniam Neronis Circum, Palatum appellat, quum ex historiis Neronem nullum aliud Palatum aedi-  
ficasse comperiamus, praeter illud, quod sua pretiositate Domus aureae Neronis nomen promeruit. Lapsus est enim Mallius in voce Basilicae, quam aedificii parti attribuit, quum proprie Basilica regum sit aedificium, et non illius pars, immo Altare, ut mox dicemus. Insuper eundem locum Templum nominat, quum sit Templi vestibulum.... Ex hactenus dictis concludi posse videtur, quum omnes Scriptores de Bas. Vat. tractantes, locum istum pro Ecclesia S. Andreae designent, non obstar, quod Mallius illam Basilicam S. An-  
geli denominet, quia partem pro toto accepit. Hactenus Ciampinius.

Sed tot, tamque gravibus mendis ejus verba scatere video, ut nesciam, qua ex parte initium eorum castigandorum, et refellendorum sumam. Ut enim de Templo Apollinis ibidem collocato, quem cum ceteris communem habet, errorem praeteream, etsi alibi ab Honorio, atque etiam a Paullo I. mira inconstantia exstructum fuisse scripse-  
rit, equidem haud intelligo, qua de caussa connectenda

sint cum Templo Apollinis, quae Mallius ait de *Neronis Vestiario*. Siquidem vox *ibique* minime exigit, ut hoc *Vestiarium* in eodem plane loco, ubi *Templum Apollinis*, constituendum sit, sed accipi etiam potest pro loco ex altera parte ei contiguo: quin imo, quum statim addat aliud *Templum*, quod fuit *Vestiarium Neronis*, ubi nunc est *Ecclesie S. Andreae*, luce clarius est, ibidem de loco plane diverso a Bas. quae vocatur *Vaticanicum*, ante *S. Petronillam* loquutum esse. Perperam igitur Mallium accusat de vocum electione parum sollicitum, quod *Vestiarium Neronis*, perinde ac ipsum *Apollinis* aedificium, *Templum* appellaverit. Nam eadem voce aedem ei plane geminam designavit. Neque iccirco eidem adsentiri ullo pacto possum, *Templum a Mallio Vestiarium* nuncupatum, alterius *Templi* fuisse partem, quum contra aliud omnino *Templum* fuerit, nihil habens cum altero sibi propinquo commune, praeter formam, ac situm, in eodem Circo Neroniano. Quamobrem in eo Mallium Vir doctus reprehendit, ubi lapsus certe non est, eumque incastigatum dimisit, ubi ejus de Templo *Apollinis*, et de *Neronis Vestiario*, cui et ipse subscrispsit, opinionem refellere debuisset.

Illud quoque Mallio non erat vitio vertendum, quod *Neronis Circum*, *Palatium* appellari. Quis enim ignorat, non tam Neroniani hujus Circi, quae supererant vestigia, ab Anastasio, aliisque auctoribus *Neronis Palatium* appellata, sed *Palatia* etiam nominari consueisse ingenititia quaelibet antiquae Vrbis aedificiorum rudera, ut jam supra innuimus?

Hac profecto de re abunde exemplorum suppeditant medii aevi Scriptores. Recte enim observavit Nar-

dinius, qui ait<sup>1</sup>. *Quum rudis antiquitas sueta fuerit Palatia appellare rudera ingentium aedificiorum, utpote de Palatio Trajano, et Constantiniano in regione vii. animadvertisi, facile hinc est, quod Palatum Antonianum Thermae Aur. Antonini Caracallae multis abhinc seculis appellatas fuisse, ac proinde nomen Ecclesiae S. Caesarii vulgo in Palatio, quae juxta Thermae est, et ipsius Imperatoris Palatii opinio potuit derivare.* Praesto sunt alia quoque exempla, quae idem confirment. Nam Basilica S. Crucis in Hierusalem, ubi Constantinus posuit de ligno S. Crucis, ab Anastasio<sup>2</sup> in Palatio Sessoriano, fuisse dicitur. Ita enim Benedictus Canonicus ait<sup>3</sup>. *Dominica Laetare, Statio ad Hierusalem in Palatio Sessoriano.* Quam quidem denominationem vel inferioribus temporibus retinuisse conjiciendum est ex eo, quod Fregepanii, quibus Lucius II. peculiari diplomate<sup>4</sup> Circi Maximi custodiam dederat, item Septizonium, et Amphiteatrum Flavium, domibus constructis incoluerunt; uti Romanorum Nobiliores, Panvinio teste<sup>5</sup>, veteres alias fabricas habitandas sibi vindicarunt, nimirum Vrsini Mollem Adrianam, et Theatrum Pompeii in Campo Florae, Columnenses Mausoleum Augusti, et Thermae Constantinianas, Comites Quirinalem, Sabellii Theatrum Marcelli, et Mausoleum Caeciliae Metellae, quod deinde in Gentis Cajetanae dominium cessit; quae quidem loca *Palatia* vulgo audiebant. Item Ecclesia S. Marci a S. Marco Pontifice condita, ab Anastasio in ejus vita<sup>6</sup> juxta Pallacinas vocatur,

<sup>1</sup> lib. vii. c. vi. p. 446.

<sup>2</sup> T. I. in vita S. Silvestri §. xiI. p. 96.

<sup>3</sup> in Ord. xI. p. 121. et 135.

<sup>4</sup> ex Panvinii MS. de Gente Fregepanica lib. iiiI. cap. viI. in Bibl. Vat. apud Neriunum in Appendix Monum. de Templo, et Cenobio SS. Bonifacii et Alexii p. 407.

<sup>5</sup> ibid. ex Instrum. dat. ann. I. Pontif. Eugenii iiI. apud Panvinium cap. v. Consule dissertat. eruditissimam Karoli Fea sulle rovine di Roma p. 330. et 333. nel T. iiI. della Storia delle Arti del disegno di Winchelmann.

<sup>6</sup> T. I. §. II. p. 109.

quod nimirum posita erat prope Circum Flaminium, cuius reliquias etsi imperitum vulgus *Castellum aureum*, teste *Anonymo de mirabilibus Romae*, nuncuparet, tamen, uti notat Vignolius, ex medii aevi more, *Palacinium* etiam, seu *Palatum* dicebantur, unde *Pallacinae*, seu *Palatinae*. Jac. quoque Grimaldus<sup>1</sup> *Monasterium*, inquit, *S. Laurentii in Palatinis* dicebatur propter *Circum* ( *Flaminium* scilicet ) quem ignare *Palatum* vocabant. Hoc idem *Monasterium S. Laurentii in Palatinis*, aut *Pallacini* apud *Anastasium*<sup>2</sup>, et *Bull. Vat. editores*<sup>3</sup>, *S. Laurentii Pallatini* appellatur. Ac licet Grimaldi conjecturae, quam Franciscus Blanchinius<sup>4</sup>, Martinelli fultus auctoritate, et Ioh. Christ. Amadutius<sup>5</sup> amplexati sunt, resistant *Bull. Vat. editores*<sup>6</sup>, qui potius, una cum Equite Franc. Victorio<sup>7</sup>, hanc nomenclaturam tribui debere existimant *S. Laurentio*, olim in *Piscibus*, nunc *S. Lorenzino in Borgo*, ex Circo Neroniano, non longe dissito, cui *Palatiolum* nomen, tamen res eō semper recidit, quia hoc idem nomen vel huic fundo inditum erat, quod *Neronis Palatum* vocabatur<sup>8</sup>.

Scribit enim Grimaldus<sup>9</sup>. Ita *Circum Neronis Palatum appellant*, et *Montem S. Michaelis* hac de caussa *Palatiolum*. Porro autem *Palatiolum* memorat Bertoldus Constantiensis apud *Baronium*<sup>10</sup>, ubi de Henrico IV. Leonianam Civitatem ingresso, in hunc modum loquitur. *Iuxta S. Petrum, quemdam Monticulum, nomine Palatiolum, in Ca-*

<sup>1</sup> in lib. ms. de Can. S. Petri c. II.

<sup>6</sup> T. I. p. 26.

<sup>2</sup> in Leo II. Greg. iv. et Bened. II. I.

<sup>7</sup> in dissertationib. Philol. pag. 85. ubi recenset *Templa Laurentio sacra*.

<sup>3</sup> T. I. in Leo. iv. et in Leo ix. diplom.

<sup>8</sup> in lib.. Pont. in S. Petr. gest. et a Rom. Can. tit. xvi.

<sup>4</sup> T. II. Anast. p. cxxxI. in not. ad Anon. Opusc. de descr. reg. Vrbis.

<sup>9</sup> loco cit.

<sup>5</sup> in Praef. ad Monum. Matthejana T. I.

p. XLV.

<sup>10</sup> an. MLXXXIII. num. II.

stellum erexit, eique milites multos, ut impugnarent Romanos, imposuit. Vbi Collis, sive Monticulus a Bertoldo *Palatiolum* appellatus, is esse videtur, in quo urbani Barberinorum Horti sunt, ac praesertim Aedes *SS Michaelis*, et *Magni*, de cuius origine vide, si lubet, Turrigii opusculum<sup>1</sup>, ubi plura hujusce denominationis reperies exempla<sup>2</sup>, praeter Jos. Rocchum *Vulpium*<sup>3</sup>, et Franciscum Mariam *Gallutium*<sup>4</sup>. Haec enim a Leone III, non IV, ut irrepit in inscriptionem ibidem positam, post obitum quorumdam Gallorum, in praelio pro Ecclesia Romana suscepto, qui in *Crypta juxta Neronis Palatium sepulti sunt*, condita fuit in honorem *S. Michaelis*, ac postea *S. Magni* exsviis ex Fundana Vrbe allatis ditata.

Praeterea non longe hinc aberat Aedes B. V. sita ad Caesiorum Hortos, uti ex Grimaldo referunt Martinellius, aliique, in *Palazola*, sive in *Palatiolo* dicta, ab Innocentio III, Gregorio IX, Clemente VI, et Leone IV, quem Benedictus Can.<sup>5</sup> eam Bas. Vat. donasse, litteris consignavit. Quid plura? quum eumdem Circum ab Anastasio<sup>6</sup> designatum fuisse vidimus, secus *Palatum Neronianum*, et<sup>7</sup> in *Vaticano Palatii Neroniani*. Alterum enim praeteream exemplum Anonymi de *Mirabilibus Romae*, qui *infra Palatum Neronianum Templum Apollinis exstisset*, quod dicitur *S. Petronilla*, memoriae tradidit. Quac quidem apertissime demonstrant, Neroniani Circi vesti-

<sup>1</sup> Narratione dell'origine dell'antichissima Chiesa de' SS. Michel' Archangelo, e Magno Vesc. e Mart. del R. Cap. di S. Pietro in Vaticano, posta nel Borgo di S. Spirito in Sassia di Roma, aggiontavi la vita di esso S. Magno, cavata da mss. autentici antichi. Romae ann. MDCXXIX.

<sup>2</sup> p. 20.

<sup>3</sup> Vita di S. Magno Vescovo, e Martire Roma 1732. 8.

<sup>4</sup> Il rito di consacrare le Chiese. Roma 1759. 8. p. 62.

<sup>5</sup> tit. xl.

<sup>6</sup> T. I. §. vi. p. 8. in vita S. Petri.

<sup>7</sup> ibid. §. iv. p. 48. in vita S. Cornelii.

gia, quae adhuc supererant, *Neronis Palatium* fuisse vulgo nuncupata, uti etiam confirmat *Anonymus*, qui disserens *de Palatiis Romae*, nominat *Palatium Neronis*, *ubi est Agulia S. Petri*, nimirum, ut recte notat editor *Montfauconius*<sup>3</sup>, *Circus ejusdem*.

Quae quum ita sint, nemo opinor *Panvinio*, *Turri-gio*<sup>4</sup>, et *Bull. Vat.* editoribus adsentietur, qui praeter *Domum suam*, quam *Nero*, ut cum *Suetonio loquar*, *a Palatio Exquiliis usque fecerat*, aliam quoque in *Vaticano* juxta *Circum*, et *Hortos* suos *Aedem* excitasse arbitrati sunt, quae *Neronis Palatium* vulgo appellabatur. Haec enim una a *Varrone*<sup>5</sup>, ejusque vitae scriptoribus sub *Palatii* nomine memoratur, decima *Vrbis* regione, ubi *Casa Romuli*, primaque *Vrbis* incunabula, aedesque maxime, et magnificentissimae, ab Imperatoribus immensis sumptibus exstructae.

Verum, ut ad *Ciampinum* rursus me conferam, ei non invitus concedam, haud satis recte loquutum fuisse *Mallium* in voce *Basilicae*, quam *Templo S. Angeli* tribuendam duxit. Non enim locus adeo insignis esse potuit, ut tale nomen promereretur. Verumtamen, praeterquamquod hoc de qualibet sacra Aede, sine certa erroris nota dici consuevit, ac *Vegium* quoque ad *Templum* significandum idem vocabulum usurpasse demonstrabimus, falsum omnino est, hoc ei nomen non convenire, quod *esset pars*, imo *Altare Basilicae S. Petronillae*. Nihil enim, praeter propinquitatem, commune cum eo habebat, ac porro aliud *Templum* ab eo separatum erat, in honorem *S. Angeli* consecratum. Quod idem *Ciampinius* contra suam sen-

<sup>1</sup> in *Diario Italico* p. 284

<sup>2</sup> in *Opusc. cit.* p. 20.

<sup>3</sup> de L. L. l.viiiI.c. ix. V. Franc. Bianchini

Palazzo de' Cesari. Verona 1738. It. Lat. fol.

tentiam declarat. Ut enim probet, aliud Templum a Mallio *Vestiarium Neronis* appellatum, ac postea in Templum *S. Andreae* conversum, unam eamdemque rem esse cum *S. Angeli* Basilica, quod de *Altari* tantum Apostoli *Andreae*, in eadem *S. Angeli* Basilica excitato intelligi debuerat, statim subjungit. Non obstat, quod eidem loco duo fuerint attributa nomina, quia in eodem tria aderant Altaria, unde a Sanctorum nominibus, in quorum honorem ipsa Altaria dedicata erant, locus ipse nomen desumpsit. Itaque fatetur, tria illic Altaria fuisse. Quoniam igitur pacto reprehendere Mallium potuit, quod Templum *S. Angeli*, *Basilicae* nomine insigniverit?

## §. II.

*Altarium Descriptio.*

Tria in *aditu* Templi *S. Petronillae* fuisse Altaria constat, non modo ex Vaticanis Ichnographiis Severani, Jannangi, Fontanae, et Bonannii, sed etiam ex ea, quam Ciampinius<sup>1</sup> effinxit, alteraque Alpharani. Hic autem refert, in medio loco inter duas Portas num. 153, *Altare S. Andreae* exstisset sub *Ciborio* argenteo a quattuor columnis sustentatum cum sua Confessione. Evidem haud inficias iverim, *Altare S. Andreae* dicatum ibidem fuisse. Quid inde? Num propterea *Templum* a Symmacho in ejus honorem constructum, ibidem agnoscendum erit? Verum, nonne potius conjiciendum est, ibidem alterum Altare deinde Apostolo consecratum fuisse, postquam, Templo *S. Petronillae* a Stephano II. erecto, hic idem aditus constructus fuit, ut ita commodus e duobus Templis continentibus, in Basilicam transitus fieret? Quid? putabis

ne , aditum ante ipsum S. Petronillae Templum fuisse constructum ? Itaque , quum ibi Altare tantum , minime vero Templum *Andreae* dicatum , a Symmacho constructum statuendum sit , ornatus ab Alpharano memoratos , in proxima Basilica eidem Apostolo sacra dumtaxat agnoscendos puto ; ubi Gregorium M. S. *Andreae* brachium , et *Caput B. Lucae Evangelistae* condidisse inferius ostendam , etsi Panvinius <sup>1</sup> , Alpharanus <sup>2</sup> , et Janningus <sup>3</sup> , haec sacra pignora in hoc Altari collocata fuisse affirmaverint . Ceterum , quod de Leone IV. ab Anastasio memoratur , potius Altari in hoc aditu erecto , quam Templo rotundo in *Andreae* honorem a Symmacho exstructo , convenire videtur . Narrat enim <sup>4</sup> . *Fecit in Oratorio B. Andreae Apostoli* , quod S. Petri cohaeret Ecclesiae , vestem sericam unam , habentem historiam Aquilarum , et in medio tabulam cum chrysoclaivo , in qua depictae Christi , et Discipulorum ejus dextra laevaque imagines fulgent , et ipsius almifici Praesulis . Item hunc eumdem locum indigitasse videtur Adrianus I. in epistola ad Fulradum , et Maginarium , quae in Bull. Vaticano desideratur . Ibi enim scripsit <sup>5</sup> . *Postulastis a nobis , quatenus Hospitale , intus Vat. Bas , Domini , et Fautoris nostri B. Principis Apostolorum , situm post Oratorium S. Leonis Confessoris , atque Pontificis , euntibus ad S. Andream , manu dextra , juris Ven. Bas. existentem , vobis ad tenendum , emissa praceptione concedere deberemus .* Siquidem , quum Oratorium S. Leonis extaret num. 14. primum est arguere , Adrianum de proximiore loco n. 153. verba fecisse , ubi Altare S. *Andreae* situm erat , minime vero de Templo rotundo a Cella S. Leonis longe dissimil-

<sup>1</sup> T. 111. ms. p. 26.<sup>4</sup> T. 111. §. XLIX. p. 126.<sup>2</sup> pag. 156.      <sup>3</sup> ms. p. 43. et 59.<sup>5</sup> in T. vii. Misc. Balutii p. 120.

to . Sed haec , si quid video , sententiae nostrae nihil incommodant ; quippe quae Stephano II. conditori Templi S. Petronillae , ac fortasse hujus etiam vestibuli , sunt posteriora . Potuit itaque Adrianus , ut locum Nosocomii clarius designaret , proximum Altare S. *Andreae* , haud ita pridem erectum nominare , ac Leo IV. praeter donaria , quae Templo rotundo a Symmacho erecto contulisse demonstrabimus , nonnulla etiam huic Altari , ejusdem honori dicato , liberaliter impertiri .

Vtrimeque in ultimo recessu apsis indicatur cum singulis Altaribus , quorum unum num. 154. designatum , titulum habebat , *S. Angeli* , aut *Michaelis Archangeli* , quod Severanus <sup>1</sup> ornatum musivo opere , fornice deaurato , et multae devotionis fuisse tradit , quodque mirifico musivo laqueatum , auro , et vitro pellucens Mallius <sup>2</sup> descriptsit . Hoc idem Altare designatum puto ab Antonio Petri , qui in suo Diario haec memoriae consignavit <sup>3</sup>. Anno MCCCCXIV. die Iovis 7. mensis Iunii fuit sepultus D. Meolus noster Beneficiatus in d. Basilica S. Petri , in Capella S. Angeli cum maximo honore . Atque alibi <sup>4</sup>. Anno MCCCCXVI. Die Dominico 15. mensis Martii , hora una noctis , obiit D. Nicolaus Guadagnoli morte subitanea , et fuit sepultus in Bas. S. Petri ante Capellam S. Angeli , et dictus D. N. erat Prior Beneficiatorum d. Basilicae S. Petri , et Camerarius exceptorum tunc tempore .

Oppositum porro Altare num. 155. quamvis anonymum sit apud ceteros , Ciampinius , Alpharani <sup>5</sup> adstipulatu , *S. Vrsulae* , et *Sociabus* <sup>6</sup> dicatum fuisse narrat . Verum paullo post , sui immemor , et ipse asserit , ejus

<sup>1</sup> p. 91.<sup>2</sup> p. 314.<sup>4</sup> ibid. p. 1056.<sup>3</sup> T. xxiv. rer. Ital. Murat. p. 1043.<sup>5</sup> ms. p. 59.<sup>6</sup> p. 87.

*denominationem ob vetustatem ignotam esse.* Ceterum S. Vrsulae , dicatum fuisse , extra omnem dubitationis aleam ponit locus libri Benefactorum , ubi <sup>1</sup> x. Kal. Maii adnotatur , *in Capella S. Andreae , consecratio Altaris S. Vrsule .*

## §. III.

*Cur totus hic situs S. Angeli in Vaticano , vulgo appellaretur ?*

Totus hic locus *in Vaticano* , vulgo appellabatur . Sed minime acquiescendum reor superius allatae Mallii sententiae , in quam non tantum Anonymus *de mirabilibus Romae* <sup>2</sup> , sed etiam Ciampinius <sup>3</sup> , et Janningus <sup>4</sup> pedibus iverunt . *Ineptum* namque *etymon* , ut utar Montfauconii <sup>5</sup> vocabulo , appellandum est illud ab Anonymo allatum , quod tamen eidem Montfauconio latuit , Anonymum a Mallio usurpasse .

Neque vero recipienda est Flaminii Vaccae <sup>6</sup> conjectura , qui *Vaticani* nomen ortum divinatur ex *Vatum* , et *Philosophorum* sepultura . Ab eo enim memorata , Poetarum , et Sophorum Capita , ibidem detecta , diu post ortum *Vaticani* nomen sculpta sunt .

Audiendus igitur potius est A. Gellius , qui e Verrii Flacci opinione discedens , a Festo tradita , cui tamen Panvinius <sup>7</sup> subscripsit , *Vaticanum* scilicet dictum fuisse , *quod Vatum responso , expulsis Hetruscis , P. R. eo potitus sit* , haec habet <sup>8</sup> . Et agrum *Vaticanum* , et ejusdem agri Deum praesidem appellatum accepimus a *Vaticiniis* , quae vi , atque instinctu ejus Dei , in eo agro fieri solita essent . Sed praeter hanc caussam , M. Varro in

<sup>1</sup> p. 56.

<sup>3</sup> p. 28.

<sup>5</sup> in Diario Italico p. 275.

<sup>2</sup> p. 287.

<sup>4</sup> p. 156.

<sup>6</sup> T. iv. Rom. ant. Nardinii p. xxxiiij.

<sup>7</sup> T. I. ms. cap. 1. fol. 95.

<sup>8</sup> lib. xvi. c. xvii.

libris divinarum , aliam esse tradit illius nominis rationem . Nam sicut Ajus , inquit , Deus appellatus , araque ei statuta est , quae est infima nova via ; quod in eo loco divinitus vox edita erat , ita Vaticanus Deus est nominatus , penes quem essent vocis humanae initia . Quoniam Pueri simul , atque parti sunt , eam primum vocem edunt , quae prima in Vaticano syllaba est , iccirco vagire dicitur , expidente verbo sonum vocis recentis . Hanc vero Varronis , et Gellii sententiam sequutus est Augustinus<sup>1</sup> , qui *Vagitanum*<sup>2</sup> , seu *Vaticanum* appellatum fuisse scribit , quod hujus nominis , Deus Infantium vagitibus praesidebat , pari modo , quo Fabulinus Deus , cuius meminit Nonius<sup>3</sup> , a fari incipientibus invocabatur , ut prae ceteris demonstrat Gotthelf Conr. Goldschard<sup>3</sup> .

## §. IV.

*Varia hujusce aditus nomina indicantur .*

Quum in hoc aditu , duo praesertim essent Altaria summo in honore habita , opinari fas est , pro lubito illum nunc *S. Angeli* , aut *S. Michaelis* , nunc *S. Andreae* aedem vulgo audisse . Fieri enim facile potuit , ut eidem loco , qui proinde cum Templo rotundo , quod proprius adhae-

1. I. iv. de Civitate Dei c. viii. et xi.  
2. in dict. Statilinum xi. 56. Alex. Genial. Dier. vi. 26. Tomasin. de Donariis c. x. Barthol. de Puerper. p. 121. Meurs. de Puerp. c.v. Pollet. Hist. Fori Rom. i. 10. Giral. Synt. Deor. I.p.49. Stuck de Sacrif. p. 44. I aur. de Natalific. J. Kipping. Ant. Rom. lib. I. §. 10. c. in Vrb. Rom. Topogr. lib. v. c. xxI. et in T. iii. Thes. Graevii pag. 250.

3. De Diis , et Deabus Infantum , olim apud Graecos , et Romanos divino cultu affectis . Dresdae 1751. 4. Struv. Ant. Rom. c. I. p. 154. Blond. Rom. Triumph. lib. 12. Cerda adv. c. 153. Marlian. Topogr. Vrb. v. 21. Panciroli. Descr. Vrb. Romiae in T. iii. Thes. Graev. pag. 373. Faunus Ant. Vrb. v. 9. Bulengerus de Orac. c. 128. Aringh. Rom. Subter. ii. 3. 9. V. T. xi. Graevii p. 799. et T. I. Thes. Pol. p. 398.

rebat , ipsique Apostolo sacrum erat , confusus est , haec duo promiscue attributa fuerint nomina .

Hoc idem nostra aetate saepe numero usuvenire videntur , quod et Ciampinius <sup>1</sup> animadvertisit , ut eadem Ecclesia pluribus titulis nuncupetur , vel a Divo tutelari , vel ab auctore , vel a loco , vel a vicinia , vel ab incolis loci . Audi in hanc rem Jac. Volaterranum in Diario Romano apud Muratorium <sup>2</sup> , qui ait . Ecclesia Sancti Martini aedificata fuit , ubi tunc erat Ecclesia dicata B. Silvestro , quae postmodum propter ejusmodi instaurationem , partim primum nomen amisit , partim servavit , et vulgo S. Martini in Silvestro est appellata , prout evenit in Ecclesia S. Gregorii , quae in Andrea est dicta , eo quod in eodem colle , ubi Gregorii nunc est Monasterium , prius Sancti Andree Sacellum fuerat . Ita Ecclesia S. Mariae , et Gregorii in Vallicella ab aliquibus Ecclesia nova , ab aliis vero S. Philippi Nerii nominatur ; itidemque Ecclesia Sanctae Mariae Novae , quae interdum sub hoc nomine , frequentius autem sub illo S. Franciae Romanae nuncupatur ; ne quid dicam de Ecclesia S. Martinae , quae altero S. Lucae nomine gaudet , de S. Maria in Cosmedin , quae dicitur etiam Schola Graeca , quod ibi Augustinus Rethoricen docuisse fertur , et Os Veritatis a marmoreo simulacro , ore exerto , quod ibidem exstat .

Illud vero praecipue adstipulatur huic conjecturae , quod compertum , et exploratum probe sit , in aditu Templi S. Petronillae , prope Basilicam Vaticanam , Ora torium exstitisse S. Michaeli Archangelo dicatum . Quod , ut ceteros omittam , cum Mallii , et Vegii , tum etiam Ant. Petri , et Panvinii multo gravissima auctoritate

comprobatur. Hic enim Oratorium *S. Michaelis* ita describit<sup>1</sup>. *Ante Templum Sanctae Petronillae*, versus murum Ecclesiae, fuit *Sacellum*, seu *Aedicula S. Michaelis Archangeli*, dicta in Vaticano, auratis laquearibus ornata, musiveo, vitreoque opere decorata, quae diu ante exolevit; remansit vero totum Altare dictum *S. Michaelis*, quod etiam hodie amplius non exstat. Quare quis non videt, Severanum<sup>2</sup>, Martinellum<sup>3</sup>, Ciampinum<sup>4</sup>, Furiettum<sup>5</sup>, aliosque hallucinatos esse, non solum quod falso sibi persuaserint, Altare *S. Michaelis* in Templo *S. Andreeae* existisse, quum contra, hujus Altare in hoc Oratorio *S. Michaelis* in Vaticano ponendum fuisse; sed etiam quod opinati fuerint, hoc Oratorium fuisse *Templum*, quod *Symmachus* excitavit, cui tantum convenire, quae ab iis asseruntur, infra demonstrabo. Suum enim in locum reji-cienda haec esse duxi, lectorumque fastidio occurrendum.

Ceterum eosdem, ne quid dissimulem, multo levius quidem iis errasse fatendum est, qui nullam *S. Michaelis Cellam* hoc loco agnoverunt, et contra disertam Mallii, Vegii, et Panvinii auctoritatem, cum Templo *S. Michaelis* in *Saxia* commutarunt. Hos inter numerandus certe est *Johannes Stiltingus*, qui<sup>6</sup> in *historico Commentario de S. Michael Archangelo* vetustiores, ac celebriores Vrbis Aedes, ac Cellas ei sacras recenset. Ibi vero nusquam meminit de Vaticano *S. Michaelis* Oratorio, quod item ignotum plane fuisse vidi, non minus *Baronio*<sup>7</sup>, quam *Domo Georgia*<sup>8</sup>, *Nardinio*<sup>9</sup>, et *Devita*<sup>10</sup>, etsi pariter alias

<sup>1</sup> T. III. ms. c. xviii. p. 27.

<sup>7</sup> in *Martyr. die vii. Maii* pag. 229.

<sup>2</sup> T. I. p. 316.

et xxix. Sept. p. 482.

<sup>3</sup> p. 59.

<sup>4</sup> p. 86. Sect. II.

<sup>8</sup> in *Adonis Martyr.* p. 504.

<sup>5</sup> de Musiv. p. 73.

<sup>9</sup> lib. xii. c. xiii.

<sup>6</sup> T. VIII. Sept. p. 70.

<sup>10</sup> *Ant. Benev. T. II.* p. 63.

aedes ejus nomini consecratas numeraverint , ac Georgius , praeter jam notas *Molis Hadrianae* , *Fori Piscarii* , et in *Saxia* , alteram indicavit a Baronio omissam in via *Salaria* , in *Sacramentario Blanchiniano* , et in *Notitia Urbis* memoratam . Non id tamen Stiltinguin latere debuisset ; quippe qui non solum de ea edoctus antea esse poterat a Mallio , et Vegio , quorum opera Janningus in lucem emiserat , sed etiam ab Alexandro Donato <sup>1</sup> , cuius et ipse verba descriptsit , respuens tamen , quae recipere , recipiens quae respuere omnino debuisset . Sic enim ait . *De hac re triplex opinio est . Prima eorum , qui Circum Neronianum , eique appositam volunt Aedem S. Michaelis in Vaticano . Quos confutat Baronius , tum quia aedes illa celsitudinem non habet , quam eidem tribuunt auctores , tum quia ejus conditorem Leonem IV. ( III. ) Pontificem ex antiquo lapide recognoscit . Itaque idem Donatus non diffitetur , nonnullos fuisse , qui Aedem S. Michaelis , Circo Nero- niano inhaerentem agnoscerent .*

At heic liceat mihi Donatum interpellare , ubinam hujusmodi opinionem Baronius refellerit ? Atqui idem , ubi disserit de Adonis loco , qui aedem commemorat a Bonifacio in summitate Circi , S. Michaeli aedificatam , haec tantum subnectit <sup>2</sup> . Certe haec Basilicae S: Michaelis in Ianiculo , prope Vaticanum positae aptari minus posse videntur , quandoquidem illa non a Bonifacio , sed a Leone IV. erecta fuit . Vbinam heic Aedes S. Michaelis in Circo Nero- niano nominatur ? At contra , nonne heic ea tantum aper- te indicatur , de qua supra nos nonnihil innuimus , quamque , ut idem ait , *Leo IV. ob Saracenos devictos , atque fugatos apud Vaticanum erexit ? Sed altera Baronii*

<sup>1</sup> in Rom. vet. as rec. lib. I. c. x. p. 32.

<sup>2</sup> p. 482.

verba proferantur, quae nullam aliam aedem in Vaticano, *S. Michaeli* sacram ei notam fuisse, luculentius demonstrent. *Quum nec, inquit, alias locus sit Romae Michaelis Arch. memoria celebris, cui praedicta (Adonis verba) convenient, in eam adducor non invitus sententiam, ut opiner, dictam memoriam Michaelis, cuius Ado meminit, fuisse olim sitam in summitate Molis Adrianae; quae iccirco a Petro Damiano<sup>1</sup> Mons Sancti Angeli, et a Luitprando<sup>2</sup> Ecclesia *S. Angeli* usque ad *Caelos* appellatur.* Ac denique, quum itidem affirmaverit, *Ecclesiam S. Michaelis ad radices Ianiculi positam, Basil. Vatic. propiorem esse, quisnam inficias eat, aedem, de qua nunc scribimus, Baronio plane incompertam fuisse?*

Falsum itaque est, Baronium eos confutasse, qui aedem *S. Michaelis* in Circo Neroniano statuerunt. At vero si fecisset, illud tantum probasset, Templum ab Adone commemoratum, diversum ab eo fuisse. Quamquam non hoc solum nomine Donatus deserendus est, sed etiam quod quum ipse non ignoraret, alteram *Sancti Michaelis* aedem in Vaticano a multis statutam fuisse, nihilominus ibidem, aequa ac Baronius, eam tantum agnoverit *SS. Michaelis, et Magni*, quae in diplomate Honorii II.<sup>3</sup> *S. Michaelis Frisonum de Porticu S. Petri de Vrbe*, in Diario Antonii Petri<sup>4</sup>, quod in Basil. Vat. tabulario adservatur, *S. Michaelis de Porticu S. Petri*, et apud Martinellum<sup>5</sup> *in Saxia in Burgo sita, a Saxonum via nuncupatur*. Id etiam praestitum fuisse vidi a Roccho Vulpio<sup>6</sup>, qui agens de Diaconia *S. Angeli* in

<sup>1</sup> in vita *S. Romualdi* c. xxv. in T. I.

Opp. p. 196, et in Actis SS. Ord. S. Bened. sec. VI. part. I. p. 297.

<sup>2</sup> De reb. Imper. et Reg. lib. III. c. XII.

<sup>3</sup> T. I. Bull. Vat. p. 208.

<sup>4</sup> p. 42.

<sup>5</sup> p. 159.

<sup>6</sup> Vita di *S. Sinforosa*, e de' suoi Santi figliuoli, e compagni MM. i sagri corpi

*Foro Piscium*, hanc tantum aedem S. Michaelis in Vaticano sitam fuisse agnovit.

Hoc autem Templum, quod ex allatis documentis perspicue patet, S. Michaeli praecipue sacrum fuisse, novo ambone a Iohanne VI. decoratum scripsit Ciampinius, quod tamen de B. Andreae Templo rotundo accipiendum esse, paullo infra demonstrabimus.

## §. v.

*De ejusdem aditus eversione.*

Templum S. Michaelis Archangeli eamdem subire sortem debuit, atque Templum S. Petronillae, cum quo demum solo aequatum fuit. Ne tamen ejus memoria penitus obsolesceret, ara sub minori tholo ad Boream, eidem Archangelo constituta fuit, prope alteram S. Petronillae, quae posteris etiam quodammodo testimonio esset, utramque antiquitus fuisse conjunctam.

Novae hujus arae conditor fuit Urbanus VIII, qui invictum hunc Principem Angelorum Caelestium, Doemonum potentem, a Graecis *Archistrategum*, a Sofronio *Archisatrapum* nuncupatum<sup>1</sup>, praecipuo cultu prosequebatur, uti refert Turrigius in opusculo de S. Michaeli, et Magno<sup>2</sup>, ubi Pontifices ejusdem Archangeli studiosos recenset. Hunc, enim, ut Nazianzenus<sup>3</sup> cuique Ecclesiae

de quali si venerano in Roma nell'antichissima Diaconia Cardinalizia di S. Angelo in Pescaria. Roma 1734. 4. pag. 84. Vita di S. Magno Vesc. e M. Roma 1732. 4.

1 Ejus encomium vide apud Surium

ex Simeone Metaphraste pag. 312. 322.

Honorium Augustod. lib. 11. cap. 167.

Cathulphum Episc. T. 11. Hist. Francor.

p. 667. ad Carolum M. Beleum. c. cxxix.

CLVIII. Durandum. lib. vii. cap. xi. et Sarnelli. perchè la S. Chiesa dice di S. Michele *Angelus Archangelus*, la qual cosa non dice degli altri Arcangeli? p. 6. nel lume a' principianti.

1 c. xvii. p. 74.

2 in Orat. xxii. p. 516. 528. ex cap. ii. et iii. Apocal. Rocco V. Volpi Vita di S. Magno Vesc. e M. Roma 1032. 8.

Angelos praeesse pro certo habuit, Catholicae Ecclesiae, et Romani Pontificis custodem, atque opitulatorem esse praedicabat. Propterea non solum diem ejus festum se legit ad sollemnem suae coronationis pompam obeundam, sed etiam aureum numisma anno VI. cudentum curavit cum ejusdem Archangeli imagine, et sui ipsius paludamento induti, ante illam flexis genibus supplicantis effigie, tiara humi deposita, ac titulo ad oram addito

TE MANE TE VESPERE<sup>1.</sup>

quem etiam circa Horologium Solare in Hortis Quirinalibus inscribi voluit, et in numis frequenter cudi jussit.

*Michaelis* imaginem, quae tum in ejus ara proposita fuit, e Caesaris Arpinatis archetypo, peritissimus artifex Ioh. Bapt. Calandra, opere vermiculato expresserat. Haec autem temporis injuria intercidit, eique altera suffecta fuit, studio, atque opere Bernardini Reguli, et Francisci Fiani, ex elegantissima tabula Guidonis Rheni, quae nunc in Aede Fratrum Cappuccinorum adseratur. Quare Martinettum<sup>2</sup>, et Sindonium<sup>3</sup> hanc imaginem a Caesare Arpinate delineatam, et a<sup>4</sup> Calandra musivo expressam, antiquiorem pro recentiori accipientes, perperam tradidisse vides.

Verum ea, quam Calandra primum elaboraverat, maxi-  
mi facienda erat; quippe quae omnium prima hujus operis in Templo Vat. majorum nostrorum oculis proposita fuit. Quod notatu dignum, praetermisit tamen Furiettus<sup>4</sup> in opere eruditissimo *de Musivis*. Quum enim Urbanus VIII, ut a Bonannio<sup>5</sup> accepimus, parietum, marmorumque

<sup>1.</sup> Scilla Monete Pontificie p. 143. et 266.  
Rodulphin. Venuti Numismata Rom. Pont.  
praestantiora. Romae 1744. 4. p. 226.

<sup>2.</sup> lib. II. p. 152.  
<sup>3.</sup> c. viii. p. 31.  
<sup>4.</sup> p. 105.  
<sup>5.</sup> p. c. xxI. n. xx.

humiditate , magno bonarum artium detimento , insig-  
nium Pictorum tabulas , coloribus sensim evanescenti-  
bus fugientes deficere , tineisque corrosas deperire ani-  
madvertisset , de singulis singulorum Altarium iconibus  
musivo exprimendis consilium coepit , hancque *S. Michaelis* Luciferum coercentis , Joh. Bapt. Calandrae , celebri  
ejus aetatis musivario commisit . Verum nimius musivi  
operis laevor , intuentium oculos perstringens , et ima-  
ginum delineamenta in superfluo nitore occultans , Pon-  
tificis mentem ab incoeplo revocavit . Quod tamen a  
Clemente XI. deinde praestitum esse vidimus , cura Pe-  
tri Paulli de Christophoris , ad musivi operis artem , quae  
hujusce Vrbis propria esse videtur , retinendam , archetypis picturis ferme omnibus ad *S. Mariae Angelorum* ad  
Thermas Diocletianeas translatis .

Porro *S. Michaelis* Altare Joh. Thomas Mallonus Epi-  
scopus Sabinicensis , ut refert Sindonius <sup>1</sup> , consecravit  
xv. Kal. Octob. anno MDCXXVIII , repositis ibidem SS. MM.  
reliquiis , quae in Altari *S. Mariae de Feribus* pridem  
inventae fuerant .

Vbi vero primitus Cella , de qua loquuti sumus ,  
ei sacra exstabat , modo visitur Statua marmorea *S. Nor-  
berti* . Sed ibi prius eminebat *S. Andreae* simulacrum ; id  
quod factum fortasse puto ob Altaris ejusdem Apostoli ,  
quod in *Michaelis* Templo fuit , memoriam retinendam ;  
non autem , quod ibi Templum fuerit ejusdem honori a  
Symmacho consecratum , uti sentiunt Sindonius <sup>2</sup> , ali-  
que Scriptores .

Deinde idem simulacrum in proximis aedibus Semina-  
rii Vaticanani adservatum fuit , quod Cl. Dionysio <sup>3</sup> igno-

<sup>1</sup> p. 31.

<sup>2</sup> apud Ioh. Piscium p. 63.

<sup>3</sup> p. 164. et 187.

tum fuisse comperi, atque illud idem est, quod in Ara, quam Pius II. excitaverat, a Francisco Piccolomineo locatum fuisse vidimus<sup>1</sup>, uti constat ex ejus iconе apud Ciampinum<sup>2</sup>, et Dionysium, quam rursus in aes incindendam curavit Franc. M. Piccolomineus Archiep. Pergensis. Perperam igitur Epiphanius Giziū<sup>3</sup> affirmavit, in veteri Oratorio, quod Symmachus extruxerat, idem Simulacrum antiquitus extitisse. Nunc autem novi Sacrae ingressum tuetur, atque exornat.

## §. VI.

## De Lapidea S. Alexii Peregrinatoris effigie.

Hunc aditum aenea sublimis Ianua excipiebat, per quam erat transitus in Bas. Vat. uti videre est apud Ciampinum<sup>4</sup>. Ante hanc Ianuam imago quaedam, lapide exsculpta visebatur, quae inveteratam de S. Alexii Peregrinatoris sepultura in Templo S. Apostoli Petri opinionem, graeco Basilii Imp. Porphyrogeniti Synaxario<sup>5</sup> innixam, apud Canonicos Bas. Vat. mirifice confirmavit. Haec enim habet perverta membrana in Tabulario Coenobii SS. Bonifacii, et Alexii asservata, quae a doctissimo Viro Felice M. Nericio<sup>6</sup> edita est, ac primum magnam partem Turrigius<sup>7</sup> protulerat. Quum in Bas. SS. Apostolorum Petri, et Paulli, ante januam aeneam, quando itur per praefatam Basilicam in Sanctam Petronillam, esset quaedam effigies ad modum scarpilidis, sculpta scilicet petra, quidam judicantes asserebant illam esse scarpilidem Beati Alexii. Quia de caussa Canonici dictae Basilicae affirmabant, ibi Corpus Beati Alexii quiescere, et avidi de pretioso thesauro, talem per Vrbem

<sup>1</sup> lib. I. p. 83.<sup>2</sup> Tab. xx. p. 64.<sup>5</sup> ad calcem T. J. Martii Bolland.<sup>3</sup> p. 25.<sup>4</sup> p. 83.<sup>6</sup> p. 205.<sup>7</sup> p. 411.

*divulgaverunt rumorem; se Corpus S. Alexii habere, et in Bas. Princepis Apostolorum illud quiescere. Ad haec Summus Pont. Papa Honorius III. Pastor discretissimus, et veritatis amator ad confutandam omnem ambiguitatem, et contrarium locorum dissolutionem praecepit dictis Canonicis, ut pro Corpore S. Alexii diligentissime inquirerent.... Qui Canonicci deaptantes pavimentum Basilicae in loco, ubi dicebatur ab eis Corpus manere, et diu requirentes, non invenerunt. Sed adhuc perdurantes in opinione, a muro Bas. B. Petri, in quo est imago vitreo opere depicta, et a janua aenea ante S. Petronillam, usque ad locum, ubi Cathedra B. Petri reponitur, funditus usque ad infima effoderunt, devastantes, quidquid illic aedificii invenerunt. Sed Corpus B. Alexii nullatenus invenire valuere.... Et sic in tali vecordia, nimio veritatis examine, quamplurimis diebus consumatis, et Corpori B. Alexii ab eis non invento, quia ibi non erat, cognita veritate, D. Papa detrahentium linguas despexit, et ad primum propositum rediit.*

Quo autem pacto postmodum rei veritas innotuerit, ac SS. Romani hominis pignus in Templo S. Bonifacii ad Aventinum, tantum exstare constiterit, si quis scire cupiat, consulat historica monumenta de eodem Templo ab eodem Cl. Nerinio edita, qui rem <sup>1</sup> diserte, atque eleganter enarravit. Frustra enim haec quaereres apud Ioh. Pinium <sup>2</sup>, qui etsi de sacris Aedibus Romae, atque alibi in Alexii honorem constructis, ejusque cultu egerit, nil tamen de Basiliiano Synaxario, deque opinione ibidem tradita effatus est. Forte Ant. Petri hunc situm indigitavit, ubi scriptum reliquit <sup>3</sup>. An. MCCCCXI. die Lunaे penultima mensis Iunii, quae fuit festum SS. Apostolorum Petri;

<sup>1</sup> T. xxiv. rer. It. Murat. p. 1026.

<sup>2</sup> cap. xii.

<sup>3</sup> T. iv. Iulii Boll. p. 238.

et Paulli, de nocte, ante tres horas, fuit defunctus Nardus de Catino, et sepultus ante ostium S. Petronillae.

## §. vii.

Cetera ad hunc aditum spectantia illustrantur.

Quum huic Templo Basilica Vaticana adhaereret, hinc factum est, ut Anastasius nonnulla ejusdem loca designans, secus fores, et juxta ingressum, qui dicit ad B. Petronillam, fuisse scripserit. Narrat enim, ut supra vidi-  
mus, Paullum noviter Oraculum in honorem S. Dei Gen-  
tricis construxisse, juxta Oraculum B. Leonis Papae, secus  
fores introitus S. Petronillae. Et in vita Paschalis, in ea-  
dem, inquit<sup>1</sup>, sacratissima B. Petri Ecclesia, juxta ingre-  
sum, qui dicit ad B. Petronillam, Oratorium summae ma-  
gnitudinis, atque pulchritudinis decoranter construxit . . . in  
quo Corpora BB. MM. Processi, et Martiniani, ad honorem,  
et gloriam omnipotentis Dei, memorialiter, honorifice recon-  
didit. Quod item legimus apud Mallium, qui ait<sup>2</sup>. Ab  
alia parte juxta Portam aeneam, quae vadit ad S. Petro-  
nillam, et ad S. Andream, est Oratorium SS. Processi, et  
Martiniani. Id ipsum Vegius etiam confirmat hoc mo-  
do<sup>3</sup>. Alio ex latere juxta Portam aeneam, quod dicit ad  
Altare S. Petronillae, est eximium Oratorium, quod ex  
mosivo egregie fabricatum erexit Paschalis Papa in honorem  
Processi, et Martiniani.

Papebrochius<sup>4</sup> quidem ad illa Anastasii verba, se-  
cus fores introitus B. Petronillae, adnotavit, praedictum  
S. Petronillae locum, mutato nomine, deinde dictum Orato-  
rium S. Adriani Papae sub num. 15. Id tamen, quantum

<sup>1</sup> T. II. §. v. p. 323.

<sup>2</sup> n. xxiv. p. 40.

<sup>3</sup> num. cxxvi. p. 81.

<sup>4</sup> T. v. Junii p. 380. in vita S. Paulli?

equidem sciam, aut nunquam, aut sero factum. Quapropter nemo certe huic Papebrochii conjecturae adsentietur, qui ex Alpharano verum Oratorii Deiparae, a Paullo constructi, Cellae Leonianae, et Oratorii Sanctorum Processi, et Martiniani situm agnoscat. Ait enim Mallii<sup>1</sup>, Vegii<sup>2</sup>, et Panvinii<sup>3</sup> auctoritate<sup>4</sup>. In parietibus Basilicae ad Occidentem sequebatur Oratorium<sup>5</sup>, sive Altaris S. Leonis PP. antiquissimum, in quo erat imago B. M. V. Filium amplexantis, olim magnae devotionis, sub quo Paschalis II. SS. Summorum Pontificum Corpora, Leonum I. II. III. et IV. magno cum honore condiderat . . .

Iuxta praedictum S. Leonis Oratorium sequebatur Sancti Adriani I. Oratorium<sup>6</sup>, in quo B. Petri sedes, sive Cathedra in marmoreo operculo egregie fabrefacto summo cum honore custodiebatur . . .

Prope dicti Adriani I. delubrum, et juxta hujus transversae partis parastatam ad Occidentem erat Vrbani II. sepulcrum<sup>7</sup> eximium quidem, decenterque exornatum.

Prope vero dicti Vrbani II. sepulcrum in angulo, et parietibus ad meridiem erat Sacellum<sup>8</sup> antiquissimum S. M. in Oratorio nuncupatum, aereis cancellis conclusum, unde etiam S. M. de Cancillis nomen acceperat, quod quidem Paullus P. I. exstruxerat, atque eximiis imaginibus, et eleganti munivo exornaverat . . . .

Et juxta dictum Oratorium, temporis processu, aliud<sup>9</sup> nobile Sacellum exstructum fuerat ad honorem Dei Genitricis semper V. M. dictae de Praegnantibus, eo quod Mulieres prægnantes illi se enixe commendantes exaudiebantur . . . .

<sup>1</sup> p. 40.

<sup>2</sup> p. 82.

<sup>5</sup> num. 14.

<sup>6</sup> n. 15.

<sup>3</sup> T. II. ms. p. 10.

<sup>7</sup> n. 16.

<sup>8</sup> num. 17.

<sup>4</sup> ms. p. 20.

<sup>9</sup> num. 18.

Iuxta praedictum Sacellum, in medio parietum transversae Crucis ad meridiem, erat magna Porta<sup>1</sup> marmorea valvis aeneis exornata, per quam iter erat ad Ecclesiam S. Andreæ<sup>2</sup>, et ad Ecclesiam S. Petronillæ<sup>3</sup>, et B. M. de Febribus<sup>4</sup>, magna Templa, quae quidem Templa rotunda, et octangularia, erant singula octo sacella habentia, de quibus distinctis capitibus multa inferius explicabimus, quum etiam de Ecclesia, et Monasterio S. Stephani Minoris<sup>5</sup>, et de Canonica<sup>6</sup> Basilicae, quae post praefatum S. Petronillæ Templum sita erat, verba faciemus.

Sed inter dictam Portam, et alterum transversae navis angulum in parietibus etiam ad meridiem erat Oratorium<sup>7</sup> SS. Processi, et Martiniani MM. quod Paschalis P. I. erexerat.

Sed haec ad institutum satis. Nunc e laevo Basilicae B. Petronillæ latere egrediamur, in alteroque aditu, per quem transitus ad aliud Templum patebat, eidem Basilicae contiguum, parumper immoremur.

<sup>1</sup> num. 19.    <sup>2</sup> litt. C.

<sup>3</sup> litt. f.

<sup>3</sup> litt. D.

<sup>6</sup> litt. g.

<sup>4</sup> litt. e.

<sup>7</sup> num. 20.

## C A P V T V.

*De aditu ex S. Petronillae ad D. N. M. Febrifugiae.*

Hic aditus haec duo inter se Templa veluti connectebat, ad ejusque laevam inter Ortum, et Boream intra Aedem *S. Petronillae*, absidula cum Altari erat, cuius nomen longaevitate oblitteratum est.

## §. I.

*De ara, ubi S. Ioh. Chrysostomi exsvuviae colebantur.*

Mediam alterius hujusce aditus ambulationem, ara num. 164. *S. Iohanni Chrysostomo* sacra tenebat. Sub hac ejusdem SS. Doctoris exsvuviae, maxima Populi, ac praeципue Feminarum frequentia colebantur, quae deinde in proximum Templum translatae sunt, ut infra ostendemus. Qua de re mira consensio est apud Scriptores. Sed post Anonymum Valerii Dorici typis editum, apud quem legimus, *in transitu ad Beatam Mariam de febribus est sepultura S. Crisostomi*, quo ante fuit ferreo circumdata, nunc imagine marmorea est erecta, praeceteris Alpharanus testis adhibendus. In medio, inquit<sup>1</sup>, transitus, qui erat oblongus, per quem ad Templum *S. M. de febribus*, ut diximus, patebat accessus, ad Orientem erat Altare<sup>2</sup> *S. Johannis Chrysostomi* Archiep. Constantinopolitani, et Ecclesiae Doctoris, os aureum nuncupati, quattuor columnis porphyreticis, nobilique tegmine marmoreo exornatum, sib cuius Altari prae-fati *Ioh. Chrysostomi* Corpus Constantinopoli translatum, conditum requiescebat, Mulieribus veneratione habitum. Etenim in ejus Confessione caput intromittentes, Purgatorii poenas, si-

<sup>1</sup> ms. p. 62.

<sup>2</sup> num. 164.

ve voces audire, dicere solebant, et ob id Basilicae Sacerdotibus, ut pro animabus Purgatorii sacra facerent, largas eleemosinas largiebantur.

Ac non minus sententiose, quam vere dixisse Attius Serranus<sup>1</sup> videtur, divinitus putandum esse, id contigisse, ut posset heic habere sepulcrum, quō vivens e Graecia<sup>2</sup> flagrantissimo desiderio trahebatur. Respuenda autem omnino est eorum sententia, qui apud Barptholemaeum Plaza<sup>3</sup>, SS. Praesulis Corpus, una cum Ignatii Martyris Antiocheni exsuviiis translatum, unaque in Templo S. Clementis aliquamdiu stetisse tradiderunt. Etsi enim, ut ingenue fatetur Stiltingus<sup>4</sup>, ignotum sit, qua occasione, quove tempore peracta fuerit ejusdem translatio<sup>5</sup>, certum tamen est, sacrum hunc thesaurum, (quem Sec. XIII. plus minus a Latinis, postquam Constantiopolis potiti sunt, Romam translatum esse, probabilior est opinio) statim in Bas. Vatic. collocatum fuisse, ut cum Baronio<sup>6</sup>, non solum Martinellius<sup>7</sup>, Severanus<sup>8</sup>, et Ciampinius<sup>9</sup>, sed etiam idem Plaza<sup>10</sup> in alio opere testantur. Quare id de Ignatio M. tantummodo tenendum est, qui ex Antiochia translatus, in S. Clementis Basili-

<sup>1</sup> de vii. Eccl. p. 27.

<sup>2</sup> T. iv. Homil. xxxii. sup. epist. Paul.

<sup>3</sup> ad Romanos.

<sup>4</sup> in Ephem. Vat. p. 61.

<sup>5</sup> T. iv. Septemb. p. 694.

<sup>6</sup> Savilius in ejus Opp. edit. Fronto Ducaeus in ejus Opp. edit. Montfauconius in vita Chrysostomi, nunc primum adornata, et multis aucta, antea ignotis, quae ex xiJ.

Honiliis Constantinopolitanis nuper repertis excerpta sunt in ejus opp. edit. Adrianus Bailletus, Iohan. Vincartius, Hermantius Ceillierius, in ejus vita. Balth.

Koepkenius, in Vita B. Joh. dicti Chrysostomi. Halae 1702. 8. Guili. Vollandus, in dissertation. de Jo. Chrysostomo, speciarim de ejus elogio, vita, scriptis, optimis horum editionibus, et veteribus fide dignis vitae illius Scriptoribus. Vitembergae 1710. et 1711. Jo. Henricus Barthius, de Joh. Chrysostomo. Argentorati an. 1716.

<sup>7</sup> in Martyr. Rom. ad xxvii. Januar.

<sup>8</sup> p. 283. <sup>9</sup> p. 136.

<sup>10</sup> c. iv.

in Hemerol. d. xxvi. Januar.

ca depositus fuit , ut plures <sup>1</sup> erudite demonstrant , tametsi Philippus Rondininius <sup>2</sup> , *ibidem quoque S. Iohannis Chrysostomi Corpus olim quievisse , antequam in Vat. Basil. adsporetur* , Anonymorum auctorum fide innixus affirmaverit .

Nil vero dicam de SS. Doctoris digito , quem Jermias Patriarcha , cum Apostoli Andreae manu , Gregorio XIII. dono misit , ut a Guilielmo Cupero <sup>3</sup> , in *Historia Chronologica Patrum Constantinopolitanorum* , aliisque , memoriae traditum est .

Sed priusquam aliō progrediamur , audi Antonii Petri Diarium , ubi haec narrantur <sup>4</sup> . *Mensis Martii die Mercurii 21. anno 1408. post Completorium S. Petri, quasi in occasum Solis defunctus est D. Iohannes Nutii Prior Canonicus Basilicae Sanctor. Apostolor. de Vrbe , et sepultus est die Veneris 23. suprad. mensis in dicta Basilica , in loco prope Altari S. Iohannis Os aurei , videlicet in uno pilo , qui inventus est sub terra .*

### §. II.

#### *De Lapis Aegyptiaco , qui ibidem servabatur .*

*Augebat etiam , ut testimonio est idem Alpharanus , cuius ista sunt verba <sup>5</sup> , hujus Altaris devotionem maximam , praeter ejus venerabile Corpus , et Altaris Confessionem , Lapis quidam aegyptiacus , supra quem SS. plurimorum Martyrum Corpora cruciata fuisse , antiqui tradiderunt .*

Porro hic Lapis juxta Guidoneam Portam in locum ,

<sup>1</sup> de S. Clemente P. et M. ejusque Basil. Romae 1706. 4. c. x. p. 35. 12 p. 337.

<sup>2</sup> God. Henschenii de S. Ignatio Theophoro Episc. Antiocheno Comment. in T. I. Februar. p. 13. Christ. Beyeri Diss. duae

de Ignatio veritatis Confessore , et Martyr. Lipsiae 1723. 4.

<sup>3</sup> T. I. Augusti p. 234.

<sup>4</sup> apud Muratorium T. xxiv. p. 988.

<sup>5</sup> ms. p. 62.

ubi fuerat Altare S. Tridentii Martyris , ut docet idem Alpharanus <sup>1</sup>, honorifice translatus fuit, quocum duo eriam rotundi lapides ferro ligati , conjuncti sunt , quos pedibus Martyrum , dum in equuleo cruciabantur , Carnifices appendisse tradit Ciampinius <sup>2</sup> , ideoque , ut docent Marangonius <sup>3</sup> , aliquie <sup>4</sup> , Pietre scelerate vulgo appellabantur . Qui quidem omnes Lapides , ad primam Templi Vaticani parastatam , ut monet Epiphanius Gizijs <sup>5</sup> , ad dexteram introeuntium , Innocentio X. imperante , translati fuerunt , ac demum in Cryptas Vaticanas , ubi nunc adservantur .

## §. III.

*De Aulis Sanctimonialium , vulgo le Murate ,  
huic loco adhaerentibus .*

*In hoc etiam transitu , addit Tib. Alpharanus <sup>6</sup> , hinc inde erant Aulae Sanctimonialium , vulgo dictarum le Murate di S. Pietro , quae Deo , noctu , diuque laudes exsolvebant , postea translatae , ut supra expressimus <sup>7</sup> , juxta S. Gregorii Orationarium , et Basilicae Secretarium , ac inde ad Monasteria nobilissima Vrbis . Harum autem curae , postquam Paullus II. S. Catherinae Sanctimoniales <sup>8</sup> aliò migrare jussit , commissum fuisse scimus <sup>9</sup> , ut lineas omne genus Sacrarii Va-*

<sup>1</sup> ms. p. 37. Dall'altra parte del pilastro nella Nave piccola , appresso a detta Porta Guidonea a man destra nell'introito vi è un Altare antichissimo , adesso chiamato S. Antonio de Padua , ma prima de San Tridentio Martire , secondo riferisce Mallico fol. 25. et in questo loco l'anno 1574. disjecto l'Altare , fu posta una pietra , sopra la quale furo martirizzati molti Martiri , quale s'ava appresso l'Altare di San Gio. Crisostomo .

<sup>2</sup> p. 72. n. 91.

<sup>3</sup> Il divoto Pellegrino nell' anno santo 1750. pag. 86.

<sup>4</sup> V. Pitiscum in Petra scelerata . Aringhium in Rom. subt. I. 11. c. iv. §. viii. Nardinum I. 11. c. ix. Borrichium in Vrb. fac. c. v. §. II.

<sup>5</sup> p. 40.

<sup>6</sup> ms. p. 62. <sup>7</sup> ms. pag. 34.

<sup>8</sup> Turrig. in descript. Eccl. S. Catherin.

<sup>9</sup> Plazza Eph. Vat. p. 584. et 690.

ticani supellectiles detergerent. Qua de re eaedem Jesu Christi Ancillae, Benedictae nuncupari poterant, ut apud Bayonenses<sup>1</sup> vocabantur Mulieres illae, quae lnteamina Eccl. lavabant, solebantque in aliis id genus officiis se se exercere.

Ex earum vicinia, proximiorem Viam, la Contrata delle Incarcerate, vulgo nuncupatam fuisse prodit Necrologium Basilicae, ubi ait. vI. Non. Martii. Eadem die obiit Golata, uxor condam Symeotii Frascaroli, que reliquit nostre Basilicae domum suam, quam inhabitabat, cum signo Mulieris cum Pater noster in manibus, sitam in Contrata delle Incarcerate, et in Parrochia Sancte Marie in Traspadina. Expendatur pro ejus Anniversario florenus unus auri. Atque alibi<sup>2</sup>. xv. Kal. Maij. Obiit Fr. Sanctus de Reate Dñi nostri Pape Penitentiarius, qui reliquit nostre Basilicae domus suas positas in Contrata delle Incarcerate.

Haec habui, quae de Templo S. Petronillae, deque utroqne Aditu, per quem transitus ad illud patebat, in medium afferrem. Quae quidem, etsi magnam partem communi sententiae in Scriptorum animis, tamquam altissimis defixa radicibus, ac nonnisi summa vi evellendae, adversantur, satis tamen, nisi mea me fallit opinio, probata, satisque firmis rationum momentis innixa videntur. Nunc, quod instat, in alterum Templum, quod huic continens erat, tandem aliquando ingrediamur.

<sup>1</sup> V. Testam. Dominici Bayon. Episc. anni MCCCII. apud Macrum in Hierol.

<sup>2</sup> p. 54.







